

國學基
本叢書

周禮鄭氏注

附札記



國學基本叢書

周禮鄭氏注

附札記

鄭玄注

商務印書館發行

周禮卷第一

天官冢宰第一

周禮 鄭氏注

惟王建國。

建立也。周公居攝而作六典之職。謂之周禮。營邑於土中。七年致政成王。以此禮授之。使居維維。治天下。司徒職曰。日之景。尺有五寸。謂之地中。天地之所合也。四時之所交也。風雨之所會也。陰陽之所和也。然則百物阜安。乃建王國焉。

辨方正位。

辨別也。鄭司農云。別四方。正君臣之位。君南面。臣北面之屬。玄謂考工匠人。建國水地以縣。置槩以縣。視以景。為規。識日出之景。與日入之景。畫參諸日中之景。夜考之極星。以正朝夕。是別四方。召誥曰。越三日戊申。大保朝至于維。卜宅。厥既得卜。

則經營。越三日庚戌。大保乃以庶殷攻位於維。汭。越五日甲寅。位成。正位。謂此定宮廟。

體國經野。

體。猶分也。經。謂為之里數。鄭司農云。營國方九里。國中九經。九緯。左祖右社。面朝後市。野則九夫為井。四井為邑。之屬是也。

設官分職。

鄭司農云。置冢宰。司徒。宗伯。司馬。司寇。司空。各有所職。而百事舉。

以為民極。

極。中也。令天下之人。各得其中。不失其所。

乃立天官冢宰。使帥其屬而掌邦治。以佐王均邦

國。

掌。主也。邦治王所以治邦國也。佐。猶助也。鄭司農云。邦治。謂總六官之職也。故大宰職曰。掌建邦之六典。以佐王治邦國。六官皆總屬於冢宰。故論語曰。君薨。百官總己以聽於冢宰。言冢宰於百官無所不主。爾雅曰。冢。大也。冢宰。大宰也。

治官之屬。

大宰卿一人。小宰中大夫二人。宰夫下大夫四人。上士八人。中士十有六人。旅下士三十有二人。

變冢言大進退

異名也。百官總焉。則謂之冢。列職於王。則稱大冢。大之上也。山頂曰冢。旅。衆也。下士治衆事。者自大宰至旅下士。轉相副貳。皆王臣也。王之卿六命。其大夫四命。士以三命而下為差。

府六人。史十有二人。

府。治藏。史。掌書者。凡府史皆其

官長所胥十有二人。徒百有二十人。此民給徭役者。若今衛士矣。胥自辟除。讀如謂。謂其有才。為什長。

宮正。上士二人。中士四人。下士八人。府二人。史四人。胥四人。徒四十人。正。長也。宮正。主宮中官之長。

宮伯。中士二人。下士四人。府一人。史二人。胥二人。徒二十人。伯。長也。

膳夫。上士二人。中士四人。下士八人。府二人。史四人。胥十有二人。徒百有二十人。膳之言善也。今時美物曰珍膳。膳夫。食官之長也。鄭司農

以詩說之曰。仲允膳夫。

庖人。中士四人。下士八人。府二人。史四人。賈八人。胥四人。徒四十人。庖之言苞也。裹肉曰苞。其賈。主市買知物賈。

內饗。中士四人。下士八人。府二人。史四人。胥十人。徒百人。饗。割烹煎和之稱。內饗。所主在內。

外饗。中士四人。下士八人。府二人。史四人。胥十人。徒百人。外饗。所主在外。

亨人。下士四人。府一人。史二人。胥五人。徒五十人。主為外內。饗。煮肉者。

甸師。下士二人。府一人。史二人。胥三十人。徒三百人。郊外曰甸。師猶長也。甸師主共野物官之長。

獸人。中士四人。下士八人。府二人。史四人。胥四人。徒四十人。

甸人。中士二人。下士四人。府二人。史四人。胥三十人。徒三百人。

鼈人。下士四人。府二人。史二人。徒十有六人。

腊人。下士四人。府二人。史二人。徒二十人。腊之言夕也。

醫師。上士二人。下士四人。府二人。史二人。徒二十人。醫師衆醫之長。

食醫。中士二人。食有和齊藥之類。

疾醫。中十八人。

瘍醫。下士八人。瘍創癰也。

獸醫下士四人。獸牛馬之屬。

酒正中士四人。下士八人。府二人。史八人。胥八人。徒八十人。酒正酒官之長。

酒人奄十人。女酒三十人。奚三百人。奄精氣閉藏者。今謂之宦人。月令仲冬其器闕以奄。女酒女奴。曉酒者古者從坐男女沒入縣官為奴。其少才知以為奚。今之侍史官婢或曰奚。官女。

漿人奄五人。女漿十有五人。奚百有五十人。女漿女奴。曉漿者。

凌人下士二人。府二人。史二人。胥八人。徒八十人。凌冰室也。詩云二之日鑿冰沖沖三之日納于凌陰。

籩人奄一人。女籩十人。奚二十人。竹曰籩。女籩女奴之曉籩者。

醢人奄一人。女醢二十人。奚四十人。醢豆實也。不謂之豆。此主醢豆。不盡于醢也。女醢女奴。曉醢者。

醯人奄二人。女醯二十人。奚四十人。女醯女奴。曉醯者。

鹽人奄二人。女鹽二十人。奚四十人。女鹽女奴。曉鹽者。

冪人奄一人。女冪十人。奚二十人。以巾覆物曰冪。女冪。女奴曉冪者。

宮人。中士四人。下士八人。府二人。史四人。胥八人。徒八十人。

掌舍。下士四人。府二人。史四人。徒四十人。舍。行所解止之處。

幕人。下士一人。府二人。史二人。徒四十人。幕。帷覆上者。

掌次。下士四人。府四人。史二人。徒八十人。次。自脩正之處。

大府。下大夫二人。上士四人。下士八人。府四人。史八人。賈十有六人。胥八人。徒八十人。大府。為王治藏之長。若今司農矣。

玉府。上士二人。中士四人。府二人。史二人。工八人。賈八人。胥四人。徒四十有八人。工。能攻玉者。

內府。中士二人。府一人。史二人。徒十人。內府。主良貨。賄藏。在內者。

外府。中士二人。府一人。史二人。徒十人。外府。主泉藏。在外者。

司會。中大夫二人。下大夫四人。上士八人。中士十有六人。府四人。史八人。胥五人。徒五十人。

會大計也。司會主天下之大計。

計官之長。若今尙書。

司書。上士二人。中士四人。府二人。史四人。徒八人。

司書主計會之簿書。

職內。上士二人。中士四人。府四人。史四人。徒二十人。

職內主入也。若今之泉所入謂之少內。

職歲。上士四人。中士八人。府四人。史八人。徒二十人。

主歲計以歲斷。

職幣。上士二人。中士四人。府二人。史四人。賈四人。胥二人。徒二十人。

司裘。中士二人。下士四人。府二人。史四人。徒四十人。

掌皮。下士四人。府二人。史四人。徒四十人。

內宰。下大夫二人。上士四人。中士八人。府四人。史八人。胥八人。徒八十人。

內宰宮中官之長。

內小臣。奄上士四人。史二人。徒八人。奄稱士者。異其賢。

闈人。王宮每門四人。囿游亦如之。闈人。司昏晨以啓閉者。刑人墨者。使守門。囿。御苑也。游。離宮也。

寺人。王之正內五人。寺之言侍也。詩云。寺人孟子。正內。路寢。

內豎。倍寺人之數。豎。未冠者之官名。

九嬪。嬪。婦也。昏義曰。古者天子后立六宮。三夫人。九嬪。二十七世婦。八十一御妻。以聽天下之內治。以明章婦順。故天下內和而家理也。不列夫人於此。官者。夫人之於后。猶三公之於王。坐而論婦禮。無官職。

世婦。不言數者。君子不苟於色。有婦德者充之。無則闕。

女御。昏義所謂御妻。御。猶進也。侍也。

女祝四人。奚八人。女祝。女奴。曉祝事者。

女史八人。奚十有六人。女史。女奴。曉書者。

典婦功中士二人下士四人府二人史四人工四人賈四人徒二十人

典主也典婦功者主婦人絲枲功官之長

典絲下士二人府二人史二人賈四人徒十有二人

典枲下士二人府二人史二人徒二十人

內司服奄一人女御三人奚八人

內司服主宮中裁縫官之長有女御者以衣服進或當於王廣其禮使無色過

縫人奄二人女御八人女工八十人奚三十人

女工女奴曉裁縫者

染人下士二人府二人史二人徒二十人

追師下士二人府一人史二人工二人徒四人

追治玉石之名

屨人下士二人府一人史一人工八人徒四人

夏采下士四人史一人徒四人

夏采夏翟羽色禹貢徐州貢夏翟之羽有虞氏以爲綏後世或無故染鳥羽象而用之謂之夏采

大宰之職。掌建邦之六典。以佐王治邦國。一曰治典。以經邦國。以治官府。以紀萬民。二曰教典。以安邦國。以教官府。以擾萬民。三曰禮典。以和邦國。以統百官。以諧萬民。四曰政典。以平邦國。以正百官。以均萬民。

五曰刑典。以詰邦國。以刑百官。以糾萬民。六曰事典。以富邦國。以任百官。以生萬民。
大曰邦。小曰國。邦之所居亦曰國。典常也。經也。法也。

王謂之禮經。常所乘以治天下也。邦國官府謂之禮法。常所守以爲法式也。常者。其上下通名。擾猶馴也。統猶合也。詰猶禁也。書曰。度作詳刑。以詰四方。任猶傳也。生猶養也。鄭司農云。治典。冢宰之職。故立其官曰。使帥其屬而掌邦治。以佐王均邦國。教典。司徒之職。故立其官曰。使帥其屬而掌邦教。以佐王安擾邦國。禮典。宗伯之職。故立其官曰。使帥其屬而掌邦禮。以佐王和邦國。政典。司馬之職。故立其官曰。使帥其屬而掌邦政。以佐王平邦國。刑典。司寇之職。故立其官曰。使帥其屬而掌邦禁。以佐王刑邦國。此三時皆有官。唯冬無官。又無司空。以三隅反之。則事典。司空之職也。司空之篇亡。小宰職曰。六曰冬官。其屬六十。掌邦事。

以會官治。四曰官常。以聽官治。五曰官成。以經邦治。六曰官灋。以正邦治。七曰官刑。以糾邦治。八曰官計。

以弊邦治。
百官所居曰府。弊。斷也。鄭司農云。官屬。謂六官其屬各六十。若今博士。大史。大宰。大祝。大樂。屬大常也。小宰職曰。以官府之六屬舉邦治。一曰天官。其屬六十是也。官職。謂六官之職。小宰職曰。以官府之六職辨邦治。一曰治職。二曰教職。三曰禮職。

四曰政職。五曰刑職。六曰事職。官聯。謂國有大事。一官不能獨共。則六官共舉之。聯。讀爲連。古書連作聯。聯。謂連事通職。相佐助也。小宰職曰。以官府之六聯合邦治。一曰祭祀之聯事。二曰賓客之聯事。三曰喪荒之聯事。四曰軍旅之聯事。五曰田役之聯事。六曰斂弛之聯

事官常謂各自領其官之常職。非連事通職所共也。官成謂官府之成事品式也。小宰職曰。以官府之八成經邦治。一曰聽政役以比居。二曰聽師田以簡稽。三曰聽閭里以版圖。四曰聽稱實以傅別。五曰聽祿位以禮命。六曰聽取子以書契。七曰聽實買以質劑。八曰聽出入以要會。官法謂職所主之法度。官職主祭祀朝覲會同賓客者。則皆自有其法度。小宰職曰。以法掌祭祀朝覲會同賓客之戒具。官刑謂司刑所掌墨劓劓宮劓劓殺劓也。官計謂三年則大計羣吏之治而誅賞之。玄謂官刑司寇之職。五刑其四曰官刑。上能糾職。官計謂小宰之六計。所以斷羣吏之治。

以八則治都鄙。一曰祭祀。以馭其神。二曰灋則。以馭其官。三曰廢置。以馭其吏。四曰祿位。以馭其士。五曰賦貢。以馭其用。六曰禮俗。以馭其民。七曰刑賞。以馭其威。八曰田役。以馭其衆。

都之所居曰鄙。則亦法也。

典法則所用異。異其名也。都鄙公卿大夫之采邑。王子弟所食邑。周召毛聃舉原之屬在畿內者。祭祀其先君社稷五祀。法則其官之制度廢猶退也。退其不能者舉賢而置之。祿若今月奉也。位爵次也。賦口率出泉也。貢功也。九職之功所稅也。禮俗昏姻喪紀。舊所行也。鄭司農云。士謂學士。以八柄詔王馭羣臣。一曰爵。以馭其貴。二曰祿。以馭其富。三曰予。以馭其幸。四曰置。以馭其行。

五曰生。以馭其福。六曰奪。以馭其貧。七曰廢。以馭其罪。八曰誅。以馭其過。

柄所乘執以起事者也。詔告也。助也。爵謂公侯伯子男卿大夫士也。詩云。誨爾

序爵。言教王以賢否之第次也。班祿所以富臣下。書曰。凡厥正人。既富方穀。幸謂言行偶合於善。則有以賜予之。以勸後也。生猶養也。賢臣之老者。王有以養之。成王封伯禽於魯。曰。生以養周公。死以爲周公後。是也。五福。一曰壽。壽謂臣有大罪沒入家財者。六極。四曰貧。廢猶放也。舜殛鯀于羽山。是也。誅責讓也。曲禮曰。齒路馬有誅。凡言馭者。所以馭之內之於善。

以八統詔王馭萬民。一曰親親。二曰敬故。三曰進賢。四曰使能。五曰

保庸。六曰尊貴。七曰達吏。八曰禮賓。統所以合率以等物也。親親若魏親九族也。敬故不慢舊也。晏平仲久而敬之。賢有善行也。能多才藝者。保庸安有功者。尊貴尊天下之貴者。孟子曰。天下之達尊者三。曰爵也。德

也。齒也。祭義曰。先王之所以治天下者五。貴有德。貴貴。貴老。敬長。慈幼。達吏察舉勤勞之小吏也。禮賓賓客諸侯。所以示民親仁善鄰。

以九職任萬民。一曰三農。生九穀。二曰園圃。毓草木。

三曰虞衡。作山澤之材。四曰藪牧。養蕃鳥獸。五曰百工。飭化八材。六曰商賈。阜通貨賄。七曰嬪婦。化治絲

枲。八曰臣妾。聚斂疏材。九曰閒民。無常職。轉移執事。

任猶傳也。鄭司農云。三農。平地。山澤也。九穀。黍稷。秬。秿。麻。大小豆。大麥。八材。珠曰切。象曰瑤。玉曰琬。石曰璠。木曰刻。金曰鑠。革曰剝。羽

曰析。閒民。謂無事業者。轉移爲人執事。若今傭賃也。玄謂三農。原隰及平地。九穀。無秬。大麥。而有粟。蔗。樹果。菹曰圃。園。其樊也。虞衡。掌山澤之官。主山澤之民者。澤無水曰藪。牧。牧田。在遠郊。皆畜牧之地。行曰商。處曰賈。阜。盛也。金玉曰貨。布帛曰賄。嬪。婦人之美稱也。堯典曰。釐降二女。嬪于虞。臣妾。男女貧賤之稱。晉惠公卜懷公之生。曰。將生一男一女。男爲人臣。女爲人妾。生而名其男曰圉。女曰妾。及懷公質於秦。妾爲宦女焉。疏材。百草根實可食者。疏不熟曰謹。

以九賦斂財賄。一曰邦中之

賦。二曰四郊之賦。三曰邦甸之賦。四曰家削之賦。五曰邦縣之賦。六曰邦都之賦。七曰關市之賦。八曰山

澤之賦。九曰幣餘之賦。

財。泉穀也。鄭司農云。邦中之賦。二十而稅。一各有差也。幣餘。百工之餘。玄謂賦。口率出泉也。今之筭。泉。民或謂之賦。此其舊名與。鄉大夫以歲時登其夫家之衆寡。辨其可任者。國中自七尺以及六十。野自六尺

以及六十。有五皆征之。塗師之職亦云。以徵其財。征皆謂此賦也。邦中。在城郭者。四郊。去國百里。邦甸。二百里。家削。三百里。邦縣。四百里。邦都。五百里。此平民也。關市。山澤。謂占會百物幣餘。謂占賣國中之斥幣。皆未作常增賦者。若今買人倍筭矣。自邦中以至幣餘。各入其

所有穀物以當賦泉之數每處爲一書所待異也

以九式均節財用。一曰祭祀之式。二曰賓客之式。三曰喪荒之式。四曰羞服之式。五

曰工事之式。六曰幣帛之式。七曰芻秣之式。八曰匪頒之式。九曰好用之式。

式謂用財之節度。荒凶年也。羞飲食之物也。工作器物者幣帛所以贈勞

賓客者芻秣養牛馬禾穀也。鄭司農云。匪分也。頒讀爲班布之班。謂班賜也。玄謂王所分賜羣臣也。好用燕好所賜予。

以九貢致邦國之用。一曰祀貢。二曰嬪貢。三曰器貢。四曰

幣貢。五曰材貢。六曰貨貢。七曰服貢。八曰旂貢。九曰物貢。

嬪故書作賓。鄭司農云。祀貢犧牲包茅之屬。賓貢皮帛之屬。器貢宗廟之器。幣夏繡帛材貢木材也。貨貢珠貝自然之物。

也。服貢祭服。旂貢羽毛。物貢九州之外各以其所貴爲幣。肅慎氏貢楛矢之屬是也。玄謂嬪貢絲枲器貢銀鐵石磐丹漆也。幣貢玉馬皮帛也。材貢楛幹栝柏篠簜也。貨貢金玉龜貝也。服貢絺紵也。旂讀如囿游之游。游貢燕好珠璣琅玕也。物貢雜物魚鹽橘柚。

以

九兩繫邦國之民。一曰牧。以地得民。二曰長。以貴得民。三曰師。以賢得民。四曰儒。以道得民。五曰宗。以族

得民。六曰主。以利得民。七曰吏。以治得民。八曰友。以任得民。九曰數。以富得民。

兩猶耦也。所以協耦萬民繫連綴也。牧州長也。九州各有封域以居。

民也。長諸侯也。一邦之貴民所仰也。師諸侯師氏有德行以教民者。儒諸侯保氏有六藝以教民者。宗。繼別爲大宗收族者。鄭司農云。主謂公卿大夫世世食采不絕。民稅薄利之。玄謂利讀如上。思利民之利。謂以政教利之。吏小吏在鄉邑者。友謂同井相合耦勸作者。孟子曰。鄉田同井。出入相友。守望相助。疾病相扶。則百姓親睦。數亦有虞掌其政令爲之屬。禁使其地之民守其材物以時入于王府。頒其餘於萬民。富謂數中材物。

正月之吉始和。布治于邦國都鄙。乃縣治

象之灋于象魏，使萬民觀治象，挾日而斂之。

正月，周之正月，吉謂朔日，大宰以正月朔日，布王治之事於天下，至正歲，又書而縣於象魏，振木鐸以徇之，使萬民觀焉。小宰亦帥其屬而往，皆所以重治法。

新王事也。凡治有故，言始和者。若改造云爾。鄭司農云：象魏，闕也。故魯災，季桓子御公立于象魏之外，命藏象魏曰：舊章不可忘。從甲至甲謂之挾日。凡十日。

乃施典于邦國，而建其牧，立其監，設其參，傅

其伍，陳其殷，置其輔。

乃者，更申勅之。以侯伯有功德者，加命作州長，謂之牧。所謂八命作牧者，監謂公侯伯子男各監一國。書曰：王啓監厥胤爲民，參謂卿三人，伍謂大夫五人。鄭司農云：殷治律，輔爲民之平也。玄謂殷衆也。謂衆士也。王制諸

侯上士二十七人，其中士下士各居其上之三分。輔，府史庶人在官者。

乃施則于都鄙，而建其長，立其兩，設其伍，陳其殷，置其輔。

長，謂公卿大夫王子弟。食采邑者，兩謂兩卿不

言三卿者，不足于諸侯。鄭司農云：兩謂兩丞。

乃施灋于官府，而建其正，立其貳，設其攷，陳其殷，置其輔。

正，謂冢宰、司徒、宗伯、司馬、司寇、司空也。貳，謂小宰、小司徒、小宗伯、小司馬。

小司寇，小司空也。考成也。佐成事者，謂宰夫、鄉師、肆師、軍司馬、士師也。司空亡，未聞其考。

凡治，以典待邦國之治，以則待都鄙之治，以灋待官府之治，以官成

待萬民之治，以禮待賓客之治。

成，八成禮。賓禮也。

祀五帝，則掌百官之誓戒，與其具脩。

祀五帝，謂四郊及明堂。誓戒，要之以刑，重失禮也。明堂位所謂各揚

其職，百官廢職，眼大刑，是其辭之略也。具，所當共脩，掃除糞酒。

前期十日，帥執事而卜日，遂戒。

前期，前所諏之日也。十日，容散齊七日，致齊三日。日，執事宗伯大十之屬。既卜，又戒百官以始齊。

及執事，眡

滌濯。

執事，初爲祭事，前祭日之夕。滌濯，謂灑祭器及飯獻之屬。

及納亨，贊王牲事。

納亨，納牲將告殺，謂鄉祭之晨，既殺，以授亨人。凡大祭祀，君親牽牲，大夫贊之。

及祀之日，贊玉幣爵之事。

日且明也。玉幣所以禮神。玉與幣各如其方之色。爵所以獻齊酒。不用玉爵。尚質也。三者執以從王。至而授之。

天子左右玉几。宗廟獻用玉爵。

大朝覲會同。贊玉幣。玉獻玉几玉爵。

助王受此四者。時見曰會。殷見曰同。大會同。或於春朝。或於秋覲。舉春秋。則冬夏可知。玉幣諸侯享幣也。其合亦如小行人所合六幣云。玉獻

獻國珍異。亦執玉以致之。玉几王所依也。立而設几。僂尊者。玉爵。王禮諸侯之酢爵。王朝諸侯立依前南面。其禮之於阼階上。

大喪。贊贈玉含玉。

助王為之也。贈玉既窆所以送先王。含玉死者口實。天子以玉。雜記曰。含者執璧將命曰。寡君

使某含。則諸侯含以璧。鄭司農云。含玉璧琮。

作大事。則戒于百官。贊王命。

助王為教令。春秋傳曰。國之大事在祀與戎。

王既治朝。則贊聽治。

治朝在路門外。羣臣治事之朝。王視

之則助。王平斷。

既四方之聽朝。亦如之。

謂王巡守在外時。

凡邦之小治。則冢宰聽之。待四方之賓客之小治。

大事決於王。小事冢宰專平。歲

終。則令百官府各正其治。受其會。

正正處也。會大計也。

聽其致事。而詔王廢置。

平其事來至者之功狀而奏白王。

三歲則大計羣吏之

治而誅賞之。

事久則聽之。大無功。不徒廢。必罪之。大有功。不徒置。必賞之。鄭司農云。三載考績。

小宰之職。掌建邦之宮刑。以治王宮之政令。凡宮之糾禁。

杜子春云。宮皆當為官。玄謂宮刑。在王宮中者之刑。建明布告之糾。猶割也。察也。若今御史中丞。

掌邦之

六典八灋八則之貳。以逆邦國都鄙官府之治。

逆。迎受之。鄭司農云。貳副也。

執邦之九貢九賦九式之貳。以均財節邦用。

以官府之六敍正羣吏。一曰以敍正其位。二曰以敍進其治。三曰以敍作其事。四曰以敍制其食。五曰以敍受其會。六曰以敍聽其情。

敍，秩次也。謂先尊後卑也。治，功狀也。食，祿之多少。情，爭訟之辭。

以官府之六屬舉邦治。一曰天官，其屬六十。掌邦

治。大事則從其長，小事則專達。二曰地官，其屬六十。掌邦教。大事則從其長，小事則專達。三曰春官，其屬六十。掌邦禮。大事則從其長，小事則專達。四曰夏官，其屬六十。掌邦政。大事則從其長，小事則專達。五曰秋官，其屬六十。掌邦刑。大事則從其長，小事則專達。六曰冬官，其屬六十。掌邦事。大事則從其長，小事則

專達。

大事從其長，若庖人內外饗與膳夫共王之食。小事專達，若宮人掌舍各爲一官。六官之屬三百六十，象天地四時日月星辰之度數。天道備焉。前此者，成王作周官，其志有述天授位之義，故周公設官分職以法之。

以官府之六職

辨邦治。一曰治職，以平邦國。以均萬民。以節財用。二曰教職，以安邦國。以寧萬民。以懷賓客。三曰禮職，以和邦國。以諧萬民。以事鬼神。四曰政職，以服邦國。以正萬民。以聚百物。五曰刑職，以詰邦國。以糾萬民。以除盜賊。六曰事職，以富邦國。以養萬民。以生百物。

懷，亦安也。賓，客來共其委積，所以安之。聚，百物者，司馬主九畿職，方制其貢，各以其所有。

以官府之六聯合

治也。平治官府之計有六事。幣斷也。既斷以六事。又以廉爲本。善。善其事。有辭譽也。能。政令行也。敬。不解于位也。正。行無傾邪也。法。守法不失也。辨。辨然不疑惑也。杜子春云。廉辨或爲廉端。

以濩掌祭祀。朝覲會同。賓客之

戒具。軍旅田役。喪荒亦如之。

法謂其禮法也。戒具。戒官有事者所當共。

七事者。令百官府共其財用。治其施舍。聽其治訟。

七事謂先四如之者。

三也。施舍。不給役者七事。故書爲小。事。杜子春云。當爲七事。書亦爲七事。

凡祭祀。贊玉幣爵之事。裸將之事。

又從大宰助王也將。送也。裸。送。送。裸。謂贊王酌鬱鬯以獻尸。謂之裸。裸之言灌也。明不爲飲。主以祭祀。唯

人道。宗廟有裸。天地大神至尊。不裸。莫稱焉。凡鬱鬯受祭之。啐之。奠之。

凡賓客。贊裸。凡受爵之事。凡受幣之事。

唯裸助宗伯。其餘皆助大宰。王不酌賓客。而有受酢。大宰伯職曰。大賓客則攝而載裸。

喪荒。受其含。襚幣玉之事。

春秋傳曰。口實曰含。衣服曰襚。凶。荒有幣玉者。賓客所調委之禮。

月終。則以官府之敍。受羣吏之要。

主每月之小計。贊冢宰

受歲會。歲終。則令羣吏致事。

使齋歲盡。文書來至。若今上計。

正歲。帥治官之屬。而觀治象之濩。徇以木鐸。曰。不用濩者。國有

常刑。

正歲。謂夏之正月。得四時之正。以出教令者。審也。古者將有新令。必齋。木鐸。以警衆。使明聽也。木鐸。木舌也。文事。齋木鐸。武事。齋金鐸。

乃退。以宮刑憲禁于王宮。

憲。謂表縣之。若今新有法令云。

令于

百官府曰。各脩乃職。攷乃濩。待乃事。以聽王命。其有不共。則國有大刑。

乃。猶女也。

宰夫之職。掌治朝之濩。以正王及三公六卿大夫羣吏之位。掌其禁令。

治朝在路門之外。其位司士。掌焉。宰夫察其不如儀。

敍羣吏之治。

以待賓客之令。諸臣之復。萬民之逆。

恆次敘諸吏之職事。三者之來。則應使辨理之。鄭司農云。復。請也。逆。迎受王命者。宰夫主諸臣萬民之復逆。故詩人重之曰。家伯維宰。玄謂復之言報也。及也。反報於王。謂於

朝廷奏事。自下而上。曰逆。逆。謂上書。

掌百官府之徵令。辨其八職。一曰正。掌官灋以治要。二曰師。掌官成以治凡。三曰司。掌官

灋以治目。四曰旅。掌官常以治數。五曰府。掌官契以治藏。六曰史。掌官書以贊治。七曰胥。掌官敘以治敘。

八曰徒。掌官令以徵令。

別異諸官之八職。以備王之徵召所為。正。辟於治官。則冢宰也。治要。若歲計也。師。辟小宰。宰夫也。治凡。若月計也。司。辟上士。中士。治目。若今日計也。旅。辟下士也。治數。每事多少異也。治藏。藏文書及器物。贊治。若

今起文書草也。治敘。次序官中。如今侍曹。伍伯傳吏朝也。徵令。趨走給召呼。

掌治灋。以攷百官府羣都縣鄙之治。乘其財用之出入。凡失財用物。辟名

者。以官刑詔冢宰而誅之。其足用長財善物者。賞之。

羣都。諸采邑也。六途。五百家為鄙。五鄙為縣。言縣鄙。而六鄉州黨亦存焉。乘。猶計也。財。泉穀也。用。貨賄也。物。畜獸也。辟。名詐為書。以空作

見文書與實不相應也。官刑。在司寇五刑第四者。

以式灋。掌祭祀之戒具。與其薦羞。從大宰而砥滌濯。

薦。脯醢也。羞。庶羞。內羞。

凡禮事。贊小宰比

官府之具。

比。校次之。

凡朝覲會同賓客。以牢禮之灋。掌其牢禮委積。膳獻飲食。賓賜之飧。牽。與其陳數。

牢。禮之注。多少

之差。及其時也。三牲牛羊豕。具為一牢。委積。謂牢米薪芻。給賓客道用也。膳獻。禽羞。俶獻也。飲食。燕饗也。鄭司農云。飧。夕食也。春秋傳曰。殯有陪鼎。牽牲。牢可牽而行者。春秋傳曰。饋牽。竭矣。玄謂。殯客始至。所致禮。凡此禮陳數。存可見者。唯有行人。掌客。及聘禮。公食大夫。

凡邦之弔事。掌其戒令。與其幣器財用。凡所共者。

弔事。弔諸侯諸臣幣。所用樽也。器所致明器也。凡喪。始死弔而含。祔而贈。其間加恩厚。則有賻焉。春秋譏武氏子來求賻。

大

喪。小喪。掌小官之戒令。帥執事而治之。

大喪。王后世子也。小喪。夫人以下。小官。士也。其大官則冢宰掌其戒令。治謂共辨。

三公六卿之喪。與職喪帥官有

司而治之。凡諸大夫之喪。使其旅帥有司而治之。

旅。冢宰下士。

歲終。則令羣吏正歲會。月終。則令正月要。旬終。

則令正日成。而以攷其治。治不以時舉者。以告而誅之。

歲終。日周季冬。正猶定也。旬。十日也。治不時舉者。謂違時令失期會。

正歲。則以灋警戒羣

吏。令脩宮中之職事。

警。勅戒之言。鄭司農云。正歲之正月。以法戒勅羣吏。

書其能者與其良者。而以告于上。

良。猶善也。上。謂小宰大宰也。鄭司農云。若今時舉孝廉賢良方正茂

才異等。

宮正。掌王宮之戒令糾禁。

糾。猶割也。察也。

以時比宮中之官府次舍之衆寡。

時。四時。比。校次其人之在否。官府之在宮中者。若膳夫玉府內宰內史之屬。次諸吏直宿。若今

部署諸廬者。舍其所居寺。

爲之版以待。

鄭司農云。爲官府次舍之版圖也。待。待比也。玄。謂版。其人之名籍。待待戒令及比。

夕擊柝而比之。

夕。莫也。莫行夜。以比直宿者。爲其有解惰。離部署。鄭司農云。柝。戒守者所擊也。

易曰。環門擊柝。以待暴客。春秋傳曰。魯擊柝。聞於郟。

國有故。則令宿。其比亦如之。

鄭司農云。故。謂禍災。令宿。宿衛王宮。春秋傳曰。忘守必危。況有災乎。玄。謂故。凡非常也。文王世子曰。公有出疆之政。庶子以公族之無事者守

於公宮正室守大廟諸父守貴宮貴室諸子諸孫守下宮下室此謂諸侯也王之庶子職掌國子之倅國有大事則帥國子而致於天子唯所用之者令宿之事蓋亦存焉

辨外內而時禁

鄭司農云分別外人內人禁其非時出入

稽其

功緒糾其德行

稽猶考也計也功吏職也緒其志業

幾其出入均其稍食

鄭司農云幾其出入若今時宮中有罪禁止不得出亦不得入及無引籍不得入宮司馬殿門也玄謂幾荷其衣服持操及疏數者稍食

稟

去其淫怠與其奇袤之民

民宮中吏之家人也淫放濫也怠解慢也奇邪譎觚非常

會其什伍而教之道藝

五人爲伍二伍爲什會之者使之輩作輩學相勸帥且寄宿衛之令鄭司

農云道謂先王所以教道民者藝謂禮樂射御書數

月終則會其稍食歲終則會其行事

行事吏職也

凡邦之大事令于王宮之官府次舍無

去守而聽政令

使居其處待所爲

春秋以木鐸脩火禁

火星以春出以秋入因天時而以戒

凡邦之事蹕宮中廟中則執燭

鄭司農讀火絕之云禁凡

國之事蹕國有事王當出則宮正主禁絕行者若今時衛士壇街蹕也宮中廟中則執燭宮正主爲王於宮中廟中則執燭玄謂事祭事也邦之祭社稷七祀於宮中祭先公先王於廟中隸僕掌蹕止行者宮正則執燭以爲明春秋傳曰有大事於大廟又曰有事於武宮

大喪則授廬舍辨其親疏貴賤之居

廬倚廬也舍聖室也親者貴者居倚廬疏者賤者居聖室雜記曰大夫居廬士居聖室

宮伯掌王宮之士庶子凡在版者

鄭司農云庶子宿衛之官版名籍也以版爲之今時鄉戶籍謂之戶版玄謂王宮之士謂王宮中諸吏之適子也庶子其支庶也

掌其政令行其秩

敘作其徒役之事

秩祿稟也敘才等也作徒役之事大子所用

授八次八舍之職事

衛王宮者必居四角四中於徵候便也鄭司農云庶子衛王宮在內爲次在外爲舍玄謂次其宿衛所在舍其休沐

之。若邦有大事作宮衆，則令之。謂王宮之士庶子於邦有大事或選當行。月終，則均秩。歲終，則均斂，以時頒其衣裘，掌其誅賞。頌。讀

爲班，班布也。衣裳。若今賦冬夏衣。

膳夫掌王之食飲膳羞，以養王及后世子。食，飯也。飲，酒漿也。膳，牲肉也。羞，有滋味者。凡養之具，大略有四。凡王之饋，食用六穀，膳用六牲，飲用

六清，羞用百有二十品，珍用八物，醬用百有二十。饗，進物於尊者曰饋。此饋之盛者。王舉之饌也。六牲，馬牛羊豕犬雞也。六，上大夫二十，其物數備焉。天子諸侯有其數，而物未得盡聞。珍，謂淳熬、淳母、炮豚、炮脾、犒珍、漬熬、肝膾也。醬，謂醯醢也。王舉，則醢人共

醢六十，醢以五醢七醢七渣三醢實之。醢，人共齏渣醢物六十，齏，鄭司農云，羞進也。六穀，稌黍稷粱麥苽苽，彫胡也。六清，水漿醴醕醫醢。王日一舉，鼎十有二物，皆有俎。殺牲盛饌曰舉。王日一舉，以朝食也。后與王同庖。鼎十有二，牢鼎九，陪鼎三，物謂牢鼎之實，亦九俎。以樂侑食，膳夫授祭，品嘗食，王乃

食。侑，猶勸也。祭，謂判肺脊也。禮，飲食必祭。示有所先品者，每物皆嘗之，道尊者也。卒食，以樂徹于造。造，作也。鄭司農云，造，謂食之。故所居處也。已食徹置故處。王齊，日三舉。鄭司農云，齊，變食。大喪，

則不舉。大荒，則不舉。大札，則不舉。天地有疢，則不舉。邦有大故，則不舉。大荒，凶年。大札，疫癘也。天裁，日月晦食，地裁，崩動也。大故，寇戎之事。鄭司農云，大故。

刑殺也。春秋傳曰，司寇行戮，君爲之不舉。王燕食，則奉膳贊祭。燕食，謂日中與夕食。奉膳，奉朝之餘膳。所祭者牢肉。凡王祭祀，賓客食，則徹王之胾俎。膳夫親徹胾俎。胾，俎最尊。

也其餘則其屬徹之賓客食而王有胙俎王與賓客禮食主人飲食之俎皆爲胙俎見於此矣

凡王之稍事設薦脯醢鄭司農云稍事謂非日中大舉時而間食謂之稍事膳夫主設薦脯醢玄謂稍事有小事而飲酒王燕

飲酒則爲獻主

鄭司農云主人當獻賓則膳夫代王爲主君不敵臣也燕義曰使宰夫爲獻主臣莫敢與君亢禮

掌后及世子之膳羞

亦主其饌之數不饋之耳

凡肉脩之頒賜

皆掌之

鄭司農云脩脯也

凡祭祀之致福者受而膳之

致福謂諸臣祭祀進其餘肉歸胙于王鄭司農云膳夫受之以給王膳

以摯見者亦如之

鄭司農云以羔鴈雉爲摯

見者亦受以給王膳

歲終則會唯王及后世子之膳不會

不會計多少優尊者其頒賜諸臣則計之

庖人掌共六畜六獸六禽辨其名物

六畜六牲也始養之曰畜將用之曰牲春秋傳曰卜日曰牲鄭司農云六獸麋鹿熊麕野豕兔六禽鴈鶉鷄雉鳩鴿玄謂獸人冬獻狼夏獻麋又內則無熊則六獸當有狼而

熊不屬六禽於禽獸及六犂宜爲羔豚犢麋雉鹿凡鳥獸未孕曰禽司馬職曰大獸公之小禽私之

凡其死生蠶薨之物以共王之膳與其薦羞之物及后世子之膳

羞

凡計數之薦亦進也備品物曰薦致滋味乃爲羞王言薦者味以不糞爲尊鄭司農云鮮謂生肉菹謂乾肉

共祭祀之好羞

謂四時所爲膳食若荊州之鱧魚青州之蟹胥雖非常物進之孝也

共喪紀之庶羞

賓客之禽獻

喪紀喪事之祭謂虞祔也禽獻獻禽於賓客獻古文爲獸杜子春云當爲獻

凡令禽獻以瀆授之其出入亦如之

令令獸人也禽獸不可久處賓客至將獻之庖人乃令獸

人取之必書所當獻之數與之及其來致禽亦以此書校數之至于獻賓客又以此書付使者展而行之掌客乘禽於諸侯各如其命之數聘禮乘禽於客日如其饗饋之數士中日則二雙

凡用禽獻春行羔豚膳膏香夏

行脂鱸。膳膏臊。秋行犢麋。膳膏腥。冬行蠶羽。膳膏羶。用禽獻。謂煎和之以獻王。鄭司農云。膏香。牛脂也。以牛脂和之。腥。乾

也。鮮魚也。羽。鷹也。膏羶。羊脂也。玄謂膏腥。雞膏也。羔豚物生而肥。犢與麋物成而充。据鱸。燠熱而乾。魚。腐水涸而性定。此八物者。得四時之氣。尤盛為人食之。弗勝。是以用休廢之。脂膏煎和膳之。牛屬司徒。土也。雞屬宗伯。木也。犬屬司寇。金也。羊屬司馬。火也。歲終。

則會。唯王及后之膳禽不會。膳禽。四時所膳禽獻。加世子可以會之。

內饗。掌王及后世子膳羞之割烹煎和之事。辨體名肉物。辨百品味之物。割。肆解肉也。烹。煮也。煎和。齊以五味。體名。脊脅肩臂臄之屬。肉物。載燔之屬。百

品味。庶羞之屬。言百舉成數。王舉則陳其鼎俎。以牲體實之。取於鑊以實鼎。取於鼎以實俎。實鼎曰齊。實俎曰載。選百羞醬物珍物以俵饋。先進食之時。恆選擇其中御者。

共后及世子之膳羞。膳夫掌之。是乃共之。辨腥臊羶香之不可食者。牛夜鳴則廝。羊冷毛而毳。羶。犬赤股而躁。鳥

臙色而沙鳴。豕盲眈而交睫。腥。馬黑脊而般臂。蜃。腥。腥羶香可食者。是別其不可食者。則所謂者皆臭味也。冷。毛。毛長。總結也。臙。失色不澤美也。沙。澌也。交睫。腥。腥當為星聲之誤也。肉有

如米者。似星般臂。臂毛有文。鄭司農云。磨。朽木。臭也。蜃。蜃蛤臭也。杜子春云。盲。眈。當為望視。凡宗廟之祭祀。掌割烹之事。凡燕飲食。亦如之。凡掌共羞脩刑臙臍

骨鱸。以待共膳。掌共。共當為具。羞。庶羞也。脩。鍛脯也。臍。如脯而腥者。鄭司農云。刑。臙。謂夾脊肉。或曰。脩。肉也。骨鱸。謂骨有肉者。玄謂刑。鋼。斲也。臙。臙肉大臠。所以祭者。骨性體也。鱸。乾魚。凡王之好賜肉脩。則饗

人共之。好賜王所善而賜也。

外饗。掌外祭祀之割烹。共其脯脩刑臠。陳其鼎俎。實之牲體魚腊。凡賓客之殮饗饗食之事。亦如之。殮。始至。

之禮。饗。既將幣之禮。致禮於客。莫盛於饗。邦饗耆老孤子。則掌其割烹之事。饗士庶子。亦如之。孤子者。死王事者之子也。士庶子。衛王宮者。若今時之饗衛士矣。王制曰。周人養國老於

東膠。養庶老於虞庠。師役。則掌共其獻。賜脯肉之事。獻。謂酌其長帥。凡小喪紀。陳其鼎俎而實之。謂喪事之奠祭。

亨人。掌共鼎鑊。以給水火之齊。鑊。以所煮肉及魚腊之器。既執。乃齊于鼎。齊多少之量。職外內饗之饗亨煮。辨膳羞之物。職。主也。饗。今之竈。主於其竈。羞物。

祭祀。共大羹。剛鬣。賓客。亦如之。大羹。肉清。鄭司農云。大羹不致五味也。剛鬣。加鹽菜矣。

甸師。掌帥其屬而耕耨王藉。以時入之。以共齋盛。其屬。府史胥徒也。耨。芸也。王以孟春躬耕。帝藉。天子三推。三公五推。卿諸侯九推。庶人終於千畝。庶人謂徒三百人。藉之言借也。王一耕之。

而使庶人芸。芋終之。盞盛。祭祀所用穀也。粟。稷也。穀者。稷為長。是以名云。在器曰盛。祭祀。共蕭茅。鄭大夫云。蕭字或為苜。苜。讀為縮。束茅立之。祭前沃酒其上。酒滲下去。若神飲之。故謂之縮。縮。澆也。故齊桓公責楚不貢包茅。王祭不共。無以縮酒。杜子

春。讀為蕭。蕭。香蒿也。玄謂詩所云。取蕭祭脂。郊。特性云。蕭合黍稷。吳陽達於牆屋。故既薦然後燔。蕭合馨香。合馨香者。是蕭之謂也。茅以共祭之。苴亦以縮酒。苴以藉祭。縮酒。涉酒也。醴齊。縮酌。共野果。蔬之薦。甸在遠郊之外。郊外曰野。果。桃李之

屬或瓜。喪事代王受皆裁。稷盛者祭祀之主也。今國遭大喪。若云此黍稷不馨。使鬼神不逞。于王既殯。大祝作禱辭授甸人。使以禱藉田之神。受皆裁弭後殃。王之同姓有罪。則死刑焉。鄭司

農云。王同姓有罪。當刑者。斷其獄於甸師之官也。文王世子曰。公族有死罪。則警於甸人。又曰。公族無宮刑。獄成。致刑于甸人。又曰。公族無宮刑。不踐其類也。刑于隱者。不與國人處兄弟。帥其徒以薪蒸。役外內饗之事。

役。爲給役也。木

大曰薪。小曰蒸。

獸人掌罟田獸。辨其名物。罟。罔也。以罔搏所當田之獸。冬獻狼。夏獻麋。春秋獻獸物。狼。膏聚。變膏散。聚則溫。散則涼。以救時之苦也。獸物。凡獸皆可獻也。及狐狸。時田。

則守罟。備獸觸攬。及弊田。令禽注于虞中。弊。仆也。仆而田止。鄭司農云。弊田。謂春火弊。夏車弊。秋羅弊。冬徒弊。虞中。謂虞人盤所田之野。及弊田。植虞旗於其中。致禽而珥焉。獸人。主令田衆得禽者。置虞人所立虞旗

之中。當以給四時社廟之祭。故曰。春獻禽以祭社。夏獻禽以享禴。秋獻禽以祀祊。冬獻禽以享烝。又曰。大獸公之。小禽私之。公之。謂輸之於虞中。珥焉者。取左耳。以致功。若斬首折骸。故春秋傳曰。以數軍實。凡祭祀。喪紀。賓客。共其死

獸生獸。共其完者。凡獸入于腊人。當乾之。皮毛筋角入于玉府。給作器物。凡田獸者。掌其政令。

獸人掌以時獻爲梁。月令季冬。命漁師爲梁。鄭司農云。梁。水假也。假水爲關空。以笱承其空。詩曰。敝笱在梁。春獻王鮪。王鮪。鮪之大者。月令季春。薦鮪于寢廟。辨魚物。爲鱸。以

共王膳羞。鮮。生也。莢。乾也。凡祭祀。賓客。喪紀。共其魚之鱸。凡獸者。掌其政令。凡獸征入于玉府。鄭司農云。漁征。漁者之租稅。漁人主

收之入于玉府

鼈人掌取互物

鄭司農云互物謂有甲蒞胡龜鼈之屬

以時簞魚鼈龜蜃凡狸物

蜃大蛤鄭司農云簞謂以杈刺泥中搏取之狸物龜鼈之屬自狸藏伏於泥中者玄謂狸物亦謂饜刀含漿之屬

春獻鼈蜃秋獻龜魚

此其出在淺處可得之時魚亦謂自狸藏

祭祀共麇羸蜺以授醢人

羸蟻蟪鄭司農云麇蛤也杜子春云羸蟬也蜺蛾子國語曰蟲舍蜺蟻

掌凡邦之

籩事

腊人掌乾肉凡田獸之脯腊臠胖之事

大物解肆乾之謂之乾肉若今涼州烏翅矣薄析曰脯捶之而施薑桂曰鍛脩腊小物全乾

凡祭祀共豆脯薦脯臠胖凡

腊物

脯非豆實豆當為羞聲之誤也鄭司農云臠膾肉鄭大夫云胖讀為判杜子春讀胖為版又云臠胖皆謂夾脊肉又云禮家以胖為半體玄謂公食大夫禮曰庶羞皆有大有司曰主人亦一魚加臠祭于其上內則曰麇鹿田豕鬻皆有胖足相參正也大者藏

之大變臠者魚之反覆臠又詁曰大二者同矣則是臠亦臠肉大變胖宜為臠而臠胖之言片也析肉意也禮固有腥臠燂雖其有為執之皆先制乃亨

賓客喪紀共脯腊凡乾肉之事

周禮卷第二

天官冢宰下

醫師掌醫之政令聚毒藥以共醫事。

毒藥藥之辛苦者藥之物恆多毒孟子曰藥不瞑眩厥疾無瘳

凡邦之有疾病者疔瘍者造焉則使醫分

而治之。

疔頭瘍亦謂禿也身瘍曰瘍分之者醫各有能

歲終則稽其醫事以制其食十全爲上十失一次之十失二次之十失三次

之十失四爲下。

食祿也全猶愈也以失四爲下者五則半矣或不治自愈

食醫掌和王之六食六飲六膳百羞百醬八珍之齊。

和調也

凡食齊眡春時。

飯宜溫

羹齊眡夏時。

羹宜熱

醬齊眡

秋時。

醬宜涼

飲齊眡冬時。

飲宜寒

凡和春多酸夏多苦秋多辛冬多鹹調以滑甘。

各尙其時味而甘以成之猶水火金木之載於土內則曰棗栗飴蜜以甘

之薑荳粉榆婉槁滫瀡以滑之

凡會膳食之宜牛宜稌羊宜黍豕宜稷犬宜粱鴈宜麥魚宜苽。

會成也謂其味相成鄭司農云稌稷也爾雅曰稌稻苽彫胡也

凡

君子之食恆放焉。

放猶依也

疾醫。掌養萬民之疾病。四時皆有痼疾。春時有瘡首疾。夏時有痒疥疾。秋時有瘡寒疾。冬時有嗽上氣疾。

癘疾。氣不和之疾。瘡。酸削也。首疾。頭痛也。嗽。欬也。上氣。逆喘也。五行傳曰。六癘作見。

以五味五穀五藥養其病。

養。猶治也。病由氣勝負而生。攻其贏。養其不足者。五味。醴酒。飴。蜜。薑。鹽之屬。五穀。麻。黍。稷。麥。豆也。五藥。草木。蟲石。穀。

也。其治合之齊。則存乎神農。子儀之術云。

以五氣五聲五色眡其死生。

三者。劇易之徵見於外者。五氣。五藏所出氣也。肺氣熱。心氣次之。肝氣涼。脾氣溫。腎氣寒。五聲。言語宮商角徵羽也。五色。面貌青赤黃白黑也。察其盈虛。

休王。吉凶可知。審用此者。莫若扁鵲。倉公。

兩之以九竅之變。參之以九藏之動。

兩參之者。以觀其死生之驗。竅之變。謂開閉非常。陽竅七。陰竅二。藏之動。謂脈至與不至。正藏五。又有胃。膀胱。大腸。小腸。脈之大候。

要在陽明寸口。能專是者。其唯秦和乎。岐伯。榆樹。則兼彼數術者。

凡民之有疾病者。分而治之。死終。則各書其所以而入于醫師。

少者曰死。老者曰終。所以謂治之不

愈之狀也。醫師得以制其祿。且為後治之戒。

瘍醫。掌腫瘍潰瘍金瘍折瘍之祝藥。刮殺之齊。

腫瘍。癰而上生創者。潰瘍。癰而含膿血者。金瘍。刀創也。折瘍。踣跌者。祝。當為注。讀如注病之注。聲之誤也。注。謂附著藥。刮。刮去膿血。殺。謂以藥食其

惡肉。凡療瘍。以五毒攻之。

止病曰療。攻治也。五毒。五藥之有毒者。今醫方有五毒之藥。作之。合黃。堊。置石。膽。丹。砂。雄黃。礬石。慈石。其中。燒之。三日三夜。其煙上著。以雞羽掃取之。以注創。惡肉。破骨。則盡出。

以五氣養

之。以五藥療之。以五味節之。

既刮殺而攻盡其宿肉。乃養之也。五氣。當為五穀字之誤也。節。節成其藥之力。

凡藥。以酸養骨。以辛養筋。以鹹養脈。以苦養

氣以甘養肉以滑養竅

以類相養也。酸木味。木根立地中似骨。辛金味。金之纏合異物似筋。鹹水味。水之流行地中似脈。苦火味。火出入無形似氣。甘土味。土含載四者似肉。滑滑石也。凡諸滑物通利往來似竅。

凡有瘍

者受其藥焉。

獸醫掌療獸病療獸瘍

畜獸之疾病及瘍療同醫。

凡療獸病灌而行之以節之以動其氣觀其所發而養之

療畜獸必灌行之者為其病狀

難知灌以緩之且強其氣也節趨聚之節也氣謂脈氣既行之乃以脈視之以知所病。

凡療獸瘍灌而刮之以發其惡然後藥之養之食之

亦先攻之而後養之

凡獸之

有病者有瘍者使療之死則計其數以進退之

酒正掌酒之政令以式灋授酒材

式法作酒之法式作酒既有米麴之數又有功沽之巧月令曰乃命大酋秬稻必齊麴甗必時甗餽必絮水泉必香陶器必良火齊必得鄭司農云授酒材授酒人以其材

凡

為公酒者亦如之

謂鄉射飲酒以公事作酒者亦以式法及酒材授之使自釀之

辨五齊之名一曰泛齊二曰醴齊三曰盎齊四曰緹齊五曰

沈齊

泛者成而滓浮泛泛然如今宜成醪矣醴猶體也成而汁滓相將如今恬酒矣盎猶翁也成而翁翁然葱白色如今酈酈白矣緹者成而紅赤如今下酒矣沈者成而滓沈如今造清矣自醴以上尤濁縮酌者益以下差清其象類則古之法式未可盡聞杜子

春讀齊皆為齊又禮器曰緹酒之用玄酒之尚玄謂齊者每有祭祀以度量節作之

辨三酒之物一曰事酒二曰昔酒三曰清酒

鄭司農云事酒有事而飲也昔酒無事而飲也清酒祭祀之酒玄謂

事酒。酌有事者之酒。其酒則今之醇酒也。昔酒。今之曾久白酒。所謂舊醞者也。清酒。今中山冬醴。接夏而成。

辨四飲之物。一曰清。二曰醫。三曰漿。四曰醕。

清謂醴之泚者。醫內則所謂或以醕為醴。

凡醕濁。釀醕為之。則少清矣。醫之字從毆。從酉者也。漿。今之馥漿也。醕。今之粥。內則有黍醕。醕。飲粥稀者之清也。鄭司農說以內則曰。飲重醕。稻醕。清酒。黍醕。清酒。梁醕。清酒。或以醕為醕漿。水醕。后致飲于賓客之禮。有醫醕。糟音聲與酒相似。醫與醕亦相似。文字不同。記者各異耳。此皆一物。掌其厚薄之齊。以共王之四飲。三酒之饌。及后世子之飲。與其酒。后世子不言饌。其饋食不必具設之。五齊正用醴為飲者。取醴恬與酒味。

異也。其餘四齊味皆似酒。

凡祭祀。以灋共五齊。三酒。以實八尊。大祭三貳。中祭再貳。小祭壹貳。皆有酌數。唯齊酒不貳。皆

有器量。

酌器所用注尊中者。數量之多少未聞。鄭司農云。三貳。三益副之也。大祭。天地。中祭。宗廟。小祭。五祀。齊酒不貳。為尊者質。不敢副益也。杜子春云。齊酒不貳。謂五齊以祭。不益也。其三酒人所飲者。益也。弟子職曰。周旋而貳。唯嘽之視。玄謂大祭者。王服大

裘。衰冕所祭也。中祭者。王服鷩冕。毳冕所祭也。小祭者。王服希冕。玄冕所祭也。三貳再貳一貳者。謂就三酒之尊而益之也。禮運曰。玄酒在室。醴醕在戶。粢醕在堂。澄酒在下。澄酒是三酒也。益之者。以飲諸臣。若今常滿尊也。祭祀必用五齊者。至敬不尚味而貴多品。其

賓客之禮酒。其后之致飲于賓客之禮。醫醕糟。皆使其士奉之。

禮酒。王所致酒也。王致酒。后致飲。夫婦之義。糟。醫醕。不泚者。泚曰清。不泚曰糟。后致飲。無醕。醫醕不泚者。

與王同體。風也。亦因以少為貴。士謂酒人。粢人。奄士。

凡王之燕飲酒。共其計。酒正奉之。

共其計者。獻酬多少。度當足也。故書酒正。無酒字。鄭司農云。正奉之酒。正奉之也。

凡饗士庶子。饗

耆老孤子。皆共其酒。無酌數。

要以醉為度。

掌酒之賜。頒皆有灋以行之。

法尊卑之差。

凡有秩酒者。以書契授之。

鄭司農云。有秩

酒者給事中予之酒秩常也常受酒者國語曰至于今秩之玄謂所秩者謂老臣王制曰七十不俟朝八十月告存九十日有秩

酒正之出日入其成月入其要小宰聽之

出謂授酒材及用酒之多

少也受用酒者日言其計於酒正酒正月盡言於小宰

歲終則會唯王及后之飲酒不會以酒式誅賞

誅賞作酒之善惡者

酒人掌為五齊三酒祭祀則共奉之以役世婦

世婦謂宮卿之官掌女宮之宿戒及祭祀比其具酒人共酒因留與其奚為世婦役亦官連

共賓客之禮酒飲

酒而奉之

酒正使之也禮酒饗燕之酒飲酒食之酒此謂給賓客之稍王不親饗燕不親食而使人各以其爵以酬幣幣致之則從而以酒往

凡事共酒而入于酒府

入于酒正之府者是王燕飲之酒酒正當

奉之凡祭祀共酒以往

不言奉小祭祀

賓客之陳酒亦如之

謂若歸饗饋之酒亦自有奉之者以酒從往

漿人掌共王之六飲水漿醴涼醫醕入于酒府

王之六飲亦酒正當奉之醴醴清也鄭司農云涼以水和酒也玄謂涼今寒粥若糗飯雜水也酒正不辨水涼者無厚薄之齊

共賓客

之稍禮

稍禮非殮饗之禮留問王稍所給賓客者漿人所給亦六飲而已

共夫人致飲于賓客之禮清醴醫醕糟而奉之

亦酒正使之三物有清有糟夫夫人不體王得備之禮飲醴

用柶者糟也不用柶者清也

凡飲共之

謂非食時

凌人掌冰正歲十有二月令斬冰三其凌

正歲季冬火星中大寒冰方盛之時春秋傳曰火星中而寒暑退凌冰室也三之者為消釋度也故書正為政鄭司農云掌冰政主藏冰之政也杜子春讀掌冰為

主冰也。政當為正。正謂春始治鑑。鑑如甄大口。以盛冰。置食物于中。以禦溫。夏正三其凌。三倍其冰。氣春而始治之。為二月對獻羔而啓冰。凡外內饗之膳。羞鑑焉。凡酒漿之酒醴亦

如之。酒醴見溫氣亦失味。酒漿酒人漿人也。

祭祀共冰鑑賓客共冰。不以鑑往。嫌使停膳羞。大喪共夷槃冰。夷之言尸也。實冰於夷槃中。置之尸牀之下。所以寒尸。尸之槃曰夷。槃牀曰夷牀。衾曰夷衾。移尸曰夷於堂。皆依尸而為言者也。漢禮器

制度。大槃廣八尺。長丈二尺。深三尺。漆亦中。夏頒冰掌事。暑氣盛。王以冰頒賜。則主為之。春秋傳曰。古者日在北陸而藏冰。西陸朝覲而出之。秋刷。刷清也。鄭司農云。刷除冰室。當更內新。冰玄謂秋涼冰不用。可以清除其室。

籩人掌四籩之實。籩竹器如豆者。其容實皆四升。朝事之籩其實糗。賁白黑形鹽。膾鮑魚鱠。賁糗實也。鄭司農云。朝事謂清朝未食。先進寒具。口實之籩。熬麥曰臠。麻曰賁。

稻曰白。黍曰黑。築鹽以為虎形。謂之形鹽。故春秋傳曰。鹽虎形。玄謂以司尊彝之職。參之朝事。謂祭宗廟薦血腥之事。形鹽鹽之似虎者。膾。膾生魚為大。鮑者於穢室中。糗乾之。出於江淮也。鱠者析乾之。出東海。王者備物。近者腥之。遠者乾之。因其宜也。今河間以北。麥種

麥實之名曰逢。燕人膾魚。饋食之籩其實棗。棗桃乾。棗棗實。饋食薦孰也。今吉禮存者。特性少牢。諸侯之大夫士祭禮也。不裸。不薦血腥。而自薦孰始。是以皆云饋食之禮。乾梅。乾梅也。有

桃諸梅。諸是其乾者。榛似栗而小。加籩之實。菱芡。臠脯。菱芡。臠脯。加籩謂尸既食。后亞獻尸所加之籩。重言之者。以四物為八籩。菱芡也。芡雞頭也。栗與饋食同。鄭司農云。菱芡臠脯。脩。羞籩之實。

糗餌粉羞。羞籩謂若少牢。主人酬尸。宰夫羞房中之羞于尸。侑主人主婦皆右之者。故書羞作芡。鄭司農云。糗。熬大豆與米也。粉。豆屑也。芡字或作養。謂乾餅之也。玄謂此二物皆粉。稻米黍米所為也。合蒸曰餅。餅之曰養。糗者搗粉熬大豆為餌。養之

黏著以粉之耳。餌言
糗。糗言粉。互相足。

凡祭祀。共其籩薦羞之實。薦羞皆進也。未食未飲。曰薦。既食既飲曰羞。

喪事及賓客之事。共其薦籩羞籩。喪事之籩。謂股奠時。

為王及后世子共其內羞。於其飲食以。共房中之羞。凡籩事。掌之。

醢人。掌四豆之實。朝事之豆。其實韭菹醢醢。昌本麋醢。菁菹鹿醢。芾菹麋醢。醢。肉汁也。昌本。昌蒲根。切之四寸為菹。三醢亦醢也。作醢及醢者必先膊。

乾其肉。乃後菹之。雜以粱麴及鹽。漬以美酒。塗置甄中。百日則成矣。鄭司農云。麋醢。麋腎髓醢也。或曰。麋醢。麋也。有骨為醢。無骨為醢。菁菹。韭菹。鄭大夫讀芾為茅。茅菹。茅切生。或曰。芾。水草。杜子春讀芾為明。玄謂菁。蔓菁也。芾。烏葵也。凡菹醢皆以氣味相成。其狀未聞。饋

食之。豆。其實葵菹羸醢。脾析麋醢。蜃蜃醢。豚拍魚醢。羸。蟪蟪。蜃。大蛤。蜃。蜃子。鄭司農云。脾析。牛百葉也。麋。蛤也。鄭大夫。杜子春皆以拍為膊。謂脊也。或曰。豚拍。肩也。今河間名豚脊。聲如鍛。鍊。

加豆之實。芹菹兔醢。深蒲醢醢。落菹鴈醢。筍菹魚醢。芹。楚葵也。鄭司農云。深蒲。蒲菹入水深。故曰深蒲。或曰。深蒲。菜耳。醢。肉醬也。落。水中魚衣。故書鴈或為鶉。杜子春云。當為鴈。玄謂深蒲。

蒲始生水。中子。筍。箭筍。筍竹萌。鄭司農云。醢。食。以酒醢為餅。糝。食。菜。餽。蒸。玄謂醢。糝也。內則曰。取稻米。舉。極。漉之。小切。狼。臠。胾。以與稻米為糝。又曰。糝。取牛羊豕之肉。三如一。小切之。與稻米。稻米。二肉。一合。以為餌。煎。

之。凡祭祀。共薦羞之豆實。賓客。喪紀。亦如之。為王及后世子共其內羞。王舉。則共醢六十。饗。以五齊七醢。

七菹三醢實之。齊。當為齏。五醢。昌本。脾析。蜃。豚拍。深蒲也。七醢。醢。羸。醢。魚。兔。鴈。醢。七菹。韭。菁。芾。葵。芹。筍。筍。菹。三醢。麋。鹿。麋。醢也。凡醢。糝。所利。細切為齏。全物若膠為菹。少儀曰。麋鹿為菹。野豕為軒。皆膠而不切。糜為辟雞。兔為宛脾。皆膠而切之。

慈若薤實之醢以柔之。由此言之。則醢菹之稱菜肉通。

賓客之禮。共醢五十糗。致饗餼時。凡事共醢。

醢人掌共五齊七菹。凡醢物。以共祭祀之齊菹。凡醢醬之物。賓客亦如之。

齊菹醬屬醢人。者皆須醢成味。

王舉則共齊菹醢

物六十糗。共后及世子之醬齊菹。賓客之禮。共醢五十糗。凡事共醢。

鹽人掌鹽之政令。以共百事之鹽。

政令謂受入教所處置。求者所當得。

祭祀共其苦鹽散鹽。

杜子春讀苦為鹽。謂出鹽直用。不漬治。鄭司農云。散鹽。涑治者。玄謂散鹽。澗水為鹽。

賓客共其形鹽散鹽。

形鹽。鹽之似虎形。

王之膳羞。共飴鹽。后及世子亦如之。

飴鹽。鹽之恬者。今戎鹽有焉。

凡齊事。鬻鹽以待戒令。

齊事。和五味之事。鬻鹽。涑治之。

冪人掌共巾冪。

共巾。以覆物。

祭祀以疏布巾冪八尊。

以疏布者。天地之神尚質。

以畫布巾冪六彝。

宗廟可以文畫。者畫其雲氣與。

凡王巾皆黼。

四飲三酒皆畫黼。周尚武。其用文德。則黻可。

宮人掌王之六寢之脩。

六寢者。路寢一。小寢五。玉藻曰。朝辨色始入。君日出而視朝。退適路寢聽政。使人視大夫。大夫退。然後適小寢。釋服。是路寢以治事。小寢以時燕息焉。春秋書魯莊公薨于路寢。倍公薨于小寢。是則人君非一寢。

明矣。為其井區，除其不蠲，去其惡臭。非漏井，所以受水潦，蠲猶絮也。詩云：吉蠲為饋。鄭司農云：區，路廁也。玄謂區，豬謂蠲下之池，受畜水而流之者。共王之沐浴。沐浴所以自絮清。凡寢

中之事，壻除執燭，共鑪炭，凡勞事。勞事，勞之事。四方之舍事，亦如之。從王適四方及會同所舍。

掌舍，掌王之會同之舍，設檜板，再重。故書板為板，鄭司農云：檜，檜檜也。板，受居溜水，澗澗者也。杜子春讀為檜板。檜板，謂行馬，玄謂行馬再重者，以周衛有外內列。設車宮，轅門。謂王行止。

宿阻險之處，備非常。次車以為藩，則仰車以其轅表門。為壇壝宮，棘門。謂王行止宿平地，築壇，又委壝土，起壝埒，以為宮。鄭司農云：棘門，以戟為門。杜子春云：棘門，或為材門。為帷宮，設旌門。謂王行畫止，有所展。

肆若食息，張帷為宮，則樹旌以表門。無宮，則共人門。謂王行有所逢遇，若住遊觀，陳列周衛，則立長大之人以表門。凡舍事，則掌之。王行所舍止。

幕人，掌帷幕，幕幄，帟，綬之事。王出宮，則有是事。在旁曰帷，在上曰幕。幕或在地，展陳于上。帷幕皆以布為之。四合象宮室，曰幄。王所居之帳也。鄭司農云：帟，平帳也。綬，組綬，所以繫帷也。玄謂帟，王在幕若幄中，坐上承塵。幄，帟皆以緡為之。凡四物者，以綬連繫焉。凡朝覲，會同，軍旅，田役，祭祀，共其帷幕，幕幄，帟，綬。共之者，掌次當以張。大喪，共帷幕，幕幄，帟，綬。為賓客飾也。帷以帷堂，或與幕張之於庭。帟在

上。三公及卿大夫之喪，共其帟。唯士無帟，王有惠，則賜之。檀弓曰：君於士有賜帟。

掌次，掌王次之灋，以待張事。法，大小。丈尺。王大旅上帝，則張氎案，設皇邸。大旅上帝，祭天於圓丘，國有故而祭，亦曰旅。此以旅見祀也。張氎案，以氎為牀於幄中。鄭司農

周禮 卷二

云皇羽覆上邸後板也。玄謂後板屏風與染羽象鳳皇羽色以爲之。朝日祀五帝則張大次小次設重帟重案合諸侯亦如之。朝日春分拜日於東門之外祀五帝於四郊次謂幄

也。大幄初往所止居也。小幄既接祭退侯之處。祭義曰周人祭日以朝及闇雖有強力孰能支之是以退侯與諸臣代有事焉合諸侯於壇王亦以時休息重帟重案牀重席也。鄭司農云五帝五色之帝。師田則張幕設重帟重

案。不張幄者於是臨誓衆主或過顧占察諸侯朝覲會同則張大次小次。大次亦初往所止居小次即宮待事之處師田則張幕設案。鄭司農云師田謂諸侯相與師田玄謂此

掌次張之諸侯孤卿有邦事則張幕設案。有邦事謂以事從王者以王命出也孤王之孤三人副三公論道者不從王而師田者言公公如諸侯禮從王祭祀合諸侯張大次小次師田亦張幕設案。凡喪王則

張帟三重諸侯再重孤卿大夫不重。張帟極上承塵凡祭祀張其旅幕張尸次。旅衆也公卿以下即位所祭祀之門外以待事爲之張大幕尸則有幄鄭司農云尸次祭

祀之尸所居更衣帳射則張耦次。耦俱升射者次在洗東大射曰遂命三耦取弓矢于次掌凡邦之張事。

大府掌九貢九賦九功之貳以受其貨賄之入。頒其貨于受藏之府。頒其賄于受用之府。九功謂九職也受藏之府若內府也

受用之府若職內也凡貨賄皆藏以給用耳。長者以給王之用其餘以給國之用或言受藏或言受用又雜言貨賄皆互文凡官府都鄙之吏及執事者受財用焉。凡頒財以式灋

授之關市之賦以待王之膳服。邦中之賦以待賓客。四郊之賦以待稍秣。家削之賦以待匪頒。邦甸之賦。

以待工事。邦縣之賦，以待幣帛。邦都之賦，以待祭祀。山澤之賦，以待喪紀。幣餘之賦，以待賜予。待猶給也。此九賦之財給

九式者，膳服，即羞服也。稍，秣，即芻秣也。謂之稍，稍用之物也。喪紀，即喪荒也。賜予，即好用也。鄭司農云：幣餘，使有餘來還也。玄謂幣餘，占賣國之斥幣。凡邦國之貢，以待弔用。此九貢之財所給也。給弔用，給凶禮之五事。凡

萬民之貢，以充府庫。此九職之財充猶足。凡式貢之餘財，以共玩好之用。謂先給九式及弔用，足府庫而有餘財，乃可以共玩好。明玩好非治國之用，官式官貢，互文。凡邦

之賦用取具焉。賦用，用賦。歲終，則以貨賄之入出會之。

玉府掌王之金玉玩好兵器，凡良貨賄之藏。良，善也。此物皆式貢之餘財，所作其不良，又有受而藏之者。共王之服玉佩玉珠玉。佩玉者，王之所帶者。玉藻

曰：君子於玉比德焉。天子佩白玉而玄組紱。詩傳曰：佩玉，上有蔥，衝下有雙璜，衝牙，蠙珠以納其間。鄭司農云：服玉冠飾十二玉。王齊則共食玉。玉是陽精之純者，食之以禦水。氣。鄭司農云：王齊當食玉屑。大喪共含玉。

復衣裳，角枕，角柶。角枕，以枕尸。鄭司農云：復，招魂也。衣裳，生時服。招魂復魄于大廟，至四郊。角柶，角匕也。以楔齒。士喪禮曰：楔齒用角柶。楔齒者，令可飯含。玄謂復于四郊以綏。掌王之燕衣服，衽席牀

第，凡褻器。燕衣服者，巾絮寢衣袍襪之屬，皆良貨賄所成。第，簀也。鄭司農云：衽，席單席也。褻器，清器。虎子之屬。若合諸侯，則共珠槃玉敦。敦，槃類。珠玉以爲飾。古者以槃盛血，以敦盛食。合諸侯者，必割牛耳，取其

血，飲之以盟。珠槃，以盛牛耳。尸盟者，執之。故書珠。爲夷。鄭司農云：夷，槃或爲珠槃。玉敦，飲血玉器。凡王之獻，金玉兵器，文織，良貨賄之物，受而藏之。謂百工爲王所作，可以獻遺諸侯。古

者致物於人尊之則曰獻。通行曰饋。春秋曰齊侯來獻戎捷。尊魯也。文織畫及繡錦。凡王之好賜。共其貨賄。

內府掌受九貢九賦九功之貨賄良兵良器以待邦之大用。大用朝覲之班賜。凡四方之幣獻之金玉齒革兵器。

凡良貨賄入焉。諸侯朝聘所獻國珍。凡適四方使者共其所受之物而奉之。王所以遺諸侯者。凡王及冢宰之好賜予則共之。

冢宰待四方賓客之小治。或有所善亦賜予之。

外府掌邦布之入出以共百物而待邦之用。凡有灋者。布泉也。布讀為宣布之布。其藏曰泉。其行曰布。取名於水泉。其流行無不徧。出入謂受之復出之。共百物者。或作之。或買之。待

猶給也。有法百官之公用也。泉始蓋一品。周景王鑄大泉而有二品。後數變易不復識本制。至漢唯有五銖。久行。王莽改貨而異作泉布。多至十品。今存於民間多者有貨布。大泉。貨泉。貨布。長二寸五分。廣寸。首長八分。有奇。廣八分。其闊好徑二分半。足枝長八分。其右文曰貨。左文曰布。重二十五銖。直貨泉二十五。大泉徑一寸二分。重十二銖。文曰大泉。直十五貨泉。貨泉徑一寸。重五銖。右文曰貨。左曰泉。直一也。共王及后世子之衣服之用。凡祭祀賓客喪紀會

同軍旅。共其財用之幣齋。賜予之財用。齋行道之財用也。聘禮曰。問幾月之齋。鄭司農云。齋或為資。今禮家定齋作資。玄謂齋資同耳。其字以齊次為聲。從貝。變易古字亦多或。凡邦之小用。

皆受焉。皆來受。歲終則會。唯王及后之服不會。

司會掌邦之六典八灋八則之貳以逆邦國都鄙官府之治逆受而鉤考之以九貢之灋致邦國之財用以九賦

之灋令田野之財用以九功之灋令民職之財用以九式之灋均節邦之財用掌國之官府郊野縣都之

百物財用凡在書契版圖者之貳以逆羣吏之治而聽其會計郊四郊去國百里野甸稍也甸去國二百里稍三百里縣四百里都五百里書謂簿書契其最凡也版戶

籍也圖土地形象田地廣狹以參互攷日成以月要攷月成以歲會攷歲成參互謂司書之要貳與職內之入職歲之出故書互為巨杜子春讀為參互以周知四國

之治以詔王及冢宰廢置周猶徧也言四國者本逆邦國之治亦鉤考以告

司書掌邦之六典八灋八則九職九正九事邦中之版土地之圖以周知入出百物以敘其財受其幣使

入于職幣九正謂九賦九貢正稅也九事謂九式隱言之者重其職明本而掌之非徒相副貳也敘猶比次也謂鉤考其財幣所給及其餘見為之簿書故書受為授鄰司農云授當為受謂受財幣之簿書也玄謂亦受錄其餘幣而為之簿書使之入於職幣

幣物當以時用之久藏將朽蠹凡上之用財用必攷于司會上謂王與冢宰王雖不會亦當知多少而闕之司會以九式均節邦之財用三歲則大計羣吏之治以知民

之財器械之數以知田野夫家六畜之數以知山林川澤之數以逆羣吏之徵令械猶兵也逆受而鉤考之山林川澤童枯則不稅凡

稅斂。掌事者受灋焉。及事成。則入要貳焉。法猶數也。應當稅者之數成猶畢也。凡邦治攷焉。考其法於司書。

職內。掌邦之賦入。辨其財用之物。而執其總。以貳官府都鄙之財入之數。以逆邦國之賦用。辨財用之物。處之使種類相從。

總謂簿書之種別與大凡官府之有財入若關市之屬。凡受財者。受其貳令而書之。受財受於職內。以給公用者。貳令者謂若今御史所寫下本。奏上所可者書之。若言某月某日某甲詔書出某物若干給某官某事。及

會。以逆職歲與官府財用之出。亦參互鉤考之。而敘其財以待邦之移用。亦鉤考今藏中餘見爲之簿移用。謂轉運給他。

職歲。掌邦之賦出。以貳官府都鄙之財出賜之數。以待會計而攷之。以貳者亦如職內書其貳令而編存之。凡官府都鄙羣吏

之出財用。受式灋于職歲。百官之公用式法多少。職歲掌出之舊用事存焉。凡上之賜予。以敘與職幣授之。敘受賜者之聲卑。及會。以式灋贊

逆會。助司會鉤考羣吏之計。

職幣。掌式灋。以斂官府都鄙與凡用邦財者之幣。幣謂給公用之餘。凡用邦財者謂軍旅。振掌事者之餘財。振猶拊也。檢也。掌事謂以王命有所作爲。先言

斂謂後言振財互文。皆辨其物而奠其錄。以書揭之。以詔上之小用賜予。奠定也。故書錄爲祿。杜子春云。祿當爲錄。定其錄籍。鄭司農云。揭之若今時爲書以著其幣。歲終。

則會其出。凡邦之會事，以式濃贊之。

司裘，掌爲大裘，以共王祀天之服。

鄭司農云：大裘，黑羔裘，服以祀天，示質。

中秋獻良裘，王乃行羽物。

良，善也。中秋鳥獸雝雝，因其良時而用之。鄭司農云：良裘，王所服也。

行羽物，以羽物飛鳥賜羣吏，玄謂良裘。王藻所謂黼裘與。此羽物，小鳥鴉雀之屬。鷹所擊者，中秋鳩化爲鷹，中春鷹化爲鳩，順其始殺與其將止而大雩羽物。

季秋獻功裘，以待頒賜。

功裘，人功微麤，謂狐裘。鷹之屬。鄭司農云：功裘，卿

大夫所服。

王大射，則共虎侯、熊侯、豹侯，設其鵠。諸侯則共熊侯、豹侯，卿大夫則共麋侯，皆設其鵠。

大射者，爲祭祀射。王將有郊廟

之事，以射擇諸侯及羣臣，與邦國所貢之士，可以與祭者。射者，可以觀德行，其容體比於禮，其節比於樂，而中多者，得與於祭。諸侯謂三公及王子弟，封於畿內者。卿大夫亦皆有采地焉。其將祀其先祖，亦與羣臣射以擇之。凡大射，各於其射宮。侯者，其所射也。以虎、熊、豹、麋之皮飾其側，又方制之，以爲臺，謂之鵠。著於侯中，所謂皮侯。王之大射，虎侯。上所自射也。熊侯，諸侯所射。豹侯，卿大夫以下所射。諸侯之大射，熊侯。諸侯所自射。豹侯，羣臣所射。卿大夫之大射，麋侯。君臣共射焉。凡此侯道，虎九十弓，熊七十弓，豹麋五十弓。列國之諸侯，大侯亦九十，參七十，千五十，遠尊得伸，可同耳。所射，正謂之侯者。天子中之，則能服諸侯。諸侯以下中之，則得爲諸侯。鄭司農云：鵠，鵠毛也。方十尺曰侯，四尺曰鵠，二尺曰正，四寸曰質。玄謂侯中之大小，取數於侯道。鄉射記曰：弓二寸，以爲侯中，則九十弓者，侯中廣丈八尺，七十弓者，侯中廣丈四尺，五十弓者，侯中廣一丈，尊卑異等。此數明矣。考王記曰：梓人爲侯，廣與崇方，參分其廣而鵠居一焉。然則侯中丈八尺者，鵠方六尺，侯中丈四尺者，鵠方四尺六寸大半寸，侯中一丈者，鵠方三尺三寸少半寸，謂之鵠者，取名於鵠。鵠，小鳥而難中，是以中之爲雋，亦取鵠之言較較者，直也。射所以直己志，用虎、熊、豹、麋之皮，示服猛，討迷惑者。射者，大禮，故取義衆也。士不大射，士無臣，祭無所擇，故書諸侯則共熊侯、豹侯。杜子春云：虎當爲豹。

大喪，獻裘，飾皮車。

皮車，遣車之革路，故

書獻為淫。鄭司農云：淫，裘陳裘也。玄謂廢興也。若詩之興，謂象似而作之。凡為神之偶，衣物必沽而小耳。

凡邦之皮事，掌之。歲終，則會。唯王之裘與其皮事不會。

掌皮。掌秋斂皮，冬斂革，春獻之。

皮革踰歲乾，久乃可用。獻之，其良者於王，以入司裘給王用。

遂以式灋頒皮革于百工。

式法，作物所用多少故事。

共其毳毛。

為毳，以待邦事。

當用毳則共之。毳，毛細絳者。

歲終，則會其財齋。

財，斂財本數及餘見者。齋，所給予人以物曰齋。今時詔書或曰齋計吏。鄭司農云：齋或為資。

內宰，掌書版圖之灋，以治王內之政令，均其稍食，分其人民以居之。

版，謂宮中閣寺之屬及其子弟錄籍也。圖，王及后世子之宮中吏官府之形象也。政令，謂施闡

寺者，稍食，吏祿粟也。人民，吏子弟分之。使衆者，就寬均宿衛。

以陰禮教六宮。

鄭司農云：陰禮，婦人之禮。六宮，後五前一王之妃百二十人。后一人，夫人三人，嬪九人，世婦二十七人，女御八十一人。玄謂六宮謂后也。婦人稱寢曰宮。宮，隱蔽之言。后

象王立六宮而居之，亦正寢二，燕寢五。教者，不敢斥言之謂之。六宮，若今稱皇后為中宮矣。昏禮，母戒女曰：夙夜毋違宮事。

以陰禮教九嬪。

教以婦人之禮，不言教。夫人世婦者，舉中省文。

以婦職之灋教九御。

使各有屬，以作二事，正其服，禁其奇裘，展其功緒。

婦職，謂織紵組紃之事。九御，女御也。九九而御於王，因以號焉。使之九九為屬，同時御又同事也。正其服，止踰侈奇邪。若今媚道，展猶錄

也。緒，業也。故書二為三。杜子春云：當為二。二事，謂絲枲之事。

大祭祀，后裸獻，則贊。瑤爵，亦如之。

謂祭宗廟。王既裸而出迎牲，后乃從後裸也。祭統曰：君執圭瓊，裸尸。大宗執璋，贊亞裸。此大宗亞裸，謂夫人不與而

攝耳獻。謂王薦腥薦孰，后亦從後獻也。瑤爵，謂尸卒食。王既酌尸，后亞獻之。其爵以瑤為飾。

正后之服位，而詔其禮樂之儀。

薦徹之禮，當與樂相應位。謂房中戶內及阼所立處。

贊九嬪之禮。

事。助九嬪贊后之事。九嬪者。贊后薦玉盞薦徹豆籩。

凡賓客之裸獻。瑤爵皆贊。

謂王同姓及二王之後來朝覲為賓客者。裸之禮。亞王而禮賓。獻謂王饗燕。亞王獻賓也。瑤爵所以亞王酬賓也。坊記曰。陽侯殺穆侯而竊其

夫人。故大饗。廢夫人之禮。

致后之賓客之禮。謂諸侯來朝覲及女賓之賓客。

凡喪事。佐后使治外內命婦。正其服位。

使其屬之上士內命婦。謂九嬪世婦。女御。鄭司農云。外

命婦。卿大夫之妻。王命其夫后命其婦。玄謂士妻亦為命婦。

凡建國。佐后立市。設其次。置其敝。正其肆。陳其貨賄。出其度量。淳制。祭之以陰

禮。市朝者。君所以建國也。建國者。必面朝後市。王立朝而后立市。陰陽相成之義。次。思次也。敝。介次也。陳。猶處也。度。丈尺也。量。豆區之屬。鄭司農云。佐后立市者。始立市后立之也。祭之以陰禮者。市中之社。先后所立社也。故書淳為敦。杜子春讀敦為純。純謂幅廣也。制。謂

匹長。玄謂純制。天子巡守禮所云制幣。丈八尺。純四。猗與。陰禮。婦人之祭禮。

中春。詔后帥外內命婦。始蠶于北郊。以為祭服。

蠶于北郊。婦人以純陰為。尊郊必有公桑蠶室焉。

歲終。

則會內人之稍食。稽其功事。內人。主。謂九御。

佐后而受獻功者。比其小大。與其蠶良而賞罰之。

獻功者。九御之屬。鄭司農云。烝而獻功。玄謂典

婦功曰。及秋獻功。

會內宮之財用。計夫人以下所用財。

正歲。均其稍食。施其功事。憲禁令于王之北宮。而糾其守。

均。猶調度也。施猶賦也。北宮后

之六宮。謂之北宮者。繫于王言之。明用王之禁令。令之守宿衛者。

上春。詔王后帥六宮之人。而生種。種之種。而獻之于王。

六宮之人。夫人以下。分居后之六宮者。古者使后宮藏種。

以其有傳類。番擊之祥。必生而獻之。示能育之。使不傷敗。且以佐王耕事。共禘郊也。鄭司農云。先種後孰。謂之種。後種先孰。謂之稌。王當以耕種于藉田。玄謂詩云。黍稷種。是也。夫人以下分居后之六宮者。每宮九嬪一人。世婦三人。女御九人。其餘九嬪三人。世婦九人。女

御二十七人從后唯其所燕息焉從后者五日而沐浴
其次又上十五日而備云夫人如三公從容論婦禮

內小臣掌王后之命正其服位

命謂使令所為或言王后或言后通耳

后出入則前驅

道若有祭祀賓客喪紀則擯詔后之禮

事相九嬪之禮事正內人之禮事徹后之俎

擯為后傳辭有所求為詔相正者異尊卑也俎謂后受尸之爵飲于房中之俎

后有好事于四方則使往有

好令於卿大夫則亦如之

后於其族親所善者使往問遺之

掌王之陰事陰令

陰事羣妃御見之事若今掖庭令書漏不盡八刻白錄所記推當御見者陰令王所求為於北宮

闔人掌守王宮之中門之禁

中門於外內為中若今宮闕門鄭司農云王有五門外曰皋門二曰雉門三曰庫門四曰應門五曰路門路門一曰畢門玄謂雉門三門也春秋傳曰雉門災及兩觀

喪服凶器

不入宮潛服賊器不入宮奇服怪民不入宮

喪服衰絰也凶器明器也潛服若衷甲者賊器盜賊之任器兵物皆有刻識奇服衣非常春秋傳曰彪奇無常怪民狂易

凡內人公器

賓客無帥則幾其出入

三者之出入當須使者符節乃行鄭司農云公器將持公家器出入者幾謂無將帥引之者則苛其出入

以時啓閉

時漏盡

凡外內命夫命婦出入

則為之關

辟行人使無干也內命夫卿大夫士之在宮中者

掌埽門庭

門庭門相當之地

大祭祀喪紀之事設門燎躡宮門廟門

燎地燭也躡止行者廟在中門

外之凡賓客亦如之

寺人掌王之內人及女宮之戒令相道其出入之事而糾之。

內人女御也。女宮刑女之在宮中者糾猶督察也。

若有喪紀賓客祭祀之

事則帥女宮而致於有司。

有司謂宮卿世婦。

佐世婦治禮事。

世婦二十世婦。

掌內人之禁令凡內人弔臨于外則帥而往

立于其前而詔相之。

從世婦所弔若哭其族親立其前者賤也賤而必詔相之者出入於王宮不可以闕於禮。

內豎掌內外之通令凡小事。

內后六宮外卿大夫也使童豎通王內外之命給小事者以其無與為禮出入便疾內外以大事聞王則俟朝而自復。

若有祭祀賓客喪祀之事

則為內人蹕。

內人從世婦有事於廟者內豎為六宮蹕者以其掌內小事。

王后之喪遷于宮中則前蹕及葬執褻器以從遣車。

喪遷者將葬朝于廟褻器振飾

類沐之器。

九嬪掌婦學之灋以教九御婦德婦言婦容婦功各帥其屬而以時御敎于王所。

婦德謂貞順婦言謂辭令婦容謂婉婉婦功謂絲枲自九

嬪以下九九而御于王所九嬪者既習於四事又備於從人之道是以教女御也教各帥其屬者使亦九九相與從於王所息之燕寢御猶進也勸也進勸王息亦相次敎凡羣妃御見之法月與后妃其象也卑者宜先尊者宜後女御八十一人當九夕世婦二十七人當三夕九嬪九人當一夕三夫人當一夕后當一夕亦十五日而徧云自望後反之。孔子云日者天之明月者地之理陰契制故月上屬為天使婦從夫放月紀。凡祭祀贊玉盥贊后薦徹豆饗。玉盥玉敦受黍稷器后進之而

不徹。故書玉爲王。杜子春讀爲玉。若有賓客，則從后。當贊后事。大喪，帥敍哭者亦如之。亦從后帥猶道也。后哭衆之次序者乃哭。

世婦掌祭祀賓客喪紀之事。帥女宮而濯。擗爲盥盛。擗，拭也。爲猶差擇。及祭之日，蒞陳女宮之具。凡內羞之物。臨。澁。

也。內羞房中之羞。掌弔臨于卿大夫之喪。王使往弔。

女御掌御敍于王之燕寢。言掌御敍防上之專妬者。于王之燕寢則王不就后宮息。以歲時獻功事。絲枲成功之事。凡祭祀贊世婦。助其帥。澁女宮。大喪掌

沐浴。王及后之喪。后之喪持鬋。鬋，棺飾也。持而從柩車。從世婦而弔于卿大夫之喪。從之數蓋如使者之介云。

女祝掌王后之內祭祀。凡內禱祠之事。內祭祀。六宮之中竈門戶。禱疾病求瘳也。祠報福。掌以時招梗禴禳之事。以除疾殃。鄭大夫讀梗爲亢。謂招善

而亢惡去之。杜子春讀梗爲更。玄謂梗。禦未至也。除災害曰禴禴猶刮去也。卻變吳曰禴。禴。攘也。四禮唯禴其遺象今存。

女史掌王后之禮職。掌內治之貳。以詔后治內政。內治之法。本在內宰書而貳之。逆內宮。鉤考六宮之計。書內令。后之令。凡后之事。以

禮從。亦如大史之從於王。

典婦功。掌婦式之灋。以授嬪婦及內人女功之事齋。

婦式。婦人事之模範。法其用財舊數。婦九嬪世婦。言及以殊之者。容國中婦人賢善。工於事者。事齋。謂以女功之事來取絲枲。故書齋。

為資。杜子春讀為資。鄭司農云。內人。謂女御。女功事資。謂女功絲枲之事。

凡授嬪婦功。及秋獻功。辨其苦良。比其小大而賈之。物書而楬之。

授當為受。聲之誤也。國中

嬪婦所作。成即送之。不須獻功時賈之者。物不正齊。當以泉計通功。鄭司農苦讀為監。謂分別其縑帛與布紵之麤細。皆比方其大小。書其賈數而著其物。若今時題畧物。

以共王及后之用。頒之于內府。

典絲。掌絲入而辨其物。以其賈楬之。

絲入。謂九職之嬪婦所貢絲。

掌其藏與其出。以待興功之時。

絲之貢少。藏之出之。可同官也。時者。若溫煖宜縑帛。清涼

宜文。織。

頒絲于外內工。皆以物授之。

外工。外嬪婦也。內工。女御。

凡上之賜予。亦如之。

王以絲物賜人。

及獻功。則受良功而藏之。辨其

物而書其數。以待有司之政令。上之賜予。

良當為苦。字之誤。受其麤盥之功。以給有司之公用。其良功者。典婦功受之。以共王及后之用。鄭司農云。良功。絲功。縑帛。

凡祭祀。共黼畫

組就之物。

以給衣服冕旒及依盥巾之屬。白與黑謂之黼。采色一成曰就。

喪紀。共其絲續組文之物。

以給線縷著盱口綦。綴之屬。青與赤謂之文。

凡飾邦器者。受文絨絲

組焉。

謂茵席屏風之屬。

歲終。則各以其物會之。

種別為計。鄭司農云。各以其所飾之物計會傳著之。

典枲。掌布總縷紵之麻草之物。以待時頒功而授齋。

總。十五升布抽其半者。白而細疏曰紵。雜言此數物者。以著其類衆多。草葛藟之屬。故書齋作資。

及獻功。受苦

功以其賈楮而藏之。以待時頒。

其良功亦入於典婦功。以共王及后之用。鄭司農云。苦功謂麻功布紵。

頒衣服授之。賜子亦如之。

授之授受班者。帛言待有司之政令。布言

班衣服。互文。

歲終則各以其物會之。

內司服。掌王后之六服。禕衣、揄狄、闕狄、鞠衣、展衣、緣衣、素沙。

鄭司農云。禕衣。書衣也。祭統曰。君卷冕。立于阼。夫人副禕。立于東房。揄狄。闕狄。畫羽飾。展衣。白衣也。喪大記曰。復者

朝服。君以卷。夫人以屈狄。世婦以櫛衣。屈者。音聲與闕相似。櫛與展相似。皆婦人之服。鞠衣。黃衣也。素沙。赤衣也。玄謂狄當為翟。翟。雉名。伊雉而南。素質。五色皆備成章。曰翟。江淮而南。青質。五色皆備成章。曰搖。王后之服。刻繒為之。形而采畫之。綴於衣。以為文章。禕衣。畫鞞者。揄翟。畫搖者。闕翟。刻而不畫。此三者皆祭服。從王祭先王。則服禕衣。祭先公。則服揄翟。祭羣小祀。則服闕翟。今世有圭衣者。蓋三翟之遺俗。鞠衣。黃桑服也。色如鞠塵。象桑葉始生。月令三月。薦鞠衣于上帝。告桑事。展衣。以禮見王及賓客之服。字當為櫛。櫛之言。宜。宜誠也。詩國風曰。玼兮玼兮。其之翟也。下云。胡然而天也。胡然而帝也。言其德當神明。又曰。璫兮璫兮。其之展也。下云。展如之人兮。邦之媛也。言其行配君子。二者之義。與禮合矣。雜記曰。夫人復。稅衣。揄狄。又喪大記曰。士妻以緣衣。言緣者。甚衆。字或作稅。此緣衣者。實作緣衣也。緣衣。御于王之服。亦以燕居。男子之緣衣。黑。則是亦黑也。六服備於此矣。禕。揄狄。展。聲相近。緣。字之誤也。以下推次其色。則闕狄。亦揄狄。青。緣衣。玄。婦人尙專一德。無所兼連。衣裳不異其色。素沙者。今之白縹也。六服皆袍制。以白縹為裏。使之張顯。今世有沙縠者。名出于此。

辨外內命婦之服。鞠衣、展衣、緣衣、素沙。

內命婦之服。鞠衣。九嬪也。展衣。世婦也。緣衣。女御也。外命婦者。其夫孤也。則服鞠衣。其夫卿大夫也。則服展衣。其夫士也。則服緣衣。三夫人及公之妻。其闕狄以下乎。侯

伯之夫人。揄狄。子男之夫人。亦闕狄。唯二王後。禕衣。

凡祭祀。賓客。共后之衣服。及九嬪世婦。凡命婦。共其衣服。共喪衰。亦如之。

凡者。凡女御與外命婦也。

言及言凡殊貴賤也。春秋之義，王人雖微者，猶序乎諸侯之上，所以尊尊也。臣之命者，再命以上受服，則下士之妻不共也。外命婦唯王祭祀賓客，以禮佐后，得服此上服，自於其家則降焉。

內具粉帨線
繡絮裘之屬

后之喪，共其衣服，凡內具之物。

縫人掌王宮之縫線之事，以役女御，以縫王及后之衣服。

女御裁縫王及后之衣服，則為役助之宮。中餘裁縫事，則專為焉。鄭司農云：線，縫。

喪，縫棺飾焉。

孝子既啓見棺，猶見親之身，既載飾而後行，遂以葬。若存時居于帷幕而加文繡，喪大記曰：飾棺，君龍帷，三池，振容，蔽荒，火三列，黻三列，素錦，緒加，僞荒，纁，紉，六齊，五采，五貝，黼，罽，二，黻，罽，二，畫，罽，二，皆戴圭，魚，躍，拂，池，君，纁，戴，六，纁，披，六，此諸侯禮也。禮器曰：天子八罽，諸侯六罽，大夫四罽，漢禮器制度，飾棺，天子龍火，黼，罽，皆五列，又有龍罽，二，其戴皆加璧，故書焉為馬，杜子春云：當為焉。衣罽柳之材，必先纏衣其木，乃以張飾也。柳之言聚，諸飾之所聚，書曰：分，櫛，讀為柳，皆棺飾。檀弓曰：周人，櫛置，醴，春秋傳曰：四醴不踴。掌凡內之縫事。

染人掌染絲帛，凡染春暴練，夏纁玄，秋染夏，冬獻功。

暴練，練其素而暴之，故書纁作纁，鄭司農云：當讀當為纁，纁，謂絳也。夏大也，秋乃大染，玄謂纁玄者，謂始可以染此色者，玄纁者，天地之

色，以為祭服。石染當及盛暑熱潤，始湛研之，三月而后可用。考工記：鍾氏，則染纁，術也。染玄，則史傳闕矣。染夏者，染五色，謂之夏者，其色以夏秋為節，禹貢曰：羽畎夏秋，是其總名，其類有六，曰鞞，曰搖，曰醴，曰留，曰希，曰躒，其毛羽五色皆備成章，染者擬以為深淺之度，是以放而取名焉。掌凡染事。

追師掌王后之首服爲副編取追衡笄爲九嬪及外內命婦之首服以待祭祀賓客

鄭司農云追冠名士冠禮記曰委貌周道也章甫股

道也牟追夏后氏之道也追師掌冠冕之官故并主王后之首服副者婦人之首服祭統曰君卷冕立于阼夫人副褱立于東房衡維持冠者春秋傳曰衡紘紘纒玄謂副之言覆所以覆首爲之飾其遺象若今步繇矣服之以從王祭祀編編列髮爲之其遺象若今假紒矣服之以桑也次次第髮長短爲之所謂鬢髮服之以見王王后之燕居亦繇笄總而已追猶治也詩云追琢其璋王后之衡笄皆以玉爲之唯祭服有衡垂于副之兩旁當耳其下以紘縣環詩云玼兮玼兮其之翟也鬢髮如雲不屑鬢也玉之環也是之謂也笄卷髮者外內命婦衣鞠衣檀衣者服編衣祿衣者服次外內命婦非王祭祀賓客佐后之禮自於其家則亦降焉少牢饋食禮曰主婦髮髻衣移袂特牲饋食禮曰主婦纒笄宵衣是也昏禮女次純衣攝盛服耳主人爵弁以迎移袂祿衣之袂凡諸侯夫人於其國衣服與王后同喪紀共笄紘亦如之

屨人掌王及后之服屨爲赤鳥黑鳥赤纁黃纁青句素屨葛屨

屨自明矣必連言服者著服各有屨也覆下曰鳥禪下曰屨古人言屨以通於複今世言屨以通於禪俗

易語反與鳥屨有絢有純者飾也鄭司農云赤纁黃纁以赤黃之絲爲下緣士喪禮曰夏葛屨冬皮屨皆纁緇純禮家說纁亦謂以采絲礫其下玄謂凡屨鳥各象其裳之色士冠禮曰玄端黑屨青絢纁純素積白屨緇絢純純爵弁纁屨黑絢純是也王吉服有九鳥有三等赤鳥爲上冕服之鳥詩云王賜韓侯玄衮赤鳥則諸侯與王同下有白鳥黑鳥王后吉服六唯祭服有鳥玄鳥爲上禕衣之鳥也下有青鳥赤鳥鞠衣以下皆屨耳句當爲絢聲之誤也絢纁純者同色今云赤纁黃纁青絢雜互言之明鳥屨衆多反覆以見之凡鳥之飾如纁之次赤纁者王黑鳥之飾黃纁者王后玄鳥之飾青絢者王白鳥之飾言纁必有絢純言絢亦有纁純三者相將王及后之赤鳥若黑飾后之青鳥白飾凡屨之飾如繡次也黃屨白飾白屨黑飾黑屨青飾絢謂之拘著鳥屨之頭以爲行戒纁縫中緇純緣也天子諸

侯吉事皆烏。其餘唯服冕衣翟著烏耳。士爵弁纁屨。黑絢纁純。尊祭服之屨。飾從纁也。素屨者非純吉。有凶去飾者言葛屨。明有用皮時。

辨外內命夫命婦之命屨功屨散屨。

命夫之命屨。纁屨。命婦之命屨。黃屨。

以下功屨次命屨。於孤卿大夫則白屨。黑屨。九嬖內子亦然。世婦命婦以黑屨為功屨。女御士妻命屨而已。士及士妻謂再命受服者。散屨亦謂去飾。

凡四時之祭祀以宜服之。

祭祀而有素屨散屨者。唯大祥時。

夏采。掌大喪。以冕服復于大祖。以乘車建綏。復于四郊。

求之王平生常所有事之處。乘車王路。於大廟以冕服。不出宮也。四郊以綏。出國門此行道也。鄭司農云。復謂始死招魂復魄。

士喪禮曰。士死于適室。復者一人。以爵弁服。升自東榮。中屋北面。招以衣。曰。皋某復。三降衣于前。受用篋。升自阼階。以衣尸。喪大記曰。復。男子稱名。婦人稱字。唯哭先復。言死而哭。哭而復。冀其復反。故檀弓曰。復。盡愛之道也。望反諸幽。求諸鬼神之道也。北面求諸幽之義也。檀弓又曰。君復於小寢。大寢。小祖。大祖。庫門。四郊。喪大記又曰。復者朝服。君以卷。夫人以屬。狄。大夫以玄纁。世婦以檀衣。士以爵弁。士妻以稅衣。雜記曰。諸侯行而死于館。則其復如於其國。如於道。則升其乘車之左轂。以其綏復。大夫死於館。則其復如於家。死於道。則升其乘車之左轂。以其綏復。喪大記又曰。為賓。則公館復。私館不復。夏采。天子之官。故以冕服復于大祖。以乘車建綏。復于四郊。天子之禮也。大祖。始祖廟也。故書綏為禮。杜子春云。當為綏。禮。非是也。玄謂明堂位曰。凡四代之服。器。魯兼用之。有虞氏之旂。夏氏后之綏。則旌旒有是綏者。當作綏。字之誤也。綏以旄牛尾為之。綴於幢上。所謂注旄於干首者。王祀四郊。乘王路。建大常。今以之復去其旒。異之於生。亦因先王有徒綏者。士冠禮及玉藻。冠綏之字。故書亦多作綏者。今禮家定作綏。

周禮卷第三

地官司徒第二

惟王建國辨方正位體國經野設官分職以爲民極乃立地官司徒使帥其屬而掌邦教以佐王安擾邦

國

教所以親百姓訓五品有虞氏五而周十有二焉擾亦安也言饒衍之

教官之屬大司徒卿一人小司徒中大夫二人鄉師下大夫四人上士

八人中士十有六人旅下士三十有二人府六人史十有二人胥十有二人徒百有二十人

師長也司徒掌六鄉鄉師分而

治之二人者共三

鄉之事相左右也

鄉老二鄉則公一人鄉大夫每鄉卿一人州長每州中大夫一人黨正每黨下大夫一人族師每族上士

一人閭胥每閭中士一人比長五家下士一人

老尊稱也王置六鄉則公有三人也三公者內與王論道中參六官之事外與六鄉之教其要爲民是以屬之鄉焉州黨族閭比鄉之屬別正師胥

皆長也正之言政也師之言帥也胥有才知之稱載師職曰以官田牛田賞田牧田任遠郊之地

司勳職曰掌六鄉之賞地六鄉地在遠郊之內則居四同鄭司農云百里內爲六鄉外爲六遂

封人。中士四人。下士八人。府二人。史四人。胥六人。徒六十人。聚土曰封。謂墮塌。埒及小封疆也。

鼓人。中士六人。府二人。史二人。徒二十人。

舞師。下士二人。胥四人。舞徒四十人。舞徒。給縣役能。舞者以爲之。

牧人。下士六人。府一人。史二人。徒六十人。牧人。養牲於野田者。詩云。爾牧來思。何蓂何笠。或負其餼。三十維物。爾牲則具。

牛人。中士二人。下士四人。府二人。史四人。胥二十人。徒二百人。主牧公家之牛者。詩云。維謂爾無牛。九十其牝。牝者九十其餘多矣。

充人。下士二人。史二人。胥四人。徒四十人。充。猶肥也。養繫牲而肥之。

載師。上士二人。中士四人。府二人。史四人。胥六人。徒六十人。載之言事也。事民而稅之。禹貢曰。冀州既載。載師者。閭師。縣師。遺人均入官之長。

閭師。中士二人。史二人。徒二十人。主徵六鄉賦貢之稅者。鄉官有州黨族閭比正言閭者。徵民之稅。宜督其親民者。凡其賦。貢入大府。穀入倉人。

縣師。上士二人。中士四人。府二人。史四人。胥八人。徒八十人。主天下土地人民已下之數。徵野賦貢也。名曰縣師者。自六鄉以至邦國。縣居中焉。鄭司農云。四百里曰縣。

遺人。中士二人。下士四人。府二人。史四人。胥四人。徒四十人。鄭司農云。遺。讀如詩曰。棄子如遺之遺。玄謂以物有所饋遺。

均人。中士二人。下士四人。府二人。史四人。胥四人。徒四十人。均。猶平也。主平土地之力政者。

師氏。中大夫一人。上士二人。府二人。史二人。胥十有二人。徒百有二十人。師。教人以道者之稱也。保氏。司諫。司。師。教官之長。鄭司農云。詩云。楛維師氏。

保氏。下大夫一人。中士二人。府二人。史二人。胥六人。徒六十人。保。安也。以道安人者也。書敍曰。周公為師。召公為保。相成王為左右。聖賢兼此官也。

司諫。中士二人。史二人。徒二十人。諫。猶正也。以道正人行。

司救。中士二人。史二人。徒二十人。救。猶禁也。以禮防禁人之過者也。

調人。下士二人。史二人。徒十人。調。猶和合也。

媒氏。下士二人。史二人。徒十人。媒之言謀也。謀合異類使和成者。今齊人名麴楚曰媒。

司市。下大夫二人。上士四人。中士八人。下士十有六人。府四人。史八人。胥十有二人。徒百有二十人。司市。市官。

長之

質人。中士二人。下士四人。府二人。史四人。胥二人。徒二十人。質平也。圭平定物買者。

廛人。中士二人。下士四人。府二人。史四人。胥二人。徒二十人。故書廛爲壇。杜子春讀壇爲廛。說云。市中空地。玄謂廛。民居區域之稱。

胥師。二十肆則一人。皆二史。賈師。二十肆則一人。皆二史。司競。十肆則一人。司稽。五肆則一人。胥。二肆則

一人。肆長。每肆則一人。自胥師以及司稽。皆司市所自辟除也。胥及肆長。市中給繇役者。胥師領羣胥。賈師定物買。司暴禁暴亂。司稽察留連不時去者。

泉府。上士四人。中士八人。下士十有六人。府四人。史八人。賈八人。徒八十人。鄭司農云。故書泉或作錢。

司門。下大夫二人。上士四人。中士八人。下士十有六人。府二人。史四人。胥四人。徒四十人。每門下士二人。

府一人。史二人。徒四人。司門。若今城門校尉。主王城十二門。

司關。上士二人。中士四人。府二人。史四人。胥八人。徒八十人。每關下士二人。府一人。史二人。徒四人。關界上之

門。

掌節。上士二人。中士四人。府二人。史四人。胥二人。徒二十人。節猶信也。行者所執之信。

遂人。中大夫二人。

遂師。下大夫四人。上士八人。中士十有六人。旅下士三十有二人。府四人。史十有二人。胥十有二人。徒百

有二十人。

遂人主六遂。若司徒之於六鄉也。六遂之地。自遠郊以達于畿。中有公邑。家邑。小都。大都焉。鄭司農云。遂謂王國百里外。

遂大夫。每遂中大夫一人。

縣正。每縣下大夫一人。

鄙師。每鄙上士一人。

鄆長。每鄆中士一人。

里宰每里下士一人。

鄰長五家則一人。縣鄙鄆里鄰遂之屬別也。

旅師中士四人下士八人府二人史四人胥八人徒八十人。主斂縣師所徵野之賦穀者也。旅猶處也。六途之官。里宰之師也。正用里宰者亦斂民之稅宜督其親民。

稍人下士四人史二人徒十有二人。主為縣師令都鄙丘甸之政也。距王城三百里曰稍。家邑小都大都自稍以出焉。

委人中士二人下士四人府二人史四人徒四十人。主斂甸稍芻薪之賦以共委積者也。

土均上士二人中士四人下士八人府二人史四人胥四人徒四十人。均猶平也。主平土地之政令者也。

草人下士四人史二人徒十有二人。草除草。

稻人上士二人中士四人下士八人府二人史四人胥十人徒百人。

土訓中士二人下士四人史二人徒八人。鄭司農云訓讀為馴謂以遠方土地所生異物告道王也。爾雅云訓道也。玄謂能訓說土地善惡之勢。

誦訓。中士二人。下士四人。史二人。徒八人。能訓說四方所誦習及人所作爲久時事。

山虞。每大山中十四人。下士八人。府二人。史四人。胥八人。徒八十人。中山下士六人。史二人。胥六人。徒六

十人。小山下士二人。史一人。徒二十人。虞。度也。度知山之大小及所生者。

林衡。每大林麓下士十有二人。史四人。胥十有二人。徒百有二十人。中林麓如中山之虞。小林麓如小山

之虞。衡。平也。平林麓之大小及所生者。竹木生平地曰林。山足曰麓。

川衡。每大川下士十有二人。史四人。胥十有二人。徒百有二十人。中川下士六人。史二人。胥六人。徒六十人。小川下士二人。史一人。徒二十人。川。流水也。禹貢曰九川滌源。

澤虞。每大澤大藪中士四人。下士八人。府二人。史四人。胥八人。徒八十人。中澤中藪如中川之衡。小澤小

藪如小川之衡。澤。水所鍾也。水希曰藪。禹貢曰九澤既陂。爾雅有八藪。

迹人。中士四人。下士八人。史二人。徒四十人。

迹之言跡。知禽獸處。

卅人。中士二人。下士四人。府二人。史二人。胥四人。徒四十人。

卅之言礦也。金玉未成器曰礦。

角人。下士二人。府一人。徒八人。

羽人。下士二人。府一人。徒八人。

掌葛。下士二人。府一人。史一人。胥二人。徒二十人。

掌染草。下士二人。府一人。史二人。徒八人。

染草。藍。舊象斗之屬。

掌炭。下士二人。史二人。徒二十人。

掌茶。下士二人。府一人。史一人。徒二十人。

茶。茅莠。

掌蜃。下士二人。府一人。史一人。徒八人。

蜃。大蛤。月令孟冬。雉入大水爲蜃。

圉人。中士四人。下士八人。府二人。胥八人。徒八十人。圉。今之苑。

場人。每場下士二人。府一人。史一人。徒二十人。場。築地爲壇。季秋除圃中爲之。詩云。九月築場圃。十月納禾稼。

廩人。下大夫二人。上士四人。中士八人。下士十有六人。府八人。史十有六人。胥三十人。徒三百人。藏米曰廩。廩人。舍人。

倉人。司祿官之長。

舍人。上士二人。中士四人。府二人。史四人。徒四十人。舍。猶宮也。主平宮中用穀者也。

倉人。中士四人。下士八人。府二人。史四人。胥四人。徒四十人。

司祿。中士四人。下士八人。府二人。史四人。徒四十人。主班祿。

司稼。下士八人。史四人。徒四十人。種穀曰稼。如嫁女以有所生。

春人。奄二人。女春。扱二人。奚五人。女春。扱。女奴能春與扱者。扱。扞臼也。詩云。或春或扱。

饕人奄二人女饕八人奚四十人

鄭司農云饕人主炊官也。特牲饋食禮曰主婦視饕饈故書饕作饈。

稟人奄八人女稟每奄二人奚五人

鄭司農云稟讀爲饒師之饒主冗食者故謂之饒。

大司徒之職掌建邦之土地之圖與其人民之數以佐王安擾邦國

土地之圖若今司空國輿地圖。

以天下土地之圖周

知九州之地域廣輪之數辨其山林川澤丘陵墳衍原隰之名物

周猶徧也九州揚荆豫青兗雍幽冀并也輪從也積石曰山竹木曰林注瀆曰川水鍾曰澤土高曰

丘大阜曰陵水崖曰墳下平曰衍高平曰原下濕曰隰名物者十等之名與所生之物

而辨其邦國都鄙之數制其畿疆而溝封之設其社稷之壇而樹之

田主各以其野之所宜木遂以名其社與其野

千里曰畿疆猶界也春秋傳曰吾子疆理天下溝穿地爲阻固也封起土界也社稷后土及田正之神壇壇與堦埒也田主田神后土田正之所依

也詩人謂之田祖所宜木謂若松柏栗也若以松爲社者則名松社之野以別方面

以土會之濃辨五地之物生一曰山林其動物宜毛物其植物宜阜物

其民毛而方二曰川澤其動物宜鱗物其植物宜膏物其民黑而津三曰丘陵其動物宜羽物其植物宜

覈物其民專而長四曰墳衍其動物宜介物其植物宜莢物其民皙而瘠五曰原隰其動物宜羸物其植

物宜叢物其民豐肉而庠。

會計也。以土計貢稅之法。因別此五者也。毛物。貂狐獬貉之屬。緝毛者也。鱗物。魚龍之屬。津潤也。羽物。翟雉之屬。核物。梅李之屬。專園也。介物。龜鼈之屬。水居陸生者。莢物。薺菜王棘之屬。質白也。瘠臘也。羸

物。虎豹貔貅之屬。淺毛者。叢物。萑葦之屬。猶厚也。庠。猶短也。杜子春讀生爲性。鄭司農云。植物。根生之屬。阜物。柞栗之屬。今世間謂柞實爲阜斗膏物。謂楊柳之屬。理致且白如膏。玄謂膏當爲藎字之誤也。蓮莢之實有藎。縞。

因此五物者民之

常而施十有二教焉。一曰以祀禮教。則民不苟。二曰以陽禮教。讓則民不爭。三曰以陰禮教。則民不

怨。四曰以樂禮教。則民不乖。五曰以儀辨等。則民不越。六曰以俗教安。則民不愉。七曰以刑教中。則民

不說。八曰以誓教恤。則民不怠。九曰以度教節。則民知足。十曰以世事教能。則民不失職。十有一曰以賢

制爵。則民慎德。十有二曰以庸制祿。則民興功。

陽禮。謂鄉射飲酒之禮也。陰禮。謂男女之禮。昏姻以時。則男不曠。女不怨。儀。謂君南面。臣北面。父坐。子伏之屬。俗。謂土地所生。習也。愉。謂朝不謀夕。

恤。謂災危相憂。民有凶患。憂之。則民不解怠。度。謂宮室車服之制。世事。謂士農工商之事。少而習焉。其心安焉。因教以能。不易其業。慎德。謂於其善德。勸爲善也。庸。功也。爵。以顯賢。祿。以賞功。故書儀或爲義。杜子春讀爲儀。謂九儀。

以土宜之濃辨

十有二土之名物。以相民宅。而知其利害。以阜人民。以蕃鳥獸。以毓草木。以任土事。

十二土。分野十二邦。上繫十二次。各有所宜也。相。占

視也。阜。猶盛也。蕃。蕃息也。育。生也。任。謂就地所生。因民所能。

辨十有二壤之物。而知其種。以教稼穡樹藝。

壤亦土也。變言耳。以萬物自生焉。則言土。土猶吐也。以人所耕而樹藝焉。則言壤。壤和緩

之貌。詩云。樹之榛栗。又曰。我藝黍稷。藝猶蒔也。

以土均之。灋辨五物九等。制天下之地。征以作民職。以令地貢。以斂財賦。以均齊天下

之政。均平也。五物。五地之物也。九等。駢剛赤緹之屬。征稅也。民職。民九職也。地貢。貢地所生。謂九穀。財。謂泉穀。賦。謂九賦及軍賦。

以土圭之灋。測土深。正日景。以求地中。日南則景

短。多暑。日北則景長。多寒。日東則景夕。多風。日西則景朝。多陰。

土圭所以致四時日月之景也。測。猶度也。不知廣深。故曰測。故書求爲救。杜子春云。當爲求。鄭司農云。測

土深。謂南北東西之深也。日南。謂立表處大南。近日也。日北。謂立表處大北。遠日也。景夕。謂日映景乃中。立表處大東。近日也。景朝。謂日未中而景中立。表處大西。遠日也。玄謂晝漏半而置土圭。表陰陽。審其南北。景短於土圭。謂之日南。是地於日爲近南也。景長於土圭。謂之日北。是地於日爲近北也。東於土圭。謂之日東。是地於日爲近東也。西於土圭。謂之日西。是地於日爲近西也。如是。則寒暑陰風。偏而不和。是未得其所求。凡日景於地千里而差一寸。日之景。尺有五寸。謂之地中。

天地之所合也。四時之所交也。風雨之所會也。陰陽之所和也。然則百物阜安。乃建王國焉。制其畿。方千

里而封樹之。

景尺有五寸者。南戴日下萬五千里。地與星辰四遊。升降於三萬里之中。是以半之得地之中也。畿方千里。取象於日一寸爲正。樹樹木溝上。所以表助阻固也。鄭司農云。土圭之長。尺有五寸。以夏至之日。立八尺之表。其景適與土圭等。

謂之地中。今穎川陽城地爲然。

凡建邦國。以土圭土其地。而制其域。諸公之地。封疆方五百里。其食者半。諸侯之地。封疆方

四百里。其食者參之一。諸伯之地。封疆方三百里。其食者參之一。諸子之地。封疆方二百里。其食者四之

一、諸男之地，封疆方百里，其食者四之一。

土其地，猶言度其地。鄭司農云：土其地，但爲正四方耳。其食者半，公所食租稅得其中耳。其半皆附庸小國也。屬天子參之二者亦然。故魯頌曰：錫之山川，土田附庸。

奄有龜蒙，遂荒大東。至于海邦，論語曰：季氏將伐顛臾。孔子曰：先王以爲東蒙主，且在邦域之中，是社稷之臣。此非七十里所能容。然則方五百里四百里，合於魯頌論語之言。諸男食者四之一，適方五十里。獨此與今五經家說合耳。玄謂其食者半，參之一，四之一者，土均均邦國地，輕重之等，其率之也。公之地以一易，侯伯之地以再易，子男之地以三易，必足其國禮俗，喪紀祭祀之用。乃貢其餘。若今度支經用餘爲司農穀矣。大國貢重，正之也。小國貢輕，字之也。凡諸侯爲牧正帥長及有德者，乃有附庸。爲其有祿者當取焉。公無附庸。侯附庸九同，伯附庸七同，子附庸五同，男附庸三同。進則取焉，退則歸焉。魯於周法不得有附庸，故言錫之也。地方七百里者，包附庸以大言之也。附庸二十四，言得兼此四等矣。

凡造都鄙，制其地域而封溝之，以

其室數制之，不易之地，家百畝，一易之地，家二百畝，再易之地，家三百畝。

都鄙，王子弟公卿大夫采地。其界曰都鄙。所居也。王制曰：天子之縣內，方百里。

之國九、七十里之國二十，有一、五十里之國六十，有三。此蓋夏時采地之數。周末間矣。春秋傳曰：遷鄭焉而鄙。留城郭之宅曰室。詩云：嗟我婦子，曰爲改歲，入此室處。以其室數制之，謂制丘甸之屬。王制曰：凡居民，量地以制邑，度地以居民。地邑民居，必參相得。鄭司農云：不易之地，歲種之地美，故家百畝。一易之地，休一歲乃復種。地薄，故家二百畝。再易之地，休二歲乃復種，故家三百畝。乃分地職，奠地守，制地貢，而頒職事焉。以爲地濶，而待政令。分地職，分其九職所宜也。定地守，謂衡麓處候之屬。制地貢，謂九職所稅也。頒職事者，分命使各爲其所職之事。

以荒政十有二聚萬民：一曰散利，二曰薄征，三曰緩刑，四曰

弛力，五曰舍禁，六曰去幾，七曰省禮，八曰殺哀，九曰蕃樂，十曰多昏，十有一曰索鬼神，十有二曰除盜賊。

荒凶年也。鄭司農云：救饑之政，十有二品。散利、貸種、食也。薄征、輕租稅也。弛力、息繇役也。去幾、闕市不幾也。省禮、掌客職所謂內荒殺禮者也。多昏、不備禮而娶昏者多也。索鬼神、求廢祀而修之。雲漢之詩所謂靡神不舉，靡愛斯牲者也。除盜賊、急其刑以除之。饑饉則盜賊多，不可不除也。杜子春讀蕃樂為藩樂，謂閉藏樂器而不作，玄謂去幾，去其稅耳。舍禁，若公無禁利，告禮謂殺吉禮也。殺哀，謂省凶禮。以保息六養萬民：一曰慈幼，二曰養老，三曰振窮，四

曰恤貧，五曰寬疾，六曰安富。

保息謂安之使蕃息也。慈幼謂愛幼少也。產子三人與之母，二人與之餼，十四以下不從征，養老七十養於鄉，五十異糧之屬。振窮拚掇天民之窮者也。窮者有四：曰矜，曰寡，曰孤，曰獨。恤貧，貧無財業，貸之寬疾，若今蠶不可事，不斲卒可事者半之也。安富平其繇役，不專取。

五日聯朋友，六曰同衣服。

本猶舊也。美善也。謂約核攻堅，風雨攸除，各有攸守，族猶類也。同宗者生相近，死相迫，連猶合也。兄弟昏姻嫁娶也。師儒鄉里教以道藝者。同師曰朋，同志曰友，同猶齊也。民雖有富者，衣服不得獨異。

正月之吉，始和，布教于邦國都鄙，乃縣教象之灋于象魏，使萬民觀教象，挾日而斂之，乃施教灋于邦國。

都鄙，使之各以教其所治民。

正月之吉，周正月朔日也。司徒以布王教，至正歲，又書教法而縣焉。

令五家為比，使之相保，五比為閭，使之相受，四

閭為族，使之相葬，五族為黨，使之相救，五黨為州，使之相調，五州為鄉，使之相賓。

此所以勸民者也。使之者，皆謂立其長而教令使之保猶。

任也。救凶災也。賓，賓客其賢者。故書受為授。杜子春云：當為受，謂民移徙所到則受之，所去則出之。又云：閭當為糾，謂糾其惡。玄謂受者，宅舍有故，相受寄託也。調者，謂禮物不備，相給足也。閭二十五家，族百家，黨五百家，州二千五百家，鄉萬二千五百家。

殞職

事十有二于邦國都鄙。使以登萬民。一曰稼穡。二曰樹藝。三曰作材。四曰阜藩。五曰飭材。六曰通財。七曰

化材。八曰斂材。九曰生材。十曰學藝。十有一曰世事。十有二曰服事。

鄭司農云。稼穡。謂三農生九穀也。樹藝。謂園圃育草木作材。謂虞衡作山澤之材。阜藩。謂

藪牧養蓄鳥獸。斂材。謂百工飭化八材。通材。謂商賈阜通貨賄。化材。謂嬪婦化治絲枲。斂材。謂臣妾聚斂。疏材。生材。謂開民無常職。轉移執事。學藝。謂學道藝。世事。謂以世事教能。則民不失職。服事。謂為公家服事者。玄謂生材。養竹木者。

以鄉三物

教萬民而賓興之。一曰六德。知、仁、聖、義、忠、和。二曰六行。孝、友、睦、婣、任、恤。三曰六藝。禮、樂、射、御、書、數。

物。猶事也。與猶

舉也。民三事教成。鄉大夫舉其賢者能者。以飲酒之禮賓客之。既則獻其書於王矣。知。明於事。仁。愛人以及物。聖。通而先識。義。能斷時宜。忠。言以中心和。不剛不柔。善於父母為孝。善於兄弟為友。睦。親於九族。婣。親於外親。任。信於友道。恤。振愛貧者。禮。五禮之義。樂。六樂之歌。舞。射。五射之法。御。五御之節。書。六書之品。數。九數之計。

以鄉八刑糾萬民。一曰不孝之刑。二曰不睦之刑。三曰不婣之刑。四曰不弟之

刑。五曰不任之刑。六曰不恤之刑。七曰造言之刑。八曰亂民之刑。

糾。猶督察也。不弟。不敬師長。造言。訛言惑眾。亂民。亂名改作。執左道以亂政也。鄭司農云。任。謂朋友

相任。恤。謂相愛。

以五禮防萬民之僞而教之中。

禮所以節止民之侈僞。使其行得中。鄭司農云。五禮。謂吉凶賓軍嘉。

以六樂防萬民之情而教之和。

樂所以蕩

正民之情思。使其心應和也。鄭司農云。六樂。謂雲門。咸池。大韶。大夏。大濩。大武。

凡萬民之不服教而有獄訟者。與有地治者聽而斷之。其附于刑者。歸于

士。不服教，不厭服於十二教，貪冒者也。爭罪曰獄，爭財曰訟。有地治者，謂鄉州及治都鄙者也。附麗也。士，司寇士師之屬。鄭司農云：與有地治者聽而斷之，與其地部界所屬吏共聽斷之。士，謂主斷刑之官。春秋傳曰：士榮爲大士，或謂歸于園土。園土，謂獄也。獄城園。

祀五帝，奉牛牲，羞其肆。牛能任載地類也。秦猶進也。鄭司農云：羞，進也。肆，陳骨體也。玄謂進所肆解骨體。士喪禮曰：肆解去蹄。享先王，亦如之。大賓客，令野脩道委積。

令，令遣人使爲之也。少曰委，多曰積，皆所以給賓客。大喪，帥六鄉之衆庶，屬其六引，而治其政令。衆庶，所致役也。鄭司農云：六引，謂引喪車索也。六鄉，主六引六遂主六鄉。大軍旅，

大田役，以旗致萬民，而治其徒庶之政令。旗，畫熊虎者也。徵衆，刻日樹旗，期於其下。若國有大故，則致萬民於王門，令無節者不

行於天下。大故，謂王崩及寇兵也。節，六節有節，乃得行防姦私。大荒，大札，則令邦國移民通財，舍禁弛力，薄征緩刑。大荒，大凶年也。大札，大疫病也。移民，辟災就賤。

其有守不可移者，則輸之穀。春，歲終，則令教官正治而致事。歲終，自周季冬也。教官，其屬六十。正治，明處其文書，致事，上其計簿。正歲，令于教官曰：各共

爾職，脩乃事，以聽王命。其有不正，則國有常刑。正歲，夏正月朔日。

小司徒之職，掌建邦之教灋，以稽國中及四郊都鄙之夫家九比之數，以辨其貴賤老幼癯疾，凡征役之

施舍，與其祭祀飲食喪紀之禁令。稽，猶考也。夫家，猶言男女也。鄭司農云：九比，謂九夫爲井，玄謂九比者，冢宰職出九賦者之人數也。貴，謂爲卿大夫。賤，謂占會販賣者。癯疾，謂癯病也。施當爲弛。乃頒

比灑于六鄉之大夫。使各登其鄉之衆寡六畜車輦。辨其物。以歲時入其數。以施政教。行徵令。登成也。成猶定也。衆寡民

之多少。物家中之財。歲時入其數。若今四時言事。及三年。則大比。大比。則受邦國之比要。大比。謂使天下更簡閱民數及其財物也。受邦國之比要。則亦受鄉遂矣。鄭司農云。五家爲比。故以比爲名。今時八

月案比是也。乃會萬民之卒伍而用之。五人爲伍。五伍爲兩。四兩爲卒。五卒爲旅。五旅爲師。五師爲軍。以起

軍旅。以作田役。以比追胥。以令貢賦。用。謂使民事之伍。兩。卒。旅。師。軍。皆衆之名。兩二十五人。卒百人。旅五百人。師二千五百人。軍萬二千五百人。此皆先王所因農事而定軍令者也。欲其恩足相恤。義足相救。服

容相別。音聲相識。作爲也。役。功力之事。追。逐寇也。春秋莊十八年。夏。公追戎于濟西。胥。伺捕盜賊也。貢。贖婦百工之物。賦。九賦也。鄉之田制與遂同。乃均土地。以稽其人民。而周知其數。上地家七

人。可任也。中地家六人。可任也。下地家五人。可任也。者家二人。均平也。周猶偏也。一家男女七人以上。則授之

以上地。所養者衆也。男女五人以下。則授之以下地。所養者寡也。正以七人六人五人爲率者。有夫有婦。然後爲家。自二人以至於十。爲九等。七六五者。爲其中。可任。謂丁強。任力役之事者。出老者一人。其餘男女強弱相半。其大數。凡起徒役。毋過

家一人。以其餘爲羨。唯田與追胥竭作。鄭司農云。羨。饒也。田。謂獵也。追。追寇賊也。竭。盡行。凡用衆庶。則掌其政教。與其戒禁。聽其辭

訟。施其賞罰。誅其犯命者。命。所以誓告之。凡國之大事。致民。大故。致餘子。大事。謂戎事也。大故。謂災寇也。鄭司農云。國有大

事。當徵召會聚百姓。則小司徒召聚之。餘子。謂僕

也。玄謂餘子。卿大夫之子。當守於王宮者也。

乃經土地而井牧其田野。九夫爲井。四井爲邑。四邑爲丘。四丘爲甸。四甸爲縣。四縣爲都。以任地事而令貢賦。凡稅斂之事。

此謂造都鄙也。采地制井田。異於鄉遂。重立國。小司徒爲經之。立其五溝五塗之界。其制似井之字。因取名焉。孟子曰。夫仁政必自經界始。經界不正。井田不均。貢祿不平。是

故暴君姦吏必慢其經界。經界既正。分田制祿。可坐而定也。鄭司農云。井牧者。春秋傳所謂井衍沃牧隰臯者也。玄謂隰臯之地。九夫爲牧。二牧而當一井。今造都鄙。授民田。有不易。有一易。有再易。通率二而當一。是之謂井牧。昔夏少康在虞思。有田一成。有衆一旅。一旅之衆而田一成。則井牧之法。先古然矣。九夫爲井者。方一里。九夫所治之田也。此制小司徒經之。匠人爲之溝洫。相包乃成耳。邑丘之屬。相連比以出田稅。溝洫爲除水害。四井爲邑。方二里。四邑爲丘。方四里。四丘爲甸。甸之言乘也。讀如衷甸之甸。甸方八里。旁加一里。則方十里。爲一成。積百井。九百夫。其中六十四井。五百七十六夫。出田稅。三十六井。三百二十四夫。治洫。四甸爲縣。方二十里。四縣爲都。方四十里。四都方八十里。旁加十里。乃得方百里爲一同也。積萬井。九萬夫。其四千九十六井。三萬六千八百六十四夫。出田稅。二千三百四井。二萬七百三十六夫。治洫。三千六百井。三萬二千四百夫。治澮。井田之法。備於一同。今止於都者。采地食者皆四之一。其制三等。百里之國。凡四都。一都之田稅入於王。五十里之國。凡四縣。一縣之田稅入於王。二十五里之國。凡四甸。一甸之田稅入於王。地事謂農牧。衡虞也。貢謂九穀山澤之材也。賦謂出車徒給繇役也。司馬法曰。六尺爲步。步百爲畷。畷百爲夫。夫三爲屋。屋三爲井。井十爲通。通爲匹馬。三十家。士一人。徒二人。通十爲成。成百井。三百家。革車一乘。士十人。徒二十人。十成爲終。終千井。三千家。革車十乘。士百人。徒二百人。十終爲同。同方百里。萬井。三萬家。乃分地域而辨其守。施其職而平其政。

分地域。謂建邦國。造都鄙。制鄉遂也。辨其守。謂衡虞之屬。職謂九職也。政稅也。故當作征。故書城爲邦。杜

子春云。凡小祭祀。奉牛牲。羞其肆。小祭祀。王小賓客。令野脩道委積。小賓客。諸侯之使臣。大軍旅。帥其衆庶。帥。帥而致於大司徒。

小軍旅。巡役治其政令。

巡役小力役之事則巡行之

大喪帥邦役治其政教。

喪役正棺引窆復土

凡建邦國立其社稷正其畿疆

之封。

畿九畿

凡民訟以地比正之。

鄭司農云以田畔所與比正斷其訟

地訟以圖正之。

地訟爭疆界者圖謂邦國本圖

歲終則攷其屬官之治成

而誅賞。

治成治事之計

令羣吏正要會而致事正歲則帥其屬而觀教灋之象徇以木鐸曰不用灋者國有常刑。

令羣吏憲禁令脩灋糾職以待邦治。

憲表縣之

及大比六鄉四郊之吏平教治正政事攷夫屋及其衆寡六畜

兵器以待政令。

四郊之吏吏在四郊之內主民事者夫三爲屋屋三爲井出地貢者三三相任

鄉師之職各掌其所治鄉之教而聽其治。

聽謂平察之

以國比之灋以時稽其夫家衆寡辨其老幼貴賤癯疾

馬牛之物辨其可任者與其施舍者掌其戒令糾禁聽其獄訟。

施舍謂應復免不給縣役

大役則帥民徒而至治其政

令既役則受州里之役要以攷司空之辟以逆其役事。

而至于作部曲也既已也役要所遣民徒之數辟功作章程逆猶鉤考也鄭司農云辟法也

凡邦事令

作秩敘。

事功力之事秩常也敘猶次也事有常次則不僭匱

大祭祀羞牛牲共茅菹。

杜子春云菹當爲菹以茅爲菹若葵菹也鄭大夫讀菹爲菹謂祭前藉也易曰藉用白茅无咎玄謂菹土虞禮所謂苴刈茅長五寸

東之者是也。視設于几東席上。命佐食取黍稷。祭于苴。三取膚祭。如初。此所以承祭。既祭。蓋束而去之。守祧職云。既祭。藏其隋。是與。

大軍旅會同。正治其徒役。與其葷輦。戮其犯命者。

葷輦

馬輦人。執行所以載任器也。止以為蕃營。司馬法曰。夏后氏謂輦曰余車。殷曰胡奴車。周曰輻輦。輦一斧一斤一鑿。一裡一鋤。周釐加二版二築。又曰。夏后氏二十人而輦。殷十八人而輦。周十五人而輦。故書輦作連。鄭司農云。連讀為輦。

大喪用役。則

帥其民而至。遂治之。

治謂監督其事。

及葬。執纛以與匠師。御匱而治役。

匠師。事官之屬。其於司空。若鄉師之於司徒也。鄉師主役。匠師主衆。匠共主葬。引雜記曰。升正概。諸侯執

紼五百人。四紼皆銜枚。司馬執鐸。左八人。右八人。匠人執翻以御概。天子六引。禮依此云。鄭司農云。翻。羽葆幢也。爾雅曰。纛。翳也。以指麾。輓。極之役。正其行列進退。

及窆。執斧以泄匠師。

匠師主豐碑之事。執斧以泄之。使戒其事。故書泄作

立。鄭司農云。窆。謂葬下棺也。春秋傳曰。日中而殯。禮記所謂封者。立讀為泄。泄。謂臨視也。

凡四時之田。前期。出田。澗于州里。簡其鼓鐸。旗物兵器。脩其卒伍。

用法。人徒

及所常有。

及期。以司徒之大旗。致衆庶而陳之。以旗物辨鄉邑。而治其政令刑禁。巡其前後之屯。而戮其犯命

者。斷其爭禽之訟。

司徒致衆庶者。以熊虎之旗。此又以之。明為司徒致之。大夫致衆。當以鳥隼之旗。陳之以旗物以表正其行列。辨別異也。故書巡作述。屯或為聲。鄭大夫讀屯為課。殿。杜子春讀為在後曰殿。謂前後屯兵也。玄謂前後屯。車徒異

部也。今書多為屯。從屯。

凡四時之徵令有常者。以木鐸徇於市朝。

徵令有常者。謂田狩及正月命脩封疆。二月命雷且發聲。

以歲時巡國及野。而闕萬

民之囂阨。以王命施惠。

歲時者。隨其事之時。不必四時也。跟阨。饑乏也。鄭司農云。闕讀為周急之周。

歲終。則攷六鄉之治。以詔廢置。正歲。稽其鄉器。比

共吉凶二服。閭共祭器。族共喪器。黨共射器。州共寶器。鄉共吉凶禮樂之器。

吉服者祭服也。凶服者弔服也。比長主集爲之祭器者。簠簋鼎俎之屬。

晉上集爲之喪器者。夷槃素俎。楛豆。騶軸之屬。族師主集爲之。此三者民所以相共也。射器者。弓矢。楅中之屬。黨正主集爲之。爲州長或時射於此黨也。寶器者。尊俎。笙瑟之屬。州長主集爲之。爲鄉大夫。或時寶賢能於此州也。吉器者。閭祭器者也。凶器者。族喪器者也。禮樂之器。若州黨賓射之器者也。鄉大夫備集此四者。爲州黨族閭有故而

若國大比。則攷教察辭。稽器展事。以詔誅賞。

攷教視賢

能以知道藝與不察辭。視吏言事。知其情實。不展猶整具。

鄉大夫之職。各掌其鄉之政教禁令。

鄭司農云。萬二千五百家爲鄉。

正月之吉。受教灋于司徒。退而頒之于其鄉吏。使各以

教其所治。以考其德行。察其道藝。

其鄉吏。州長以下。

以歲時登其夫家之衆寡。辨其可任者。國中自七尺以及六

十。野自六尺以及六十。有五皆征之。其舍者。國中貴者賢者能者。服公事者。老者疾者。皆舍。以歲時入其

書。登成也。定也。國中城郭中也。晚賦稅而早免之。以其所居復多役少。野早賦稅而晚免之。以其復少役多。鄭司農云。征之者。給公上事也。舍者。謂有復除舍不收役事也。貴者。謂若今宗室及關內侯皆復也。服公事者。謂若今吏有復除也。老者。謂若今八十九十復。諫卒

也。疾者。謂若今癯不可事者。復之。玄謂入其書者。言於大司徒。

三年則大比。攷其德行道藝。而興賢者能者。鄉老及鄉大夫。帥其吏與其衆寡。

以禮禮賓之。

賢者有德行者能者有道藝者衆寡謂鄉人之善者無多少也。鄭司農云興賢者謂若今舉孝廉興能者謂若今舉茂才賓敬也。賓所舉賢者能者玄謂變舉言興者謂合衆而尊寵之以鄉飲酒之禮禮而賓之。

厥明鄉老

及鄉大夫羣吏獻賢能之書于王。王再拜受之。登于天府。內史貳之。

厥其也。其賓之明日也。獻猶進也。王拜受之。重得賢者。王上其書於天府。天府掌祖廟之寶藏。

者內史副寫其書者。

退而以鄉射之禮五物詢衆庶。一曰和。二曰容。三曰主皮。四曰和容。五曰興舞。

以用也行鄉射之禮。

當詔王爵祿之時。

而以五物詢於衆民。鄭司農云詢謀也。問於衆庶。寧復有賢能者。和謂闔門之內行也。容謂容貌也。主皮謂善射。射所以觀士也。故書舞爲無杜子春讀和容爲和頌。謂能爲樂也。無讀爲舞。謂能爲六舞。玄謂和載六德。容包六行也。庶民無射禮。因田獵分禽。則有主皮。主皮者。張皮射之。無侯也。主皮和容興舞。則六藝之射與禮樂與。當射之時。民必觀焉。因詢之也。孔子射於矍相之圃。蓋觀者如堵牆。射至於司馬。使子路執弓矢出誓射者。又使公罔之裘序點揚鱗而語。詢衆庶之儀若是乎。

此謂使民興賢出

使長之。使民興能。入使治之。

言是乃所謂使民自舉賢者。因出之而使之長民。教以德行道藝於外也。使民自舉能者。因入之而使之治民之貢賦田役之事於內也。言爲政以順民爲本也。書曰天聰明自我民聰明。天明威。

自我民明威。老子曰聖人無常心。以百姓心爲心。如是則古今未有遺民。而可爲治。

歲終。則令六鄉之吏。皆會政致事。

會計也。致事言其歲盡文書。

正歲。令羣吏攷濶于司

徒以退。各憲之於其所治國。大詢于衆庶。則各帥其鄉之衆寡而致於朝。

大詢者詢國危。詢國遷。詢立君。鄭司農云大詢于衆庶。洪範所謂謀及庶民。

國有大故。則令民各守其閭。以待政令。

使民皆聚於閭。胥所治處。

以旌節輔令。則達之。

民雖以微令行。其將之者無節則不得通。

州長各掌其州之教治政令之灋。

鄭司農云二千五百家爲州。論語曰雖州里行乎哉。春秋傳曰鄉取一人焉以歸謂之夏州。

正月之吉各屬其州之民而讀

灋以攷其德行道藝而勸之以糾其過惡而戒之。

屬猶合也聚也。因聚衆而勸戒之者欲其善。

若以歲時祭祀州社則屬其民而

讀灋亦如之。春秋以禮會民而射于州序。

序州黨之學也會民而射所以正其志也。射義曰射之爲言釋也釋者各釋已之志。

凡州之大祭祀大喪皆蒞其

事。

大祭祀謂州社稷也大喪鄉老鄉大夫於是卒者也蒞臨也。

若國作民而師田行役之事則帥而致之掌其戒令與其賞罰。

致之致之於司徒也掌其戒令

賞罰則是於軍因爲師帥

歲終則會其州之政令正歲則讀教灋如初。

雖以正月讀之至正歲猶復讀之因此四時之正重申之

三年大比則大攷州里

以贊鄉大夫廢興。

廢興所廢退所興進也。鄭司農云贊助也。

黨正各掌其黨之政令教治。

鄭司農云五百家爲黨。論語曰孔子於鄉黨又曰闕黨童子。

及四時之孟月吉日則屬民而讀邦灋以糾戒之。

以四孟之月朔日讀法者。彌親民者於教亦彌數。

春秋祭禁亦如之。

禁謂零祭水旱之神蓋亦爲壇位如祭社稷云。

國索鬼神而祭祀則以禮屬民而飲酒于序。

以正齒位壹命齒于鄉里再命齒于父族三命而不齒。

國索鬼神而祭祀謂歲十二月大蜡之時建亥之月也。正齒位者鄉飲酒義所謂六十者坐五十者立侍六十者三豆七十者

四豆八十者五豆九十者六豆是也。必正之者為民三時務農將闕於禮。至此農隙而教之尊長養老見孝弟之道也。黨正飲酒禮亡。以此事屬於鄉飲酒之義。微失少矣。凡射飲酒此鄉民雖為鄉大夫必來觀禮。鄉飲酒鄉射記大夫樂作不入士既族不入是也。齒于鄉里者以年與衆賓相次也。齒于父族者父族有為賓者以年與之相次。異姓雖有老者居於其上。不齒者席于尊東。所謂遵凡其黨之祭祀喪紀婚冠飲酒教其禮事掌其戒禁之民。

凡作民而師田行役則以其濃治其政事。

亦於軍因為旅帥

歲終則會其黨政帥其吏而致事正歲屬民讀濃而

書其德行道藝

書記之

以整時涖校比

涖臨也鄭司農云校比族師職所謂以時屬民而校登其族之夫家衆寡辨其貴賤老幼癘疾可任者及其六畜車輦如今小案比

及大比亦如

之

族師各掌其族之戒令政事

政事邦政之事鄭司農云百家為族

月吉則屬民而讀邦濃書其孝弟睦婣有學者

月吉每月朔日也故書上

句或無事字杜子春云當為正月吉書亦或為戒令政事月吉則屬民而讀邦法

春秋祭酺亦如之

酺者為人物裁害之神也故書酺或為步杜子春云當為酺玄謂校人職又有冬祭馬步則未知此世所云蠶螟之酺與人鬼之步與蓋

亦為壇位如零樂云族長無飲酒之禮因祭酺而與其民以長幼相獻酬焉

以邦比之濃帥四閭之吏以時屬民而校登其族之夫家衆寡辨其貴賤

老幼癘疾可任者及其六畜車輦

登成也定也

五家為比十家為聯五人為伍十人為聯四閭為族八閭為聯

使之相保相受。刑罰慶賞相及相共。以受邦職。以役國事。以相葬埋。相共猶相敦相調若作民而師田行役。則合

其卒伍。簡其兵器。以鼓鐸旗物帥而至。掌其治令戒禁刑罰。亦於軍因為卒長歲終。則會政致事。

閭胥各掌其閭之徵令。鄭司農云二以歲時各數其閭之衆寡。辨其施舍。凡春秋之祭祀役政喪紀之數。十五家為閭

聚衆庶。既比。則讀灋。書其敬敏任恤者。祭祀謂州社黨。樂族。酺也。役田役也。政者州射黨飲酒也。喪紀大喪之事也。四者及比皆會聚衆民。因以讀灋以勅戒之。故書既為暨。杜子春讀政為征。暨為既。凡

事。掌其比。黷撻罰之事。黷撻者。失禮之罰也。黷用酒。其爵以兕角為之。撻。扑也。故書或言黷撻之罰事。杜子春云。當言黷撻罰之事。

比長各掌其比之治。五家相受相和。有臯奇裘。則相及。邪猶惡也。徙于國中及郊。則從而授之。徙。謂不便其居也。或國中之民

出徙郊。或郊民入徙國中。皆從而付所處之吏。明無罪惡。若徙于他。則為之旌節而行之。徙於他。謂出居異鄉也。授之者。有節乃達。若無授無節。則唯圜土內之。鄉中

無授。出鄉無節。過所則呵問。繫之。圜土。考辟之也。圜土者。獄城也。獄必圍者。規主仁。以仁心求其情。古之治獄。閱於出之。

封人掌設王之社壇。為畿。封而樹之。壇。謂壇及壇埽也。畿。上有封。若今時界矣。不言稷者。稷社之細也。凡封國。設其社稷之壇。封其四疆。封國。建諸

侯立其國之封。造都邑之封域者亦如之。令社稷之職。

將祭之時令諸有職事於社稷者也。郊特牲曰：唯爲社事單出。里唯爲社田。國人畢作。唯爲社。丘乘共築盛。所以報本反始也。

凡祭祀

飾其牛牲。設其楅衡。置其絃。共其水盥。

飾謂刷治潔清之也。鄭司農云：楅衡所以楅持牛也。絃者牛鼻繩。所以牽牛者。今時謂之雄。與古者名同。皆謂夕牲時也。杜子春云：楅衡所以持牛。今不得抵觸人。玄謂

楅衡設於角。衡設於鼻。如楸狀也。水盥。給殺時洗薦牲也。絃字當以多爲聲。

歌舞牲及毛炮之豚。

謂君牽牲入時隨歌舞之言其肥香以飲神也。毛炮豚者。燂去其毛而炮之。以備八珍。鄭司農云：封人主歌舞其牲。云博碩肥膋。

凡

喪紀賓客軍旅大盟則飾其牛牲。

大盟會同之盟。

鼓人掌教六鼓四金之音聲以節聲樂以和軍旅以正田役。

音聲五聲合和者。

教爲鼓而辨其聲用。

教爲鼓教擊鼓者大小之數又

別其聲所用之事。

以雷鼓鼓神祀。

雷鼓八面鼓也。神祀祀天神也。

以靈鼓鼓社祭。

靈鼓六面鼓也。社祭祭地祇也。

以路鼓鼓鬼享。

路鼓四面鼓也。鬼享享宗廟也。

以鼗

鼓鼓軍事。

大鼓謂之鼗。鼗鼓長八尺。

以鞀鼓鼓役事。

鞀鼓長丈二尺。

以晉鼓鼓金奏。

晉鼓長六尺六寸。金奏謂樂作擊編鐘。

以金鐃和鼓。

鐃鐃于也。闐如確頭。

大上小下。樂作。鳴之與鼓相和。

以金鑼節鼓。

鑼鉦也。形如小鐘。軍行鳴之以爲鼓節。司馬職曰：軍行鳴鑼。

以金鏡止鼓。

鏡如鈴。無舌。有乘。執而鳴之。以止擊鼓。司馬職曰：鳴鏡且卻。

以金鐸通鼓。

鐸大鈴也。振之以通鼓。司馬職曰：司馬接鐸。

凡祭祀百物之神。鼓兵舞。輶舞者。

兵謂干戚也。輶列五采。繪爲之。有乘。皆舞者所執。

凡軍旅夜鼓鼗。

鼗。夜戒守鼓也。司馬法曰：昏鼓。

四通爲大饗。夜半三通爲晨戒。且明五通爲發陶。

軍動則鼓其衆。動且行。

田役亦如之。救日月則詔王鼓。

救日月食。王必親擊鼓者。聲大異春秋傳曰。非日月之告不鼓。

大喪

則詔大僕鼓。始崩及窆時也。

舞師掌教兵舞。帥而舞山川之祭祀。教帔舞。帥而舞社稷之祭祀。教羽舞。帥而舞四方之祭祀。教皇舞。帥

而舞旱暵之事。

羽。析白羽爲之。形如帔也。四方之祭祀。謂四望也。旱暵之事。謂雩也。暵。熱氣也。鄭司農云。皇舞蒙羽舞。書或爲聖。或爲義。玄謂皇。析五采羽爲之。亦如帔。

凡野舞則皆教之。

野舞。謂野人欲學舞

者。凡小祭祀不興舞。小祭祀。王玄冕所祭者。與猶作也。

牧人掌牧六牲而阜蕃其物。以共祭祀之牲牷。

六牲。謂牛馬羊豕犬雞。鄭司農云。牷。純也。玄謂牷。體完具。

凡陽祀用騂牲。毛之。陰祀用黝牲。

毛之。望祀各以其方之色牲。毛之。

騂。牲赤色。毛之。取純毛也。陰祀。祭地。北郊及社稷也。望祀。五嶽四鎮四瀆也。鄭司農云。陽祀。春夏也。黝。讀爲幽。幽。黑也。玄謂陽祀。祭天於南郊及宗廟。

凡時祀之

牲必用牲物。

時祀。四時所常祀。謂山川以下至四方百物。

凡外祭毀事用羴可也。

外祭。謂表貉及王行所過山川用事者。故書毀爲羴。羴。作羴。杜子春云。羴當爲毀。龍當爲羴。羴。謂雜色不純。毀。謂副辜。侯

禮毀除殃。咎之屬。

凡祭祀共其犧牲以授充人繫之。

犧牲。毛羽完具也。授充人者。當殊養之。周景王時。賓起見雄雞自斷其尾。曰雞憚其爲犧。

凡牲不繫者共奉之。

謂非時而

祭祀者

牛人掌養國之公牛以待國之政令。

公猶官也。

凡祭祀共其享牛求牛以授職人而芻之。

鄭司農云享牛前祭一日之牛也求牛禱於鬼神祈

求福之牛也。玄謂享獻也。獻神之牛謂所以祭者也。求終也。終事之牛謂所以釋者也。宗廟有釋者孝子求神非一處職讀為織織謂之杖可以發牛機人者謂牧人充人與芻牲之芻牛人擇於公牛之中而以授養之。

凡賓客之事共其

牢禮積膳之牛。

牢禮殯賓也積所以給賓客之用若司儀職曰主國五積者也膳所以問禮賓客若掌客云殷膳大牢。

饗食賓射共其膳羞之牛。

羞進也所進賓之膳燕禮小臣請執筯者與羞膳者

至獻賓而膳宰設折俎王之膳羞亦猶此。

軍事共其犒牛。

鄭司農云犒師之牛。

喪事共其奠牛。

謂殷奠遺奠也喪所薦饋曰奠。

凡會同軍旅行役共其兵車之

牛與其牽徬以載公任器。

牽徬在轅外輓牛也人御之居其前曰牽居其旁曰徬任猶用也。

凡祭祀共其牛牲之互與其盆簠以待事。

鄭司農云互謂福衡

之屬盆簠皆器名盆所以盛血簠受肉籠也玄謂互若今屠家縣肉格。

充人掌繫祭祀之牲牲祀五帝則繫于牢芻之三月。

牢閑也必有閑者防禽獸觸齧養牛羊曰芻三月一時節氣成。

享先王亦如之凡散祭祀

之牲繫于國門使養之。

散祭祀謂司中司命山川之屬國門謂城門司門之官鄭司農云使養之使守門者養之。

展牲則告牲。

鄭司農云展具也具牲若今時選牲也充人主以牲牲告展牲者也玄謂展牲

若今夕牲也。特牲饋食之禮曰宗人視牲告充。舉獸尾告備。近之。

碩牲則贊。

贊助也。君牽牲入將致之。助持之也。春秋傳曰。故奉牲以告曰博碩肥腍。

周禮卷第四

地官司徒下

載師。掌任土之灋。以物地事。授地職。而待其政令。

任土者。任其力勢所能生育。且以制貢賦也。物。物色之。以知其所宜之事。而授農牧衡虞使職之。

以廩里任國中

之地。以場圃任園地。以宅田士田賈田任近郊之地。以官田牛田賞田牧田任遠郊之地。以公邑之田任

甸地。以家邑之田任稍地。以小都之田任縣地。以大都之田任甸地。

故書廩或作壇。郊或爲蒿。稍或作削。鄭司農云。壇讀爲廩。廩。市中空地。未有肆。城中空地。未有

宅者。民宅曰宅。宅田者。以備益多也。士田者。士大夫之子得而耕之田也。賈田者。吏爲縣官賣財。與之田。官田者。公家之所耕田。牛田者。以養公家之牛。賞田者。賞賜之田。牧田者。牧六畜之田。司馬法曰。王國百里爲郊。二百里爲州。三百里爲野。四百里爲縣。五百里爲都。杜子春云。蒿讀爲郊。五十里爲近郊。百里爲遠郊。玄謂廩里者。若今云邑居里矣。廩。民居之區域也。里。居也。圃。樹果蔬之屬。季秋於中爲場。樊圃謂之園。宅田。致仕者之家所受田也。士相見禮曰。宅者在邦則曰市井之臣。在野則曰草莽之臣。士讀爲仕。仕者亦受田。所謂圭田也。孟子曰。自卿以下。必有圭田。圭田五十畷。賈田。在市賈人其家所受田也。官田。庶人在官者其家所受田也。牛田。牧田。畜牧者之家所受田也。公邑。謂六遂餘地。天子使大夫治之。自此以外皆然。二百里三百里。其大夫如州長。四百里五百里。其大夫如縣正。是以或謂二百里爲州。四百里爲縣云。遂人亦監焉。家邑。大夫之采地。小都。卿之采地。大都。公之采地。王子弟所食邑也。置五百里。王畿界也。皆言任者。地之形實不方。如圖。受田邑者。遠近不得盡如制。其所生育賦貢。取正於是耳。以廩里任國中。而遂人職授民田。夫一廩田百畷。是

廩里不謂民之邑居在都城者與。凡王畿內方千里，積百同，九百萬夫之地也。有山陵林麓川澤溝瀆城郭宮室塗巷，三分去一，餘六百萬夫。又以田不易一易再易，上中下相通，定受田者三百萬家也。遠郊之內地居四同，三十六萬夫之地也。三分去一，其餘二十四萬夫。六鄉之民七萬五千家，通不易一易再易，一家受二夫，則十五萬夫之地。其餘九萬夫，廩里也，場圃也，宅田也，士田也，賈田也，官田也，牛田也，貨田也，牧田也。九者亦通受一夫焉，則半農人也。定受田十二萬家也。食貨志云：農民戶一人已受田，其家衆男爲餘夫，亦以口受田。如此，士工商家受田五口，乃當農夫一人。今餘夫在遂地之中，如此，則士工商以事入在官，而餘夫以力出耕。公邑甸稍縣都，合居九十六同，八百六十四萬夫之地。城郭宮室差少，塗巷又狹於三分所去六而存一焉，以十八分之十三率之，則其餘六百二十四萬夫之地。通上中下六家而受十三夫，定受田二百八十八萬家也。其在甸七萬五千家爲六遂，餘則公邑。

凡任地，國宅無征，園廩二十而一，近郊十一，遠郊二十而三，甸稍

縣，都皆無過十二，唯其漆林之征二十而五。

征稅也。言征者以共國政也。鄭司農云：任地，謂任土地以起稅賦也。國宅，城中宅也。無征，無稅也。故書漆林爲漆林，杜子春云：當爲漆林，玄謂國宅，凡官

所有宮室，吏所治者也。周稅輕近而重遠，近者多役也。園，廩亦輕之者。廩，無穀園少利也。古之宅必樹而置場有瓜。

凡宅不毛者，有里布。凡田不耕者，出屋粟。凡民無職事者，出

夫家之征。

鄭司農云：宅不毛者，謂不樹桑麻也。里布者，布參印書，廣二寸，長二尺，以爲幣，貿易物。詩云：抱布貿絲，抱此布也。或曰：布，泉也。春秋傳曰：買之百兩，一布。又廩人職：掌斂市之次布，儻布，質布，罰布，廩布。孟子曰：廩無夫里之布，則天下之民皆說

而願爲其民矣。故曰：宅不毛者，有里布。民無職事，出夫家之征，欲令宅樹桑麻，民就四業，則無稅賦以勸之也。故孟子曰：五畝之宅，樹之以桑，則五十者可以衣帛。不知言布參印書者，何見舊時說也。玄謂宅不毛者，罰以一里二十五家之泉空田者，罰以三家之稅粟，以共

吉凶二服及喪器也。民雖有閒無職事者，猶出夫稅家稅也。夫稅者，百畝之稅。家稅者，出士徒車輦給繇役。

以時徵其賦。

閭師掌國中及四郊之人民六畜之數以任其力以待其政令以時徵其賦。國中及四郊是所主數六鄉之中自應里至遠郊也掌六畜數者農事之

本也賦謂九賦及九貢凡任民任農以耕事貢九穀任圃以樹事貢草木任工以飭材事貢器物任商以市事貢貨賄。

任牧以畜事貢鳥獸任嬪以女事貢布帛任衡以山事貢其物任虞以澤事貢其物。貢草木謂葵韭果蔬之屬凡無職

者出夫布。獨言無職者掌其九賦凡庶民不畜者祭無牲不耕者祭無盛不樹者無棹不蠶者不帛不績者不衰。掌罰其家

事也盛黍稷也棹周棺也不帛不得衣帛也。不衰喪不得衣衰也皆所以恥不勉

縣師掌邦國都鄙稍甸郊里之地域而辨其夫家人民田萊之數及其六畜車輦之稽三年大比則以攷

羣吏而以詔廢置。郊里郊所居也自邦國以及四郊之內是所主數周天若將有軍旅會同田役之戒則受灋于司

馬以作其衆庶及馬牛車犖會其車人之卒伍使皆備旗鼓兵器以帥而至。受法於司馬者知所當徵衆寡凡造都邑量其

地辨其物而制其域。物謂地所有也名山大澤不以封以歲時徵野之賦貢。野謂甸稍縣都也所徵賦貢與閭師同

遣人掌邦之委積。以待施惠。鄉里之委積。以恤民之羸阨。門關之委積。以養老孤。郊里之委積。以待賓客。

野鄙之委積。以待羈旅。縣都之委積。以待凶荒。

委積者。廩人倉人計九穀之數足國用。以其餘共之。所謂餘法用也。職內邦之移用。亦如此也。皆以餘財共之。少曰委。多曰積。鄉里。鄉所居也。羸阨。

猶困乏也。門關以養老孤。人所出入。易以取饋廩也。羈旅。過行寄止者。待凶荒。謂邦國所當通給者也。故書羸阨。作擇阨。羈作寄。杜子春云。權阨當爲羸阨。寄當爲羈。

凡賓客會同。師役。掌其道路之委積。凡

國野之道。十里有廬。廬有飲食。三十里有宿。宿有路室。路室有委。五十里有市。市有候館。候館有積。

廬。若今野

候徒有庠也。宿。可止宿。若今亭有室矣。候館。樓可以觀望者也。一市之間有三廬一宿。

凡委積之事。巡而比之。以時頒之。

均人掌均地政。均地守。均地職。均人民。牛馬車輦之力政。

政讀爲征。地征。謂地守地職之稅也。地守。衛虞之屬。地職。農圃之屬。力征。人民則治城郭。涂巷溝渠。牛馬車輦。則轉委積。

之屬。凡均方政。以歲上下。豐年。則公旬用三日焉。中年。則公旬用二日焉。無年。則公旬用一日焉。

豐年。人食四鬴之歲也。人

食三鬴爲中歲。人食二鬴爲無歲。歲無贏儲也。公事也。旬均也。讀如營營。原隰之營。易坤爲均。今書亦有作旬者。

凶札。則無力政。無財賦。

無力政。恤其勞也。無財賦。恤其乏困也。財賦。九賦也。

不收地守地

職。不均地政。

不收山澤及地稅。亦不平計地稅也。非凶札之歲。當收稅乃均之耳。

三年大比。則大均。

師氏掌以媿詔王。

告王以善道也。文王世子曰師也者教之以事而論諸德者也。

以三德教國子。一曰至德。以為道本。二曰敏德。以為行本。三

曰孝德。以知逆惡。教三行。一曰孝行。以親父母。二曰友行。以尊賢良。三曰順行。以事師長。

德行內外之稱。在心為德。施之為行。

至德。中和之德。覆濂持戒含容者也。孔子曰。中庸之為德。其至矣乎。敏德。仁義順時者也。說命曰。敬孫務時敏。厥修乃來。孝德。尊祖愛親。守其所以生者也。孔子曰。武王周公其達孝矣乎。夫孝者。善繼人之志。善述人之事者也。孝在三德之下。三行之上。德有廣於孝。而行莫尊焉。國子。公卿大夫之子弟。師氏教之。而世子亦簡焉。學君臣父子長幼之道。

居虎門之左。司王朝。

虎門。路寢門也。王日視朝於路寢門外。畫虎焉。以明勇猛於守。宜也。司猶察也。察王之視朝。若有善道可行者。則當前以詔王。

掌

國中失之事。以教國子弟。

教之者。使識舊事也。中。中禮者也。夫失禮者也。故書中為得。杜子春云。當為得。記君得失。若春秋是也。

凡國之貴遊子弟學焉。

貴遊子弟。王公之子弟。遊無官

司者。杜子春云。遊當為猶。言雖貴猶學。

凡祭祀。賓客。會同。喪紀。軍旅。王舉則從。

舉猶行也。故書舉為與。杜子春云。當為與。謂王與會同喪紀之事。

聽治亦如之。

謂王舉於野外

以聽朝。使其屬帥四夷之隸。各以其兵服守王之門外。且蹕。

兵服。旃布弓劍不同也。門外。中門之外。蹕。止行人不得迫王宮也。故書隸。或作肆。鄭司農云。讀為隸。

朝在野

外。則守內列。

內列。蕃營之在內者也。其屬亦帥四夷之隸。守之如守王宮。

保氏掌諫王惡。

諫者。以禮義正之。文王世子曰。保也者。慎其身以輔翼之。而歸諸道者也。

而養國子以道。乃教之六藝。一曰五禮。二曰六樂。三曰五

射。四曰五馭。五曰六書。六曰九數。乃教之六儀。一曰祭祀之容。二曰賓客之容。三曰朝廷之容。四曰喪紀

之容。五曰軍旅之容。六曰車馬之容。

養國子以道者。以師氏之德行審諭之。而後教之。以藝儀也。五禮。吉。凶。賓。軍。嘉也。六樂。雲門。大咸。大韶。大夏。大濩。大武也。鄭司農云。五射。白矢。參連。剡注。囊尺。井儀也。五馭。鳴

和鸞。逐水曲。過君表。舞交衢。逐禽左。六書。象形。會意。轉注。處事。假借。諧聲也。九數。方田。粟米。差分。少廣。商功。均輸。方程。贏不足。旁要。今有重差。夕桀。句股也。祭祀之容。穆穆皇皇。賓客之容。嚴格矜莊。朝廷之容。濟濟跄跄。喪紀之容。涕涕翔翔。軍旅之容。闐闐仰仰。車馬之容。顛顛翼翼。玄謂祭祀之容。齊齊皇皇。賓客之容。穆穆皇皇。朝廷之容。濟濟翔翔。喪紀之容。纛纛顛顛。軍旅之容。暨暨路路。車馬之容。匪匪翼翼。

凡祭祀、賓客、會同、喪紀、軍旅、王舉則從、聽治、亦如

之。使其屬守王闈。闈。宮中之巷門。

司諫。掌糾萬民之德。而勸之朋友。正其行。而強之道藝。巡問而觀察之。以時書其德行道藝。辨其能而可

任于國事者。

朋友。相切磋。以善道也。強。猶勸也。學記曰。強而弗抑。則易。巡問。行問民間也。可任於國事。任吏職。

以攷鄉里之治。以詔廢置。以行赦宥。

因巡問勸強萬民。而考鄉里吏民罪。

過。以告王。所當罪不。

司救。掌萬民之裘。惡過失而誅讓之。以禮防禁而救之。

邪惡。謂侮慢長老。語言無忌而未麗於罪者。過失。亦由邪惡。醜益好訟。若抽拔兵器。誤以行傷害人。麗於罪者。誅。誅責也。古者

重刑且責怒之未即罪也。

凡民之有褻惡者，三讓而罰，三罰而士加明刑，恥諸嘉石，役諸司空。

罰，謂撻擊之也。加明刑者，去其冠飾而書其邪惡之狀著之背。

也。嘉石，朝士所掌，在外朝之門左，使坐焉，以恥辱之。既而役諸司空，使事官作之也。坐役之數存於司寇。

其有過失者，三讓而罰，三罰而歸于圜土。

圜土，獄域也。過失，近罪。晝日任之以事而收之夜，噓

於獄，亦加明刑以恥之，不使坐嘉石，其罪已著，未忍刑之。

凡歲時有天患，民病，則以節巡國中及郊野，而以王命施惠。

天患，謂戕害也。節，旃節也。施惠，調恤之。

調人掌司萬民之難而諧和之。

難，相與為仇。諧，猶調也。

凡過而殺傷人者，以民成之。

過，無本意也。成，平也。鄭司農云：以民成之，謂立證佐成其罪也。一說以鄉里之

民共和解之。春秋傳曰：惠伯成之之屬。

鳥獸亦如之。

過失殺傷人之畜產者。

凡和難，父之讎，辟諸海外；兄弟之讎，辟諸千里之外；從父兄弟

之讎，不同國；君之讎，眡父，師長之讎，眡兄弟，主友之讎，眡從父兄弟。

和之，使辟於此，不得就而仇之。九夷，八蠻，六戎，五狄，謂之四海。主，大夫君也。春秋傳曰：晉荀偃

卒而視，不可含，宣子盟而撫之，曰：事吳敢不如事主。

弗辟，則與之瑞節，而以執之。

瑞節，玉節之刺圭也。和之而不肯辟者，是不從王命也。王以刺圭使調人執之治其罪。

凡殺人而反殺者，

使邦國交讎之。

反，復也。復殺之者，此欲除害弱敵也。邦國交讎，之不明和，諸侯得者即誅之。鄭司農云：有反殺者，謂重殺也。

凡殺人而義者，不同國，令勿讎，讎之則死。

也。謂父母兄弟師長嘗辱焉而殺之者，如是為得其宜。雖所殺者人之父兄，不得讎也。使之不同國而已。

凡有鬪怒者，成之不可成者，則書之，先動者誅之。

鬪怒，辯訟者也。不可成，不可平。

也。書之。記其姓名。辯本也。鄭司農云。成之謂和之也。和之。猶今二千石以令解仇怨。後復相報。移徙之。此其類也。玄謂。上言立證佐成其罪。似非。

媒氏掌萬民之判。

判。半也。得耦爲合。主合其牛成夫婦也。喪服傳曰。夫妻判合。鄭司農云。主萬民之判合。

凡男女自成名以上。皆書年月日名焉。

鄭司農云。成名。謂子生三

月父名之。

令男三十而娶。女二十而嫁。

二三。者天地相承覆之數也。易曰。參天兩地而奇數焉。

凡娶判妻入子者。皆書之。

書之者。以別未成昏禮者。鄭司農云。入子者。謂

嫁女者也。玄謂。言入子者。容媵姪娣不娉之者。

中春之月。令會男女。

中春。陰陽交。以成昏禮。順天時也。

於是時也。奔者不禁。

重天時。權許之也。

若無故而不用。

令者。罰之。

無故。謂無喪禍之變也。有喪禍者。娶得用非中春之月。雜記曰。已雖小功。既卒哭。可以冠子娶妻。

司男女之無夫家者而會之。

司。猶察也。無夫家。謂男女之鰥寡者。

凡嫁子。

娶妻。人幣純帛無過五兩。

純實緇字也。古緇以才爲幣。納幣用緇。婦人陰也。凡於娶禮。必用其類。五兩。十端也。必言兩者。欲得其配合之名。十者。象五行十日相成也。士大夫乃以玄纁束帛。天子加以穀圭。諸侯加以大璋。雜記曰。納

幣一束。束五兩。兩五尋。然則每端二丈。

禁遷葬者與嫁殤者。

遷葬。謂生時非夫婦。死既葬。遷之使相從也。殤。十九以下未嫁而死者。生不以禮相接。死而合之。是亦亂人倫者也。鄭司農云。嫁殤者。謂嫁死人也。今時娶會是也。凡

男女之陰訟。聽之于勝國之社。其附于刑者。歸之于士。

陰訟。爭中冓之事。以觸法者。勝國。亡國也。亡國之社。在社上而棧其下。使無所遁。就之以聽陰訟之情。明不當宣露其罪。不在

教宥者。直歸士而刑之。不復以聽。士司寇之屬。詩云。牆有茨。不可埽也。中冓之言。不可道也。所可道也。言之醜也。

司市掌市之治教政刑量度禁令

量豆區斗斛之屬度丈尺也

以次敘分地而經市

次謂吏所治舍思次介次也若今市亭然敘肆行列也經界也

以陳肆辨

物而平市

陳猶列也辨物物異肆也肆異則市平

以政令禁物靡而均市

物靡者易售而無用禁之則市均鄭司農云靡謂侈靡也

以商賈阜貨而行布

通物曰商居賈

物曰賈阜猶盛也鄭司農云布謂泉也

以量度成賈而徵債

徵召也債買也物有定價則買者來也

以質劑結信而止訟

質劑謂兩書一札而別之也若今下手書言保物要還矣鄭司農云

質劑月平

以賈民禁偽而除詐

賈民胥師賈師之屬必以賈民為之者知物之情偽與實詐

以刑罰禁虺而去盜

刑罰憲徇扑

以泉府同貨而斂賒

同共

也同者謂民貨不售則為斂而買之民無貨則賒賈而予之

大市日昃而市百族為主朝市朝時而市商賈為主夕市夕時而市販夫販婦

為主

日昃昃中也市雜聚之處言主者謂其多者也百族必容來去商賈家於市城販夫販婦朝資夕資因其便而分為三時之市所以子物極衆鄭司農云百族百姓也

凡市入則胥執鞭度守門市之羣

吏平肆展成奠賈上旌于思次以令市市師蒞焉而聽大治大訟胥師賈師蒞于介次而聽小治小訟

凡市

入謂三時之市市者入也胥守門察偽詐也必執鞭度以威正人衆也度謂度也因刻丈尺耳羣吏胥師以下也平肆平賣物者之行列使之正也展之言整也成平也會平成市物者也奠讀為定數勅會者使定物賈防誑豫也上旌者以為衆望也見旌則知當市也思次若今市亭也市師司市也介次市亭之屬別小者也故書蒞作立杜子春云奠當為定鄭司農云思辭也次市中候樓也立當為蒞蒞視也玄謂思當為司字聲之誤也

凡萬民之期于市者辟布者量度者刑

戮者各于其地之殺。

期謂欲賣買期決於市也。量度者若今處斗斛及丈尺也。故書辟為辭。鄭司農云。辭布辭訟泉物者也。玄謂辟布市之羣吏考實諸泉入及有遺忘。

凡得貨賄六畜者亦如之。

三日而舉之。

得遺物者亦使置其地貨於貨之肆。馬於馬之肆。則主求之易也。三日而無識認者舉之沒入官。

凡治市之貨賄六畜珍異亡者使有利者使阜。害者

使亡。靡者使微。

利於民謂物質厚者。害於民謂物行沽者。使有使阜起其賈以微之也。使亡使微抑其賈以卻之也。侈靡細好使富民好奢微之而已。鄭司農云。亡者使有無此物則開利其道使之有。

凡通貨賄以璽

節出入之。

璽節印章如今斗檢封矣。使人執之以通商以出。貨賄者王之司市也。以內貨賄者邦國之司市也。

國凶荒札喪則市無征而作布。

有災害物費市不稅為民乏困也。金銅無凶年因物貴大

鑄泉以饒民。

凡市僞飾之禁在民者十有二。在商者十有二。在賈者十有二。在工者十有二。

鄭司農云。所以俱十有二者。工不得作賈不得

粥商不得資。民不得畜。玄謂王制曰。用器不中度。不粥於市。兵車不中度。不粥於市。布帛精麤不中數。幅廣狹不中量。不粥於市。蠶色亂正色。不粥於市。五穀不時。果實未熟。不粥於市。木不中伐。不粥於市。禽獸魚鼈不中殺。不粥於市。亦其類也。於四十八則未聞數十二焉。

市刑。小刑憲罰。中刑徇罰。大刑扑罰。其附于刑者歸于士。

徇舉以示其地之衆也。扑撻也。鄭司農云。憲罰。播其肆也。故書附為柎。杜子春云。當為附。

國君過市。

則刑人赦。夫人過市罰一帑。世子過市罰一帑。命夫過市罰一蓋。命婦過市罰一帷。

謂諸侯及夫人世子過其都國之市。大夫內子過其都

之市也。市者人之所交利而行刑之處。君子無故不遊觀焉。若遊觀則施惠以為說也。國君則赦其刑人。夫人世子命夫命婦則使之出罰。異尊卑也。所罰謂憲徇扑也。必罰幕帟蓋帷。市者衆也。此四物者在衆之用也。此王國之市而說國君以下過市者。諸侯之於其國。夷

王同以其足
以互明之。

凡會同師役市司帥賈師而從治其市政掌其賣儷之事。

市司市也。價買也會同師役必有市者大衆所在來物以備之。

質人掌成市之貨賄人民牛馬兵器珍異。

成平也會者平物買而來主成其平也。人民奴婢也。珍異四時食物。

凡賣儷者質劑焉。大市以質小市

以劑。

鄭司農云質劑月平質也質大買劑小買玄謂質劑者爲之券藏之也。大市人民馬牛之屬用長券小市兵器珍異之物用短券。

掌稽市之書契同其度量壹其淳制巡而攷之。

犯禁者舉而罰之。

稽猶考也治也書契取于市物之券也其券之象書兩札刻其側杜子春云淳當爲純純謂幅廣制謂匹長也皆當中度量玄謂淳讀如淳戶鹽之淳。

凡治質劑者國中一甸郊

二甸野三甸都三月邦國其期內聽期外不聽。

謂齋券契者來訟也以期內來則治之後期則不治所以絕民之好訟且息文書也郊遠郊也野甸稍也都小都大都。

廛人掌斂市歛布總布質布罰布廛布而入于泉府。

布泉也鄭司農云歛布列肆之稅布杜子春云總當爲僂謂無肆立持者之稅也玄謂總讀如租稔之稔稔布謂守斗斛銓衡者之稅也。

質布者質人所罰犯質劑者之泉也罰布者犯市令者之泉也廛布者貨賄諸物邸舍之稅。

凡屠者斂其皮角筋骨入于玉府。

以當稅給作器物也其無皮角及筋骨不用亦稅之。

凡珍異

之有滯者斂而入于膳府。

故書滯或作廛鄭司農云謂滯貨不售者宜爲居之貨物沈滯於廛中不決民待其直以給喪疾而不

下之商皆說而願藏於其市矣謂貨物儲藏於市中而不租稅也故曰廛而不征其有貨物久滯於廛而不售者宜以法爲居取之故曰法而不廛玄謂滯讀如沈滯之滯珍異四時食物也不售而在廛久則將瘦靡腐敗爲買之入膳夫之府所以紓民事而官不失質。

胥師各掌其次之政令而平其貨賄憲刑禁焉。

憲表縣之

察其詐僞飾行價賤者而誅罰之。

鄭司農云價賤也賤惡也謂行且賣賤偽

惡物者玄謂飾行價賤謂使人行賣惡物於市巧飾之令欺誑買者聽其小治小訟而斷之。

賈師各掌其次之貨賄之治辨其物而均平之展其成而奠其賈然後令市。

辨別也

凡天患禁貴價者使有

恆賈。

恆常也謂若諸米穀棺木而賄久雨疫病者貴賈之因天災害阨民使之重困

四時之珍異亦如之。

薦宗廟之物

凡國之賣價各帥其屬而嗣掌其月。

賈買

也故書賣為買鄭司農云謂宜有所斥賣買師帥其屬而更相代直月為官賣之均勞逸

凡師役會同亦如之。

司隸掌憲市之禁令禁其鬪鬻者與其隸亂者出入相陵犯者以屬遊飲食于市者。

鬪謹也鄭司農云以屬遊飲食鬻飲食者

若

不可禁則搏而戮之。

司稽掌巡市而察其犯禁者與其不物者而搏之。

不物衣服視占不與衆同及所操物不如品式

掌執市之盜賊以徇且刑之胥各

掌其所治之政執鞭度而巡其前掌其坐作出入之禁令讓其不正者。

作起也坐起禁令當市而不得空守之屬故書聽為習杜子春云當為聽謂掩捕其不正

者。凡有罪者，撻戮而罰之。罰之，使出布。

肆長各掌其肆之政令，陳其貨賄，名相近者相遠也，實相近者相爾也，而平正之。

爾亦近也，俱是物也，使惡者遠善，善自相近。鄭司農云：謂

若珠玉之屬，俱名為珠，俱名為玉，而賈或百萬，或數萬，恐農夫愚民見欺，故別異令相遠，使賈人不得雜亂以欺人。斂其繆布，掌其戒禁。杜子春云：總當為儼。

泉府掌以市之征布，斂市之不售貨之滯于民用者，以其賈買之，物楛而書之，以待不時而買者，買者各

從其抵，都鄙從其主，國人郊人從其有司，然後予之。故書滯為痺，杜子春云：痺當為滯。鄭司農云：物楛而書之，物物為楛，書書其賈楛著其物也。不時買者，謂急求者也。抵，故賈也。主者，別治

大夫也。然後予之，為封符信，然後予之。玄謂抵，實楛字，楛，本也。本謂所屬吏主有司是。凡賒者，祭祀無過旬日，喪紀無過三月。鄭司農云：賒，賈也。以祭祀喪紀故從官賈買物。凡民之貸

者，與其有司辨而授之，以國服為之息。有司，其所屬吏也。與之，別其貸民之物。定其賈以與之。鄭司農云：貸者，謂從官借本賈也。故有息使民弗利，以其所買之國所出為息也。假令其國出絲絮，則以絲絮償。

其國出絲葛，則以絲葛償。玄謂以國服為之息，以其於國服事之稅為息也。於國事受園廩之田而貸萬泉者，則莽出息五百。王莽時，民貸以治產業者，但計贏所得受息無過歲什一。凡國事之財用，取具焉。歲終，則會

其出入而納其餘。會計也。納，入也。入餘於職幣。

司門掌授管鍵以啓閉國門。

鄭司農云。鍵讀爲塞。管謂管也。鍵謂柱。

幾出入不物者。正其貨賄。凡財物犯禁者。舉之。

不物。衣服視。占不與衆同。

及所操物不如品式者。正讀爲征。征。稅也。犯禁謂商所不資者。舉之。沒入官。

以其財養死政之老與其孤。

財所謂門關之委積也。死政之老。死國事之父母也。孤。其子。

祭祀之牛。牲繫焉。

監門養之。

監門。門徒。

凡歲時之門。受其餘。

鄭司農云。受。祭門之餘。

凡四方之賓客造焉。則以告。

造。猶至也。告。告於王。而止客以俟迎。

司關掌國貨之節以聯門市。

貨節。謂商本所發。司市之。釐節也。自外來者。則案其節。而書其貨之多少。通之國門。國門通之司市。自內出者。司市爲之。釐節。通之國門。國門通之。關門。參相連。以檢。辨商。

司貨賄

之出入者。掌其治禁與其征塵。

征塵者。貨賄之稅。與所止。邸舍也。關。下亦有邸舍。其出布如市之塵。

凡貨不出於關者。舉其貨。罰其人。

不出於關。謂從私道。

出辟稅者。則沒其財。而槿其人。

凡所達貨賄者。則以節傳出之。

商或取貨於民間。無釐節者。至關。關爲之。釐節。及傳出之。其有釐節。亦爲之。傳。傳如今移過所文書。

國凶札。則無關門之

征。猶幾。

鄭司農云。凶。謂凶年饑荒也。札。謂疾疫死亡也。越人謂死爲札。春秋傳曰。札瘥天昏。無關門之征者。出入關門。無租稅。猶幾。謂無租稅。猶苛察。不得令姦人出入。孟子曰。關幾而不征。則天下之行旅皆說而願出於其塗。

凡四方之

賓客。敝關。則爲之告。

謂朝聘者也。敝關。猶謁關人也。鄭司農說以國語曰。周之秩官有之曰。敵國賓至。關尹以告。行理以節逆之。

有外內之送令。則以節傳出內之。

有送令。謂

奉貢獻及文書。以常事往來。環人之職。所送

迎。通賓客。來至關。則爲之節。與傳以通之。

掌節。掌守邦節而辨其用。以輔王命。

邦節者珍圭。牙璋。穀圭。琬圭。琰圭也。王有命則別其節之用。以授使者。輔王命者執以行爲信。

守邦國者用玉節。守都鄙者

用角節。

謂諸侯於其國中。公卿大夫王子弟於其采邑有命者。亦自有節。以輔之。玉節之制如王爲之。以命數爲小。大角用犀角。其制未聞。

凡邦國之使節。山國用虎節。土國用人節。澤

國用龍節。皆金也。以英蕩輔之。

使節使卿大夫聘於天子諸侯。行道所執之信也。土平地也。山多虎。平地多人。澤多龍。以金爲節。鑄象焉。必自以其國所多者。於以相別爲信明也。今漢有銅虎符。杜子春云。蕩當爲祭。謂以

函器盛此節。或曰英蕩畫函。

門關用符節。貨賄用璽節。道路用旌節。皆有期以反節。

門關。司門司關也。貨賄者。主通貨賄之官。謂司市也。道路者。主治五涂之官。謂鄉遂大夫也。凡

民遠出。至於邦國。邦國之民若來入。由門者。司門爲之節。由關者。司關爲之節。其商則司市爲之節。其以徵令及家徒。則鄉遂大夫爲之節。唯時事而行。不出關。不用節也。變司市言貨賄者。璽節。主以通貨賄。貨賄非必由市。或資於民家焉。變鄉遂言道路者。容公邑及小都大都之吏。皆主治五涂。亦有民也。符節者。如今宮中諸官詔符也。璽節者。今之印章也。旌節。今使者所擁節是也。將送者。執此節以送行者。皆以道里日時課。如今郵行有程矣。以防容姦。擅有所通也。凡節有法式。藏於掌節。

凡通達於天下者

必有節。以傳輔之。

必有節。言遠行無有不得節而出者也。輔之以傳者。節爲信耳。傳說所齋操及所適。

無節者。有幾則不達。

園土內之。

遂人掌邦之野。

郊外曰野。此野謂甸稍縣都。

以土地之圖經田野。造縣鄙。形體之灋。五家爲鄰。五鄰爲里。四里爲鄩。五鄩

爲鄙。五鄙爲縣。五縣爲遂。皆有地域。溝樹之。使各掌其政。令刑禁。以歲時稽其人民。而授之田野。簡其兵

器教之稼穡

經形體皆謂制分界也。鄰里鄙部縣遂猶郊內比閭族黨州鄉也。鄭司農云田野之居其比伍之名與國中異制故五家為鄰。玄謂異其名者示相變耳。遂之軍法追胥起徒役如六鄉。

凡治野以下劑致

毗以田里安毗以樂昏擾毗以土宜教毗稼穡以與勸利毗以時器勸毗以彊予任毗以土均平政

言毗

異外內也。毗猶憚憚無知貌也。致猶曾也。民雖受上田中田下田及會之以下劑為率謂可任者家二人樂昏勸其昏姻以媒氏會男女也。擇順也。時器鑄作耒耜錢鏹之屬。彊予謂民有餘力復予之田若餘夫然。政讀為征。土均掌均平其稅。鄭大夫讀勸為藉。杜子春讀勸為助。謂起民人令相佐助。

廩田百晦。萊百晦。餘夫亦如之。下地。夫一廩。田百晦。萊二百晦。餘夫亦如之。

萊謂休不耕者。鄭司農云戶計一夫一婦而賦之田其一戶有數口者餘

夫亦受此田也。廩居也。楊子雲有田一廩謂百晦之居也。玄謂廩城邑之居。孟子所云五晦之宅樹之以桑。麻者也。六遂之民寄受一廩。雖上地猶有萊。皆所以驍遠也。王莽時城郭中宅不樹者為不毛。出三夫之布。

凡治野。夫間有遂。遂

上有徑。十夫有溝。溝上有畛。百夫有洫。洫上有涂。千夫有澮。澮上有道。萬夫有川。川上有路。以達于畿。

十夫

二鄰之田百夫一鄙之田千夫二鄙之田萬夫四縣之田遂溝洫澮皆所以通水於川也。遂廣深各二尺溝倍之。洫倍溝澮廣二尋深二仞。徑畛涂道路皆所以通車徒於國都也。徑容牛馬。畛容大車。涂容乘車一軌。道容二軌。路容三軌。都之野涂與環涂同可也。萬夫者方三十三里少半里九而方一同以南晦圖之則遂從溝橫洫從澮橫九澮而川周其外焉。去山陵林麓川澤溝澮城郭宮室涂巷三分之制其餘如此。以至于畿則中雖有都鄙遂人盡主其地。

以歲時登其夫家之衆寡及

其六畜車輦辨其老幼癘疾與其施舍者以頒職作事以令貢賦以令師田以起政役。登成也。猶定也。夫家。猶言男女也。施讀爲弛。職。

謂民九職也。分其農牧衡虞之職。使民爲其事也。載師職云。以物地事授地職。五言矣。貢九貢也。賦九賦也。政役。出士徒役。

若起野役則令各帥其所治之民而至以遂之大旗致

之其不用命者誅之。

役謂師田若有功作也。遂之大旗熊虎。

凡國祭祀共野牲令野職。

共野牲入於牧人以待事也。野職薪炭之屬。

凡賓客令脩野道

而委積。

委積於廬宿市。

大喪帥六遂之役而致之掌其政令及葬帥而屬六綈及窆陳役。

致役致於司徒給葬上事及窆也。綈舉棺索也。葬舉棺者。

謂載與說時也用綈旁六執之者天子其千人與陳役者主陳列之耳。匠師帥監之。鄉師以斧涖焉。大喪之正棺殯啓朝及引六鄉役之載及窆六遂役之亦即遠相終始也。鄭司農云。窆謂下棺時。遂人主陳役也。禮記謂之封。春秋謂之壙。皆葬下棺也。聲相似。

凡

事致野役而師田作野民帥而至掌其政治禁令。

遂師各掌其遂之政令戒禁以時登其夫家之衆寡六畜車輦辨其施舍與其可任者經牧其田野辨其

可食者周知其數而任之以徵財征作役事則聽其治訟。

施讀亦弛也。經牧制田界與井也可食謂今年所當耕者也。財征賦稅之事。

巡其稼穡而移

用其民以救其時事。

移用其民使轉相助救時急事也。四時耕耨斂芟芟地之宜晚早不同而有天期地澤風雨之急。

凡國祭祀審其誓戒共其野牲。

審亦聽也。

入野

職野賦于玉府。

民所入貨賄以當九職九賦中玉府之用者。

賓客則巡其道脩庀其委積。

巡其道脩行治道路也。故書庀爲比。鄭司農云比讀爲庀。庀具也。

大喪使帥

其屬以輶鬻先道野役及窆抱磨共丘籠及蜃車之役。

使以輶鬻先者大宰也其餘司徒也輶鬻先所以爲葬窆之間先張神坐也道野役帥以至墓也丘籠之役窆復上也其器曰

軍旅田獵平野民

籠蜃車輶路也輶路載柳四輪迫地而行有似於蜃因取名焉行至曠乃說更復載以龍輶蜃禮記或作搏或作輶役謂執紼者鄭司農云抱磨磨下車也玄謂磨者適歷執紼者名也遠人主陳之而途師以名行校之

掌其禁令比敘其事而賞罰

平謂正其行列部伍也。鄭司農云比讀爲庀。

遂大夫各掌其遂之政令以歲時稽其夫家之衆寡六畜田野辨其可任者與其可施舍者以教稼穡以

稽功事掌其政令戒禁聽其治訟

施讀亦爲弛功事九職之事民所以爲功業

令爲邑者歲終則會政政事

不言其遂之吏而言爲邑者容公邑及鄉大夫王子

弟之采邑政令戒禁遂大夫亦施焉

正歲簡稼器脩稼政

簡猶闔也稼器耒耜其之屬稼政孟春之月令所云皆修封疆審端徑術善相丘陵阪險原隰土地所宜立穀所殖以教道民必躬親之

三歲大比則

帥其吏而興阡明其有功者屬其地治者

興阡舉民賢者能者如六鄉之爲也興猶舉也屬猶聚也又因舉吏治有功者而聚勅其餘以職事

凡爲邑者以四達戒其

功事而誅賞廢興之

四達者治民之事大通者有四大家衆寡也六畜車輦也稼穡耕耨也旗鼓兵革也

縣正各掌其縣之政令徵比以頒田里以分職事掌其治訟趨其稼事而賞罰之。徵徵召也。比案比。若將用野民

師田行役移執事則帥而至治其政令。移執事移用其民。鄭司農云謂轉相佐助。既役則稽功會事而誅賞。

鄙師各掌其鄙之政令祭祀。祭祀祭祭也。凡作民則掌其戒令。作民謂起役也。以時數其衆庶而察其媿惡而誅賞。時四

也。時歲終則會其鄙之政而致事。

鄴長各掌其鄴之政令以時校登其夫家比其衆寡以治其喪紀祭祀之事。校猶數也。若作其民而用之則以

旗鼓兵革帥而至若歲時簡器與有司數之。簡器簡稼器也。兵器亦存焉有司遂大夫。凡歲時之戒令皆聽之趨其耕耨稽其女

功。聽之受而行之也。女功絲枲之事。

里宰掌比其邑之茱寡與其六畜兵器治其政令。邑猶里也。以歲時合耦于耒以治稼穡趨其耕耨行其秩敘

以待有司之政令而徵斂其財賦。考工記曰耜廣五寸二耜爲耦此言兩人相助耦而耕也。鄭司農云耒讀爲藉杜子春云耒讀爲助謂相佐助也。玄謂耒耜者里宰治處也。若今街彈之室於此合耦使相佐助因放而爲

名。季冬之月。命農師計耦耕事。修耒耜。具田器。是其歲時與。合人耦。則牛耦亦可知也。秩敘受耦。相佐助之次第。

鄰長掌相糾相受。

相糾。相舉祭。

凡邑中之政相贊。

長短使相補助。

徙于他邑則從而授之。

從猶隨也。授猶付也。

旅師掌聚野之勑粟屋粟間粟。

野。謂遠郊之外也。勑。粟民相助作一井之中所出九夫之稅粟也。屋粟。民有田不耕。所罰三夫之稅粟。閒。粟閒民無職事者所出一夫之征粟。

而用之以質劑。

致民平頒其興積。施其惠散其利。而均其政令。

而讀爲若。聲之誤也。若用之。謂恤民之艱。匱委積於野。如遺人於鄉里也。以質劑致民。案入稅者名會而貸之。興積所興之積。謂三者之粟也。平頒。

之。不得偏頗有多少。縣官徵聚物曰興。今云軍興。是也。是粟縣師徵之。旅師斂之。而用之。以調衣食曰惠。以作事業曰利。均其政令者。皆以國服爲之息。

凡用粟春頒而秋斂之。

困時施之。饒時收之。

凡新阡之

治皆聽之。使無征役。以地之媿惡爲之等。

新阡。新徙來者也。治。謂有所求乞也。使無政役。復之也。王制曰。自諸侯來。徒於家。期不從政。以地美惡爲之等。七人以上。授以上地。六口授以中地。五口以下。授以

下地。與舊民同。旅師掌斂地稅。而又施惠散利。是以屬用新民焉。

稍人掌令丘乘之政令。

丘乘。四丘爲甸。甸讀與惟。禹斂之之。斂同。其訓曰乘。由是改云。是掌令部鄙脩治井邑。丘甸縣都之溝涂。云丘甸者。舉中言之。溝涂之名。井別邑異。則民之家數存焉。

若有會同師田。

行役之事。則以縣師之灋作共同徒。輦輦帥而以至。治其政令。以聽於司馬。

有軍旅會同田役之戒。縣師受法於司馬。邦國都鄙稍甸郊里。唯司馬所

調以其法作其衆庶及馬牛車犛會其車人之卒伍使皆備旗鼓兵器以帥而至是以書令之耳其所調若在家邑小都大都則稍入用縣師所受司馬之法作之帥之以致於司馬也同徒司馬所調之同凡用役者不必一時皆備以人數調之使勞逸遞焉

大喪

帥蜃車與其役以至掌其政令以聽於司徒

蜃車及役遂人共之稍人者野監是以帥而致之既夕禮曰既正極賓出遂匠納車于階間則天子以至于士極路皆從遂來

委人掌斂野之賦斂薪芻凡疏材木材凡畜聚之物

野謂遠郊以外也所斂野之賦謂野之園圃山澤之賦也凡斂材草木有實者也凡畜聚之物瓜瓠葵芋禦冬之具也野之農賦旅師斂

之工商嬖婦遂師以入玉府其牧則遂師又以共野牲

以稍聚待賓客以甸聚待羈旅

聚凡畜聚之物也故書羈作奇杜子春云當爲羈

凡其余聚以待頒賜

余當爲餘聲之

誤也餘謂縣部畜聚之物

以式灋共祭祀之薪蒸木材賓客共其芻薪喪紀共其薪蒸木材軍旅共其委積薪芻凡疏材

共野委兵器與其野囿財用

式法故事之多少也薪蒸給炊及燎蠹者曰薪細者曰蒸木材給張事委積薪芻者委積之薪芻也軍旅又有疏材以助不粟野委謂廬宿止之薪芻也共兵器謂守衛陳兵之器也野囿之財用

者苑囿藩羅之材

凡軍旅之賓客館焉

館舍也必舍此者就牛馬之用

士均掌平土地之政以均地守以均地事以均地貢

政讀爲征所平之稅邦國都鄙也地守虞衡之屬地事農圃之職地貢諸侯之九貢

以和邦國都鄙之

政令刑禁與其施舍禮俗喪紀祭祀皆以地蠲惡爲輕重之灋而行之掌其禁令

施讀亦爲弛也禮俗邦國都鄙民之所行先王舊禮也君

子行禮不求變俗。隨其土地厚薄爲之制。豐省之節耳。禮器曰禮也。者合於天時。設於地財。順於鬼神。合於人心。理萬物。

草人掌土化之濃以物地。相其宜而爲之種。

土化之法。化之使美。若汜勝之術也。以物地。占其形色爲之種。黃白宜以種禾之屬。

凡糞種。駢剛用牛。赤緹用

羊。墳壤用麋。渴澤用鹿。鹹澇用狙。勃壤用狐。埴墟用豕。強鹽用蕢。輕喫用犬。

凡所以糞種者。皆謂麥取汁也。赤緹。繡色也。渴澤。故水處也。渴。鹵也。狙。貓

也。勃壤。粉解者。埴墟。黏疏者。強鹽。強堅者。輕喫。輕脆者。故書駢爲駢。墳。墳作豎。杜子春。讀爲駢。謂地色赤而土剛強也。鄭司農云。用牛。以牛骨汁漬其種也。謂之糞種。墳壤。多益鼠也。壤。白色。蕢。麻也。玄謂墳壤潤解。

稻人掌稼下地。

以水澤之地種穀也。謂之稼者。有似嫁女相生。

以豬畜水。以防止水。以溝蕩水。以遂均水。以列舍水。以澮寫水。以涉

揚其芟。作田。

鄭司農說。豬防以春秋傳曰。町原防。規儼豬。以列舍水。列者非一道。以去水也。以涉揚其芟。以其水寫。故得行其田中。舉其芟鉤也。杜子春。讀蕩爲和蕩。謂以溝行水也。玄謂儼豬者。畜流水之陂也。防。豬旁隄也。遂。田首受水小溝也。列。田

之畦。略也。澮。田尾去水大溝。作猶治也。開。遂舍水。於列中。因泮之。揚去前年所芟之草而治田種稻。

凡稼澤。夏以水殄草而芟蕢之。

殄。病也。絕也。鄭司農說。芟。夷以春秋傳曰。芟夷蕪崇之。今時謂禾下麥爲夷。下麥。言芟刈

其禾。於下種麥也。玄謂將以澤地爲稼者。必於夏六月之時。大雨時行。以水病絕草之後生者。至秋水涸。芟之。明年乃稼。

澤草所生。種之芒種。

鄭司農云。澤草之所生。其地可種芒種。芒種。稻麥也。

旱暵。共其雩

斂。稻人共雩斂。稻急水者也。

喪紀。共其葦事。

葦以闡。斂。鄭司農云。雩事所發斂。禦濕之物。

士訓掌道地圖以詔地事。

道說也。說地圖九州形勢山川所宜告王以施其事也。若云荆揚地宜稻幽并地宜麻。

道地隱以辨地物而原其生以詔地求。

地隱

若障蠶然也。辨其物者別其所有所無原其生。生有時也。以此二者告王之求也。地所無及物未生則不求也。鄭司農云地隱地所生惡物害人者。若虺蜮之屬。

王巡守則夾王車。

巡守行視所守也。天子以四海爲守。

誦訓掌道方志以詔觀事。

說四方所識久遠之事以告王觀博古所識若魯有大庭氏之庫穀之二陵。

掌道方隱以詔辟忌以知地俗。

方隱四方言語所惡也不辟其忌則

其方以爲苟於言語也。知地俗博事也。鄭司農云以詔辟忌不違其俗也。曲禮曰君子行禮不求變俗。

王巡守則夾王車。

山虞掌山林之政令物爲之厲而爲之守禁。

物爲之厲每物有蕃界也。爲之守禁爲守者設禁令也。守者謂其地之民占伐林木者也。鄭司農云厲遮列守之。

仲冬斬陽木。

仲夏斬陰木。

鄭司農云陽木春夏生者陰木秋冬生者若松柏之屬。玄謂陽木生山南者陰木生山北者冬斬陽夏斬陰堅濡調。

凡服耜斬季材以時入之。

季猶穉也。服與耜宜用穉材尙柔刃也。服耜服

車之材。

令萬民時斬材有期日。

時斬材斬材之時也。有期日入出有日數爲久盡物。

凡邦工入山林而掄材不禁。

掄猶擇也。不禁者山林國之有不拘日也。

春秋

之斬木不入禁。

非冬夏之時不得入所禁之中斬木也。斬四野之木可。

凡竊木者有刑罰。

竊盜也。

若祭山林則爲主而脩除且蹕。

爲主主辨護之也。脩

除治道路場壇。

若大田獵則萊山田之野及弊田植虞旗于中致禽而珥焉。

萊除其草萊也。弊田田者止也。植猶樹也。田止樹旗令獲者皆致其禽而較其耳以知獲數也。

山虞有旗以其主山得畫熊虎其仞數則短也鄭司農云珥者取禽左耳以效功也大司馬職曰獲者取左耳

林衡掌巡林麓之禁令而平其守

平其守者平其地之民守林麓之部分

以時計林麓而賞罰之

計林麓者計其守之功也林麓蕃茂民不盜竊則有賞不則罰之

若

斬木材則受灋于山虞而掌其政令

法萬民入出時日之期

川衡掌巡川澤之禁令而平其守以時舍其守犯禁者執而誅罰之

舍其守者時案視守者於其舍申戒之

祭祀賓客共川奠

川奠蘧豆之實魚鱸蟹蛤之屬

澤虞掌國澤之政令爲之厲禁使其地之人守其財物以時入之于玉府頒其餘于萬民

其地之人占取澤物者因以部分使

守之以時入之于玉府謂皮角珠貝也入之以當邦賦然後得取其餘以自爲也入出亦有時日之期

凡祭祀賓客共澤物之奠

澤物之奠亦蘧豆之實芹菲藜芡之屬

喪紀共其葦蒲之

葦以闡墻蒲以爲席

若大田獵則萊澤野及弊田植虞旌以屬禽

屬禽猶致禽而珥焉澤虞有旌以其主澤澤鳥所集故得注析羽

迹人掌邦田之地政爲之厲禁而守之

田之地若今苑也

凡田獵者受令焉

令謂時與處也

禁麋卵者與其毒矢射者

爲其天物

且害心多也。
麋麋鹿子。

廿人掌金玉錫石之地而為之厲禁以守之。錫，鈔也。若以時取之，則物其地圖而授之。物地，占其形色，知鹹淡也。授之，教取者之處。巡

其禁令。行其禁，明其令。

角人掌以時徵齒角凡骨物於山澤之農，以當邦賦之政令。山澤，出齒角骨物，大者犀象，其小者麋鹿。以度量受之，以共財用。入骨

漆垸者，受之以量其餘，以度量所中。

羽人掌以時徵羽翮之政于山澤之農，以當邦賦之政令。翮，羽本。凡受羽，十羽為審，百羽為搏，十搏為縛。審，搏。

縛，羽數束名也。爾雅曰：一羽謂之箴，十羽謂之縛，百羽謂之緡。其名音相近也。一羽則有名，蓋失之矣。

掌葛，掌以時徵絺綌之材于山農，凡葛征，徵草貢之材于澤農，以當邦賦之政令。草貢，出澤，績紵之屬，可織紵者。以權度受

之。以知輕重長短也，故書受或為授。杜子春云：當為受。

掌染草。掌以春秋斂染草之物。染草茅蒐藁蘆豕首紫荊之屬。以權量受之。以待時而頒之。權量以知輕重多少。時染夏之時。

掌炭。掌灰物炭物之徵令。以時入之。灰炭皆山澤之農所出也。灰給澀練炭之所共多。以權量受之。以共邦之用。凡炭灰之事。

掌茶。掌以時聚茶。以共喪事。共喪事者以著物也。既夕禮曰茵著用茶。徵野疏材之物。以待邦事。凡畜聚之物。茶茅荇疏材之類也。因使掌焉徵者徵於

山澤入於委人。

掌蜃。掌斂互物蜃物。以共闔墉之蜃。互物蚌蛤之屬。闔猶塞也。將井椁先塞下以蜃禦濕也。鄭司農說以春秋傳曰始用蜃炭言僭天子也。祭祀。共蜃器之蜃。飾祭器之屬也。

鬯人職曰凡四方山川用蜃器。春秋定十四年秋天王使石尙來歸蜃。蜃之器以蜃飾。因名焉。鄭司農云蜃可以白器。令色白。共白盛之蜃。盛猶成也。謂飾牆使白之蜃也。今東萊用蛤謂之又灰云。

囿人。掌囿游之獸禁。囿游。囿之離宮小苑觀處也。養獸以宴樂視之。禁者其蕃衛也。鄭司農云囿游之獸游牧之獸。牧百獸。備養衆物也。今掖庭有鳥獸。自熊虎孔雀至於狐狸兔鷄備焉。祭祀。喪紀。

賓客。共其生獸死獸之物。

場人。掌國之場圃。而樹之果蓏珍異之物。以時斂而藏之。果棗李之屬。蓏瓜瓠之屬。珍異蒲桃枇杷之屬。凡祭祀。賓客。共其果蓏。享。

亦如之。享納牲。

廩人掌九穀之數。以待國之匪頒。賜稍食。匪讀為分。頒謂委人之職。諸委積也。賜謂王所賜子給好用之式也。稍食。祿粟。以歲之上下數邦用。以知

足否。以詔殺用。以治年之凶豐。數猶計也。凡萬民之食。食者人四鬴。上也。人三鬴。中也。人二鬴。下也。此皆謂一月食米也。六斗

四升曰鬴。若食不能人二鬴。則令邦移民就穀。詔王殺邦用。就穀。就都鄙之有者。殺猶減也。凡邦有會同師役之事。則治其糧與

其食。行道曰糧。謂糶也。止居曰食。謂米也。大祭祀。則共其接盛。接讀為一。扱再祭之扱。扱以授春人春之。大祭祀之穀。藉田之收藏於神倉者也。不以給小用。

舍人掌平宮中之政。分其財守。以灋掌其出入。政。謂用穀之政也。分其財守者。計其用穀之數。分送宮正內宰。使守而頒之也。而行出於廩人。其有空缺。則計之還入。凡祭祀。共

簠簋。實之。陳之。方曰簠。圓曰簋。盛黍稷稻粱器。賓客。亦如之。共其禮車。米。宮米。芻米。禮。致饗。籩之禮。喪紀。共飯米。熬穀。飯所以實口。不忍虛也。君用粱。

大夫用稷。士用粱。皆四升。實者唯盎。熬穀者。錯于棺旁。所以惑蚩蚩也。喪大記曰。熬。君四種。八簋。大夫三種。六簋。士二種。四簋。加魚腊焉。以歲時。縣種。稷之種。以共王后之春獻種。縣之者。欲其風氣燥

達也。鄭司農云。春。王當耕于藉。則后獻其種也。后獻其種。見內宰職。掌米粟之出入。辨其物。九穀。六米。別為書。歲終。則會計其政。政。用穀之多少。

倉人掌粟入之藏。

九穀盡藏焉。以粟為主。

辨九穀之物，以待邦用。若穀不足，則止餘瀆用。有餘，則藏之，以待凶而頒。

之。

止猶殺也。殺餘法用，謂道路之委積，所以豐優賓客之屬。

凡國之大事，共道路之穀積，食飲之具。

大事，謂喪戎。

司祿闕。

司稼掌巡邦野之稼，而辨種稑之種，周知其名，與其所宜地，以爲瀆而縣于邑閭。

周猶偏也。偏知種所宜之地，縣以示民。後年種穀，用爲法。

也。巡野觀稼，以年之上下出斂瀆。

斂法者，豐年從正，凶荒則損。若今十傷二三，實除減半。

掌均萬民之食，而調其急而平其興。

均，謂度其多少，調粟。

其艱阨，與所徵賦。

春人掌共米物。

米物，言非一米。

祭祀共其盥盛之米。

盥盛，謂黍稷稻粱之屬，可盛以爲簠簋實。

賓客共其牢禮之米。

謂可以實簠簋。

凡饗食，共其

食米。

饗有食米，則饗禮兼燕與食。

掌凡米事。

饗人掌凡祭祀共盛。

炊而共之。

共王及后之六食。

六食，六穀之飯。

凡賓客共其簠簋之實。

謂致餼饗。

饗食亦如之。

藁人掌其外內朝冗食者之食。

外朝司寇斷獄弊訟之朝也。今司徒府中有百官朝會之殿云。天子與丞相舊決大事焉。是外朝之存者與。內朝路門外之朝也。冗食者謂留治文書若今尙書之屬諸直上者。

若

饗者老孤子士庶子共其食。

士庶子卿大夫士之子弟宿衛王宮者。

掌豭祭祀之犬。

養大豕曰豭。不於饌人言者。共至尊。雖其播瀾。豔餘不可褻也。

周禮卷第五

春官宗伯第三

惟王建國辨方正位體國經野設官分職以爲民極乃立春官宗伯使帥其屬而掌邦禮以佐王和邦國

禮謂曲禮五吉凶賓軍嘉其別三十有六鄭司農云宗伯主禮之官故書堯典曰帝曰咨四岳有能典朕三禮僉曰伯夷帝曰俞咨伯女作秩宗宗官又主鬼神故國語曰使名姓之後能知四時之生犧牲之物玉帛之類采服之宜祭器之量次主之度屏攝之位壇場之所上下之神祇氏姓之所出而率舊典者爲之宗春秋禘于大廟躋僖公而傳曰夏父弗忌爲宗人又曰使宗人暨夏獻其禮禮特牲曰宗人升自西階視壺濯及豆籩然則唐虞歷三代以宗官典國之禮與其祭祀漢之大常是也

禮官之屬大宗

伯卿一人小宗伯中大夫二人肆師下大夫四人上士八人中士十有六人旅下士三十有二人府六人

史十有二人胥十有二人徒百有二十人

肆猶陳也肆師佐宗伯陳列祭祀之位及牲器粢盛

鬱人下士二人府二人史一人徒八人

鬱鬱金香草宜以和鬯

鬯人下士二人府一人史一人徒八人

鬯釀秬爲酒芬香條暢於上下也秬如黑黍一稔二米

雞人下士一人。史一人。徒四人。

司尊彝下士二人。府四人。史二人。胥二人。徒二十人。彝亦尊也。鬯也。鬯曰彝。彝法也。言爲尊之法正。

司几筵下士二人。府二人。史一人。徒八人。筵亦席也。鋪陳曰筵。藉之曰席。然其言之筵席通矣。

天府上士一人。中士二人。府四人。史二人。胥二人。徒二十人。府物所藏。言天者。尊此所藏。若天物然。

典瑞中士二人。府二人。史二人。胥一人。徒十人。瑞節信也。典瑞。若今符璽郎。

典命。中士二人。府二人。史二人。胥一人。徒十人。命謂王遷秩羣臣之書。

司服。中士二人。府二人。史一人。胥一人。徒十人。

典祀。中士二人。下士四人。府二人。史二人。胥四人。徒四十人。

守祧。奄八人。女祧每廟二人。奚四人。遠廟曰祧。周爲文王。武王廟。遷主藏焉。奄。如今之宦者。女祧。女奴有才知者。天子七廟。三昭三穆。奚。女奴也。

世婦。每宮卿二人。下大夫四人。中士八人。女府二人。女史二人。奚十有六人。世婦。后宮官也。王后六宮。漢始。大長秋。詹事。中少府。大僕。亦用士人。女府。

女史。女奴有才知者。

內宗。凡內女之有爵者。內女。王同姓之女。謂之內宗。有爵。其嫁於大夫及士者。凡無常數之言。

外宗。凡外女之有爵者。外女。王諸姑姊妹之女。謂之外宗。

冢人。下大夫二人。中士四人。府二人。史四人。胥十有二人。徒百有二十人。冢。封土為丘壠。象冢而為之。

墓大夫。下大夫一人。中士八人。府二人。史四人。胥二十人。徒二百人。墓。冢塋之地。孝子所思慕之處。

職喪。上士二人。中士四人。下士八人。府二人。史四人。胥四人。徒四十人。職。主也。

大司樂。中大夫二人。樂師下大夫四人。上士八人。下士十有六人。府四人。史八人。胥八人。徒八十人。大司樂。樂。

官之長。

大胥中十四人。小胥下十八人。府二人。史四人。徒四十人。胥有才知之稱。禮記文王世子曰。小樂正學于大胥佐之。

大師下大夫二人。小師上士四人。瞽矇上瞽四十人。中瞽百人。下瞽百有六十人。眡瞭三百人。府四人。史

八人。胥十有二人。徒百有二十人。凡樂之歌。必使瞽矇為焉。命其賢知者。以為大師。小師。晉杜劭云。曠也。大師也。眡讀為虎。眡之眡。瞭目明者。鄭司農云。無日眡謂之瞽。有日眡而無見謂之矇。有日無眸子謂之瞭。

典同中士二人。府一人。史一人。胥二人。徒二十人。同。陰律也。不以陽律名官者。因其先言耳。書曰。協時。月正日。同律度量衡。大師職曰。執同律以聽軍聲。

磬師中士四人。下士八人。府四人。史二人。胥四人。徒四十人。

鍾師中士四人。下士八人。府二人。史二人。胥六人。徒六十人。

笙師中士二人。下士四人。府二人。史二人。胥一人。徒十人。

搏師中士二人。下士四人。府二人。史二人。胥二人。徒二十人。搏。如鐘而大。

鞀師下士二人。府一人。史一人。舞者十有六人。徒四十人。鄭司農說以明堂位曰。味。東夷之樂。讀如味。食飲之味。杜子春讀鞀為噍。荅著之噍。玄謂讀如鞀。鞀之鞀。

旄人下士四人。舞者衆寡無數。府二人。史二人。胥二人。徒二十人。旄旄牛尾舞者所持以指麾。

籥師中士四人。府二人。史二人。胥二人。徒二十人。籥舞者所吹。春秋宣八年壬午猶釋萬入去籥。傳曰去其有聲者廢其無聲者。詩云左手執籥右手秉翟。

箛章中士二人。下士四人。府一人。史一人。胥二人。徒二十人。箛章吹箛以爲詩章。

鞀鞀氏下士四人。府一人。史一人。胥二人。徒二十人。鞀讀如纒也。鞀鞀四夷舞者所屣也。今時倡蹋鼓查行者自有屣。

典庸器下士四人。府四人。史二人。胥八人。徒八十人。庸功也。鄭司農云庸器有功者鑄器銘其功。春秋傳曰以所得於齊之兵作林鍾而銘魯功焉。

司干下士二人。府二人。史二人。徒二十人。干舞者所持謂盾也。春秋傳曰萬者何干舞也。

大卜下大夫二人。卜師上士四人。卜人中士八人。下士十有六人。府二人。史二人。胥四人。徒四十人。問龜曰卜。

大卜卜筮

官之長。

龜人。中士二人。府二人。史二人。工四人。胥四人。徒四十人。工取龜攻龜。

蕤氏。下士二人。史一人。徒八人。燹燹用荆。董之類。

占人。下士八人。府一人。史二人。徒八人。占善龜之卦兆吉凶。

筭人。中士二人。府一人。史二人。徒四人。問著曰筮。其占易。

占夢。中士二人。史二人。徒四人。

眠祲。中士二人。史二人。徒四人。祲。陰陽氣相侵。漸成祥者。魯史梓慎云。吾見赤黑之祲。

大祝。下大夫二人。上士四人。

小祝。中士八人。下士十有六人。府二人。史四人。胥四人。徒四十人。大祝。祝官之長。

喪祝。上士二人。中士四人。下士八人。府二人。史二人。胥四人。徒四十人。

甸祝。下士二人。府一人。史一人。徒四人。甸之言田也。田狩之祝。

詛祝。下士二人。府一人。史一人。徒四人。

詛謂祝之使沮敗也。

司巫。中士二人。府一人。史一人。胥一人。徒十人。

司巫巫官之長。

男巫無數。

女巫無數。其師中士四人。府二人。史四人。胥四人。徒四十人。

巫能制神之。處位次主者。

大史。下大夫二人。上士四人。

小史。中士八人。下士十有六人。府四人。史八人。胥四人。徒四十人。

大史史官之長。

馮相氏。中士二人。下士四人。府二人。史四人。徒八人。

馮乘也。相視也。世登高臺以視天文之次序。天文屬大史。月令曰。乃命大史守典奉法。司天日月星辰之行。宿離不貸。

保章氏。中士二人。下士四人。府二人。史四人。徒八人。

保守也。世守天文之變。

內史。中大夫一人。下大夫二人。上士四人。中士八人。下士十有六人。府四人。史八人。胥四人。徒四十人。

外史。上士四人。中士八人。下士十有六人。胥二人。徒二十人。

御史。中士八人。下士十有六人。其史百有二十人。府四人。胥四人。徒四十人。

御猶侍也。進也。其史百有二十人以掌贊書人多也。

巾車。下大夫二人。上士四人。中士八人。下士十有六人。府四人。史八人。工百人。胥五人。徒五十人。

巾猶衣也。巾車。

車官之長。

典路。中士二人。下士四人。府二人。史二人。胥二人。徒二十人。

路王之所乘車。

車僕。中士二人。下士四人。府二人。史二人。胥二人。徒二十人。

司常。中士二人。下士四人。府二人。史二人。胥四人。徒四十人。

司常主王旌旗。

都宗人。上士二人。中士四人。府二人。史四人。胥四人。徒四十人。

都謂王子弟所封及公卿所食邑。

家宗人。如都宗人之數。

家謂大夫所食采地。

凡以神士者無數。以其蕪爲之貴賤之等。以神士者男巫之俊。有學問才知者。藝謂禮樂射御書數。高者爲上士。次之爲中士。又次之爲下士。

大宗伯之職。掌建邦之天神人鬼地示之禮。以佐王建保邦國。建立也。立天神地祇人鬼之禮者。謂祀之。祭之。享之。禮。吉禮是也。保安也。所以佐王立安邦國者。主謂凶

禮。賓禮。軍禮。嘉禮也。日吉禮於上。承以立安邦國者。互以相成。明尊鬼神重人事。以吉禮事邦國之鬼神示。事。謂祀之。祭之。享之。故書吉或爲告。杜子春云。書爲告。禮者非是。當爲吉禮。書亦多爲吉禮。吉禮之別十有二。以

禋祀祀昊天上帝。以實柴祀日月星辰。以槱燎祀司中司命。飄師雨師。禮之善。煙。周人尙臭。煙氣之臭聞者。槱。積也。詩曰。芄芄棫樛。薪之標之。三祀皆積柴。

實牲體焉。或有玉帛。播燎而升。燔所以報陽也。鄭司農云。昊天。天也。上帝。玄天也。昊天上帝。樂以雲門。實柴。實牛柴上也。故書實柴或爲實柴。司中。三能三階也。司命。文昌宮星。風師。箕也。雨師。畢也。玄謂昊天上帝。冬至於圜丘所祀。天皇大帝。星謂五緯辰。謂日月所會十二

大司中。司命。文昌第五第四星。或曰。中能上能也。祀五帝亦用實柴之禮云。以血祭祭社稷五祀五嶽。以貍沈祭山林川澤。以醯辜祭四方百物。不言祭地。此皆

地祇。祭地可知也。陰祀自血起。貴氣臭也。社稷。土穀之神。有德者配食焉。共工氏之子曰句龍。食於社。有厲山氏之子曰柱。食於稷。湯遂之而祀棄。故書祀作禋。醢爲罷。鄭司農云。禮當爲祀。書亦或作祀。五祀。五色之帝。於王者宮中曰五祀。罷辜。披磔牲以祭。若今時磔狗祭以止風。玄謂此五祀者。五官之神。在四郊。四時迎五行之氣於四郊。而祭五德之帝。亦食此神焉。少昊氏之子曰重。爲句芒。食於木。該爲磔。收食於金。脩及熙爲玄冥。食於水。顓頊氏之子曰黎。爲祝融。后土。食於火。土五嶽。東曰岱宗。南曰衡山。西曰華山。北曰恆山。中曰嵩高山。不見四寶者。四寶五嶽之匹。或省文。祭山林曰埋。川澤曰沈。順其性之含藏。醢牲胸也。醢而磔之。謂磔。磔及磔祭。郊特牲曰。八蜡以記四方。四方年不順成。八蜡不通。以謹民財也。又曰。蜡之祭也。主先嗇而祭。司嗇也。祭百種以報嗇也。饗農及郵表。啜禽獸仁之至義之

也。以肆獻裸享先王。以饋食享先王。以祠春享先王。以禴夏享先王。以嘗秋享先王。以烝冬享先王。宗廟之祭

有此六享。肆獻裸。饋食。在四時之上。則是禘也。禘也。肆者。進所解牲體。謂薦孰時也。獻。獻體。謂薦血腥也。裸之言灌。灌以鬱鬯。謂始獻尸。求神時也。郊。特牲曰。魂氣歸于天。形魄歸于地。故祭所以求諸陰陽之義也。殷人先求諸陽。周人先求諸陰。灌是也。祭必先灌。乃後薦腥。薦孰。於禘逆言之者。與下共文。明六享俱然。禘言肆獻裸。禘言饋食者。著有黍稷。互相備也。魯禮三年喪畢而禘於大祖。明年春禘於羣廟。自爾以後五年而再殷祭。一禘一禘。

以凶禮哀邦國之夢。哀謂救患分戕。凶禮之別有五。

喪禮哀死亡。哀謂親者服焉。疏者含禭。以荒禮哀凶札。荒。人物有害也。曲禮曰。歲凶。年穀不登。君膳不祭肺。馬不食穀。馳道不除。祭事不縣。大夫不食梁。士飲酒不樂。札讀為截。截謂疫厲。以弔禮哀禍

裁。禍。裁謂遭水火。宋大水。魯莊公使人弔焉。曰。天作淫雨。害於梁。盛如。何不弔。廢焚。孔子拜。鄉人為火來者。拜之士。大夫再。亦相弔之道。以禴禮哀圍敗。同盟者合會財貨。以更其所喪。春秋襄三十年。冬。會于澶淵。宋裁。故是其類。以

恤禮哀寇亂。恤。愛也。鄰國相愛。兵作於外。為寇。作於內。為亂。以賓禮親邦國。親。謂使之相親附。賓禮之別有八。春見曰朝。夏見曰宗。秋見曰覲。冬見曰

遇。時見曰會。殷見曰同。此六禮者。以諸侯見王為文。六服之內。四方以時分來。或朝春。或宗夏。或覲秋。或遇冬。名殊禮異。更遞而偏朝。猶朝也。欲其來之早。宗尊也。欲其尊王。覲之言勤也。欲其勤王之事。遇偶也。欲其若不期而俱至。時見者。言無常期。諸侯有不順服者。王將有征討之事。則既朝覲。王為壇於國外。合諸侯而命事焉。春秋傳曰。有事而會。不協而盟是也。殷為衆也。十二歲。王如不巡守。則六服盡朝。朝禮既畢。王亦為壇。合諸侯。以命政焉。所命之政。如王巡守。殷見四方。四時分來。終歲則備。

時聘曰問。殷覲曰視。時聘者。亦無常期。天子有事。乃聘之焉。竟外之臣。既非朝歲。不敢演為小禮。殷覲。謂一服朝之歲。以朝者少。諸侯乃使卿。以大禮來聘焉。一服朝在元年七年十一年。以軍禮同邦國。同。謂

威其不協倍差者。
軍禮之別有五。

大師之禮。用衆也。

用其義勇。

大均之禮。恤衆也。

均其地政。地守地職之賦。所以憂民。

大田之禮。簡衆也。

古者因田習兵。閱其車徒之數。

大

役之禮。任衆也。

築宮邑。所以專民。力強弱。

大封之禮。合衆也。

正封疆溝塗之固。所以合聚其民。

以嘉禮親萬民。

嘉善也。所以因人心所善者。而爲之制。嘉禮之別有六。

以飲

食之禮。親宗族兄弟。

親者使之相親。人君有食宗族飲酒之禮。所以親之也。文王世子曰。族食世降一等。大傳曰。繫之以姓而弗別。綴之以食而弗殊。百世而婚姻不通者。周道然也。

以婚禮之禮。親成男

女。親其恩。成其性。

以賓射之禮。親故舊朋友。

射禮雖王亦立賓主也。王之故舊朋友。爲世子時共在學者。天子亦有友。諸侯之義。武王誓曰。我友邦冢君是也。司寇職有議故之辟。議賓之辟。

以饗燕之禮

親四方之賓客。

賓客謂朝聘者。

以脤膾之禮。親兄弟之國。

脤膾。社稷宗廟之肉。以賜同姓之國。同福祿也。兄弟有共先王者。魯定公十四年。天王使石尙來歸脤。

以賀慶之禮。親

異姓之國。

異姓。王婚。姻男舅。

以九儀之命。正邦國之位。

每命異儀。貴賤之位乃正。春秋傳曰。名位不同。禮亦異數。

壹命受職。

始見命爲正吏。謂列國之士。於子男爲大夫。王之下士亦一命。鄭司

農云。受職。治職事。

再命受服。

鄭司農云。受服。受祭衣服。爲上士。玄謂此受玄冕之服。列國之大夫再命。於子男爲卿。卿大夫自玄冕而下。如孤之服。王之中士亦再命。則爵弁服。

三命受位。

鄭司農云。受下大夫之位。玄謂此列國之卿始

有列位於王。爲王之臣也。王之上士亦三命。

四命受器。

鄭司農云。受祭器爲上大夫。玄謂此公之孤。始得有祭器者也。禮運曰。大夫具官。祭器不假。聲樂皆具。非禮也。王之下大夫亦四命。

五命賜則。

鄭司農云。則者。法也。出爲子男。玄謂

則地未成國之名。王之下大夫四命。出封加一等。五命賜之以方百里。二百里之地者。方三百里。以上爲成國。王莽時。以二十五成爲則。方五十里。合今俗說子男之地。獨劉子駿等識古有此制焉。

六命賜官。

鄭司農云。子男入爲卿。治一官也。玄謂此王六

命之卿賜官者。使得自置其臣治家邑。如諸侯。春秋襄十八年。冬。晉侯以諸侯圍齊。荀偃為君。禱河。既陳。齊侯之罪。而曰。曾臣彪將率諸侯以討焉。其官臣偃。實先後之。**七命賜國。**王之卿六命。出封加一等者。鄭司農云。出就侯伯之國。**八命作**

牧。謂侯伯有功德者。加命得專征伐於諸侯。鄭司農云。一州之牧。王之三公亦八命。**九命作伯。**上公有功德者。加命為二伯。得征五侯九伯者。鄭司農云。長諸侯為方伯。**以玉作六瑞。以等邦國。**等。猶齊等也。

王執鎮圭。鎮。安也。所以安四方。鎮圭者。蓋以四鎮之山為瑑飾。圭長尺有二寸。**公執桓圭。**公。二王之後。及王之上公。雙植謂之桓。桓。宮室之象。所以安其上也。桓圭蓋亦以桓為瑑飾。圭長九寸。**侯執信圭。伯執**

躬圭。信。當為身聲之誤也。身圭。躬圭。蓋皆象以人形為瑑飾。文有麤縟耳。欲其慎行以保身。圭皆長七寸。**子執穀璧。男執蒲璧。**穀。所以養人。蒲。為席。所以安人。二玉蓋或以穀為飾。或以蒲為瑑飾。璧皆徑五寸。不執圭者。未成國也。

以禽作六摯。以等諸臣。摯之言至。所執以自致。**孤執皮帛。卿執羔。大夫執鴈。士執雉。庶人執鶩。工商執雞。**皮帛者。束帛而表以皮為之飾。

皮。虎豹皮。帛。如今曠色給也。羔。小羊。取其羣而不失其類。鴈。取其候時而行。雉。取其守介而死。不失其節。鶩。取其不飛遷。雞。取其守時而動。曲禮曰。飾羔鴈者。以繡。謂衣之以布而又畫之者。自維以下。執之無飾。士相見之禮。卿大夫執摯以布。不言繡。此諸侯之臣。與天子之臣異也。然則天子之孤。飾摯以虎皮。公之孤。飾摯以豹皮。

與此孤卿大夫士之摯。皆以爵。不以命數。凡摯無庭實。**以玉作六器。以禮天地四方。**禮。謂始告神時。薦於神坐。書曰。周公植璧秉圭是也。**以蒼璧禮**

天。以黃琮禮地。以青圭禮東方。以赤璋禮南方。以白琥禮西方。以玄璜禮北方。此禮天以冬至。謂天皇大帝在北極者也。禮地以夏至。謂神在崑崙

者也。禮東方以立春。謂蒼精之帝。而大昊句芒食焉。禮南方以立夏。謂赤精之帝。而炎帝祝融食焉。禮西方以立秋。謂白精之帝。而少昊驩收食焉。禮北方以立冬。謂黑精之帝。而顓頊玄冥食焉。禮神者必象其類。璽。圓象天。琮。八方象地。圭。銳象春物。初生。半圭曰璋。象夏物。

牛死曉猛象秋嚴牛墜曰瓊象冬閉藏地上無物唯天半見

皆有牲幣各放其器之色

幣以從爵若人飲酒有酬幣

以天產作陰德以中禮防之以地產作陽

德以和樂防之

鄭司農云陰德謂男女之情天性生而自然者過時則奔隨先時則血氣未定聖人為制其中令民三十而娶女二十而嫁以防其淫泆令無失德情性隱而不露故謂之陰德陽德謂分地利以致富富者之失不驕奢則吝嗇故以

和樂防之樂所以滌蕩邪穢道人之正性者也一說地產謂土地之性各異若齊性舒緩楚性急悍則以和樂防其失令無失德樂所以移風易俗者也此皆露見於外故謂之陽德陽德陰德不失其正則民和而物各得其理故曰以諧萬民以致百物玄謂天產者動物謂六牲之屬地產者植物謂九穀之屬陰德陰氣在人者陰氣虛純之則劣故食物物作之使動過則傷性制中禮以節之陽德陽氣在人者陽氣盈純之則躁故食物物作之使靜過則傷性制和樂以節之如是然後陰陽平情性和而能育其類 以禮樂合

天地之化百物之產以事鬼神以諧萬民以致百物

禮濟虛樂損盈並行則四者乃得其和能生非類曰化生其種曰產

凡祀大神享大鬼祭大疋

帥執事而卜日宿氐滌濯澆玉鬯省牲鑊奉玉齋詔大號治其大禮詔相王之典禮

執事諸有事於祭者宿申戒也滌濯灑祭器也玉禮

神之玉也始澆之祭又奉之鑊享牲器也大號六號之大者以詔大祝以為祝辭治猶簡習也豫簡習大禮至祭當以詔相王宰臣禮為小禮故書澆作立鄭司農讀為澆視也

若王不與祭祀則攝位

王有故代行其祭事 凡

大祭祀王后不與則攝而薦豆籩徹

薦徹豆籩王后之事

大賓客則攝而載果

載為也果讀為裸代王裸賓客以鬯君無酌臣之禮言為者攝酌獻耳拜送則王也鄭司農云王不

親為 朝覲會同則為上相大喪亦如之王哭諸侯亦如之

相詔王禮也出接賓曰摺入詔禮曰相相者五人卿為上摺大喪王后及世子也哭諸侯者謂薨於國為位而哭之摺弓

曰天子之哭諸侯也爵弁經紼衣

王命諸侯則饋

饋進之也王將出命假祖廟立依前南鄉饋者進當命者延之命使登內史由王右以策命之降再拜稽首登受策以出此其略也諸侯爵祿其臣則於祭焉

國有大故則

旅上帝及四望

故謂凶戕旅陳也陳其祭事以祈焉禮不如祀之備也上帝五帝也鄭司農云四望日月星海玄謂四望五嶽四鎮四瀆

王大封則先告后土

后土土神也黎所食者

乃頒祀于

邦國都家鄉邑

頒讀爲班班其所當祀及其禮都家之鄉邑謂王子弟及公卿大夫所食采地

小宗伯之職掌建國之神位右社稷左宗廟

庫門內維門外之左右故書位作立鄭司農立讀爲位古者立位同字古文春秋經公即位爲公即立

兆五帝于四郊四

望四類亦如之

兆爲壇之營域五帝蒼曰靈威仰大昊食焉赤曰赤熛怒炎帝食焉黃曰含樞紐黃帝食焉白曰白招拒少昊食焉黑曰汁光紀顓頊食焉黃帝亦於南郊鄭司農云四望道氣出入四類三皇五帝九皇六十四民咸祀之玄謂四望

五嶽四鎮四寶四類日月星辰運行無常以氣類爲之位兆日於東郊兆月與風師於西郊兆司中司命於南郊兆雨師於北郊

兆山川丘陵墳衍各因其方

順其所

掌五禮之禁令與其

用等用等牲器尊卑之差鄭司農云五禮吉凶賓軍嘉

辨廟祧之昭穆

祧遷上所藏之廟白始祖之後父曰昭子曰穆

辨吉凶之五服車旗宮室之禁

五服王及公卿大夫士之服

掌三族之別以辨親疏其正室皆謂之門子掌其政令

三族謂父子孫人屬之正名喪服小記曰親親以三爲五以五爲九正室適子也將代父當門者也政令謂役守之事

毛

六牲辨其名物而頒之于五官使其奉之

毛擇毛也鄭司農云司徒主牛宗伯主雞司馬主馬及羊司寇主犬司空主豕

辨六齋之名物與其用使六宮

之人共奉之。齋讀爲菜。六菜謂六穀。黍稷稻粱麥苽。辨六葬之名物。以待果將。六猪雞彘鳥彘犛彘黃。彘虎彘。雖彘果讀爲稛。辨六尊之名物。以待祭祀賓

客。待者有事則給之。鄭司農云。六尊。獻尊象尊。壺尊著尊。大尊山尊。掌衣服車旗宮室之賞賜。王以賞賜有功者。書曰車服以庸。掌四時祭祀之序事與其禮。序事卜日省牲。

視滌灌饗饗之。事次序之時。若國大貞則奉玉帛以詔號。號神號幣號。鄭司農云。大貞謂卜立君卜大封。大祭祀省牲。既滌濯祭之日。逆齋省鑊。告時

于王。告備于王。逆齋受饋人之盛。以入省鑊。視亨。腥執時薦陳之。晚早備謂饌具。凡祭祀賓客。以時將瓚果。將。途也。猶奉也。祭祀以時奉而授王。賓客。以時奉而授宗伯。天子圭瓚。諸侯璋瓚。詔

相祭祀之小禮。凡大禮。佐大宗伯。賜卿大夫士爵。則儻。賜。猶命也。儻。之。如命諸侯之儀。春秋文元年。天王使毛伯來錫。公命傳曰。錫者何。賜也。命者何。加我服也。小

祭祀掌事。如大宗伯之禮。大賓客受其將幣之齋。謂所齋來貢。獻之財物。若大師則帥有司而立軍社。奉主車。有司。大祝也。王

出軍必先有事於社。及遷廟。而以其主行。社主曰軍社。遷主曰祖。春秋傳曰。軍行。祓社。饗鼓。視奉以從。曾子問曰。天子巡守。以遷廟。主行。載于齊車。言必有尊也。書曰。用命。賞于祖。不用命。戮于社。社之主。蓋用石爲之。奉謂將行。

若軍將有事。則與祭。有司將事于四望。軍將有事。將與敵合戰也。鄭司農云。則與祭。謂軍祭表禡軍社之屬。小宗伯與其祭事。玄謂與祭。有司。謂大祝之屬。蓋司馬之官。實典焉。若大甸。則帥有司而饁獸于

郊。遂頒禽。甸。讀曰田。有司。大司馬之屬。饁。饋也。以禽饋四方之神於郊。郊有羣神之兆。頒。禽。謂以予羣臣。詩傳曰。禽雖多。擇取三十焉。其餘以予大夫士。以習射於澤宮而分之。大戔。及執事禱祠于上下神

禘。執事大祝及男巫女巫也。求福曰禱。得求曰祠。禱曰。禱附于上下神祇。鄭司農云。小宗伯與執事共禱祠。

王崩大肆。以柩鬯澗。

鄭司農云。大肆。大浴也。杜子春讀澗為泯。以柩鬯浴尸。玄謂大肆始陳尸伸之。

及執事

澠大斂小斂。帥異族而佐。

執事大祝之屬。澠。臨也。親斂者。蓋事官之屬為之。喪大記曰。小斂衣十九稱。君大夫士一也。大斂君百稱。大夫五十稱。士三十稱。異族佐斂。疏者可以相助。

縣衰冠之式于

路門之外。制色宜齊同。

及執事既葬。獻器遂哭之。

執事。蓋梓匠之屬。至將葬。獻明器之材。又獻素獻成。皆於路門外。王不親哭。有官代之。

卜葬兆。甫窆。亦如之。

兆。葬塋域。甫始

也。鄭大夫讀窆皆為穿。杜子春讀窆為冢。皆謂葬穿墻也。今南陽名穿地為窆。聲如腐臆之脆。

既葬。詔相喪祭之禮。

喪祭。虞耐也。禮弓曰。葬日虞。弗忍一日離也。是日也。以虞。成。易奠。卒哭曰成事。是日也。以吉祭。易喪祭。明日耐于祖父。

葬而祭墓。為位。

成葬。丘已封也。天子之冢。蓋不一日而畢。位。壇位也。先祖形體託於此地。祀其神以安之。冢人職曰。大喪既。有日。請度甫窆。遂為之尸。

凡王之會同。軍旅。旬役之禱祠。肆

儀。為位。

肆。習也。故書肆為肆。儀為義。杜子春讀肆當為肆。義為儀。謂若今時肆司徒府也。小宗伯主其位。

國有禍菽。則亦如之。

謂有所禱祈。

凡天地之大。類社稷宗廟。

則為位。

禱祈禮類者。依其正禮而為之。

凡國之大禮。佐大宗伯。凡小禮。掌事。如大宗伯之儀。

肆師之職。掌立國祀之禮。以佐大宗伯。

佐助也。

立大祀。用玉帛牲牲。立次祀。用牲幣。立小祀。用牲。

鄭司農云。大祀。天地。次祀。

日月星辰。小祀。司命已下。玄謂大祀又有宗廟。次祀又有社稷。五祀五嶽。小祀又有司中風師雨師山川百物。

以歲時序其祭祀。及其祈珥。

序。第次其先後大小。故書祈為幾。杜子春讀幾當為祈。珥為餌。玄謂祈當為進禱之。

饗其當爲餅，饗其當爲禮之事。雜記曰：成廟則饗之，雍人舉羊，升屋自中，中屋南面，封羊，血流于前，乃降，門夾室，皆用雞，其餅皆於屋下，割雞，門當門，夾室中室，然則是饗，謂羊血也。小子職曰：掌珥于社稷，祈于五祀，是也。亦謂其宮兆始成時也。春秋僖十九年，夏，邾人執郕子，用之，傳曰：用之者何？蓋叩其鼻以衄社也。

大祭祀，展犧牲，繫于牢，頒于職人。

展，省閱也。職，讀爲職，職可以繫。牲者，此犧人謂充人及監門人。

凡祭祀之卜日，宿爲期，詔

相其禮，既滌濯，亦如之。

宿，先卜祭之夕。

祭之日，表齋盛，告絜，展器陳，告備，及果，築馨，相治小禮，誅其慢怠者。

築，六穀也在器。

曰盛，陳，陳列也。果，築馨者，所築馨以裸也。故書表爲劉。劉，表皆謂徽識也。鄭司農云：築，煮香草，煮以爲粢。

掌兆中廟中之禁令。

兆，壇壝域。

凡祭祀禮成，則告事畢，大賓客，涖筵

几，築馨。

此王所以禮賓客。宗伯載裸。

大朝覲，佐儻。

爲承儻。

共設匪饗之禮。

設於賓客之館，公食大夫禮曰：若不親食，使大夫以侑幣致之。豆實實于簠，鬯實實于篚，匪其

篚字之誤，與禮不親饗，則以酬幣致之，或者匪以致饗。

饗食，授祭。

授祭祭肺。

與祝侯禳于鬯及郊。

侯禳，小祝職也。鬯五百里，遠郊百里，近郊五十里。

大喪，大澗以鬯，則築馨。

築，香草，煮以爲粢，以浴尸，香草，鬯也。

令外內命婦序哭。

序，使相次秩。

禁外內命男女之衰，不中澗者，且授之杖。

外命男，六鄉以出也。內命男，朝廷卿大夫士也。其妻爲外

命女，喪服爲夫之君，齊衰不杖。內命女，王之三夫人以下，不中法，遂升數與裁判者。鄭司農云：三日授子杖，五日授大夫杖，七日授士杖。此舊說也。喪大記曰：君之喪，三日子夫人杖，五日既殯，授大夫世婦杖，無七日授士杖。文，玄謂授杖日數，主喪依諸侯與，七日授士杖。四

制凡師甸，用牲于社宗，則爲位。

社，軍社也。宗，遷主也。尙書傳曰：王升舟入水，鼓鍾亞，觀壘亞，將舟亞。宗廟亞，故書位爲涖，杜子春云：涖當爲位，書亦或爲位。宗謂宗廟。

類造上帝，封于大神。

祭兵于山川亦如之。

造猶卽也。爲兆以類禮。卽祭上帝也。類禮依郊祀而爲之者。封謂壇也。大神社及方嶽也。山川蓋軍之所依止。大傳曰。牧之野。武王之大事也。既事而退。柴於上帝。祈于社。設奠於牧室。

凡師不功。則

助牽主車。

助。助大司馬也。故書功爲工。鄭司農。工讀爲功。古者工與功同字。謂師無功。肆師助牽之。恐爲敵所得。

凡四時之大甸獵。祭表貉。則爲位。

貉。師祭也。貉讀爲十百。於所立表之處爲。

師祭造軍法者。禱氣勢之增倍也。其神蓋蚩蚩。或曰黃帝。

嘗之日。涖卜來歲之芟。

芟。芟草除田也。古之始耕者。除田種穀。嘗者。嘗新穀。此芟之功也。卜者。問後歲宜芟不。詩云。載芟載柞。其耕澤澤。

獮之日。涖卜

來歲之戒。

秋田爲獮。始習兵。戒不虞也。卜者。問後歲兵寇之備。

社之日。涖卜來歲之稼。

社。祭土。爲取財焉。卜者。問後歲稼所宜。

若國有大故。則令國人祭。

大故。謂水旱凶。

荒。所令祭者。社及祭酺。

歲時之祭祀。亦如之。

月令。仲春。命民社。此其一隅。

凡卿大夫之喪。相其禮。

相其適子。

凡國之大事。治其禮儀。以佐宗

伯。

治。謂如今每事者。更奏白王禮也。故書儀爲義。鄭司農。義讀爲儀。古者書儀。但爲義。今時所謂義。爲誼。

凡國之小事。治其禮儀。而掌其事。如宗伯之禮。

鬱人掌裸器。

裸器。謂壺及舟與瓚。

凡祭祀賓客之裸事。和鬱鬯以實彝而陳之。

築鬱。金賚之以和鬯酒。鄭司農云。鬱。草名。十葉爲貫。百二十貫爲築。以煮之。饈中。停於祭前。鬱

爲草若蘭。

凡裸玉。濯之陳之。以贊裸事。

裸玉。謂圭瓚瓚瓚。

詔裸將之儀。與其節。

節。謂王奉玉。遂裸。早髮之時。

凡裸事。沃盥。大喪之湖。共其

肆器。

肆器。陳尸之器。喪大記曰。君設大盤。造冰焉。大夫設夷盤。造冰焉。士併瓦盤。無冰。設牀櫬。第有枕。此之謂肆器。天子亦用夷盤。

及葬。共其裸器。遂理之。

遺奠之彝與瓚也。理之於祖廟階間。明奠終於此。

大祭

祀與量人受舉斝之卒爵而飲之。斝受福之緘聲之誤也。王輔尸戶緘王此其卒爵也。少牢饋食禮主人受緘詩懷之卒爵執爵以與出宰夫以饗受鬯黍主人嘗之乃還獻祝此斝人受王之卒爵亦王出房時也必與

量人者斝人贊裸尸量人制從獻之脯饗事相成。

量人者斝人贊裸尸量人制從獻之脯饗事相成。

斝人掌共秬鬯而飾之。秬鬯不和斝者。飾之謂設巾。凡祭祀社壇用大罍。罍謂委土為壇壇所。以祭也大罍瓦罍。祭門用瓢齋。祭謂祭節所祭門國門也。春秋傳曰日月

星辰之神則雪霜風雨之不時於是乎禱之山川之神則水旱厲疫之不時於是乎禱之魯莊二十五年秋大水鼓用牲于門故書瓢作鬯鄭司農讀鬯為瓢杜子春讀齋為染瓢謂瓢蟲也染盛也玄謂齋讀為齊取甘瓢割去柢以齊為尊。

廟用脩凡山川四方用蜃凡裸事用概凡醜事用散。裸當為埋字之誤也故書蜃或為謨杜子春云謨當為蜃書亦或為蜃蜃水中蠶也鄭司農云脩誤概散皆器名玄謂廟用脩者謂始禘時自饋食始脩蜃概散皆

漆尊也脩讀曰卣卣中尊謂獻象之屬尊者舉為上罍為下。蠶畫為蜃形蚌曰合漿尊之象概尊以朱帶者無飾曰散。

大喪之大湖設斗共其鬯。斗所以沃尸也鬯尸以鬯酒使之香美者鄭司農云鬯讀為徽。凡王之濟事共其秬鬯。給泮浴。凡王弔臨共介鬯。以尊適卑曰臨春秋傳曰照臨幣也鄭司農云鬯香草王行弔喪被之故曰介玄謂曲禮曰繫天子鬯王至尊以介為執致之以禮於鬼神與檀弓曰臨諸侯眡於

鬼神曰有天王某父此王適四方舍諸侯祖廟視告其神之辭介於是進鬯。

雞人掌共雞牲辨其物。物謂毛色也辨之者陽祀用騂陰祀用鶡。大祭祀夜時且以跽百官。夜夜漏未盡雞鳴時也呼且以警起百官使夙興。凡國之大賓客會

周禮卷五

同軍旅喪紀亦如之凡國事為期則告之時

象雞知時也告其有司主事者少牢曰宗人朝服北面曰請祭期主人曰比於子宗人曰且明行事告時者至此且明而告之

凡祭祀面

禋饗共其雞牲

饗饗廟之屬饗廟以羊門夾室皆用雞鄭司農云面禋四面禋也饗讀為徽

司尊彝掌六尊六彝之位詔其酌辨其用與其實

位所陳之處酌涉之使可酌各異也用四時祭祀所用亦不同實饗及醴齊之屬

春祠夏禴裸用雞彝

鳥彝皆有舟其朝踐用兩獻尊其再獻用兩象尊皆有罍諸臣之所昨也秋嘗冬烝裸用罍彝黃彝皆有

舟其朝獻用兩著尊其饋獻用兩壺尊皆有罍諸臣之所昨也凡四時之間祀追享朝享裸用虎彝雉彝

皆有舟其朝踐用兩大尊其再獻用兩山尊皆有罍諸臣之所昨也

裸謂以圭瓚酌鬱鬯始獻尸也后於是以璋瓚酌亞裸郊特性曰周人尚臭灌用鬯臭鬱合鬯

臭陰達於淵泉灌以圭璋用玉氣也既灌然後迎牲致陰氣也朝踐謂薦血腥酌醴始行祭事后於是薦朝事之豆盞既又酌獻其變朝踐為朝獻者尊相因也朝獻謂尸卒食王酌之再獻者王酌尸之後后酌亞獻諸臣為賓又次后酌盞齊備卒食三獻也於后亞獻內宗薦加豆盞其變再獻為饋獻者亦尊相因饋獻謂薦執時后於是薦饋食之豆盞此凡九酌王及后各四諸臣一祭之正也以今祭禮特牲少牢言之二裸為奠而尸飲七矣王可以獻諸臣祭統曰尸飲五君洗玉爵獻卿是其差也明堂位曰灌用玉瓚大圭爵用玉琖加用璧角璧散又鬱人職曰受舉斝之卒爵而飲之則王酌尸以玉爵也王酌尸用玉爵而再獻者用璧角璧散可知也雞彝鳥彝謂刻而畫之為雞鳳皇之形皆有舟皆有罍言春夏秋冬及追享朝享有之同昨讀為昨字之誤也諸臣獻者酌盞以自酢不敢與王之神靈共尊

鄭司農云。舟尊下。塞。若今時承槃。獻讀爲攘。攘尊飾以翡翠。象尊以象鳳皇。或曰以象骨飾尊。明堂位曰。犧象。周尊也。春秋傳曰。犧象不出門。尊以祿神。疊臣之所飲也。詩曰。耕之藝矣。維疊之恥。疊讀爲稼。稼。祭。畫禾稼也。黃彝。黃目尊也。明堂位曰。夏后氏以雞彝。殷以斝。周以黃目。爾雅曰。彝。卣。疊。器也。著尊者。著略尊也。或曰。著尊著地無足。明堂位曰。著。殷尊也。壺者。以壺爲尊。春秋傳曰。尊以魯壺。追享朝享。謂禘祫也。在四時之間。故曰。間祀。雖讀爲蛇虺之虺。或讀爲公用射隼之隼。大尊。大古之五尊。山尊。山疊也。明堂位曰。泰有虞氏之尊也。山疊。夏后氏之尊。故書踐作錢。杜子春云。錢當爲踐。玄謂黃目。以黃金爲日。鄭特牲曰。黃目。鬱氣之上尊也。黃者。中也。目者。氣之清明者也。言酌於中而清明於外。追享。謂追祭遷廟之主。以事有所請禱。朝享。謂朝受政於廟。春秋傳曰。閏月不告朔。猶朝于廟。雖。禹屬。印鼻而長尾。山疊。亦刻而畫之爲山雲之形。

凡六彝六尊之酌。鬱齊獻酌。醴齊縮酌。盎齊沈酌。凡酒脩酌。

故書縮爲數。齊爲齏。鄭司農云。獻讀爲儀。儀酌。有威儀多也。沈酌者。沈拭

勺而酌也。脩酌者。以水洗勺而酌也。齏讀皆爲齊和之齊。杜子春云。數當爲縮。齊讀皆爲染。玄謂禮運曰。玄酒在室。醴醞在戶。染醞在堂。澄酒在下。以五齊次之。則醞酒盎齊也。郊特牲曰。縮酌用茅。明酌也。醞酒。澆于清。汁獻澆于醞酒。猶明清與醞酒于蕪澤之酒也。此言轉相涉成也。獻讀爲靡莎之莎。齊語聲之誤也。黃鬱和秬鬯。以醞酒靡莎澆之。出其香汁也。醴齊尤濁。和以明酌。澆之以茅。縮去滓也。盎齊。差清。和以清酒。澆之而已。其餘三齊。泛從醴。醞沈從盎。凡酒謂三酒也。脩讀如滌濯之滌。滌酌。以水和而澆之。今齊人命澆酒曰滌。明酌取事酒之上也。澤讀曰醴。明酌。清酒。醞酒。澆之皆以舊釀之酒。凡此四者。祿用鬱齊。朝用醴齊。饋用盎齊。諸臣自酢用凡酒。唯大事於大廟。備五齊三酒。

大喪。存奠葬。

存者。也。謂大遣時。奠者。朝夕乃徹也。大旅。亦如之。旅者。

國有大故之祭也。亦存其奠。葬則陳之不卽徹。

司几筵。掌五几五席之名物。辨其用與其位。

五几。左右玉。彤。彤。漆。素。五席。莞。藻。次。蒲。熊。用。位。所設之席及其處。

凡大朝覲大饗射。凡封國命諸

侯。王位設黼依。依前南鄉。設莞筵紛純。如纁席畫純。加次席黼純。左右玉几。

斧謂之黼。其纁白黑采。以絳帛爲質。依其制如屏風然。於依前爲王設席。

左右有几。優至尊也。鄭司農云。紛讀爲黼。又讀爲和粉之粉。謂白纁也。純讀爲均服之均。純。緣也。纁讀爲藻率之藻。次席。虎皮爲席。書順命曰成。王將崩。命大保芮伯畢公等。被冕服。馮玉几。玄謂紛如綬。有文而狹者。纁席。削蒲莢展之。編以五采。若今合歡矣。畫謂雲氣也。次席。桃枝席。有次列成文。 祀先王昨席。亦如之。

鄭司農云。昨席。於主階設席。王所坐也。玄謂昨讀曰酢。謂祭祀及王受酢之席。尸卒食。王醑之。卒餼。視受之。又酌授尸。尸酢王。於是席王於戶內。后諸臣致爵。乃設席。

諸侯祭

祀席。蒲筵纁純。加莞席紛純。右彫几。

纁。畫文也。不莞席加纁者。纁柔。籀不如莞清堅。又於鬼神宜。

昨席。莞筵紛純。加纁席畫純。筵國賓于牖

前。亦如之。左彤几。

昨讀亦曰酢。鄭司農云。禮記。國賓。老臣也。爲布筵席於牖前。玄謂國賓。諸侯來朝。孤卿大夫來聘。後言几者。使不蒙如也。朝者彫几。聘者彤几。

甸役。則設熊席。右漆几。

謂王甸有司祭表貉

所設 凡喪事。設葦席。右素几。其柏席用荏。黼純。諸侯則紛純。每敦一几。

喪事。謂凡奠也。葦。如葦而細者。鄭司農云。柏席。迫地之席。葦居其上。或曰。柏席載黍稷之

席。玄謂柏。梓字。磨滅之餘。梓席。藏中神坐之席也。敦。讀曰燾。燾。覆也。棺在燾。則燾。燾。既窆。則加見。皆謂覆之。周禮。雖合葬及同時在瘞。皆異几。體實不同。祭於廟。同几。精氣合。

凡吉事變几。凶事仍几。

故書仍爲乃。鄭司農云。變几。變更其

質。謂有飾也。乃。讀爲仍。仍。因也。因其質。謂無飾也。爾雅曰。儻。仍。因也。書。頤命曰。翌。日乙丑。成王崩。癸酉。隔間南嚮。西序東嚮。東序西嚮。皆仍几。玄謂吉事。王祭宗廟。裸於室。饋食於堂。釋於祔。每事易几。神事文。示新之也。凶事。謂凡奠几。朝夕相因。喪禮略。

天府。掌祖廟之守藏。與其禁令。

祖廟。始祖后稷之廟。其寶物。世傳守之。若魯寶玉大弓者。

凡國之玉鎮。大寶器藏焉。若有大祭大喪。則出而

陳之既事藏之。

玉鎮大寶器。玉瑞玉器之美者。禘祫及大喪陳之。以華國也。故書鎮作瓊。鄭司農云。瓊讀爲鎮。書顧命曰。翌日乙丑。王崩丁卯。命作冊。度越七日癸酉。陳寶赤刀。大訓弘璧琬琰。在西序。大玉夷玉。天球河圖。在東序。胤之舞衣。大貝。鼗

鼓在西房。兌之戈。和之弓。垂之竹矢。在東房。此其行事見於經。

凡官府鄉州及都鄙之治中。受而藏之。以詔王察羣吏之治。

察其當黜陟者。鄭司農云。治中。謂其治職簿

書之要。

上春。釁寶鎮及寶器。

上春。孟春也。釁。謂殺牲以血血之。鄭司農云。釁讀爲黻。或曰釁鼓之釁。

凡吉凶之事。祖廟之中。沃盥。執燭。

吉事。四時祭也。凶事。后王喪。朝于祖廟之

季冬。陳玉。以貞來歲之蠲惡。

問事之正曰貞。問歲之美惡。謂問於龜。大卜職。大貞之屬。陳玉。陳禮神之玉。凡卜筮實問於鬼神。龜筮能出其卦兆之占耳。龜有天地四方。則玉有六器者。與言陳者。既事藏之。不必理之也。

鄭司農云。貞。問也。易曰。師貞。丈人吉。問於丈人。國語曰。貞於陽卜。

若遷寶。則奉之。

奉。猶送也。

若祭天之司民司祿。而獻民數穀數。則受而藏之。

司民。軒轅角也。

司祿。文星第六星。或曰。下能也。祿之言穀也。年穀登。乃後制祿。祭此二星者。以孟冬。既祭之。而上民穀之數於天府。

典瑞。掌玉瑞玉器之藏。辨其名物與其用事。設其服飾。

人執以見曰瑞。禮神曰器。瑞符信也。服飾。服玉之飾。謂纁藉。

王晉大圭。執鎮圭。纁藉

五采五就以朝日。

纁有五采文。所以薦玉。木爲中榦。用韋衣而畫之。就成也。王朝日者。示有所尊。訓民事君也。天子常春分朝日。秋分夕月。覲禮曰。拜日於東門之外。故書鎮作瓊。鄭司農云。晉讀爲摛。紳之摛。謂插之於紳帶之間。若帶劍也。瓊讀

爲鎮。玉人職曰。大圭長三尺。杼上終葵首。天子服之。鎮圭尺有二寸。天子守之。纁讀爲藻。率之藻。五就。五币也。一币爲一就。

公執桓圭。侯執信圭。伯執躬圭。繅皆三采三就。子執穀

璧。男執蒲璧。纁皆二采再就。以朝覲宗遇會同于王。

三采朱白蒼二采朱綠也。鄭司農云。以圭璧見于王。覲禮曰。侯氏入門右坐奠圭再拜稽首。侯氏見于天子。春曰朝。夏曰宗。秋曰覲。冬曰

遇。時見曰會。殷見曰同。

諸侯相見亦如之。

鄭司農云。亦執圭璧以相見。故鄭隱公朝于魯春秋傳曰。邾子執玉高其容仰。

璋圭璋璧琮纁皆二采一就。以覲聘。

璋以聘后夫人。以琮

享之也。大夫衆來曰覲。寡來曰聘。鄭司農云。琮有圻鄂。琮起

四圭有邸。以祀天。旅上帝。

鄭司農云。於中央爲璧。圭著其四面。一玉俱成。爾雅曰。邸。本也。圭本著於璧。故四圭有邸。圭末四出故也。或說。四圭有邸。有四角也。邸讀爲抵

欺之抵。上帝。玄天。玄謂祀天。夏正郊天也。上帝。五帝。所郊亦猶五帝。殊言天者。尊異之也。大宗伯職曰。國有大故。則旅上帝及四望。

兩圭有邸。以祀地。旅四望。

兩圭者。以象地數二也。僂而同邸。祀地。謂所祀於北郊神州之神。

裸圭有瓚。以肆先王。以裸賓客。

鄭司農云。於圭頭爲器。可以挹鬯。裸祭。謂之瓚。故詩曰。卣彼玉瓚。黃流在中國。語謂之鬯。圭。以肆先王。灌先王祭也。玄謂肆。解牲體以祭。因以爲名。爵行日裸。漢禮瓚大五升。口徑八寸。下

有鬯。口徑二尺。

圭璧。以祀日月星辰。

圭其邸爲璧。取殺於上帝。

璋邸射。以祀山川。以造贈賓客。

璋有邸而射。取殺於四望。鄭司農云。射。刻也。

土圭。以致四時

日月。封國。則以土地。

以致四時日月者。度其景不至。以知其行得失也。冬夏以致日。春秋以致月。土地。猶度地也。封諸侯。以土地。日景。觀分寸長短。以制其域所封也。鄭司農說以玉人職曰。土圭尺有五寸。以致日。以土地。以求地中。

故謂之土圭。

珍圭。以徵守。以恤凶荒。

杜子春云。珍當爲鎮。書亦或爲鎮。以徵守者。以徵召守國諸侯。若今時徵郡守以竹使符也。鎮者。國之鎮。諸侯亦一國之鎮。故以鎮圭徵之也。凶荒則民有遠志。不安其土。故以鎮圭鎮安之。玄謂

珍。垂。王使之瑞節。制大小當與琬琰相依。王使人徵諸侯。憂凶荒之國。則授之執。以往。致王命焉。如今時使者持節矣。恤者。閭府庫振救之。凡瑞節。歸又執以反命。

牙璋。以起軍旅。以治兵守。

鄭司農云。牙璋。琢以爲牙。齒。兵象。

故以牙璋發兵。若今時以銅虎符發兵。玄謂牙璋亦王使之瑞節。兵守用兵所守。若齊人成遂諸侯成周。璧羨以起度。鄭司農云羨長也。此璧徑長尺。以起度量。玉人職曰璧羨度尺。以爲度。玄謂羨不圍之貌。蓋廣徑八寸。袤一尺。駟圭璋

璧琮琥璜之渠眉。疏壁琮以斂尸。鄭司農云駟外有捷虛也。駟讀爲駟疾之駟。疏讀爲沙。謂圭璋璧琮琥璜皆爲渠眉。璜沙除以斂尸。令汁得流去也。玄謂以斂尸者於大斂焉加之也。駟讀爲組與組馬同。璧之誤也。渠眉玉飾之溝璩也。以組穿連六玉。溝璩之中以斂尸。圭在左。璋在首。琥在右。璜在足。璧在背。琮在腹。蓋取象方明神之也。疏壁琮者通於天地。穀圭以和難。以聘女。穀圭亦王使之瑞節。穀善也。其飾若粟文。然難仇難和之者。若春秋宣公及齊侯平莒及鄒。管侯使取嘉平戎于王。其聘女則以納徵焉。琬圭以治德。以結好。琬圭亦王使之瑞節。諸侯有德。王命賜之。及諸侯使大夫來聘。既而爲壇會之。使大夫執以命事焉。大行人職曰時聘以結諸侯之好。鄭司農云琬圭無鋒芒。故治德以結好。琰圭以易行。以除慝。琰圭亦王使之瑞節。鄭司農云琰圭有鋒芒。傷害征伐誅討之象。故以易行除慝。易惡行令爲善者。以此圭責讓諭告之也。玄謂除慝亦於諸侯使大夫來覲。既而使大夫執而命事於壇。大行人職曰股觀以除邦國之慝。大祭祀。大旅。凡賓客之事。共其玉器而奉之。玉器謂四圭。裸圭之屬。大喪。共飯玉。含玉。贈玉。飯玉碎玉以糶米也。含玉柱左

右。黻及在口中者。雜記曰含者執璧將命。則是璧形而小耳。贈玉蓋璧也。贈有束帛六幣。璧以帛。

凡玉器出。則共奉之。玉器出謂王所好賜也。奉之。送以往。遠則送於使者。典命。掌諸侯之五儀。諸臣之五等之命。五儀。公侯伯子男之儀。五等。謂孤以下四命三命再命一命不命也。或言儀。或言命。互文也。故書儀作義。鄭司農義讀爲儀。上公九命爲伯。

其國家宮室車旗衣服禮儀。皆以九爲節。侯伯七命。其國家宮室車旗衣服禮儀。皆以七爲節。子男五命。

周禮卷五 一三七

其國家宮室車旗衣服禮儀皆以五爲節。

上公謂王之三公有德者。加命爲二伯。二王之後。亦爲上公。國家。國之所居。謂城方也。公之城蓋方九里。宮方九百步。侯伯之城蓋方七里。宮方七百步。子男之城

蓋方五里。宮方五百步。大行人職。則有諸侯主藉。冕服。建常。樊纓。貳車。介牢禮。朝位之數焉。

王之三公八命。其卿六命。其大夫四命。及其出封。皆加一等。其國家

宮室車旗衣服禮儀亦如之。

四命。中下大夫也。出封。出畿內封於八州之中。加一等。褒有德也。大夫爲子男。卿爲侯伯。其在朝廷。則亦如命數耳。王之上士三命。中士再命。下士一命。

凡諸侯之適子

誓於天子。攝其君。則下其君之禮一等。未誓。則以皮帛繼子男。

誓。猶命也。言誓者。明天子既命以爲之嗣。樹子不易也。春秋桓九年。曹伯使其世子射姑來朝。行國君之禮。是

也。公之子如侯伯而執圭。侯伯之子如子男而執璧。子男之子與未誓者。皆次小國之君。執皮帛而朝會焉。其賔之。皆以上卿之禮。影。

公之孤四命。以皮帛。眡小國之君。其卿三命。其大夫

再命。其士壹命。其宮室車旗衣服禮儀。各眡其命之數。侯伯之卿大夫士。亦如之。子男之卿再命。其大夫

壹命。其士不命。其宮室車旗衣服禮儀。各眡其命之數。

視小國之君者。列於卿大夫之位。而禮如子男也。鄭司農云。九命。上公得置孤卿一人。春秋傳曰。列國之卿。當小國之君。固周

制也。玄謂王制曰。大國三卿。皆命於天子。下大夫五人。上士二十七人。次國三卿。二卿命於天子。一卿命於其君。下大夫五人。上士二十七人。小國二卿。皆命於其君。下大夫五人。上士二十七人。

司服。掌王之吉凶衣服。辨其名物與其用事。

用事。祭祀視朝。甸內。甲之事。衣服各有所用。

王之吉服。祀昊天上帝。則服大裘而冕。

祀五帝亦如之。享先王則袞冕。享先公饗射則鷩冕。祀四望山川則毳冕。祭社稷五祀則希冕。祭羣小祀

則玄冕。

六服同冕者首飾尊也。先公謂后稷之後。大王之前。不宿至諸整饬射饗食賓客與諸侯射也。羣小祀。林澤墳衍四方百物之屬。鄭司農云。大裘羔裘也。袞卷龍衣也。鷩禕衣也。毳屬衣也。玄謂書曰。予欲觀古人之象。日月星辰山龍華蟲作績。宗彝藻火

粉米黼黻希繡。此古天子冕服十二章。舜欲觀焉。華蟲五色之蟲。績人臆曰。鳥獸蛇。雜四時五色以章之。謂是也。希讀為繡。或作翬。字之誤也。王者相變。至周而以日月星辰畫於旌旗。所謂三辰旌旗。昭其明也。而冕服九章。登龍於山。登火於宗彝。尊其神明也。九章。初一日龍。次二曰山。次三曰華蟲。次四曰火。次五曰宗彝。皆畫以為績。次六曰藻。次七曰粉米。次八曰黼。次九曰黻。皆希以為繡。則袞之衣五章。裳四章。凡九也。鷩畫以雉。謂華蟲也。其衣三章。裳四章。凡七也。毳畫虎。謂宗彝也。其衣三章。裳二章。凡五也。希刺粉米。無畫也。其衣一章。裳二章。凡三也。玄者衣無文。裳刺黻而已。是以謂玄焉。凡冕服皆玄衣纁裳。

凡兵事。韋弁服。

韋弁以韠韋為弁。又以為衣裳。春秋傳曰。晉郤至衣韠韋之附注是也。今時伍伯緹衣。古兵服之遺色。

眡朝則皮弁服。

視朝視內外朝之事。皮弁之服。十五升白布衣。積素以為裳。王受諸侯朝覲於廟。則袞冕。

凡甸冠弁服。

甸田獵也。冠弁委貌。其服繡布衣。亦積素以為裳。諸侯以為視朝之服。詩國風曰。繡衣之宜兮。謂王服此以田。王卒食而居。則玄端。

凡凶

事服弁服。

服弁喪冠也。其服斬衰齊衰。

凡弔事。弁絰服。

弁絰者。如爵弁而素。加環絰。論語曰。羔裘玄冠不以弔。絰大如總之絰。其服錫衰總衰。疑衰。諸侯及卿大夫亦以錫衰為弔服。喪服小記曰。諸侯弔必皮弁。錫衰則變其

冠耳。喪服舊說。以為士弔服素委貌冠朝服。此近庶人弔服。而衣猶非也。士當事弁絰疑衰。變其裳以素耳。國君於其臣弁絰。他國之臣則皮弁。大夫士有朋友之恩。亦弁絰。故書弁作紳。鄭司農絰讀為弁。弁而加環絰。環絰即弁絰服。

凡喪為天王

斬衰為王后齊衰。

王后小君也。諸侯為之不杖期。

王為三公六卿錫衰。為諸侯總衰。為大夫士疑衰。其首服皆弁絰。

君為臣服。弔服也。鄭

司農云錫麻之滑易者十五升去其半有事其布無事其縷總亦十五升去其半有事其縷無事其布疑衰十四升衰玄謂無事其縷衰在內無事其布衰在外疑之言疑也疑於吉

大札、大荒、大戕、素服

大札疫病也。大荒饑饉也。大戕

水火爲害君臣素服縞冠若晉伯宗哭梁山之崩

公之服自衮冕而下如王之服侯伯之服自鷩冕而下如公之服子男之服自毳冕

而下如侯伯之服孤之服自希冕而下如子男之服卿大夫之服自玄冕而下如孤之服其凶服加以大

功小功士之服自皮弁而下如大夫之服其凶服亦如之其齊服有玄端素端

自公之衮冕至卿大夫之玄冕皆其朝聘天子及助祭之服諸

侯非二王後其餘皆玄冕而祭於己雜記曰大夫冕而祭於公弁而祭於己士弁而祭於己大夫爵弁自祭家廟唯孤爾其餘皆玄冠與士同玄冠自祭其廟者其服朝服玄端諸侯之自相朝聘皆皮弁服此天子日視朝之服喪服天子諸侯齊斬而已卿大夫加以大功小功士亦如之又加總焉士齊有素端者亦爲札荒有所禱請變素服言素端者明異制鄭司農云衣有襦裳者爲端玄謂端者取其正也士之衣袂皆二尺二寸而屬幅是廣袤等也其袷尺二寸大夫已上侈之侈之者蓋半而益一焉半而益一則其袂三尺三寸袷尺八寸凡大祭祀大賓客共其衣服而奉之

奉猶送也。送之於王所。

大喪共其復衣服斂衣服奠衣服廡衣服皆掌其

陳序奠衣服今坐上魂衣也故書廡爲淫鄭司農云淫讀爲廡廡陳也玄謂廡衣服所藏於椁中

典祀掌外祀之兆守皆有域掌其禁令

外祀謂所祀於四郊者域兆表之壘域

若以時祭祀則帥其屬而修除徵役于司隸而

役之。

屬其屬胥徒也。修除。芟掃之微召也。役之作使之。

及祭，帥其屬而守其厲禁而蹕之。

鄭司農云：遮列禁人，不得令入。

守祧，掌守先王先公之廟祧，其遺衣服藏焉。

廟謂大祖之廟及三昭三穆。遷主所藏曰祧。先公之遷主藏于后稷之廟。先王之遷主藏于文武之廟。遺衣服，大斂之餘也。故書祧作濯。鄭司農濯讀爲

祧。此王者之宮，而有先公謂大王以前爲諸侯。

若將祭祀，則各以其服授尸。

尸當服卒者之上服，以象生時。

其廟則有司脩除之，其祧則守祧黜聖之。

廟祭此廟也。祧，祭遷主。有司，宗伯也。脩除，黜聖，互言之。有司恆主脩除守祧。恆主，黜聖。鄭司農云：黜讀爲幽幽黑也。聖，白也。爾雅曰：地謂之黜，牆謂之聖。

稷之屬，藏之以依神。

既祭，則藏其隋與其服。

鄭司農云：隋，謂神前所沃濯器名。玄謂隋，尸所祭肺脊黍

世婦，掌女宮之宿戒，又祭祀，比其具。

女宮，刑女給宮中事者。宿戒，當給事豫告之齊戒也。此女宮，刑女給宮中事者。宿戒，當給事豫告之齊戒也。此

詔王后之禮事。薦徹之節。帥六

宮之人共齎盛。帥世婦女御。

相外內宗之禮事。

同姓異姓之女有爵佐后者。

大賓客之饗食，亦如之。

比帥詔相其事同。

大喪，比外內命婦

之朝莫哭不敬者而苛罰之。

苛，誼也。

凡王后有撻事於婦人，則詔相。

鄭司農云：謂爵婦人。玄謂拜，拜謝之也。喪大記曰：夫人亦拜寄公夫人於堂上。

凡內事

有達於外官者，世婦掌之。

主通之，使相共授。

內宗掌宗廟之祭祀薦加豆籩

加爵之豆籩故書爲籩豆鄭司農云謂婦人所薦杜子春云當爲豆籩

及以樂徹則佐傳豆籩

佐傳佐外宗

賓客之饗食

亦如之王后有事則從大喪序哭者

次序外內宗及命婦哭位

哭諸侯亦如之凡卿大夫之喪掌其弔臨

王后弔臨諸侯而已是以言掌卿大

云夫

外宗掌宗廟之祭祀佐王后薦玉豆胾豆籩及以樂徹亦如之

視祝其實

王后以樂羞齎則贊

贊猶佐也

凡王后之

獻亦如之

獻獻酒於尸

王后不與則贊宗伯

后有故不與祭宗伯攝其事

小祭祀掌事賓客之事亦如之

小祭祀謂在宮中

大喪則敍外

內朝莫哭者哭諸侯亦如之

內內外宗及外命婦

家人掌公墓之地辨其兆域而爲之圖先王之葬居中以昭穆爲左右

公君也圖謂畫其地形及丘壟所處而藏之先王造塋者昭居左穆居右夾處東西

凡諸侯居左右以前卿大夫士居後各以其族

子孫各就其所出王以尊卑處其前後而亦併昭穆

凡死於兵者不入兆域

戰敗無勇投諸塋外以罰之

凡有功者居前

居王墓之前處昭穆之中央

以爵等爲丘封之度與其樹數

別尊卑也王公曰丘諸臣曰封漢律曰列侯墳高四丈關內侯以下至庶人各有差

大喪既有

日請度甫窆遂爲之尸

甫始也請量度所始窆之處地爲尸者成葬爲祭墓地之尸也鄭司農云既有日既有葬日也始窆時祭以告后土家人爲之尸

及窆以度爲丘隧共喪之窆

器隧美道也度丘與美道屬妻所至窆器下棺豐碑之屬喪大記曰凡封用綵去碑負引君封以衡大夫士以成

及葬言戀車象人

戀車中車所飾遺車也亦設鸞旌鄭司農云象人謂以芻爲人言言問其不如法度者玄謂言猶語也語

之者告當行者於生存者於是巾車行之孔子謂爲芻靈者善謂爲俑者不仁非作象人者不殆於用生乎

及窆執斧以洩

臨下棺也

遂入藏凶器

凶器明器

正墓位蹕墓域守墓禁

位謂丘封所居前後也禁所爲壑限

凡祭墓爲尸

祭墓爲尸或禱祈焉鄭司農云爲尸家人爲尸

凡諸侯及諸臣葬於墓者授之兆爲之蹕均其禁

墓大夫掌凡邦墓之地域爲之圖

凡邦中之墓地萬民所葬地

令國民族葬而掌其禁令

族葬各從其親

正其位掌其度數

位謂昭穆也度

數爵等之大小

使皆有私地域

古者萬民葬地同處分其地使各有區域得以族葬後相容

凡爭墓地者聽其獄訟

爭墓地相侵區域

帥其屬而巡墓厲居其中

之室而守之

厲壑限遮列處鄭司農云居其中之室有官寺在墓中

職喪掌諸侯之喪及卿大夫士凡有爵者之喪以國之喪禮洩其禁令序其事

國之喪禮喪服士喪既夕士虞存者其餘則亡事謂小斂大斂葬

也凡國有司以王命有事焉則詔贊主人

有事謂含隧贈賵之屬詔贊者以告主人佐其受之鄭司農云凡國謂諸侯國有司謂王有司也以王命有事職喪主詔贊主人玄謂凡國有司有司從王國以王

命往。凡其喪祭，詔其號，治其禮。鄭司農云：號，謂謚號。玄謂告以牲號。竈號之屬，當以視之。凡公有司之所共，職喪令之趣其事。令，令其當共物者給事之期也。有司，或言

公，或言國。言國者，由其君所來。居其官曰公。謂王遣使奉命，有贈之物，各從其官出，職喪當催督也。

周禮卷第六

春官宗伯下

大司樂掌成均之灋以治建國之學政而合國之子弟焉。

鄭司農云均調也樂師主調其音大司樂主受此成事已調之樂玄謂董仲舒云成均五帝之學成均之法者其遺禮可

法者國之子弟公卿大夫之子弟當學者謂之國子文王世子曰於成均以及取爵於上尊然則周人立此學之宮

凡有道者有德者使教焉死則以為樂祖祭於瞽宗。

道多才藝者德

能躬行者若舜命夔典樂教胄子是也死則以為樂之祖神而祭之鄭司農云瞽樂人樂人所共宗也或曰祭於瞽宗祭於廟中明堂位曰瞽宗殷學也泮宮周學也以此觀之祭於學宮中

以樂德教國子中和祇庸孝友。

中猶忠也和剛柔適也祇敬庸有常也善父母曰孝善兄弟曰友

以樂語教國子興道諷誦言語。

興者以善物喻善事道讀曰導導者言古以訓今也倍文曰諷以聲節之曰誦發端曰言答述曰語

以樂舞

教國子舞雲門大卷大咸大磬大夏大濩大武。

此周所存六代之樂黃帝曰雲門大卷黃帝能成名萬物以明民共財言其德如雲之所出民得以有族類大咸咸池堯樂也堯能禪均刑法以儀

民言其德無所不施大磬舜樂也言其德能紹堯之道也大夏禹樂也禹治水博士言其德能大中國也大濩湯樂也湯以寬治民而除其邪言其德能使天下得其所也大武武王樂也武王伐紂以除其害言其德能成武功

以六律六同五聲

八音六舞大合樂以致鬼神示以和邦國以諧萬民以安賓客以說遠人以作動物。

六律合陽聲者也六同合陰聲者也此十二者以銅

爲管。轉而相生。黃鍾爲首。其長九寸。各因而三分之。上生者益一分。下生者去一焉。國語曰。律所以立均出度也。古之神瞽。考中聲而量之。以制度律。均鍾。言以中聲定律。以律立鍾之均。大合樂者。謂偏作六代之樂。以冬日至作之。致天神人鬼。以夏至作之。致地祇物魘。動物羽蟲之屬。虞書云。夔曰。夙擊鳴球。搏拊琴瑟。以詠祖考來格。虞賓在位。羣后德讓。下管鼗鼓。合止祝。致笙。簫以閒。鳥獸。踰。籥韶九成。鳳皇來儀。夔又曰。於予擊石拊石。百獸率舞。庶尹允諧。此其於宗廟九奏效應。乃分樂而序之。以祭。

以享。以祀。

分謂各用一代之樂。

乃奏黃鍾。歌大呂。舞雲門。以祀天神。

以黃鍾之鍾。大呂之聲爲均者。黃鍾。陽聲之首。大呂爲之合。奏之以祀天神。尊之也。天神。謂五帝及日月星辰也。王者又各以

夏正月。祀其所受命之帝於南郊。尊之也。孝經說曰。祭天南郊。就陽位是也。

乃奏大蕤。歌應鍾。舞咸池。以祭地祇。

大蕤。陽聲第二。應鍾爲之合。咸池。大成也。地祇。所祭於北郊。謂神州之神及社稷。

乃奏

姑洗。歌南呂。舞大磬。以祀四望。

姑洗。陽聲第三。南呂爲之合。四望。五嶽四鎮四寶。此言祀者。司中司命風師雨師。或亦用此樂與。

乃奏蕤賓。歌函鍾。舞大夏。以祭山

川。蕤賓。陽聲第四。函鍾爲之合。函鍾一名林鍾。

乃奏夷則。歌小呂。舞大濩。以享先妣。

夷則。陽聲第五。小呂爲之合。小呂一名中呂。先妣。姜嫄也。姜嫄。履大人跡。感神靈而生。后稷是周之先母也。周立廟自后

稷爲始。祖姜嫄。無所妃。是以特立廟而祭之。謂之閼宮。閼。神之

乃奏無射。歌夾鍾。舞大武。以享先祖。

無射。陽聲之下也。夾鍾爲之合。夾鍾一名闔鍾。先祖。謂先王先公。

凡六樂者。文之

以五聲。播之以八音。

六者。言其均皆待五聲八音乃成也。播之言被也。故書播爲藩。杜子春云。藩當爲播。讀如后稷播百穀之播。

凡六樂者。一變而致羽物及川澤之前。

再變而致羸物及山林之前。三變而致鱗物及丘陵之前。四變而致毛物及墳衍之前。五變而致介物及

土示六變而致象物及天神。

變猶更也。樂成則更奏也。此謂大蜡。索鬼神而致百物。六奏樂而禮畢。東方之祭則用大蕤姑洗。南方之祭則用蕤賓。西方之祭則用夷則。無射。北方之祭則用黃鍾爲均焉。每奏有所感致。和以

來之。凡動物敏疾者。地祇高下之甚者。易致羽物。既飛又走。川澤有孔竅者。蛤蟹走則遲。墳衍孔竅則小矣。是其所以舒疾之分。土祇原隰及平地之神也。象物有象在天。所謂四靈者。天地之神。四靈之知非德至和則不至。禮運曰。何謂四靈。麟鳳龜龍。謂之四靈。龍以爲畜。故魚鮪不塗。鳳以爲畜。故鳥不畜。麟以爲畜。故獸不狘。龜以爲畜。故人情不失。

凡樂。圜鍾爲宮。黃鍾爲角。大蕤爲徵。姑洗爲羽。靄鼓。鼙鼓。孤竹之管。雲和。

之琴瑟。雲門之舞。冬日至於地上之圜丘奏之。若樂六變。則天神皆降。可得而禮矣。凡樂。函鍾爲宮。大蕤

爲角。姑洗爲徵。南呂爲羽。靈鼓。鼗鼓。孫竹之管。空桑之琴瑟。咸池之舞。夏日至於澤中之方丘奏之。若樂

八變。則地示皆出。可得而禮矣。凡樂。黃鍾爲宮。大呂爲角。大蕤爲徵。應鍾爲羽。路鼓。路鼓。陰竹之管。龍門

之琴瑟。九德之歌。九磬之舞。於宗廟之中奏之。若樂九變。則人鬼可得而禮矣。

此三者皆禘大祭也。天神則上北。辰地祇則上崑崙。人鬼則上后稷。

先奏是樂。以致其神。禮之以玉而裸焉。乃後合樂而祭之。大傳曰。王者必禘其祖之所自出。祭法曰。周人禘饗而郊稷。謂此祭天。闕丘。以魯配之。闕鍾。夾鍾也。夾鍾生於房心之氣。房心爲大辰。天帝之明堂。南鍾。林鍾也。林鍾生於未之氣。未。坤之位。或曰天社。在東井。與鬼之外。天社。地神也。黃鍾生於虛危之氣。虛危爲宗廟。以此三者爲宮。用聲類求之。天宮夾鍾。陰聲。其相生從陽數。其陽無射。無射上生中呂。中呂與地宮同位。不用也。中呂上生黃鍾。黃鍾下生林鍾。林鍾地宮。又不用。林鍾上生大蕤。大蕤下生南呂。南呂與無射同位。又不用。南

呂上生姑洗地宮林鍾林鍾上生大蕨大蕨下生南呂南呂上生姑洗人宮黃鍾黃鍾下生林鍾林鍾地宮又辟之林鍾上生大蕨大蕨下生南呂南呂與天宮之陽同位又辟之南呂上生姑洗姑洗南呂之合又辟之姑洗下生應鍾應鍾上生蕤賓蕤賓地宮林鍾之陽也又辟之蕤賓上生大呂凡五聲宮之所生濁者為角清者為徵羽此樂無商者祭尚柔商堅剛也鄭司農云雷鼓雷鼓皆謂六面有革可擊者也雲和地名也靈鼓靈鼓四面路鼓路鼓兩面九德之歌春秋傳所謂水火金木土穀謂之六府正德利用厚生謂之三事六府三事謂之九功九功之德皆可歌也謂之九歌也玄謂雷鼓雷鼓八面靈鼓靈鼓六面路鼓路鼓四面孤竹竹特生者孫竹竹枝根之未生者陰竹生於山北者雲和空桑龍門皆山名九磬讚當為大韶字之誤也

以聲展之。叩聽其聲具陳次之以知完不王出入則令奏王夏尸出入則令奏肆夏牲出入則令奏昭夏。三夏皆樂章名帥國子而

舞。當用舞者帥以往大饗不入牲其他皆如祭祀。大饗饗賓客也不入牲牲不入亦不奏昭夏也其他謂王出入賓客出入亦奏王夏肆夏大射王出入令奏王夏及射

令奏騶虞。騶虞樂章名在召南之卒章王射以騶虞為節詔諸侯以弓矢舞。舞謂執弓挾矢揖讓進退之儀王大食三宥皆令奏鍾鼓。大食朔月月中以樂宥食時也宥猶勸也

王師大獻則令奏愷樂。大獻獻捷於祖愷樂獻功之樂鄭司農說以春秋晉文公敗楚於城濮傳曰振旅愷以入於晉凡日月食四鎮五嶽崩大傀異哉諸侯薨令

去樂。四鎮山之重大者謂揚州之會稽青州之沂山幽州之醫無閭冀州之霍山五嶽岱在兗州衡在荊州華在豫州嶽在雍州恆在并州傀猶怪也大怪異哉謂天地奇變若星辰奔貫及雲裂為害者去樂藏之也春秋傳曰王午猶釋萬入去籥萬言入則去者

不入藏之可知。大札大凶大戕大臣死凡國之大變令弛縣。札疫癘也凶凶年也戕水火也弛釋下之若今休兵鼓之為凡建國禁其淫聲過聲凶聲

慢聲。淫聲若鄭衛也。過聲失哀樂之節。內聲亡國之聲。若桑間濮上。慢聲情慢不恭。大喪。涖厥樂器。涖臨也。厥興也。臨筮師。樽師之屬。興樂器也。興謂作之也。及葬。藏樂器。亦如之。

樂師掌國學之政。以教國子小舞。

謂以年幼少時教之舞。內則曰。十舞。勺。成童舞象。二十舞。大夏。

凡舞。有帔舞。有羽舞。有皇舞。有旄舞。有干

舞。有人舞。

故書皇作望。鄭司農云。帔舞者。全羽。羽舞者。析羽。皇舞者。以羽冒覆頭上。衣飾翡翠之羽。旄舞者。鬃牛之尾。干舞者。兵舞。人舞者。手舞。社稷以帔。宗廟以羽。四方以皇。辟難以旄。兵事以干。星辰以人舞。望讀為皇。書亦或為皇。玄謂帔。析五采繒。今靈

星舞者持之。是也。皇。雜五采羽。如鳳皇色。持以舞。人舞無所

執。以手袖為威儀。四方以羽。宗廟以人。山川以干。旱暵以皇。教樂儀。行以肆夏。趨以采齊。車亦如之。環拜以鍾鼓為節。

教樂儀。教王以樂出入於大寢朝廷之儀。故書趨作彭。鄭司農云。彭當為趨。書亦或為趨。肆夏。采齊。皆樂名。或曰。皆逸詩。謂人君行步以肆夏為節。趨疾於步。則以采齊為節。若今時行禮於大學。罷出。以鼓鼙為節。環謂旋也。拜。直拜也。玄謂行者。謂於大寢之中。趨謂於朝廷。爾雅曰。堂上謂之行。門外謂之趨。然則王出既服。至堂而肆夏。作出路門而采齊。作。其反入。至應門路門。亦如之。此謂步迎賓客。王如有車出之事。登車於大寢西階之前。反降於阼階之前。尚書傳曰。天子將出。撞黃鐘之鍾。右五鍾皆應。入則撞蕤賓之鍾。左五鍾皆應。大師

於是。凡射。王以騶虞為節。諸侯以狸首為節。大夫以采蘋為節。士以采芣為節。

騶虞。采蘋。采芣。皆樂章名。在國風召南。唯狸首在樂記。射義曰。騶虞者。樂官備也。狸首者。樂會時也。采蘋者。樂循法也。采芣者。樂不失職也。是故天子以備官為節。諸侯以時會為節。卿大夫以循法為節。士以不失職為節。鄭司農說以大射禮曰。樂正命大師曰。奏狸首。閒若一大師不興。許諾樂正。反位。奏狸首。以射狸首。曾孫

掌其序事。治其樂政。序事。次序。用樂之事。凡國之小事。用樂者。令奏鍾鼓。小事。小祭。祀之事。凡樂成。則告備。成。謂所奏一竟。書曰。籥韶九成。燕禮曰。大師告

周禮 卷六 一四九

于樂正曰。詔來瞽臯舞。鄭司農云。瞽當爲鼓。臯當爲告。呼擊鼓者。又告當舞者持鼓與舞俱來也。鼓字或作瞽。詔來瞽。或曰來。勅也。勅爾瞽。率爾衆工。奏爾悲誦。肅肅雍雍。毋怠毋凶。玄謂詔來瞽。詔視瞭扶瞽者來入也。臯之言號告。國子當

舞者。鄭司農云。謂將微之時。自有樂。故帥令相。令視瞭扶工。鄭司農云。告當相瞽師者。言當罷也。瞽師盲者。皆有相道之者。故帥冕見及

階曰階也。及席曰席也。皆坐曰。某在斯。某在斯。曰相師之道與。饗食諸侯。序其樂事。令奏鍾鼓。令相如祭之儀。燕射。帥射夫以弓矢舞。射夫。衆耦也。故書燕

爲舞。帥爲率。射夫爲射矢。鄭司農云。舞當爲燕。率當爲帥。射矢。書亦或爲射夫。樂出入。謂笙歌。樂者及其器。凡軍大獻。教愷歌。遂倡之。故書倡爲昌。鄭司農云。樂師主倡也。昌當

爲倡。書亦或爲倡。凡喪。陳樂器。則帥樂官。帥樂官。往陳之。及序哭。亦如之。哭此樂器。亦帥之。凡樂官。掌其政令。聽其治訟。

大胥。掌學士之版。以待致諸子。鄭司農云。學士。謂卿大夫諸子。學舞者。版籍也。今時鄉戶籍。世謂之戶版。大胥主此籍。以待當召聚學舞者。卿大夫之諸子。則案此籍以召之。漢大樂律曰。卑者之子不得舞宗廟之酌。除吏

二千石到六百石。及闕內侯到五大夫子。先取適子高七尺已上。年二十到年三十。顏色和順。身體脩治者。以爲舞人。與古用卿大夫子同義。春入學舍采。合舞。春始以學士入學宮而學之。合舞。等其進退。使應節奏。鄭司農云。舍采。謂舞者

皆持芬香之采。或曰。古者士見於君。以雉爲摯。見於師。以菜爲摯。菜直謂蔬食菜羹之菜。或曰。學者皆人君卿大夫之子。衣服采飾。舍采者。減損解釋。盛服以下其師也。月令仲春之月。上丁命樂正習舞。釋采。仲丁又命樂正入學習樂。玄謂舍即釋也。采讀爲菜。始入學。必釋

菜禮先師也。秋頒學。合聲。春使之學。秋頒其才藝所爲。合聲。亦等其曲折。使應節奏。以六樂之會正舞位。大同六樂之節奏。正其位使相應也。言爲大合樂習之。以序出入舞

菜類繫之屬。

者。以長幼次之使。出入不紕錯。**比樂官。**比猶校也。杜子春云。次比樂官也。鄭大夫讀比爲庀。庀具也。錄具樂官。**展樂器。**展謂陳數之。**凡祭祀之用樂者。以鼓徵學士。**擊鼓以召之文。

王世子曰。大昕鼓徵。所以警衆。**序宮中之事。**

小胥掌學士之徵令而比之。臚其不敬者。比猶校也。不敬謂慢期不時至也。臚。罰爵也。詩云。兕臚其觶。**巡舞列而撻其怠慢者。**撻猶撻也。扶以荆扑。**正樂**

縣之位。王宮縣。諸侯軒縣。卿大夫判縣。士特縣。辨其聲。樂縣謂鐘磬之屬。縣於筓處者。鄭司農云。宮縣四面。縣軒縣去其一面。判縣又去其一面。特縣又去其一面。四面象宮室四面。

有牆。故謂之宮縣。軒縣三面。其形曲。故春秋傳曰。請曲縣繁纓以朝。諸侯之禮也。故曰。唯器與名不可以假人。玄謂軒縣去南面。辟王也。判縣左右之合。又空北面。特縣縣於東方。或於階間而已。**凡縣鍾磬。半爲堵。全爲肆。**鍾磬

者。編縣之二。八十六枚。而在一處。謂之堵。鍾一堵。磬一堵。謂之肆。半之者。謂諸侯之卿大夫士也。諸侯之卿大夫。半天子之卿大夫。西縣。鍾東縣。磬士亦半天子之士。縣磬而已。鄭司農說以春秋傳曰。歌鍾二肆。

大師掌六律六同以合陰陽之聲。陽聲。黃鍾。大族。姑洗。蕤賓。夷則。無射。陰聲。大呂。應鍾。南呂。函鍾。小呂。夾

鍾。皆文之以五聲。宮。商。角。徵。羽。皆播之以八音。金。石。土。革。絲。木。匏。竹。以合陰陽之聲者。聲之陰陽各有合。黃鍾。子之氣也。十一月建焉。而辰在星紀。大呂。丑之氣也。

十二月建焉。而辰在玄枵。太族。寅之氣也。正月建焉。而辰在娵訾。應鍾。亥之氣也。十月建焉。而辰在析木。姑洗。辰之氣也。三月建焉。而辰在大梁。南呂。酉之氣也。八月建焉。而辰在壽星。蕤賓。午之氣也。五月建焉。而辰在鶉首。林鍾。未之氣也。六月建焉。而辰在鶉火。夷則。申之

氣也。七月建焉。而辰在鶉尾。中呂。巳之氣也。四月建焉。而辰在實沈。無射。戌之氣也。九月建焉。而辰在大火。夾鍾。卯之氣也。二月建焉。而辰在降婁。辰與建交錯質處。如表裏然。是其合也。其相生。則以陰陽六體爲之。黃鍾。初九也。下生林鍾。之初六。林鍾又上生太蕩。之九二。太蕩又下生南呂。之六二。南呂又上生姑洗。之九三。姑洗又下生應鍾。之六三。應鍾又上生蕤賓。之九四。蕤賓又上生大呂。之六四。大呂又下生夷則。之九五。夷則又上生夾鍾。之六五。夾鍾又下生無射。之上九。無射又上生中呂。之上六。同位者象夫妻。異位者象子母。所謂律取妻而呂生子也。黃鍾長九寸。其實一籥。下生者三分去一。上生者三分益一。五下六上。乃一終矣。大呂長八寸二百四十三分寸之一百四。太蕩長八寸。夾鍾長七寸二千一百八十七分寸之千七十五。姑洗長七寸九分寸之一。中呂長六寸萬九千六百八十三分寸之萬二千九百七十四。蕤賓長六寸八十一分寸之二十六。林鍾長六寸。夷則長五寸七寸七分之二。四百五十一。南呂長五寸三分寸之一。無射長四寸六千五百六十一分寸之六千五百二十四。應鍾長四寸二十七分寸之二十文之者。以調五聲。使之相次。如錦繡之有文章。播。猶揚也。揚之以八音。乃可得而觀之矣。金。鍾。鐃也。石。磬也。土。埙也。革。鼓。鼗也。絲。琴。瑟也。木。祝。敔也。匏。笙也。竹。管。簫也。教六詩。曰風。曰賦。曰比。曰興。曰雅。曰頌。教教瞽矇也。風言賢聖治道之遺化

也。賦之言鋪。直鋪陳今之政教善惡。比。見今之失。不敢斥言。取比類以言之。興。見今之美。嫌於媚諛。取善事以喻勸之。雅。正也。言今之正者。以爲後世法。頌之言誦也。容也。誦今之德。廣以美之。鄭司農云。古而有風雅頌之名。故延陸季子親樂於魯。時孔子尙幼。未定詩書。而曰爲之歌。鄭鄘衛。曰是其衛風乎。又爲之歌。小雅大雅。又爲之歌。頌。論語曰。吾自衛反魯。然後樂正。雅頌各得其所。時禮樂自諸侯出。頗有謬亂。不正孔子正之。曰曰興。比者。比方於物也。興者。託事於物。仁聖義忠和之道。乃後可教以樂歌。

以六律爲之音

以律視其人爲之音。知其宜何歌。子貢見師乙而問曰。賜也聞樂歌各有宜。若賜者宜何歌。此問人性也。本人之性。莫善於律。

大祭祀。帥瞽登歌。令奏

擊拊。擊拊。拊乃歌也。故書拊爲付。鄭司農云。登歌。歌者在堂也。付字當爲拊。書亦或爲拊。樂或當擊。或當拊。登歌。下管。貴人擊也。玄謂拊形如鼓。以韋爲之。著之以縹。下管播樂器。令奏鼓。棘。鼓。棘。管乃作也。特言管者。貴人

所教詩必有知

教教瞽矇也。風言賢聖治道之遺化

氣也。鄭司農云：下管吹管者在堂下，鞀小鼓也。先擊小鼓，乃擊大鼓。小鼓爲大鼓先引，故曰鞀。鞀讀爲道引之引。玄謂鞀猶言擊鞀。詩云：應鞀縣鼓。

大饗亦如之。大射，帥瞽而歌射節。射節，王歌驪虞。大師。

執同律以聽軍聲而詔吉凶。

大師大起軍師。兵書曰：王者行師出軍之日，授將弓矢，士卒振旅，將張弓大呼。大師吹律合音，商則戰勝，軍士強，角則軍擾多變，失士心，宮則軍和，士卒同心。徵則將急，數怒，軍士勞，羽則兵弱少。

威明。鄭司農說以師曠曰：吾驟歌北風，又歌南風，南風不競，多死聲，楚必無功。

大喪，帥瞽而厥作匱諡。

厥，興也。與，言王之行，謂諷誦其治功之詩。故書厥爲淫。鄭司農云：淫，陳也。陳其生時行迹爲作諡。

凡國之瞽

矇正焉。從大師之政教。

小師掌教鼓鼗祝敵，塤簫管弦歌。

教，教瞽矇也。出音者曰鼓。鼗如鼓而小，持其柄搖之，旁耳還自擊。塤，燒土爲之，大如鴈卵。簫，編小竹管，如今賣飴餠所吹者。弦，謂琴瑟也。歌，依詠詩也。鄭司農云：祝如漆簡，中有椎，敵木

虎也。塤六孔，管如箎。六孔，玄謂管如籥而小，併兩而吹之。今大子樂官有焉。

大祭祀，登歌擊拊。

亦自有拊擊之。佐大師令奏。鄭司農云：拊者擊石。

下管擊應鼓。

應，擊也。應與鞀及朝皆小鼓也。其所用別未聞。

徹歌。於有司徹而歌雅。

大饗亦如之。大喪與厥。從大師。

凡小祭祀，小樂事，鼓鞀。如大師，鄭司農云：鞀小鼓名。

掌六樂聲音之節與其和。

和，籥于。

瞽矇，掌播鼗祝敵，塤簫管弦歌。

播，謂發揚其音。

諷誦詩，世奠繫鼓琴瑟。

諷誦詩，謂閣讀之不依詠也。故書奠或爲帝。鄭司農云：諷誦詩，主誦詩以刺君過。故國語曰：瞽賦，矇誦，謂

詩也。杜子春云：帝讀爲定，其字爲奠，書亦或爲奠。世奠繫謂帝繫，諸侯卿大夫世本之屬是也。小史主次序先王之世，昭穆之繫，述其德行，警矇主誦詩，并誦世繫以戒勸人君也。故國語曰：教之世而爲之，昭明德而廢幽昏焉，以休懼其動。玄謂：諷誦詩主謂厥作極諡時也。諷誦王治功之詩以爲證，世之而定其繫，謂書於世本也。雖不歌，猶鼓琴瑟以播其音美之。

掌九德六詩之歌，以役大師。役爲之使。

眠瞭掌凡樂事，播鼗擊頌磬笙磬。視瞭播鼗，又擊磬。磬在東方曰笙，笙生也。在西方曰頌，頌或作肅，功也。大射禮曰：樂人宿縣于阼階東，笙磬西面，其南笙鍾，其南鍾皆南陳。又曰：西階之西，頌磬東面，其南鍾，其南鍾皆

南。掌大師之縣。大師當縣則爲之。凡樂事相替。相謂扶工。大喪，厥樂器大旅亦如之。旅非常祭於時，乃與造其樂器。賓射，皆奏其鍾鼓。擊鞀以奏

之。其登歌，大。夔愷獻亦如之。愷獻，獻功愷樂也。杜子春讀夔爲憂戚之戚，謂戒守鼓也。擊鼓聲疾數，故曰戚。師自奏之。

典同，掌六律六同之和，以辨天地四方陰陽之聲，以爲樂器。陽聲屬天，陰聲屬地。天地之聲布於四方爲作也。故書同

陰也。各順其性，凡十二律。故大師職曰：執同律以聽軍聲。玄謂：律述氣者也。同助陽宣氣與之同，皆以銅爲。

聲衍，侈聲柞，弇聲鬱，薄聲甄，厚聲石。故書：磬或作硯。杜子春讀硯爲鏗，鎗之鏗，高謂鍾形容高也。節讀爲闇，不謂之闇。柞讀爲行，扈暗暗之暗。石如磬石之聲。鄭大夫讀硯爲衰冕之衰，節讀爲人短罷之罷。節讀爲鞀

鶴之鶴。鄭司農云：鍾形下當蹕，正者不高不下。鍾形上下正備，玄謂：高鍾形大上，上大也。高則聲上藏，衰然旋如裏，正謂上下直，正則聲緩，無所動。下謂鍾形大下，下大也。下則聲出去放肆，陂讀爲險，陂之陂，謂偏侈。陂則聲離散也。險謂偏弇也。險則聲斂不越也。達謂其

形微大也。達則聲有餘若大放也。微謂其形微小也。箝讀爲飛鉗。涇箝之箝。箝聲小不成也。回謂其形微圓也。回則其聲淫衍無鴻殺也。侈謂中央約也。侈則聲迫筮出去疾也。弁謂中央寬也。弁則聲鬱勃不出也。甄讀爲甄瀆之甄。甄猶掉也。鍾微薄則聲掉。鍾大厚則如石叩之。無聲。凡爲樂器以十有二律爲之數度。以十有二聲爲之齊量。數度廣長也。齊量侈弁之所容。凡和樂亦如之。和謂調其故器也。

聲師掌擊磬擊編鍾。

教教視瞭也。磬亦編於鍾言之者。鍾有不編不編者。鍾師擊之。杜子春讀編爲編書之編。

教緜樂燕樂之鍾磬。

杜子春讀緜爲怠慢之慢。玄謂緜讀爲緜錦之緜。謂雜聲之和。

樂者也。學記曰。不學操緜不能安弦。燕樂房中之樂。所謂陰聲也。二樂皆教其鍾磬。

凡祭祀奏緜樂。

鍾師掌金奏。

金奏擊金以爲奏樂之節。金謂鍾及鐃。

凡樂事以鍾鼓奏九夏。王夏。肆夏。昭夏。納夏。章夏。齊夏。族夏。祓夏。騶夏。

以鍾鼓者。

先擊鍾。次擊鼓。以奏九夏。夏大也。樂之大歌有九。故書納作內。杜子春云。內當爲納。祓讀爲陔。鼓之陔。王出入奏王夏。尸出入奏肆夏。牲出入奏昭夏。四方賓來奏納夏。臣有功奏章夏。夫人祭奏齊夏。族人侍奏族夏。客醉而出奏陔夏。公出入奏騶夏。肆夏詩也。春秋傳曰。穆叔如晉。晉侯享之。金奏肆夏三不拜。工歌文王之三。又不拜。歌鹿鳴之三。三拜。曰。三夏。天子所以享元侯也。使臣不敢與聞。肆夏與文王鹿鳴俱稱三。謂其三章也。以此知肆夏詩也。國語曰。金奏肆夏。繁過渠。天子所以享元侯。肆夏繁過渠。所謂三夏矣。呂叔玉云。肆夏繁過渠。皆周頌也。肆夏時邁也。繁過渠。思文肆遂也。夏大也。言遂於大位。謂王位也。故時邁曰。肆于時夏。允王保之。繁多也。過止也。言福祿止於周之多也。故執僖曰。降福穰穰。降福簡簡。福祿來反。渠大也。言以后稷配天。王道之大也。故思文曰。思文后稷。克配彼天。故國語謂之曰。皆昭令德以合好也。玄謂以文王鹿鳴言之。則九夏皆詩篇名。頌之族類也。此歌之大者。載在樂章。樂崩亦從而亡。是以頌不能具。

凡祭祀饗食奏燕樂。

以鍾鼓奏之。

凡射王奏騶虞諸侯

奏狸首。卿大夫奏采蘋。士奏采蘩。

鄭司農云。騶虞聖獸。

掌鼗鼓纒樂。

鼓讀如莊王鼓之鼓。玄謂作纒樂擊鞀以和之。

笙師掌教獻竽笙埙箛簫簞篳篥管。春牘應雅。以教祓樂。

教。教視瞭也。鄭司農云。竽三十六簧。笙十三簧。箛七空。春牘以竹。大五六寸。長七尺。短者一二尺。其端有兩空。髮畫以兩手築地。應

長六尺五寸。其中有椎。雅狀如漆箭而弇口。大二圍。長五尺六寸。以羊韋鞅之。有兩紐。疏畫。杜子春讀箛為蕩滌之滌。今時所吹五空竹。篳玄謂簫如篳。三空。祓樂。祓夏之樂。應雅。教其春者。謂以築地。笙師教之。則三器在庭可知矣。賓醉而出。奏祓夏。以此三器築地。為之行節。明不失禮。凡祭祀。饗射。共其鍾笙之樂。鍾笙與鍾聲相應之笙。燕樂亦如之。大喪。厥其樂器。及葬。奉而藏之。厥。興也。興謂作之。奉猶送。大

旅。則陳之。

陳於饌處而已。不泄其縣。

鐘師掌金奏之鼓。

謂主擊晉鼓以奏其鍾。鐘也。然則擊鐘者亦視瞭。

凡祭祀。鼓其金奏之樂。饗食。賓射。亦如之。軍大獻。則鼓其愷樂。凡

軍之夜三鼗。皆鼓之。守鼗亦如之。

守鼗。備守鼓也。鼓之以鼗。鼓。杜子春云。一夜三擊。備守鼗也。春秋傳所謂賓將趨者。音聲相似。

大喪。厥其樂器。奉而藏之。

鞀師掌教鞀樂。祭祀。則帥其屬而舞之。

舞之以東夷之舞。

大饗。亦如之。

旄人掌教舞散樂。舞夷樂。

散樂。野人為樂之善者。若今黃門倡矣。自有舞。夷樂。四夷之樂。亦皆有聲歌及舞。

凡四方之以舞仕者屬焉。凡祭祀。賓客。舞其

燕樂。

籥師掌教國子舞羽籥籥。

文舞。有持羽吹籥者。所謂籥舞也。文王世子曰。秋冬學羽籥。詩云。左手執籥。右手秉翟。

祭祀則鼓羽籥之舞。

鼓之者。恆為之節。

賓客饗食則

亦如之。大喪。厥其樂器奉而藏之。

籥章。掌土鼓。籥籥。

杜子春云。土鼓。以瓦為匡。以革為兩面。可擊也。鄭司農云。籥籥。隨國之地竹。幽詩亦如之。玄謂籥籥。隨人吹籥之聲。章。明堂位曰。土鼓。剡桴。莖籥。伊耆氏之樂。

中春。晝擊土鼓。歛籥詩。

以逆暑。

幽詩。幽風七月也。吹之者。以籥為之。聲。七月言寒暑之事。迎氣歌其類也。此風也。而言詩。詩摠名也。迎暑以晝。求諸陽。

中秋夜迎寒亦如之。

迎寒以夜。求諸陰。

凡國祈年于田祖。

歛籥雅。擊土鼓以樂田畷。

祈年。祈豐年也。田祖。始耕田者。謂神農也。幽雅亦七月也。七月又有于耜。舉趾。饁彼南畝之事。是亦歌其類謂之雅者。以其言男女之正。鄭司農云。田畷。古之先教田者。爾雅曰。畷。農夫也。

國

祭蜡則歛籥頌。擊土鼓以息老物。

故書蜡為蠶。杜子春云。蠶當為蜡。郊特牲曰。天子大蜡八。伊耆氏始為蜡。歲十二月而合聚萬物而索饗之也。蜡之祭也。主先嗇而祭司嗇也。黃衣黃冠而祭。息田夫也。既蜡而收

民息已。玄謂十二月。建亥之月也。求萬物而祭之者。萬物助天成歲事至此。為其老而勞。乃祀而老息之。於是國亦養老焉。月令孟冬。勞農以休息之。是也。幽頌亦七月也。七月又有穫稻。作酒。躋彼公堂。稱彼兕觥。萬壽無疆之事。是亦歌其類也。謂之頌者。以其言歲終人功

成之。

鞀鞀氏掌四夷之樂與其聲歌。四夷之樂東方曰鞀南方曰任西方曰株離北方曰禁詩云以雅以南是也王者必作四夷之樂一天下也言與其聲歌則云樂者主於舞 祭祀則歛而歌之。

燕亦如之。吹之以管箭為之聲

典庸器掌藏樂器庸器。庸器伐國所獲之器若崇鼎賈鼎及其兵物所鐫銘也 及祭祀帥其屬而設筭虞陳庸器。設筭虞視瞭當以縣樂器器陳功器以華國也杜子春云

筭讀為博選之選橫者為筭從者為鐻 饗食賓射亦如之大喪獻筭虞。獻與也與謂作之

司干掌舞器。舞器羽箭之屬 祭祀舞者既陳則授舞器既舞則受之。既已也受取戒之 賓饗亦如之大喪獻舞器及葬奉而

藏之。

大卜掌三兆之灋。一曰玉兆。二曰瓦兆。三曰原兆。兆者灼龜發於火其形可占者其象似玉瓦原之豐諱是用名之焉上古以來作其法可用者有三原原田也杜子春云玉兆帝顛頤之兆瓦

兆帝堯之兆原兆有周之兆 其經兆之體皆百有二十其頌皆千有二百。頌謂繇也三法體繇之數同其名占異耳百二十每體十繇體有五色又重之以鬻塚也五色者洪範所謂曰雨曰濟曰

曰龜曰蠶 掌三易之灋。一曰連山。二曰歸藏。三曰周易。易者揲著變易之數可占者也名曰連山似山出內氣也歸藏者萬物莫不歸而藏於其中杜子春云連山宓戲歸藏黃帝 其

經卦皆八其別皆六十有四

三易卦別之數亦同其名占異也每卦八別者重之數

掌三夢之灋一曰致夢二曰簡夢三曰咸陟

夢者人精神所寤可

占者致夢言夢之所至夏后氏作焉咸皆也陟之言得也讀如王德翟人之德言夢之皆得周人作焉杜子春云簡讀為奇偉之奇其字直當為奇玄謂簡讀如諸戎倚之倚倚亦得也亦言夢之所得股人作焉

其經運十其別九十或

為輝當為輝是視較所掌十輝也王者於天日也夜有夢則晝視日旁之氣以占其吉凶凡所占者十輝每輝九變此術今亡

以邦事作龜之八命一曰征二曰象三曰與四曰謀五

曰果六曰至七曰雨八曰瘳

國之大事待著龜而決者有八定作其辭於將卜以命龜也鄭司農云征謂征伐人也象謂災變雲物如衆赤鳥之屬有所象似易曰天垂象見吉凶春秋傳曰天事恆象皆是也與謂子人物也

謀謂謀議也果謂事成與不也至謂至不也雨謂雨不也瘳謂疾瘳不也玄謂征亦云行巡守也象謂有所造立也易曰以制器者尙其象與謂所與共事也果謂以勇決為之若吳伐楚楚司馬子魚卜戰令龜曰鮪也以其屬死之楚師繼之尙大克之吉是也

八命者贊三兆三易三夢之占以觀國家之吉凶以詔救政

鄭司農云以此八事命卜筮著龜參之以夢故曰以八命者贊三兆三易三夢之占春秋傳曰筮襲於夢武王所用

玄謂贊佐也詔告也非徒占其事吉則為否則止又佐明其縣之占演其意以視國家餘事之吉凶凶則告王救其政

凡國大貞卜立君卜大封則眡高作龜

卜立君君無冢適卜可立者卜大封謂竟界侵

削卜以兵征之若魯昭元年秋叔弓帥師驅鄆田是也視高以龜骨高者可灼虛示宗伯也大事宗伯涖卜卜用龜之腹骨骨近足者其部高鄭司農云貞問也國有大疑問於著龜作龜謂鑿龜令可熟也玄謂貞之為問問於正者必先正之乃從問焉易曰師貞丈人吉作龜謂以火灼之以作其兆也春灼後左夏灼前左秋灼前右冬灼後右士喪禮曰宗人受卜人龜示高涖卜受視反之又曰卜人坐作龜

大祭祀則眡高命龜

命龜告龜以所卜之事不親作龜者大祭祀輕於大貞也士喪禮曰宗人卽席

四面坐。凡小事。泄卜。代宗國大遷，大師則貞龜。正龜於卜位也。上喪禮曰卜人抱龜，先奠龜。西面是也。又不親命龜，亦大遷大師輕於大祭祀也。凡旅，陳龜。陳龜於陳處也。士喪

禮曰：卜人先奠龜于西塾，上南首是也。不親貞龜，亦以下旅祭非常，輕於大遷大師。凡喪事，命龜。重喪禮，次大祭祀也。士喪禮則筮宅卜日，天子卜葬。兆，凡大事，大卜陳龜，貞龜命龜視高，其他以差降焉。

卜師掌開龜之四兆：一曰方兆，二曰功兆，三曰義兆，四曰弓兆。開，開出其古書也。經兆百二十體，此言四兆者，分之二為四部。若易之二篇書金縢曰：開籥見書，是謂與其

云方功義弓之名未聞。凡卜事，既高，示，泄也。揚火以作龜，致其墨。揚，猶熾也。致其墨者，執灼之明其兆。凡卜，辨龜之上下左右陰陽，以授命龜

者而詔相之。所卜者當各用其龜也。大祭祀，喪事，大卜命龜，則大貞，小宗，伯命龜，其他卜師命龜，卜人坐龜，卜人作龜，則亦辨龜以授卜師。上仰者也，下俯者也。左左倪也，右右倪也。陰後，後倪也。陽前，前倪也。詔相告以其辭及威儀。

龜人掌六龜之屬，各有名物。天龜曰靈屬，地龜曰繹屬，東龜曰果屬，西龜曰騶屬，南龜曰獵屬，北龜曰若

屬，各以其方之色與其體辨之。屬，言非一也。色謂天龜玄，地龜黃，東龜青，西龜白，南龜赤，北龜黑。龜俯者靈，仰者繹。前，前果，後，後獵。左，左倪，右，右倪。若是其體也。東龜南龜長，前後在陽象經也。西龜北龜長，左右在陰象緯也。

天龜俯，地龜仰，東龜前，南龜卻，西龜左，北龜右，各從其耦也。杜子春讀果為羸。凡取龜用秋時，攻龜用春時，各以其物入于龜室。六龜各異室也。秋取龜及萬物成也。攻，治也。治龜骨以春，是時

乾解，不發傷也。上春，釁龜，祭祀先卜。釁者，殺牲以血之神之也。鄭司農云：祭祀先卜者，卜其日與其牲。玄謂先卜，始用卜筮者，言祭祀尊焉。天地之也。世本作曰：筮咸作筮卜，未聞其人也。是上春者，夏正建寅之月，月令孟冬云：釁祠龜。

策相互矣。秦以十月建亥爲歲首。則月令秦世之書亦或欲以歲首覆龜耳。

若有祭事，則奉龜以往。

奉猶送也。送之所當於卜。

旅亦如之。喪亦如之。

蕪氏掌共燧契，以待卜事。

杜子春云：燧讀爲細日燧之燧，或曰如薪樵之樵，謂所蒸灼龜之木也。故謂之樵契。謂契龜之鑿也。詩云：爰始爰謀，爰契我龜。玄謂土喪禮曰：楚燔置于燧，在龜東。楚燔即契，所用灼龜也。燧，謂炬其存火。

凡卜以明火熬燧，遂獻其煖契，以授卜師，遂役之。

杜子春云：明火以陽燧取火於日。燧讀爲英俊之後，書亦或爲俊。玄謂燧讀如戈鐔之鐔，謂以契柱燧火而吹之也。契，既然以授卜師，用作龜

也。役之使助之。

占人掌占龜，以八簪占八頌，以八卦占簪之八故，以眡吉凶。

占人亦占簪。言掌占龜者，簪短龜長，主於長者。以八簪占八頌，謂將卜八事先以簪筮之言頌者，同於龜占也。以八

卦占簪之八故，謂八事不卜而徒筮之也。其非八事，則用九筮。占人亦占焉。

凡卜簪，君占體，大夫占色，史占墨，卜人占坼。

體，兆象也。色，兆氣也。墨，兆廣也。坼，兆壘也。體有吉凶，色有善惡，墨有大小。

坼有微明，尊者視兆象而已。卑者以次詳其餘也。周公卜武王占之曰：體王其無害。凡卜象吉，色善，墨大坼，明則逢吉。

凡卜簪，既事，則繫幣，以比其命。歲終，則計其占之中否。

杜子

春云：繫幣者，以帛書其占繫之於龜也。玄謂既卜筮，史必書其命龜之事及兆於策，繫其禮神之幣而合藏焉。書曰：王與大夫盡弁，開金滕之書，乃得周公所以爲功代武王之說是命龜書。

筮人掌三易以辨九筮之名：一曰連山，二曰歸藏，三曰周易，九筮之名：一曰巫更，二曰巫咸，三曰巫式，四

曰巫目。五曰巫易。六曰巫比。七曰巫祠。八曰巫參。九曰巫環。以辨吉凶。

此九巫詛皆當爲筮字之誤也。更謂筮遠都邑也。成猶僉也。謂筮衆心歡不也。式謂

筮制作法式也。日謂事衆筮其要所當也。易謂民衆不說筮所改易也。比謂筮與民相比也。祠謂筮牲與日也。參謂筮御與右也。環謂筮可致師不也。

凡國之大事。先筮而後卜。

常用卜者先筮之即事有漸也。於筮之凶則止

不上春相筮。相謂更選擇其善也。善龜歲易者與。凡國事共筮。

占夢。掌其歲時觀天地之會。辨陰陽之氣。

其歲時今歲四時也。天地之會建厭所處之日辰陰陽之氣休王前後

以日月星辰占六夢之吉凶。

日月星辰

謂日月之行及合辰所在。春秋昭三十一年十二月辛亥朔日有食之。是夜也。晉趙簡子夢童子僕而轉以歌。且而日食。占諸史墨對曰。六年及此月也。吳其入郢乎。終亦弗克。入郢必以庚辰。日月在辰尾。庚午之日。日始有適。火勝金。故弗克。此以日月星辰占夢者其術則今八合其遺象也。用占夢則亡。

一曰正夢。無所感動。平安自夢。

二曰噩夢。杜子春云。噩當爲驚。愕之愕。謂驚愕而夢。

三曰思夢。覺時所思念之而夢。

四曰寤夢。覺時道之而夢。

五曰

喜夢。喜說而夢。

六曰懼夢。恐懼而夢。

季冬。聘王夢。獻吉夢于王。王拜而受之。

聘問也。夢者事之祥。吉凶之占。在日月星辰。季冬日窮于次。月窮于紀。星過于天。數將幾終。於是發

幣而問焉。若休慶之云爾。因獻羣臣之吉夢於王。歸美焉。詩云。牧人乃夢。衆維魚矣。旒維旗矣。此所獻吉夢。

乃舍萌于四方。以贈惡夢。

杜子春讀萌爲明。又云。其字當爲明。明謂賊疫也。謂歲竟逐疫置四方書亦或爲明。玄謂

舍讀爲釋。舍萌猶釋采也。古書釋采釋奠多作舍字。萌菜始生也。贈送也。欲以新善去故惡。

遂令始難。毆疫。

令令方相氏也。難謂執兵以有難卻也。方相氏蒙熊皮。黃金四目。玄衣朱裳。執戈揚盾。帥百獮爲之。毆疫。馮鬼也。故書難或爲儺。杜子春

儼讀爲難問之難。其字當作難。月令季春之月命國雛。九門磔禳以學春氣。仲秋之月天子乃雩以達秋氣。季冬之月命有司大雩。旁磔出土牛以送寒氣。

祗禋掌十輝之灋以觀妖祥辨吉凶。

妖祥善惡之徵。鄭司農云輝謂日光絜也。

一曰禋。二曰象。三曰鑑。四曰盥。五曰鬮。六曰嘗。七

曰彌。八曰叙。九曰墜。十曰想。

故書彌作迷。墜作資。鄭司農云。禋陰陽氣相侵也。象者如赤鳥也。鑑謂日旁氣四面反鄉如輝狀也。監雲氣臨日也。鬮日月食也。嘗日月膏骨無光也。彌者白虹彌天也。叙者雲有次序如山在日上也。

躋者升氣也。想者輝光也。玄謂鑑讀如童子佩鑑之鑑。謂日旁氣刺目也。監冠珥也。彌氣貫日也。墜虹也。詩云朝躋于西。想雜氣有似可形想。

掌安宅叙降。

宅居也。降下也。人見妖祥則不安。主安其居處也。次序其凶禍所下謂讓移之。

正歲。

則行事。

占夢以季冬贈惡夢。此正月而行安宅之事所以順民。

歲終則弊其事。

弊斷也。謂計其吉凶然否多少。

大祝掌六祝之辭以事鬼神。一曰順祝。二曰年祝。三曰吉祝。四曰化祝。五曰瑞祝。六曰

筴祝。

永長也。貞正也。求多福歷年得正命也。鄭司農云。順祝順豐年也。年祝求永貞也。吉祝祈福祥也。化祝弭災兵也。瑞祝逆時雨。寧風旱也。筴祝遠罪疾。

掌六祈以同鬼神。一曰類。二曰造。三

曰禴。四曰禋。五曰攻。六曰說。

祈。喚也。謂爲有災變號呼告神以求福。天神人鬼地祇不和則六禩作見。故以祈禮同之。故書造作。造杜子春讀造爲造次之造。書亦或爲造。造祭於祖也。鄭司農云。類造禴禋。攻說皆祭名也。類祭于

上帝。詩曰。是類是禴。爾雅曰。是類是禴。師祭也。又曰。乃立家土。戎醜攸行。爾雅曰。起大事。動大眾。必先有事乎社而後出。謂之宜。故曰。大師。宜于社。造于祖。設軍社。類上帝。司馬法曰。將用師。乃告于皇天。上帝日月星辰。以禱于后土。四海神祇山川家社。乃造于先王。然後冢

宰徵師于諸侯曰某國為不道征之以某年某月某日師至某國祭日月星辰山川之祭也春秋傳曰日月星辰之神則雪霜風雨之時於是乎祭之山川之神則水旱癘疫之災於是乎祭之玄謂類造加誠肅求如志禱祭告之以時有災變也改說則以辭責之祭如日食以朱絲繫社攻如其鳴鼓然董仲舒救日食祝曰昭昭大明燄燄無光奈何以陰侵陽以卑侵尊是之謂說也禘未聞焉造類禱祭皆有牲攻說用幣而已

作六辭以通上下親疏遠近一曰祠二曰命

三曰語四曰會五曰禱六曰誅

鄭司農云祠當為辭謂辭令也命論語所謂為命禘謀草創之語謂康誥盤庚之語之屬也盤庚將遷于殷語其世臣卿大夫道其先祖之善功故曰以通上下親疏遠近會謂王官之伯命

事於會符命于蒲主為其命也禱謂禱於天地社稷宗廟主為其辭也春秋傳曰鐵之戰衛太子禱曰曾孫剋職敢昭告皇祖文王烈祖康叔文祖襄公鄭勝亂從晉午在難不能治亂使鞅討之刺暗不敢自佚備持矛焉敢告無絕筋無破骨無面夷無作三祖羞大命不敢請佩玉不敢愛若此之屬誅謂積累生時德行以賜之命主為其辭也春秋傳曰孔子卒哀公誅之曰閔天不淑不慙遺一老俾屏余一人以在位嬖嬖子在孩嗚呼哀哉尼父無自律此皆有文雅辭令難為者也故大祝官主作六辭或曰誅論語所謂誅曰禱爾于上下神祇杜子春云語當為告書亦或為告玄謂一曰祠者交接之辭春秋傳曰古者諸侯相見號辭必稱先君以相接辭之辭也會謂會同盟誓之辭禱賀慶言福祿之辭晉趙文子成室晉大夫發焉張老曰美哉輪焉美哉奐焉歌於斯哭於斯聚國族於斯文子曰武也得歌於斯哭於斯聚國族於斯是全要領以從先大夫於九京也北面再拜稽首君子謂之善頌善禱禱是之辭

辨六號一曰神號二曰鬼號三曰示號四曰牲號五曰齋號六

曰幣號

號謂尊其名更為美稱焉神號若云皇天上帝鬼號若云皇祖伯某祇號若云后土地祇幣號若云嘉玉幣云量幣鄭司農云牲號謂犧牲皆有名號曲禮曰牛曰一元大武豕曰剛鬣羊曰柔毛雞曰翰音棗號謂黍稷皆有名號也曲禮曰黍曰香合

梁曰香蕘稻曰嘉疏少牢饋食禮曰敢用柔毛剛鬣士虞禮曰敢用絜牲剛鬣香合

辨九祭一曰命祭二曰衍祭三曰炮祭四曰周祭五曰振祭六曰擗祭

七日絕祭。八曰繚祭。九曰共祭。

杜子春云。命祭。祭有所主。命也。振祭。振讀爲慎。禮家讀振爲振旅之振。搗祭。搗讀爲虞芮之芮。鄭司農云。衍祭。奏之道中。如今祭。無所主。命周祭四面爲坐也。炮祭。燔柴也。爾雅曰。祭天曰

燔柴。搗祭。以肝肺菹。搗鹽醢中以祭也。繚祭。以手從肺本循之。至于末。乃絕以祭也。絕祭。不循其本。直絕肺以祭也。重肺。賤肝。故初祭。絕肺以祭。謂之絕祭。至祭之末。禮殺之後。但搗肝鹽中。振之。若祭狀。弗祭。謂之振祭。牲饋食禮曰。取灌。搗于醢。祭于豆。問。鄉射禮曰。取肺。坐絕祭。鄉飲酒禮曰。右取肺。左卻手。執本坐。弗繚。右絕末以祭。少牢曰。取肝。搗于鹽。振祭。玄謂九祭。皆謂祭食者。命祭者。玉藻曰。君若賜之食。而君客之。則命之祭。然後祭是也。衍字當爲延。炮字當爲包。聲之誤也。延祭者。曲禮曰。客若降等。執食與辭。主人與辭於客。然後客坐。主人延客祭。是也。包。猶兼也。兼祭者。有司曰。宰夫贊者。取白黑以授尸。尸受。兼祭于豆。祭是也。周。猶偏也。偏祭者。曲禮曰。殷之序。偏祭之是也。振祭。搗祭本同。不食者。搗則祭之。將食者。既搗。必振。乃祭也。絕祭。繚祭亦本同。禮多者。緣之。禮略者。絕則祭之。共。猶授也。王祭食。宰夫授祭。孝經說曰。共。綏執授。

辨九擗。一曰稽首。二曰頓首。三曰空首。四曰振動。五曰吉擗。六曰凶擗。七曰奇擗。八曰褻

擗。九曰肅擗。以享右祭祀。

稽首拜。頭至地也。頓首拜。頭叩地也。空首拜。頭至手。所謂拜手也。吉拜。拜而後稽顙。謂齊衰不杖以下者。言吉者。此殷之凶拜。周以其拜與頓首相近。故謂之吉拜云。凶拜。稽顙而後拜。謂三年服者。杜子春

云。振讀爲振鐸之振。動讀爲哀慟之慟。奇讀爲奇偶之奇。謂先屈一膝。今雅拜是也。或云。奇讀曰倚。倚拜。謂持節持戟拜。身倚之以拜。鄭大夫云。動讀爲董。書亦或爲董。振董。以兩手相擊也。奇拜。謂一拜也。褻讀爲報。報拜。再拜是也。鄭司農云。褻拜。今時持節拜是也。肅拜。但俯下手。今時禮是也。介者不拜。故曰爲事故。敢肅使者。玄謂振動。戰栗變動之拜。書曰。王動色變。一拜答臣下拜。再拜拜神與尸。享獻也。謂朝獻饋獻也。右讀爲佑。勸尸食而拜。凡大禮祀。肆享祭前。則執明水火而

號祝。明水火。司烜所共。日月之氣。以給烝享。執之。如以六號祝。明此圭絜。隋甕。逆牲。逆尸。令鍾鼓。右亦如之。

也。禮祀祭天神也。肆享。祭宗廟也。故書祇爲祊。杜子春云。祊當爲祇。

隋甕。謂薦血也。凡血祭曰甕。既

陪費後言逆性容逆
鼎有讀亦當爲侑

來聲令臯舞

臯讀爲卒嗥呼之嗥
來嗥者皆謂呼之入

相尸禮

延其出入
詔其坐作

既祭令徹大喪始崩以肆鬯灑尸相飯贊

斂徹奠

肆鬯所謂陳尸設鬯也鄭
司農云灑尸以鬯浴尸

言甸人讀禱付練祥掌國事

鄭司農云甸人主設復棊大祝主言問其具棊物玄謂言猶
語也禱六辭之屬禱也甸人喪事代王受眚災大祝爲禱辭

語之使以禱於藉田之神也付當爲耐
祭於先王以耐後死者掌國事辨護之

國有大故天裁彌祀社稷禱祠

大故兵寇也天裁疫癘水旱也彌猶偏也
偏祀社稷及諸所禱既則祠之以報焉

大師宜于

社造于祖設軍社類上帝國將有事于四望及軍歸獻于社則前祝

鄭司農說設軍社以春秋傳曰所謂君以師行
祓社鼗鼓祝奉以從者也則前祝大祝自前祝

也玄謂前祝者王出也歸也將有事
於此神大祝居前以祝辭告之

大會同造于廟宜于社過大山川則用事焉反行舍奠

用事亦用祭事告行也玉
人職有宗祝以黃金勺前

馬之禮是謂過大山川與曾子
問曰凡告必用牲幣反亦如之

建邦國先告后土用牲幣

后土社
神也 禁督逆祀命者

督正也正王之所命諸侯
之所祀有逆者則刑罰焉 頒祭號于

邦國都鄙

祭號
六號

小祝掌小祭祀將事侯禳禱祠之祝號以祈福祥順豐年逆時雨寧風旱彌裁兵遠臯疾

侯之言候也候嘉
慶祈福祥之屬禳

禳卻凶咎寧風旱之屬順豐年而順
爲之祝辭逆迎也爾諱曰救救安也

大祭祀逆齋盛送逆尸沃尸盥贊隋贊徹贊奠

隋尸之祭也奠奠爵也祭祀奠先
徹後反言之者明所佐大祝非一

凡事佐大祝。

唯大祝所有事。

大喪贊涸。

故書涸為攝。杜子春云當為涸。涸謂浴尸。

設熬置銘。

銘今書或作名。鄭司農云銘書死者名於旌。今謂之柩。士喪禮曰為銘各以其物。亡則以緇。長半幅。槨末長終幅。廣三寸。

書名于末曰某氏某之柩。竹杠長三尺。置于西階上。重木置于中庭。叁分庭。一在南。粥餘飯。盛以二甬。縣于重。霽用葦席。取銘置于重。杜子春云熬謂重也。檀弓曰銘明旌也。以死者為不可別。故以旗識之。愛之斯錄之矣。敬之斯盡其道焉。爾重。主道也。股。主綴重焉。周主徹重焉。奠以素器。以主人有哀素之心也。玄謂熬者棺既蓋。設於其旁。所以感蚍蟻也。喪大記曰熬。君四種。八筐。大夫三種。六筐。士二種。四筐。加魚腊焉。士喪禮曰熬。黍稷各二筐。有魚腊。饌于西。拊南。又曰設熬。旁一筐。乃塗。

及葬設道齋之奠。

分禱五祀。

杜子春云齋當為菜。道中祭也。漢儀每街路輒祭。玄謂齋猶送也。送道之奠。謂遺奠也。分其牲體以祭五祀。告王去此宮中不復反。故與祭祀也。王七祀。祀五者。司命。大厲。平生出入不以告。

大師掌學祈號祝。

鄭司

農云。響謂響鼓也。春秋傳曰。君以軍行。被社。響鼓。祝奉以從。

有寇戎之事。則保郊祀于社。

故書祀或作禋。鄭司農云。謂保守郊祭諸祀及社。無令寇侵犯之。杜子春讀禋為祀。書亦或為祀。玄謂保祀互文。郊社皆守而祀之。

凡外內小祭祀。小喪紀。小會同。小軍旅。掌事焉。

喪祝。掌大喪勸防之事。

鄭司農云。勸防。引柩也。杜子春云。防當為披。玄謂勸猶倡。帥前引者。防為執披備傾戲。

及辟。令啓。

鄭司農云。辟。謂除葦塗。梓也。令啓。謂喪祝主命役人開之也。檀弓曰。天子之殯也。葦塗龍

輻以梓。加斧于梓上。畢塗屋。天子之禮也。

及朝。御匱。乃奠。

鄭司農云。朝。謂將葬。朝於祖考之廟而後行。則喪祝為御。柩也。檀弓曰。喪之朝也。順死者之孝心也。其哀離其室也。故至於祖考之廟而後行。殷朝而殯於祖。周朝而遂葬。故春秋傳曰。凡夫

人不殯于廟。不耐于姑。則弗致也。晉文公卒。將殯于曲沃。就宗廟。晉宗廟在曲沃。故曰曲沃。君之宗也。又曰丙午。入于曲沃。丁未。朝于武宮。玄謂乃奠。朝廟奠。

及祖。飾棺。乃載。遂御。

鄭司農云。祖。謂將葬。祖于庭。象生時出則祖也。故曰事死

如事生禮也。檀弓曰：飯於牖下，小斂於戶內，大斂於阼，殯於客位，祖於庭，葬於墓，所以即遠也。祖時，喪祝主飾棺，乃載，遂御之。喪祝為柩車御也。或謂及祖至祖廟也。玄謂祖為行始，飾棺設柳池紐之屬，其序載而後飾。既飾，當還車，鄉外喪祝御之，御之者執翮居前，卻行為節。及葬，御匱出宮，乃代。喪祝二人，相與更也。及壙，說載除飾。鄭司農云：壙，謂穿中也。說載，下棺也。除飾，去棺飾也。四踞之屬，令可舉移安錯之。玄謂除飾，使其窆，爾周人之葬，將置。小喪亦如

之。掌喪祭祝號。

喪祭虞也。檀弓曰：葬日虞，不忍一日離也。是日也。以虞易奠，卒哭曰成事，是日也。以吉祭易喪祭。

王弔，則與巫前。

鄭司農云：喪祝與巫以桃厲執戈，在王前。檀弓曰：君臨臣喪，以巫祝桃茢執戈，惡之也。所

以異於生也。春秋傳曰：楚人使公親禭，公使巫以桃茢先禱。楚人弗禁，既而悔之。君臨臣喪之禮，故悔之。

掌勝國邑之社稷之祝號，以祭祀禱祠焉。

勝國邑，所誅討者，社稷者，若亳社是矣。存之者，重神

也。蓋奄其上而棲其下為北牖。

凡卿大夫之喪，掌事而斂，飾棺焉。

甸祝，掌四時之田表貉之祝號。

杜子春讀貉為百爾所思之百，書亦或為禡。貉，兵祭也。甸以講武治兵，故有兵祭。詩曰：是類是禡。爾雅曰：是類是禡。師祭也。玄謂田者習兵之禮，故亦禡祭。禡氣執之，十百而多。獲舍

奠于祖廟，禴亦如之。

舍讀為釋。釋奠者，告將時田。若將征伐，鄭司農云：禴，父廟。

師甸，致禽于虞中，乃屬禽，及郊，饁獸，舍奠于祖禴，乃斂禽，禴

牲禴馬，皆掌其祝號。

師田，謂起大眾以田也。致禽於虞中，使獲者各以其禽來致于所表之處。屬禽，別其種類。饁，饋也。以所獲獸饋於郊，薦于四方羣兆，入又以奠于祖禴，薦且告反也。斂禽，謂取三十入，腊人也。杜子春云：禴，禱也。為馬禴

無疾，為田禴多獲禽牲。詩云：既伯既禴，馬祭也。玄謂禴讀如伏誅之誅，今侏大字也。為牲祭求肥充為馬祭，求肥健。

詛祝。掌盟詛類造攻說禴祭之祝號。

八者之辭皆所以告神明也。盟詛主於要誓。大事曰盟。小事曰詛。

作盟詛之載辭。以叙國之信用。以質邦

國之劑信。

載辭。為辭而載之於策。坎用牲。加書于其上。也。國。謂王之國。邦。國。諸侯國也。質。正也。成也。文王脩德。而虞芮質厥成。鄭司農說載辭。以春秋傳曰。使祝為載辭。

司巫。掌羣巫之政令。若國大旱。則帥巫而舞雩。

雩。旱祭也。天子於上帝。諸侯於上公之神。鄭司農云。魯僖公欲焚巫。以其舞雩不得雨。

國有大眚。則帥巫而

造巫恒。

杜子春云。司巫帥巫官之屬。會聚常處以待命也。玄謂恒。久也。巫。久者。先巫之故事。造。當案視所施為。

祭祀。則共匱。主及道布及菹館。

杜子春云。菹。讀為餽。匱。器名。主。謂木上也。道布。新布三尺。

也。餽。藉也。館。神所館止也。書。或為菹。館。或為租。飽。或曰。布者。以為席也。租。飽。茅裹肉也。玄謂道布者。為神所設巾。中霽。禮曰。以功布為道。布。屬于几也。菹。之言藉也。祭。食有當藉者。館。所以承菹。謂若今筐也。主。先。隕菹後館。五言之者。明共主以匱。共菹以筐。大祝取其主菹陳之。器則退也。土虞禮曰。苴。荆茅長五寸。實于篋。饌于西。坵。上。又曰。祝。盥取苴。降洗之。升入。設于几。東。席上。東。縮。

凡祭事。守瘞。

瘞。謂若祭地祇有埋牲玉者也。守之者。以祭禮未畢。若有事。然祭禮畢。則去之。

凡喪事。掌巫降之

禮。降也。下。巫下神之禮。今世或死既斂。就巫下禳。其遺禮。

男巫。掌望祀望衍。授號。旁招以茅。

杜子春云。望。衍。謂衍祭也。授號。以所祭之名號授之。旁招以茅。招四方之所望祭者。玄謂衍。讀為延。聲之誤也。望祀。謂有牲粢盛者。延進也。謂但用幣致其神。二者詛祝所授。類造攻說。

禴祭之神號。男巫為之招。

冬堂贈。無方無筭。

故書增為贈。杜子春云。贈。當為贈。堂。贈。謂逐疫也。無方。四方為可也。無筭。道里無數。遠益善也。玄謂冬歲終。以禮送不祥及惡夢。皆是也。其行必由堂始。巫與神通言。當東則東。當西則西。可近則

近可遠則
遠無常數也。

春招弭以除疾病。

招招福也。杜子春讀弭如彌兵之彌。玄謂弭讀爲救。字之誤也。救安也。安內禍也。招救皆有祀衍之禮。

王弔則與祝前。

巫祝前王也。故書前爲先。鄭司農云爲先非是。

女巫掌歲時祓除釁浴。

歲時祓除。如今三月上巳如水上之類。釁浴。謂以香薰草藥沐浴。

旱暵則舞雩。

使女巫舞旱祭。崇陰也。鄭司農云。求雨以女巫故。檀弓曰。歲旱。繆公召縣子而問焉。曰。吾欲暴瀆而奚若。

曰。天則不雨而望之。愚婦人無乃已疏乎。

若王后弔則與祝前。

女巫與祝前。后如王禮。

凡邦之大。歌哭而請。

有歌者。有哭者。冀以悲哀感神靈也。

大史掌建邦之六典。以逆邦國之治。掌灋。以逆官府之治。掌則。以逆都鄙之治。

典則亦法也。逆迎也。六典八法。八則家宰所建。以勸百官。大史

又建焉。以爲王迎受其治也。大史日官也。春秋傳曰。天子有日官。諸侯有日御。日官居卿。以底日禮也。日御不失日。以授百官于朝。居猶處也。言建六典以處六卿之職。

凡辨灋者。攷焉。不信者刑之。

謂邦國官府。都鄙以法爭。

訟來正之者。

凡邦國都鄙及萬民之有約劑者。藏焉。以貳六官。六官之所登。

約劑。要盟之載辭及券書也。武。猶副也。藏法與約劑之書。以爲六官之副。其有後事。六官

又登焉。

若約劑亂。則辟灋。不信者刑之。

謂抵冒盟誓者。辟法者。考案讀其然不。

正歲年以序事。頒之于官府及都鄙。

中數曰歲。朔數曰年。中朔大小不齊。

正之以閏。若今時作屨日矣。定四時以次序授民時之事。春秋傳曰。閏以正時。時以作事。事以厚生。生民之本。於是乎在。

頒告朔于邦國。

天子班朔于諸侯。諸侯藏之祖廟。至朝。朝于廟。告而受行之。鄭司農云。頒讀爲班。班布也。以十二月朔布。

告天下諸侯。故春秋傳曰。不書日。官失之也。

閏月。詔王居門終月。

門。謂路寢門也。鄭司農云。月令十二月分在青陽明堂。總章玄堂左右之位。唯閏月無所居。居于門。故於文王在門謂之閏。

大祭祀。與執事

卜日。執事。大卜之屬。與之者當視器。

戒及宿之日。與羣執事讀禮書而協事。

協。合也。合謂習誦所當共之事也。故書協作叶。杜子春云。叶協也。書亦或為協。或為叶。

祭之日。執書

以次位常。

謂校呼之。教其所當居之處。

辨事者攷焉。不信者誅之。

謂抵冒其職事。

大會同朝覲。以書協禮事。

亦先習錄之也。

及將幣之日。執

書以詔王。

將。送也。詔王。告王以禮事。

大師抱天時。與大師同車。

鄭司農云。大出師。則大史主抱式。以知天時。處吉凶。史官主知天道。故國語曰。吾非瞽史。焉知天道。春秋傳曰。楚有雲如衆赤鳥。夾日以飛。楚子使

問諸周大史。大史主天道。玄謂瞽即大師。大師。瞽官之長。

大遷國。抱瀆以前。

法。司空營國之法也。抱之。以前當先王至。知諸位處。

大喪。執瀆以泄勸防。

鄭司農云。勸防。引六紼。

遣之日。讀

誅。

遺。謂祖廟之庭。大奠將行時也。人之道終於此。累其行而讀之。大師又帥瞽厥之而作謚。瞽史知天道。使其事。言王之誅謚成於天道。

凡喪事攷焉。

爲有得失。

小喪。賜諡。

小喪。卿大夫也。

凡射事。飾中。

舍筭。執其禮事。

舍。讀曰釋。鄭司農云。中。所以盛筭也。玄謂設筭於中。以待射時而取之。中。則釋之。鄉射禮曰。君國中射。則皮豎中。於郊則闔中。於竟則虎中。大夫兕中。士鹿中。天子之中未聞。

小史掌邦國之志。奠繫世。辨昭穆。若有事。則詔王之忌諱。

鄭司農云。志。謂記也。春秋傳所謂周志。國語所謂鄭書之屬。是也。史官主書。故韓宣子聘于魯。觀書。大史氏繫世。謂帝繫

世本之屬是也。小史主定之。瞽矇諷誦之。先王死日爲忌。名爲諱。故書奠爲帝。杜子春云。帝當爲奠。奠。讀爲定。書帝亦或爲奠。玄謂王有事。祈祭於其廟。

大祭祀。讀禮瀆。史以書叙昭穆之俎簋。

讀禮法者。大史

與聖執事史。此小史也。言讀禮法者。小史叙俎簋以為節。故書簋或為几。鄭司農云。几讀為軌。書亦或為簋。古文也。大祭祀。小史主敘其昭穆。以其主定繫世祭祀。史主敘其昭穆。次其俎簋。故齊景公疾。欲誅於祝史。玄謂俎簋性與黍稷。以書次之。校比之。大喪。

大賓客。大會同。大軍旅。佐大史。凡國事之用禮。灋者。掌其小事。卿大夫之喪。賜諡。讀誄。其讀誄亦以大史賜諡為節。事相成。

馮相氏。掌十有二歲。十有二辰。十有二辰。十日。二十有八星之位。辨其叙事。以會天位。歲謂大歲。歲星與日同次之。月斗所建之辰。樂

說。歲星與日常應。大歲月建以見。然則今曆大歲非此也。歲日月辰星宿之位。謂方面所在。辨其叙事。謂若仲春辨秩。東作。仲夏辨秩。南譌。仲秋辨秩。西成。仲冬辨在朝易。會天位者。合此歲月日辰星宿五者。以為時事之候。若今曆日太歲在某月某日。某甲朔日直某也。國語曰。王合位于三五。孝經說曰。故勅以天期。四時節有晚早。趣勉。趣時無失天位。皆由此術云。

冬夏致日。春秋致月。以辨四時之叙。冬至日在牽牛。景丈三尺。夏至日在東井。亦以其景知氣。至不存。秋冬夏氣皆至。則是四時之敘正矣。

保章氏。掌天星。以志星辰日月之變動。以觀天下之遷。辨其吉凶。

志。古文識。識。記也。星。謂五星。辰。日月所會。五星有贏縮。闕角。日有薄食。彗珥。月有虧盈。眊。側匿之變。

以星土辨九州之地。所封封域。皆有分星。以觀妖祥。星土。星所主土也。封。猶界也。鄭司農說星土。以春秋傳曰。參爲晉星。商主大火。國語

七者。右行。列舍。天下。禍福變移。所在皆見焉。曰。歲之所在。則我有周之分野之屬是也。玄謂大界。則曰九州。州中諸國中之封域。於星亦有分焉。其書亡矣。堪輿雖有郡國所入度。非古數也。今其存可言者。十二次之分也。星紀。吳越也。玄枵。齊也。蠲訾。衛也。降婁。魯也。大梁。趙也。實沈。晉也。鶉首。秦也。鶉火。周也。鶉尾。楚也。

壽星鄭也。大火，宋也。析木，燕也。此分野之妖祥。主用客星拜字之氣爲象。以十有二歲之相，觀天下之妖祥。歲謂大歲歲星與日同次之月斗所建之辰也。歲星爲陽，右行於天。大歲爲陰，左行於地。十二歲而小周，其妖

祥之占，甘氏歲星經。其遺象也。鄭司農云：大歲所在，歲星所居。春秋傳曰：越得歲而吳伐之，必受其凶之屬是也。以五雲之物，辨吉凶。水旱降，豐荒之祲象。物色也。視日旁雲氣之色，降下也。知水旱

所下之國。鄭司農云：以二至二分觀雲色。青爲蟲，白爲喪，赤爲兵荒，黑爲水黃。爲豐。故春秋傳曰：凡分至啓閉，必書雲物，爲備故也。故曰：凡此五物，以詔救政。

十有二辰皆有風，吹其律以知和不，其道亡矣。春秋襄十八年，楚師伐鄭，師曠曰：吾驟歌北風，又歌南風，南風不競，多死聲。楚必無功。是時楚師多凍，其命乖別審矣。凡此五物者，以詔救政，訪序事。訪，謀也。見其象則當

豫爲之備，以詔王救其政。且謀今歲天時占相所宜次序其事。

內史掌王之八枋之灋，以詔王治。一曰爵，二曰祿，三曰廢，四曰置，五曰殺，六曰生，七曰予，八曰奪。大宰既以詔王

內史又居中貳之。執國灋及國令之貳，以攷政事，以逆會計。國法六典八法八則掌敘事之灋，受訥訪，以詔王聽治。敘六敘也。納訪，納謀也。

於王也。六敘，六日以敘聽其情。凡命諸侯及孤卿大夫，則策命之。鄭司農說以春秋傳曰：王命內史與父策命，晉侯爲侯伯，策謂以簡策書王命，其文曰：王謂叔父，敬服王命，以綏四國。糾遘王愆，晉侯三辭，從命受

策以凡四方之事書，內史讀之。若今尙書入省事王制祿，則贊爲之，以方出之。贊爲之爲之辭也。鄭司農云：以方出之，以方版書而出之。上農夫食九人，其次食八人，其

次食七人。其次食六人。下農夫食五人。庶人在官者。其祿以是爲差。諸侯之下士視上農。夫祿足以代其耕也。中士倍下士。上士倍中士。下大夫倍上士。卿大夫祿。君十卿祿。杜子春云。方直謂今時禮也。玄謂王制曰。王之三公視公侯。卿視伯。大夫視子男。元士視附庸。

賞賜亦如之。內史掌書王命。遂貳之。

副寫藏之。

外史掌書外令。

王令下畿外。

掌四方之志。

志記也。謂若魯之春秋。晉之乘。楚之檣杙。

掌三皇五帝之書。

楚靈王所謂三墳五典。

掌達書名于四方。

謂若堯典。

禹貢。達此名使知之。或曰古曰名。今曰字。使四方知書之文字。得能讀之。

若以書使于四方。則書其令。

書王令以授使者。

御史掌邦國都鄙及萬民之治令。以贊冢宰。

王所以治之令。冢宰掌王治。

凡治者受灋令焉。

爲書寫其治之法。令來受則授之。

掌贊書。

王有命。當以書

致之。則贊爲辭。若今尙書作詔文。

凡數從政者。

自公卿以下至胥徒。凡數及其見在空缺者。鄭司農讀言掌贊書。數書數者。經禮三百。曲禮三千。法度皆在。玄以爲不辭。故改之云。

巾車掌公車之政令。辨其用與其旗物而等叙之。以治其出入。

公猶官也。用。謂祀賓之屬。旗物。大常以下等敘之。以封同姓異姓之次敘。

王之五路。

一曰玉路。錫。樊。纓。十有再就。建大常。十有二旂。以祀。

王在焉曰路。玉路。以玉飾。諸末。錫。馬面當虛。刻金爲之。所謂鑄錫也。樊。讀如繫帶之繫。謂今馬大帶也。鄭司農云。纓。謂當胸。士喪禮。下篇

曰。馬纓三就。禮家說曰。纓當胸。以削革爲之。三就。三重三匝也。玄謂纓。今馬鞅。玉路之樊及纓。皆以五采。屬飾之。十二就。成也。大常。九旗之畫。日月者。正幅爲緣。旂則屬焉。

金路。鉤。樊。纓。九就。建大旂。以賓。同姓。

以封。金路以金飾諸末鉤。婁頷之鉤也。金路無錫。有鉤亦以金爲之。其樊及纓以五采屬飾之。而九成。大旂九旗之畫交龍者。以賓。以會賓客。同姓以封。謂王子母弟。率以功德出封。雖爲侯伯。其畫服猶如上。公若魯衛之屬。其無功德。各以親疏食采畿內而已。故

書鉤爲拘杜。象路以象飾諸末。象路無鉤。以朱飾勒而已。其樊及纓以五采屬飾之。而七成。大赤九旗之通帛。以朝。以日視朝。異姓王甥舅。

子春讀爲鉤。象路。朱樊纓七就。建大赤。以朝。異姓以封。

路。龍勒。條纓五就。建大白。以即戎。以封四衛。革路。鞵之以革而漆之。無他飾。龍。馳也。以白黑飾章。雜色爲勒。條讀爲條。其樊及纓皆不用金玉象矣。大白。殷之旗。猶周大赤。蓋象正色也。即戎。謂兵車。四衛四方諸侯守衛者。鞵服以內。

木路。前樊鵠纓。建大麾。以田。以封蕃國。木路。前不鞵。以革漆之而已。前讀龍勒。以淺黑飾章爲樊。鵠色飾章爲纓。不言就數。飾與革路同。大麾不在九旗中。以正色言之。則黑。夏后氏所建。田。四時田獵。蕃國。謂九州之外。夷服。鎮服。蕃服。杜子春云。鵠或爲結。

勒面績總。安車。彫面鷩總。皆有容蓋。重翟。重翟。雉之羽也。厭翟。次其羽。使相迫也。勒面。謂以如玉龍勒之章爲當面飾也。彫者畫之。不龍其章。安車。坐乘車。凡婦人車皆坐乘。故書朱總爲纓。鷩或作鷩。鄭司農云。錫馬

面錫。繩當爲總。書亦或爲總。鷩讀爲鷩。鷩之鷩。鷩總者。青黑色。以績爲之。總著馬勒。直兩耳。與兩鑣。容謂轡車。山東謂之裝。幘。或曰。潼容。玄謂朱總績總。其施之如鷩總。車衡轡亦宜有焉。績。畫文也。蓋。如今小車蓋也。皆有容蓋。則重翟。厭翟。謂蔽也。重翟。后從王祭祀所乘。

厭翟。后從王賓饗諸侯所乘。安車無蔽。后朝見於王所。乘。謂去飾也。詩。國風。碩人曰。翟蔽以朝。謂諸侯夫人始來。乘翟蔽之車。以朝。見於君。盛之也。此翟蔽蓋厭翟也。然則。王后始來。乘重翟乎。

翟車。只面。組總。有握。翟車。不重飾車之側。爾。貝面。貝飾勒之當面也。有握。則鞞車。組。鞞。有鞞。羽蓋。鞞車。不言飾。后居宮中。從容所乘。但漆之而已。爲鞞。輪人。鞞之。此無蓋矣。如今駟車是也。后所乘。以出祭。

子春云當為鬻。書亦或為蕝。

王之喪車五乘。木車。蒲蔽。犬禛。尾纓。疏飾。小服。皆疏。

木車不漆者。鄭司農云。蒲蔽。謂羸闌車以蒲為蔽。天子喪服之車。漢儀亦然。犬禛。以犬皮為覆答。故

書疏為楮。杜子春讀搢為沙。玄謂蔽。車旁禦風塵者。犬。白犬皮。既以皮為覆答。又以其尾為戈戟之號。麋布飾二物之側。為之緣。若攝服。云服讀為蕝。小。蕝。刀。劍。短兵之衣。此始遭喪所乘。為君之道。尚微備。姦臣也。書曰。以戔賁百人。逆子釗。亦為備焉。

素車。樊

蔽。犬禛。素飾。小服。皆素。

素車。以白土壘車也。樊。讀為藉。頡。麻。以為蔽。其禛服。以素。緇為緣。此卒哭所乘。為君之道益著。在車可以去戈戟。

藻車。藻蔽。鹿淺禛。革飾。

故書藻作職。杜子春讀為華。

藻之藻。直謂華藻也。玄謂藻。水草。蒼色。以蒼土壘車。以蒼緇為蔽也。鹿淺禛。以鹿夏皮為覆答。又以所治去毛者。緣之。此既練所乘。邊側有漆飾也。蒼。細。葦。席也。以為蔽者。漆則成漆。即吉也。然果然也。髮。亦多黑少之色章也。此大祥所乘。

駢車。種蔽。然禛。髮飾。

故書駢作龍。髮。為軟。杜子春云。龍讀為駢。軟讀為委。坑之。黍。直謂髮黍也。玄謂駢車。

漆車。藩蔽。豸禛。雀飾。

漆車。黑車也。藩。今時小車。藩。漆席以為之。豸。胡。犬。雀。黑。多。亦少之色章也。此禫所乘。

服車五

乘。孤乘。夏冢。卿乘。夏緇。大夫乘。墨車。士乘。棧車。庶人乘。役車。

服車。服事者之車。故書夏冢為夏綠。鄭司農云。夏亦也。綠。綠色。或曰。夏冢。冢讀為主。塚之塚。夏冢。冢有約也。玄謂夏

冢。五采畫殺約也。夏緇亦五采畫。無塚爾。墨車不畫也。棧車不革鞅而漆之。役車方箱。可載任器。以共役。

凡良車散車不在等者。其用無常。

給遊燕及恩惠之賜。不在等者。謂若今輜車後戶之屬。作之有功有沾。

凡車之出入。歲終則會之。

計其完敗多少。

凡賜。闕之。

完敗不計。

毀折。入齋于職幣。

計所傷敗入其直。杜子春云。齋讀為資。資。謂財也。乘官車毀折者。入財以償繕治之直。

大

喪。飾遺車。遂。獻之行。

廣。輿也。謂陳駕之。行之。使人以次。舉之以如墓也。遺車。曰。鸞車。

及葬。執蓋從車。持旌。

從車。隨柩路。持蓋與旌者。王平生時車建旌。雨則有蓋。今轝車無蓋。執而隨之。象生

時有也。所執者銘旌。

及慕。噤啓闕。陳車。

闕。幕門也。車。貳車也。士喪禮下。篇曰。車至道左北面立。東上。

小喪。共廛路與其飾。

極路。載極車也。飾。棺飾也。

歲時。更續。共其弊車。

故書更續爲受讀。杜子春云。受當爲更。讀當爲續。更續。更受新。共其弊車。歸其故弊車也。玄謂俱受新耳。更易世舊。續其不任用。共其弊車。巾車既更續之。取其弊車共於車人材。或有中用之。

大祭祀。鳴鈴以應雞人。

雞人。主呼日。鳴鈴以和之。聲且警衆。必使鳴鈴者。車有和驚。相應和之象。故書鈴。或作輪。杜子春云。當爲鈴。

應和之象。故書鈴。或作輪。杜子春云。當爲鈴。

典路。掌王及后之五路。辨其名物與其用說。

用。謂將有朝祀之事而駕之。鄭司農云。說。謂舍車也。春秋傳曰。雞鳴而駕日中而說。用謂所宜用。

若有大祭祀。則出路。

贊駕說。

出路。王當乘之。贊駕說。贊僕與趣馬也。

大喪。大賓客。亦如之。

亦出路當陳之。鄭司農說以書顧命曰。成王崩。康王既陳先王寶器。又曰。大路在賓階面。贊路在阼階面。先路在左塾之前。次路在右塾之前。漢朝上計

律陳屬車於庭。故曰大喪。大賓客亦如之。

凡會同。軍旅。弔于四方。以路從。

王出於事無常。王乘一路。典路以其餘路從行。亦以華國。

車僕。掌戎路之萃。廣車之萃。闕車之萃。萃車之萃。輕車之萃。

萃。猶副也。此五者皆兵車。所謂五戎也。戎路。王在軍所乘也。廣車。橫陳之車也。闕車。所用補闕之車也。萃。猶屏

也。所用對敵自蔽隱之車也。輕車。所用馳敵致師之車也。春秋傳曰。公喪戎路。又曰。其君之戎。分爲二廣。則諸侯戎路廣車也。又曰。帥師闕四十乘。孫子八陳。有萃車之陳。又曰。馳車千乘。五者之制及萃數。未盡聞也。書曰。武王戎車三百兩。故書萃作平。杜子春云。萃車當爲

輶車。其字當爲萃。亦或爲萃。

凡師。共革車。各以其萃。

五戎者共其一。以爲王。優尊者所乘也。而萃各從其元焉。

會同。亦如之。

巡守及兵車之會。則王乘戎路。乘車之會。王雖乘金路。猶共以從。不失備也。

大

喪厥革車。

言輿革車則遺車不徒戎路廣闊萃輕皆有焉。

大射共三乏。

鄭司農云乏讀為匱乏之乏。

司常掌九旗之物名各有屬以待國事日月為常交龍為旂通帛為旟雜帛為物熊虎為旗鳥隼為旟龜

蛇為旐全羽為旟析羽為旟。

物名者所畫異物則異名也。屬謂徽識也。大傳謂之徽號。今城門僕射所被及亭長著絳衣皆其舊象。通帛謂大赤從周正色。無飾雜帛者以帛素飾其側。白股之正色全羽析羽皆五采繫之於

旟旟之上所謂注旟于干首也。凡九旗之帛皆用絳。

及國之大閱贊司馬頒旗物王建大常諸侯建旂孤卿建旟大夫士建物師郅建旗

州里建旗縣鄙建旐道車載旟旂車載旟。

仲冬教大閱司馬主其禮。自王以下治民者旗畫成物之象。王畫日月象天明也。諸侯畫交龍一象其升朝一象其下復也。孤卿不畫言奉王之政教而已。大夫士

雜帛言以先王正道佐職也。師都六鄉六遂大夫也。謂之師都。都民所聚也。畫熊虎者鄉遂出軍賦象其守猛莫敢犯也。州里縣鄙鄉遂之官互約言之。鳥隼象其勇捷也。龜蛇象其扞難辟害也。道車象路也。王以朝夕燕出入旂車木路也。王以田以鄙全羽析羽五色象其文德也。大閱王乘戎路。建大常焉。玉路金路不出。皆畫其象焉。官府各象其事。州里各象其名。家各象其號。

事名號者徽識所以題別衆臣樹之於位。朝各就焉。觀禮曰公侯伯

子男皆就其旂而立。此其類也。或謂之事或謂之名或謂之號。異外內也。三者旂旗之細也。士喪禮曰為銘各以其物。亡則以緇。長半幅。積末長終幅廣三寸。書名於末。此蓋其制也。徽識之書則云某某之事某某之名某某之號。今大閱禮象而為之。兵凶事若有死事者亦當以相別也。杜子春云畫當為書。玄

凡祭祀各建其旗。

王祭祀之車則玉路。會同賓客亦如之。置旌門。

賓客朝覲宗遇王乘金路。巡守兵車之會王乘戎路皆建

其大常。掌舍職曰。爲帷宮設旌門。

大喪共銘旌。

銘旌。王則大常也。士喪禮曰。爲銘各以其物。

建獸車之旌。及葬亦如之。

葬云建之。則行獸車解說之。

凡軍事。建旌旗。及

致民。置旗弊之。

始置旗以致民。至什之。誅後至者。

甸亦如之。凡射共獲旌。

獲旌。獲者所持旌。

歲時共更旌。

取舊予新。

都宗人。掌都祭祀之禮。凡都祭祀。致福于國。

都或有山川。及因國無主。九皇六十四民之祀。王子弟則立其祖王之廟。其祭祀。王皆賜禽焉。主其禮者。警戒之。糾其戒具。其來致福。則帥而以造祭。僕

正都禮。與其服。

禁督其違失者。服謂衣服及宮室車旗。

若有寇戎之事。則保羣神之壇。

守山川丘陵墳衍之壇域。

國有大故。則令禱祠。既祭。反

命于國。

令。命都之有司也。祭謂報塞也。反命。還白王。

家宗人。掌家祭祀之禮。凡祭祀。致福。

大夫采地之所祀與都同。若先王之子孫。亦有祖廟。

國有大故。則令禱祠。反命。祭亦如之。

以上命令禱祠。歸白王於

獲福。又以王命令祭之。還又反命。

掌家禮。與其衣服宮室車旗之禁令。

掌亦正也。不言寇戎。保羣神之壇。則都家自保之。都宗人所保者。謂王所祀明矣。

凡以神仕者。掌三辰之灋。以猶鬼神所居。辨其名物。

猶。圖也。居。謂坐也。天者。羣神之精。日月星辰。其著位也。以此圖天神人鬼地祇之坐者。謂布祭衆寡與其居。甸。孝經說。郊祀之

禮曰。燔燎埽地祭。牲繭栗。或象天酒旗坐星。廚倉具黍稷。布席極敬心也。言郊之布席。象五帝坐。禮祭宗廟。序昭穆。亦又有似虛危。則祭天。閼丘。象北極。祭地方澤象后妃。及社稷之席。皆有明法焉。國語曰。古者民之精爽不攝貳者。而又能齊肅中正。其知能上下比義。其聖

能光遠宣朗。其明能光照之。其聰能聽徹之。如是。則神明降之。在男曰覲。在女曰巫。是之使制神之處位。次主而爲之牲器時服。巫既知神如此。又能居以天法。是以聖人用之。今之巫祝。既闡其義。何明之見。何法之行。正神不降。或於淫厲。苟貪貨食。遂誣人神。令此道滅。痛矣。

以冬至致天神人鬼。以夏至致地示物魃。以禴國之凶荒。民之札喪。

天人陽也。地物陰也。陽氣升而祭鬼神。陰氣升而祭地祇物魃。所以順其

爲人與物也。致人鬼於祖廟。致物魃於壇壇。蓋用祭天地之明日。百物之神曰魃。春秋傳曰。螭魃魃。杜子春云。禴除也。玄謂此禴讀如潰癡之潰。

周禮卷第七

夏官司馬第四

惟王建國辨方正位。體國經野。設官分職。以爲民極。乃立夏官司馬。使帥其屬而掌邦政。以佐王平邦國。
政。正也。政所以正不正者也。孝經說曰。政者正也。正德名以行道。 政官之屬。大司馬卿一人。小司馬中大夫二人。軍司馬下大夫四人。輿司馬上

士八人。行司馬中士十有六人。旅下士三十有二人。府六人。史十有六人。胥三十有二人。徒三百有二十人。
輿。衆也。行。謂軍行列。晉作六軍。而有三行。取名於此。 凡制軍。萬有二千五百人爲軍。王六軍。大國三軍。次國二軍。小國一軍。軍將皆命

卿。二千有五百人爲師。帥皆中大夫。五百人爲旅。旅帥皆下大夫。百人爲卒。卒長皆上士。二十五人爲兩。兩司馬皆中士。五人爲伍。伍皆有長。

軍。師。旅。卒。兩。伍。皆衆名也。伍。一比。兩。一闕。卒。一族。旅。一黨。師。一州。軍。一鄉。家所出。一人。將。帥。長。司。馬。者。其。師。吏。也。言。軍。將。皆。命。卿。則。凡。軍。帥。不。特。置。選。於。六。官。六。鄉。之。吏。自。鄉。以。下。德。任。者。使。兼。官。焉。鄭。司。農。云。王。六。軍。大。國。三。軍。次。國。二。軍。小。國。一。軍。故。春。秋。傳。有。大。國。次。國。小。國。又。曰。成。國。不。過。半。天。子。之。軍。周。爲。六。軍。諸。侯。之。大。者。三。軍。可。也。詩。大。雅。常。武。曰。赫。赫。明。明。王。命。卿。士。南。仲。大。祖。大。師。皇。父。整。我。六。師。以。修。我。戎。既。敵。既。戒。惠。此。南。國。大。

雅文王曰周王于邁六師及之此周爲六軍之見于經也春秋傳曰王使虢公命曲沃伯以一軍爲晉侯此小國一軍之見于傳也百人爲卒二十五人爲兩故春秋傳曰廣有一卒卒偏之兩

一軍則二府六史胥十人徒

百人

司勳上士二人下士四人府二人史四人胥二人徒二十人

故書勳作助鄭司農云助讀爲勳勳功也此官主功賞故曰掌六鄉賞地之法以等其功

馬質中士二人府一人史二人賈四人徒八人

質平也主買馬平其大小之賈直

量人下士二人府一人史四人徒八人

量猶度也謂以丈尺度地

小子下士二人史一人徒八人

小子主祭祀之小事

羊人下士二人史一人賈二人徒八人

司權下士二人徒六人

故書權爲熈杜子春云熈當爲權書亦或爲熈熈爲私火玄謂權讀如予若觀火之觀今燕俗名湯熱爲觀則權火謂熱火與

掌固上士二人下士八人府二人史四人胥四人徒四十人

固國所依阻者也國曰固野曰險易曰王公設險以守其國

司險中士二人。下士四人。史二人。徒四十人。

掌疆中士八人。史四人。胥十有六人。徒百有六十人。疆界也。

候人上士六人。下士十有二人。史六人。徒百有二十人。候候迎賓客之來者。

環人下士六人。史二人。徒十有二人。環猶卻也。以勇力卻敵。

挈壺氏下士六人。史二人。徒十有二人。挈讀如繫髮之繫。壺盛水器也。世主挈壺水以為漏。

射人下大夫二人。上士四人。下士八人。府二人。史四人。胥二人。徒二十人。

服不氏下士一人。徒四人。服不服不。服之獸者。

射鳥氏下士一人。徒四人。

羅氏下士一人。徒八人。能以羅罔捕鳥者。郊特牲曰。大羅氏天子之掌鳥獸者。

掌畜。下士二人。史二人。胥二人。徒二十人。畜謂斂而養之。

司士。下大夫二人。中士十六人。下士十有二人。府二人。史四人。胥四人。徒四十人。

諸子。下大夫二人。中士十四人。府二人。史二人。胥二人。徒二十人。諸子。主公卿大夫士之子者。或曰庶子。

司右。上士二人。下士十四人。府四人。史四人。胥八人。徒八十人。右謂有勇力之士。充王車右。

虎賁氏。下大夫二人。中士十有二人。府二人。史八人。胥八十人。虎士八百人。不言徒。曰虎士。則虎士。徒之選有勇力者。

旅賁氏。中士二人。下士十有六人。史二人。徒八人。

節服氏。下士八人。徒四人。世為王筮所衣服。

方相氏。狂夫四人。方相。猶言放想。可畏怖之貌。

大僕。下大夫二人。小臣上士四人。

祭僕。中士六人。

御僕。下士十有二人。府二人。史四人。胥二人。徒二十人。僕侍御於尊者之名大僕其長也。

隸僕。下士二人。府一人。史二人。胥四人。徒四十人。此吏而曰隸以其事褻。

弁師。下士二人。工四人。史二人。徒四人。弁者古冠之大稱。委貌緇布曰冠。

司甲。下大夫二人。中士八人。府四人。史八人。胥八人。徒八十人。甲今之鎧也。司甲兵戈盾官之長。

司兵。中士四人。府二人。史四人。胥二人。徒二十人。

司戈盾。下士二人。府一人。史二人。徒四人。戈今時句子戟。

司弓矢。下大夫二人。中士八人。府四人。史八人。胥八人。徒八十人。司弓矢弓弩矢箠官之長。

繕人。上士二人。下士四人。府一人。史二人。胥二人。徒二十人。繕之言勁也善也。

藁人。中士四人。府二人。史四人。胥二人。徒二十人。鄭司農云。藁讀爲芻藁之藁。箭幹謂之藁。此官主弓弩箭矢。故謂之藁人。

戎右。中大夫二人。上士二人。古者參乘。此充戎路之右。田獵亦爲之右焉。

齊右。下大夫二人。充玉路金路之右。

道右。上士二人。充象路之右。

大馭。中大夫二人。馭之最尊。

戎僕。中大夫二人。馭言僕者。此亦侍御於車。

齊僕。下大夫二人。古者王將朝覲會同。必齊所以敬宗廟及神明。

道僕。上士十有二人。王朝朝莫夕。主御王以與諸臣行先王之道。

甸僕。上士十有二人。

馭夫中士二十人下士四十人。

校人。中大夫二人。上士四人。下士十有六人。府四人。史八人。胥八人。徒八十人。校之爲言校也。主馬者必仍校視之。校人馬官之長。

趣馬。下士阜一人。徒四人。趣馬。趣養馬者也。鄭司農說以詩曰。驅惟趣馬。

巫馬。下士二人。醫四人。府一人。史二人。賈二人。徒二十人。巫馬。知馬祖先牧馬社馬步之神者。馬疾若有犯焉。則知之。是以使與醫同職。

牧師。下士四人。胥四人。徒四十人。主牧放馬而養之。

廋人。下士閑二人。史二人。徒二十人。廋之言數。

圉師。乘一人。徒二人。圉人。良馬匹一人。驚馬麗一人。養馬曰圉。四馬爲乘。良善也。麗。耦也。

職方氏。中大夫四人。下大夫八人。中士十有六人。府四人。史十有六人。胥十有六人。徒百有六十人。職。主也。主

四方之職貢者。職方氏。主四方官之長。

土方氏。上士五人。下士十人。府二人。史五人。胥五人。徒五十人。土方氏主四方邦國之土地。

懷方氏。中士八人。府四人。史四人。胥四人。徒四十人。懷。來也。主來四方之民及其物。

合方氏。中士八人。府四人。史四人。胥四人。徒四十人。合方氏主合同四方之事。

訓方氏。中士四人。府四人。史四人。胥四人。徒四十人。訓。道也。主教道四方之民。

形方氏。中士四人。府四人。史四人。胥四人。徒四十人。形方氏主制四方邦國之形體。

山師。中士二人。下士四人。府二人。史四人。胥四人。徒四十人。

川師。中士二人。下士四人。府二人。史四人。胥四人。徒四十人。

邊帥。中士四人。下士八人。府四人。史八人。胥八人。徒八十人。邊。地之廣平者。

匡人。中士四人。史四人。徒八人。匡。正也。主正諸侯以法則。

擇人。中士四人。史四人。徒八人。擇人主擇序王意以語天下。

都司馬。每都上士二人。中士四人。下士八人。府二人。史八人。胥八人。徒八十人。都王子弟所封及三公采地也。司馬主其軍賦。

家司馬。各使其臣以正於公司馬。家。卿大夫采地。正猶聽也。公司馬。國司馬也。卿大夫之采地。王不特置司馬。各自使其家臣為司馬。主其地之軍賦。往聽政於王之司馬。王之司馬。其以王命來有事。則曰國司馬。

大司馬之職。掌建邦國之九灋。以佐王平邦國。平。成也。正也。制畿封國。以正邦國。封。謂立封於疆為界。設儀辨位。以等邦國。

儀。謂諸侯及諸臣之儀。辨別也。別尊卑之位。進賢興功。以作邦國。興。猶舉也。作。起也。起其勸善樂業之心。使不惰廢。建牧立監。以維邦國。牧。州牧也。監。監一國。謂君也。維。猶連結也。制軍詰

禁。以糾邦國。詰。猶窮治也。糾。猶正也。施貢分職。以任邦國。職。謂賦稅也。任。猶事也。事以其力之所堪。簡稽鄉民。以用邦國。簡。謂比數之。稽。猶計也。均守平則。以

安邦國。諸侯有土地者。均之。尊者守大。卑者守小。則法也。比小事大。以和邦國。比。猶親。使大國親小國。小國事大國。相合和也。易比象曰。先王以建萬國。親諸侯。以九伐之灋。正邦國。諸侯

有違王命。則出兵以征伐之。所以正之也。諸侯之於國。如樹木之有根本。是以言伐云。馮弱犯寡。則皆之。馮。猶乘陵也。言不字小而侵侮之。皆。猶人皆瘦也。王霸記曰。四面削其地。賊賢害民。則伐之。春秋傳曰。粗者

曰。侵。精者曰伐。又曰。有鍾鼓曰伐。則伐者。兵入其竟。鳴鐘鼓以往。所以聲其罪。暴內陵外。則壇之。內。謂其國外。謂諸侯。壇。讀如同壇之壇。王霸記曰。置之空壇之地。鄭司農云。壇。讀從憚。之以威之。憚。書亦或為憚。玄謂置之空壇。以出其君。更立其

大賢野荒民散則削之。荒蕪也。田不治。民不附。削其地。明其不能有。負固不服則侵之。負猶恃也。固險可依以固者也。不服不事大也。侵之者兵加其竟而已。用兵淺者。詩曰。密人不恭。敢距大邦。賊

殺其親則正之。正之者。執而治其罪。王霸記曰。正殺之也。春秋僖二十八年。冬。晉人執衛侯。歸之于京師。坐殺其弟叔武。放弑其君則殘之。放逐也。殘殺也。王霸記曰。殘滅其爲惡。犯令陵政則

杜之。令猶命也。王霸記曰。犯令者。違命也。陵政者。輕政法不循也。杜之者。杜塞使不得與隣國交通。外內亂。烏獸行。則滅之。王霸記曰。悖人倫外內。無以異于禽獸。不可親百姓。則誅滅去之也。曲禮曰。夫唯禽獸無禮。故父子聚麀。

正月之吉。始和。布政于邦國都鄙。乃縣政象之灋于象魏。使萬民觀政象。挾日而斂之。以正月朔日布王政於天下。至正歲。又縣政法

之書。挾日。十日也。乃以九畿之籍。施邦國之政職。方千里曰國畿。其外方五百里曰侯畿。又其外方五百里曰甸

畿。又其外方五百里曰男畿。又其外方五百里曰采畿。又其外方五百里曰衛畿。又其外方五百里曰蠻

畿。又其外方五百里曰夷畿。又其外方五百里曰鎮畿。又其外方五百里曰藩畿。畿。猶限也。自王城以外。五千里爲界。有分限者。九籍。其禮

差之書也。政職。所共王政之職。謂賦稅也。故書畿爲近。鄭司農云。近當。菁畿。春秋傳曰。天子一畿。列國一同。詩。殷頌曰。邦畿千里。維民所止。凡令賦。以地與民制之。上地。食者參之二。其民可

用者家三人。中地。食者半。其民可用者二家五人。下地。食者參之一。其民可用者家二人。賦。給軍用者也。令邦國之賦。亦以地

之美惡。民之衆寡爲制。如六遂矣。鄭司農云。上地謂肥美田也。食者參之二。假令一家有三頃。歲種二頃。休其一頃。下地食者參之一。田薄惡者所休多。

中春。教振旅。司馬以旗致民。平列陳。如戰之

陳。以旗者。立旗期民於其下也。兵者守國之備。孔子曰。以不教民戰。是謂棄之。兵者凶事。不可空設。因蒐狩而習之。凡師出曰治兵。入曰振旅。皆習戰也。四時各教民。以其一焉。春習振旅。兵入收衆。專於農。平猶正也。

辨鼓鐸錡鏡之用。

王執路鼓。諸侯執黃鼓。軍將執晉鼓。帥帥執提。旅帥執鼙。卒長執鐃。兩司馬執鐸。公司馬執鑼。

鼓人職曰。以路鼓。鼓鬼享。

以黃鼓鼓軍事。以晉鼓鼓金奏。以金鏡止鼓。以金鐸通鼓。以金鑼節鼓。鄭司農云。辨鼓鐸錡鏡之用。謂鈺鐸之屬。錡讀如濁。其源之濁。鏡讀如譙。曉之曉。提讀如攝。提之提。謂馬上鼓。有曲木提。持鼓立馬鬣上者。故謂之提。杜子春云。公司馬。謂五人爲伍。伍之司馬也。玄謂王不執黃鼓。尙之於諸侯也。伍長謂之公司馬者。雖卑。同其號。

以教坐作進退疾徐疏數之節。

習戰法。

遂以蒐田。有司表貉誓民。鼓遂圍禁。火弊。獻

禽以祭社。

春田爲蒐。有司。大司徒也。掌大田役。治徒庶之政令。表貉。立表而貉祭也。誓民。誓以犯田法之罰也。誓曰。無干車。無自後射。立旌。遂圍禁。旌。弊。爭禽而不審者。罰以假馬。禁者。虞衡守禽之厲禁也。旣誓。令鼓而圍之。遂蒐田。火弊。火止也。春田主用火。

因焚萊。除陳草。皆殺而火止。獻。猶致也。屬也。田止。虞人植旌。衆皆獻其所獲禽焉。詩云。言私其穢。獻肩于公。春田主祭社者。土方施生也。鄭司農云。貉讀爲禡。禡。謂師祭也。書亦或爲禡。

中夏。教芟舍。如振旅之陳。羣吏撰

車徒。讀書契。辨號名之用。帥以門名。縣鄙各以其名。家以號名。鄉以州名。野以邑名。百官各象其事。以辨

軍之夜事。其他皆如振旅。

芟。讀如萊。沛之沛。芟。舍。草止之也。軍有草止之法。撰讀曰算。算車徒。謂數擇之也。讀書契。以簿書校錄軍實之凡要號名者。數識所以相別也。鄉遂之屬。謂之名。家之屬。謂之號。百官之屬。謂之事。在國以表

勳位。在軍又象其制而為之。被之以備死事。帥謂軍將及師帥旅帥至伍長也。以門名者。所被徽識。如其在門所樹者也。凡此言以也。象也。皆謂其制同耳。軍將皆命卿。古者軍將蓋為營治於國門。魯有東門襄仲。宋有桐門右師。皆上卿為軍將者也。縣鄙謂縣正鄙師至鄰長也。家謂食采地者之臣也。鄉以州名。亦謂州長至比長也。野謂公邑大夫。百官以其職從王者。此六者皆書其官與名氏焉。門則襄仲右師明矣。鄉則南鄉甄。東鄉為人。是也。其他象此云某某之名。某某之號。某某之事而已。未盡聞也。鄉遂大夫。文錯不見。以其素信于民。不為軍將。或為諸帥。是以闕焉。夜事戒夜守之事。草止者。慎於夜。於是主別其部職。遂以苗田。如蒐之灋。車弊獻禽以享酌。夏田為苗。擇取不孕任者。若治苗去不秀。實者云。車弊。驅獸之車止也。夏田。主用車。

示所取物希。皆殺而車止。王制曰。天子殺。則下大綏。諸侯殺。則下小綏。大夫殺。則止佐車。佐車止。則百姓田獵。宗廟之夏祭也。冬夏田。主于祭宗廟者。陰陽始起。象神之在內。中秋。教治兵。如振旅之陳。辨旗物之用。王載大常。諸侯載旂。軍吏載旗。師都載旛。鄉遂載物。郊野載旒。百官載旛。各書其事。與其號焉。其他皆

如振旅。軍吏。諸軍帥也。師都。遂大夫也。鄉遂。鄉大夫也。或載旛。或載物。衆屬軍吏。無所將也。郊。謂鄉遂之州長縣正以下也。野。謂公邑大夫。載旒者。以其將羨卒也。百官。卿大夫也。載旛者。以其屬衛王也。凡旌旗有軍衆者。畫異物。無者。帛而已。書當為畫事也。號也。皆畫。遂以獮田。如蒐田之灋。維弊。致禽以祀祊。秋田為獮。獮殺也。羅弊。罔止也。秋田。主用罔。中殺者多者。皆殺而罔。止。祊當為方聲之誤也。秋田。主祭四方。報成萬物。詩曰。以社以方。中

冬。教大閱。春辨鼓鐸。夏辨號名。秋辨旗物。至冬大閱。簡軍實。凡頒旗物。以出軍之旗。則如秋。以前期。羣吏戒衆庶。修戰灋。羣吏。尊卑之常。則如冬。司常佐司馬時也。大閱。備軍禮。而旌旗不如出軍之時。空辟實。鄉師

以下。虞人萊所田之野。為表。百步則一。為三表。又五十步為一表。田之日。司馬建旗于後表之中。羣吏以旗

物鼓鐸鑼鏡各帥其民而致質明弊旗誅後至者乃陳車徒如戰之陳皆坐

鄭司農云虞人萊所田之野芟除其草萊令車得驅馳詩曰田卒污萊玄

謂萊芟除可陳之處後表之中五十步表之中央表所以識正行列也四表積二百五十步左右之廣當容三軍步數未聞致致之司馬質正也弊仆也皆坐當聽誓

羣吏聽誓于陳前斬牲以左右徇陳曰

不用命者斬之

羣吏諸軍帥也陳前南面鄉表也月令季秋天子教于田獵以習五戎司徒擗扑北面以誓之此大閱禮實正歲之中冬而說季秋之政於周為中冬為月令者失之矣斬牲者小子也凡誓之大略甘誓湯誓之屬是也

中

軍以敍令鼓鼓人皆三鼓司馬振鐸羣吏作旗車徒皆作鼓行鳴鑼車徒皆行及表乃止三鼓攬鐸羣吏

弊旗車徒皆坐

中軍中軍之將也天子六軍三三而居一偏羣吏既聽誓各復其部曲中軍之將令鼓鼓以作其士衆之氣也鼓人者中軍之將帥帥旅帥也司馬兩司馬也振鐸以作衆作起也既起鼓人擊鼓以行之伍長鳴鑼以節之伍長一曰

公司馬及表自後表前至第二表也三鼓者鼓人也鄭司農云攬讀如弄玄謂如逐鹿之鹿掩上振之為攬攬者止行息氣也司馬法曰鼓聲不過闕擊聲不過關鐸聲不過環

又三鼓振鐸作旗車徒皆作鼓進鳴

鑼車驟徒趨及表乃止坐作如初

趨者赴敵尙疾之漸也春秋傳曰先人有奪人之心及表自第二前至第三

乃鼓車馳徒走及表乃止

及表自第三前至前表鼓

戒三闕車三發徒三刺

鼓戒戒攻敵鼓一闕車一轉徒一刺三而止象服敵

乃鼓退鳴鏡且卻及表乃止坐作如初

鏡所以止鼓軍退卒長鳴鏡以和衆鼓人為止之也

退自前表至後表鼓鐸則同習戰之禮出入一也異者廢鑼而鳴鏡

遂以狩田以旌為左右和之門羣吏各帥其車徒以敍和出左右陳車徒有司

平之。旗居卒間以分地。前後有屯百步。有司巡其前後。險野人為主。易野車為主。

冬田爲狩。言守取之無所擇也。軍門曰和。今謂之壘門立。

兩旌以爲之。敝和出。用次第出和門也。左右或出而左。或出而右。有司平之。鄉師居門。正其出入之行列也。旗。軍吏所載。分地。調其部。曲疏數。前後有屯百步。車徒異羣。相去之數也。車徒畢出和門。鄉師又巡其行陳。鄭司農云。險野人爲主人。居前。易野車爲主。車居前。既

陳。乃設驅逆之車。有司表貉于陳前。

驅。驅出禽獸使趨田者也。逆。逆要不得令走。設此車者田僕也。

中軍以鼙令鼓。鼓人皆三鼓。羣司馬振鐸。

車徒皆作。遂鼓行。徒銜枚而進。大獸公之。小禽私之。獲者取左耳。

羣司馬謂兩司馬也。枚如箬。銜之。有續結項中。軍法止語爲相疑惑也。進行也。鄭司農云。大獸公之。

輸之於公。小禽私之。以自畀也。詩云。言私其縱。獻肩于公。一歲爲縱。二歲爲靶。三歲爲特。四歲爲肩。五歲爲慎。此明其獻大者於公。自取其小者。玄謂慎讀爲震。爾雅曰。豕生三日縱。豕牝曰靶。麋牝曰震。獲得也。得禽獸者取左耳。當以計功。

及所弊。鼓

皆賊。車徒皆譟。

鄭司農云。及所弊。至所弊之處。玄謂至所弊之處。田所當於止也。天子諸侯蒐狩有常。至其常處。吏士鼓譟。象攻敵剋勝而喜也。疾雷擊鼓曰賊。譟。譟也。書曰。前師乃鼓譟。亦謂喜也。

徒乃弊。致禽。饁獸

于郊。入。獻禽以享烝。

徒乃弊。徒止也。冬田主用衆物多。衆得取也。致禽。饁獸于郊。聚所獲禽。因以祭四方神於郊。月令季秋。天子既田。命主祠祭禽。四方是也。入。又以禽祭宗廟。

及師。大合軍。以行禁令。

以救無辜。伐有罪。

師所謂王巡守。若會同。司馬起師。合軍以從。所以威天下。行其政也。不言大者。未有敵。不尙武。

若大師。則掌其戒令。涖大卜。帥執事。涖釁主及軍

器。

大師。王出征伐也。涖。臨也。臨天下。卜出兵吉凶也。司馬法曰。上下下謀。是謂參之主。謂遷廟之主及社主。在軍者也。軍器。鼓鐸之屬。凡師既受甲。迎主于廟。及社。主祝奉以從。殺牲以血塗主及軍器。皆神之。

及致。建大常。比軍衆。誅

後至者。比或作庀。鄭司農云。致謂聚衆也。庀。具也。玄謂致。鄉師致民於司馬。比較次之也。

及戰。巡陳。既事而賞罰。事謂戰功也。

若師有功。則左執律。右秉鉞。以先

愷樂獻于社。

功勝也。律所以聽軍聲。鉞所以爲將威也。先猶道也。兵樂曰愷。獻于社。獻功于社也。司馬法曰。得意則愷樂愷歌。示喜也。鄭司農云。故城濮之戰。春秋傳曰。振旅愷以入于晉。

若師不功。則厭而奉主

車。鄭司農云。厭。謂厭冠。喪服也。軍敗則以喪禮。故秦伯之敗於穀也。春秋傳曰。秦伯素服郊次。鄉師而哭。玄謂厭。伏冠也。奉猶送也。送主歸於廟與社。

王弔勞士庶子。則相。

師敗。王親弔士庶子之死者。勞其傷者。則相王之禮。庶子。卿大夫之子。從軍者。

或謂之庶士。

大役與慮事。屬其植。受其要。以待攷而賞誅。

大役。築城邑也。鄭司農云。國有大役。大司馬與謀慮其事也。植。謂部曲將吏。故宋城。春秋傳曰。華元爲植巡功。屬。謂聚會之也。

要者簿書也。考謂考校其功。玄謂慮事者。封人也。於有役。司馬與之植。築城植也。屬。賦丈尺與其用人數。

大會同。則帥士庶子。而掌其政令。

帥。帥以從王。

若大射。則合諸侯之六

耦。大射。王將祭。射于射宮。以選賢也。王射三侯。以諸侯爲六耦。

大祭祀。饗食。羞牲魚。授其祭。

牲。魚。魚牲也。祭。謂尸賓所以祭也。鄭司農云。大司馬主進魚牲。

大喪。平士大夫。鄭司農云。平。一其服。

也。玄謂平者。正其職與其位。

喪祭。奉詔馬牲。王喪之以馬祭者。蓋遺奠也。奉猶送也。送之至墓。皆而藏之。

小司馬之職。掌

此下字脫滅。札爛又闕。漢與求之不得。遂無識其數者。

凡小祭祀。會同。饗射。師田。喪紀。掌其事。如大司馬之灋。

軍司馬。闕。

與司馬闕

行司馬闕

司勳掌六鄉賞地之灋以等其功賞地賞田也在遠郊之內屬六鄉焉等猶差也以功大小爲差王功曰勳輔成王業國功曰功保全國家民功曰

庸法施於民若后稷事功曰勞以勞定國若禹治功曰力制法成治戰功曰多剋敵出奇若韓信陳平凡有功者銘書於王之太常

祭於大烝司勳詔之銘之言名也生則書于王旌以識其人與其功也死則於烝先王祭之詔謂告其神以辭也般庚告其卿大夫曰茲予先王爾祖其從與享之是也今漢祭功臣於廟庭大功司勳藏其

貳貳猶副也功書藏於天府又副於此者以其主賞掌賞地之政令政令謂役賦凡賞無常輕重眡功無常者功之大小不可豫凡頒賞地參之一食鄭司農云不以美田

爲采邑玄謂賞地之稅參分計稅土食其一也二全入於臣唯加田無國正加田既賞之又加賜以田所以厚恩也鄭司農云正謂稅也祿田亦有給公家之賦貢若今時候國有司農少府錢穀矣獨加賞之田無正耳

馬質掌質馬馬量三物一曰戎馬二曰田馬三曰鷺馬皆有物賈此三馬賈以給官府之使無種也鄭司農曰皆有物賈皆有物色及賈直綱惡馬鄭

農云綱讀爲以亢其驪之亢書亦或爲亢亢御也禁也禁去惡馬不畜也玄謂綱以縻索維綱狎習之凡受馬於有司者書其齒毛與其賈馬死則旬之內更旬之外

入馬耳。以其物更其外否。鄭司農云。更謂償也。玄謂旬之內死者。償以齒毛與買受之日淺。養之惡也。旬之外死。入馬耳。償以毛色。不以齒買。任之過其任也。其外否者。旬之外。踰二十日而死。不任用。非用者罪。馬及行。

則以任齊其行。識其所載輕重及道里。齊其勞逸。乃復用之。若有馬訟。則聽之。訟謂賣買之言相負。禁原蠶者。原。再也。天文。辰為馬。蠶書。蠶為龍精。月直大。火則浴其種。是蠶與馬同氣。物莫能兩大。禁

再蠶者為傷馬與。

量人掌建國之濃。以分國為九州。營國城郭。營后宮。量市朝道巷門渠。造都邑。亦如之。建。立也。立國有舊法式。若匠人職云。分國。定天

下之國分也。后。君也。言君容王與諸侯。營軍之壘舍。量其市朝州涂。軍社之所里。軍壁曰壘。鄭司農云。量其市朝州涂。還市朝而為道也。玄謂州一州之衆。二千五百人為師。每師一處市也。朝也。州也。皆

有道以相之。軍社。社主在軍者。里。居也。邦國之地與天下之涂數。皆書而藏之。書地。謂方圓山川之廣狹。書涂。謂支湊之遠近。凡祭祀饗賓。制其從獻脯燔之

數量。鄭司農云。從獻者。肉穀從酒也。玄謂燔。從於獻酒之肉炙也。數。多少也。量。長短也。掌喪祭奠竊之俎實。竊。亦有俎實。謂所包遺奠。士喪禮下篇曰。藏苞胥於旁。凡宰祭。與鬱人受擘。歷

而皆飲之。言宰祭者。冢宰佐王祭。亦容攝祭。鄭司農云。擘。讀如嫁娶之嫁。擘。器名。明堂位曰。爵。夏后氏以琖。殷以斝。周以爵。玄謂擘。讀如緞尸之緞。宰。冢宰。

小子掌祭祀羞羊肆羊殽肉豆。鄭司農云。羞。進也。羊肆。體薦。全烝也。羊殽。體解。節折也。肉豆者。切肉也。玄謂肆。讀為鬻。羊鬻者。所謂豚解也。而掌珥于社稷。祈于五祀。故書配作

禮鄭司農云。禴讀爲祀。書亦或爲祀。珥社稷。以牲頭祭也。玄謂珥讀爲蚺。祈或爲劓。劓蚺者。豐禮之事也。用毛牲曰劓。羽牲曰蚺。蚺劓社稷五祀。謂始成其宮兆時也。春官肆師職。祈或作譏。秋官士師職曰。凡劓珥。則奉犬牲。此劓蚺正字與。

凡沈辜侯

禴。飾其牲。

鄭司農云。沈。謂祭川。爾雅曰。祭川曰浮。沈。辜。謂磔牲以祭也。月令曰。九門磔禴。以畢春氣。侯禴者。候四時惡氣禴去之也。

豐邦器及軍器。

邦器。謂禮樂之器及祭器之屬。雜記曰。凡宗廟之器。其名者成。則豐之以瓊豚。

凡師田。斬牲以左右徇陳。

示犯替必殺之。

祭祀。贊羞。受徹焉。

羊人掌羊牲。凡祭祀。飾羔。

羔。小羊也。詩曰。四之日其蚤。獻羔祭韭。

祭祀。割羊牲。登其首。

登。升也。升首。報陽也。升首于室。

凡祈珥。共其羊牲。共。猶賓客給也。

共其滂羊。法羊。煖饗積膳之羊。

凡沈辜侯禴。豐積。共其羊牲。

積。故書爲眡。鄭司農云。眡。讀爲漬。謂豐國寶。漬軍器也。玄謂積。積。禮祀。燔燔寶柴。

若牧人無牲。則受布于

司馬。使其賈買牲而共之。布。泉。

司燿。掌行火之政令。四時變國火以救時疾。

行。猶用也。變。猶易也。鄭司農說以鄒子曰。春取榆柳之火。夏取棗杏之火。季夏取桑柘之火。秋取柞櫨之火。冬取槐檀之火。

季春出火。

民咸從之。季秋內火。民亦如之。

火。所以用陶冶。民隨國而爲之。鄭人鑄刑書。火星未出而出火。後有災。鄭司農云。以三月本時昏。心星見于辰。上使民出火。九月本黃昏。心星伏在戌。上使民內火。故春秋傳曰。以出內火。

時則施火令。焚萊之時。

焚萊之時。

凡祭祀。則祭燿。

報其爲明之功。禮如祭饗。

凡國失火。野焚萊。則有刑罰焉。

野焚萊。民擅放火。

掌固。掌脩城郭溝池樹渠之固。頒其士庶子及其衆庶之守。樹謂枳棘之屬有刺者也。衆庶民。遞守固者也。鄭司農說樹以國語曰。城守之木於是乎用之。設其飾

器。兵甲之屬。今城郭門之器亦然。分其財用。均其稍食。財用。國以財所給守吏之用也。稍食。祿粟。任其萬民。用其材器。任。謂以其任使之也。民之材器。其所以任使之也。民之材器。其所以任使之也。凡守者

受瀆焉。以通守政。有移甲。與其役。財用唯是得通。與國有司帥之。以贊其不足者。凡守者。士庶子及他要害之守吏。通守政者。兵甲役財難

易多少。轉移相給也。其他非是。不得妄離部署。國有司。掌固也。其移之者。又與掌固帥致之。贊。佐也。晝三巡之。夜亦如之。巡。行也。行守者。爲衆庶之解惰。夜三鑿以號戒。杜子春云。讀鑿爲造次之造。謂擊鼓行夜戒守

也。春秋傳所謂賓將趣者。與。趣與造音相近。故曰終夕與燦。玄謂鑿。擊鑿警守鼓也。三巡之間。又三擊鑿。若造都邑。則治其固。與其守瀆。都邑亦爲城郭。凡國都之竟。有溝樹之固。

郊亦如之。竟。界也。民皆有職焉。職。謂守與任。若有山川。則因之。山川。若穀。阜。河。漢。

司險。掌九州之圖。以周知其山林川澤之阻。而達其道路。周。猶徧也。達。道路者。山林之阻。則開鑿之。川澤之阻。則橋梁之。設國之五溝五涂。而

樹之林。以爲阻固。皆有守禁。而達其道路。五溝。遂溝。洫。澮。川也。五涂。徑。畛。涂。道路也。樹之林。作藩落也。國有故。則藩塞阻路。而止行者。以其

屬守之。唯有節者達之。有故。喪災及兵也。閉絕要害之道。備姦寇也。

掌疆闕

候人各掌其方之道治與其禁令以設候人

道治治道也國語曰候不在竟譏不居其方也禁令備姦寇也。以設候人者選士卒以為之詩云彼候人兮何戈與祿

若有方治則

帥而致于朝及歸送之于竟

方治其方來治國事者也春秋傳曰晉欒盈過周王使候人出諸轅轅是其送之

環人掌致師

致師者致其必戰之志古者將戰先使勇力之士犯敵焉春秋傳曰楚許伯御樂伯攝叔為右以致晉師許伯曰吾聞致師者御靡旌摩壘而還樂伯曰吾聞致師者左射以蔽代御執轡御下捕馬掉鞅而還攝叔曰吾聞致師者右入壘

折馘執俘而還皆行其所聞而復之

察軍慝慝陰姦也視軍中

環四方之故卻其以事謀來侵伐者所謂折衝禦侮

巡邦國搏諜賊諜賊反問為國賊

訟敵國敵國兵來則往之與

訟曲直若齊國佐如師

揚軍旅為之威武以觀敵詩云惟師尙父時惟鷹揚

降圍邑圍邑欲降者受而降之春秋傳曰齊人降鄆

挈壺氏掌挈壺以令軍井挈轡以令舍挈舂以令糧

鄭司農云挈壺以令軍井謂為軍穿井井成挈壺縣其上令軍中士衆皆望見知此下有井壺所以盛飲故以壺表井挈轡以令舍亦縣

轡於所當舍止之處使軍望見知當舍止於此轡所以駕舍故以轡表舍挈舂以令糧亦縣舂于所當稟假之處令軍望見知當稟假于此下也舂所以盛糧之器故以舂表稟軍中人多車騎雜會譁囂號令不能相聞故各以其物為表省煩趨疾于事便也

凡軍

事縣壺以序聚櫟凡喪縣壺以代哭者皆以水火守之分以日夜

鄭司農云縣壺以為漏以序聚櫟以次更聚擊櫟備守也玄謂擊櫟兩木相敲行夜時也代亦更也

禮未大斂代哭以水守壺者爲沃漏也以火守壺者夜則視刻數也分以日夜者及冬則以火爨鼎水而沸之而沃之鄭司農云冬水

異晝夜漏也漏之箭晝夜共百刻冬夏之間有長短焉大史立成法有四十八箭凍漏不下故以火炊水沸以沃之謂沃漏也

射人掌國之三公孤卿大夫之位三公北面孤東面卿大夫西面其摯三公執璧孤執皮帛卿執羔大夫

鴈位將射始入見君之位不言士者此與諸侯之賓射士不與也燕禮曰公升即位于席西鄉小臣納卿大夫卿大夫皆入門右北面東上士立於西方東面北上大射亦云則凡朝燕及射臣見于君之禮同諸侯在朝則皆北面詔

相其灋謂諸侯來朝而未歸王與之射於朝者皆北面從三公位法其禮儀若有國事則掌其戒令詔相其事謂王有祭祀之事諸侯當助其薦獻者也戒令告以齊與期掌其治達謂諸侯因與王射及助祭而有所治受而達之於王王有命又受而下之

以射灋治射儀王以六耦射三侯三獲三容樂以騶虞九節五正諸侯以四耦射二侯二獲二容樂以狸首七節三正孤卿大夫以三耦射一侯一獲一容樂以采蘋五節二正士以三

耦射豻侯一獲一容樂以采蘋五節二正射法王射之禮治射儀謂肆之也鄭司農云三侯虎熊豹也容者乏也待獲者所蔽也九節析羽九重設於長杠也正所射也詩云終日射侯不出正兮二侯熊豹

也豻侯獸者獸名也獸有羆豻熊虎玄謂三侯者五正三正二正之侯也二侯者三正二正之侯也一侯者二正而已此皆與賓射於朝之禮也考工梓人職曰張五采之侯則遠國屬遠國謂諸侯來朝者也五采之侯即五正之侯也正之言正也射者內志正則能中焉畫

五正之侯。中朱。次白。次蒼。次黃。玄居外。三正損玄黃。二正去白蒼。而畫以朱綠。其外之廣。皆居侯中參分之一。中二尺。今儒家云。四尺曰正。二尺曰鵠。鵠乃用皮。其大如正。此說失之矣。大射禮。射干。讀如宜。射宜獄之。射。射胡犬也。士與士射。則以射皮飾侯。下大夫也。大夫以上與賓射。飾侯以雲氣。用采各如其正。九節七節五節者。奏樂以為射節之。差言節者。容侯道之數也。樂記曰。明乎其節之志。不失其事。則功成而德行立。若王大射。則以狸步張三侯。鄭司農云。狸步。謂一舉足為一步。於今為

半步。玄謂狸。善搏者也。行則止而擬度焉。其發必獲。是以量侯道法之也。侯道者。各以弓為度。九節者。九十弓。七節者。七十弓。五節者。五十弓。弓之下制。長六尺。大射禮曰。大侯九十。參七十。五十是也。三侯者。司裘所共。虎侯。熊侯。豹侯也。列國之君。大射亦張三侯。數與天子同。大侯。熊侯也。參讀為糝。糝。雜也。雜者。豹。鵠。而樂飾。下天子大夫。王射。則令去侯。立于後。以矢行告。卒。令取矢。鄭司農云。射人。主令人去侯所而立。于後也。以矢行告。射人。主以矢行高下左右告于王

也。大射禮曰。大射正。立于公後。以矢行告于公。下曰。留。上曰。揚。左右曰。方。杜子春說。以矢行告。告白射事于王。王則執矢也。杜子春說不與禮經合。疑非是也。卒。令取矢。謂射卒。射人。令當取矢者。使取矢也。玄謂。令去侯者。命負侯者去侯也。鄉射曰。司馬命獲者。執旌以負侯。祭侯。則為位。祭侯。獻服。不。服。不以祭侯為位。為服。不受獻之位也。大射曰。服不侯。西北三步。北面拜受爵。與大史數射中。射中。數射者。中侯之筭也。大射曰。司射適階西。佐

司馬治射正。射正。射之法儀也。祭祀。則贊射牲。相孤。卿大夫之濩儀。烝嘗之禮。有射豕者。國語曰。禘郊之事。天子必自射其牲。今立秋有獵劉云。會同。朝覲。作大

夫介。凡有爵者。作讀如作止爵之作。諸侯來至。王使公嚶有事焉。大師。令有爵者乘王之倅車。倅車。戎車之副。有大賓客。則作

卿大夫從。作者。選使從。王見諸侯。戒大史及大夫介。戒。戒其當行者。觀禮曰。諸公奉篋服。加命書于其上。升自西階。東面。大史。民右。大喪。與僕人遷尸。作卿大夫掌事。

比其廬不敬者，苛罰之。僕人，大僕也。僕人與射人俱掌王之朝位也。王崩，小斂大斂，遷尸于室堂。朝之象也。檀弓曰：扶君，卜人師扶右，射人扶左，君薨，以是舉。苛，謂詰問之。

服不氏，掌養猛獸而教擾之。猛獸，虎豹熊羆之屬。擾，馴也。教，習使之馴服。王者之教無不服。凡祭祀，共猛獸。謂中膳羞者。獸人冬獻，狼、春秋傳曰：熊蹯不執。賓客之事，則抗

皮。鄭司農云：謂賓客來朝聘，布皮帛者。服不氏主舉藏之。抗，讀為亢。其，離之亢。玄謂抗者，若聘禮曰：有司二人舉皮以東。射則贊張侯，以旌居乏而待獲。贊，佐也。大射禮曰：命量人巾車張三侯。杜子春云：待當為持。書

亦或為持，乏讀為匱，乏之乏，持獲者所蔽，玄謂待獲待射者中舉旌以獲。

射鳥氏，掌射鳥。鳥，謂中膳羞者。鳥，鷹鴞鵠之屬。祭祀，以弓矢毆鳥鳶，凡賓客會同，軍旅亦如之。鳥，鳶善鈔，盜便汗人。射則取矢，矢在侯高

則以并夾取之。鄭司農云：王射則射鳥氏，主取其矢，矢在侯高者，矢著侯高，人手不能及，則以并夾取之。并，夾。鍼，箭具。夾，讀為甲。故司弓矢職曰：大射燕射，共弓矢并夾。

羅氏，掌羅鳥鳥。鳥，謂卑居。鳥，謂卑居。鳥，謂卑居。鳥，謂卑居。蜡則作羅襦。作，猶用也。鄭司農云：蜡，謂十二月大祭萬物也。郊特牲曰：天子大蜡，謂歲十二月合聚萬物而索饗之。襦，細密之羅。襦，讀為縵。有衣縵之縵。玄謂蜡，建亥之月，此時火伏，蟄者畢矣。

豺既祭獸，可以羅罔，罔取禽也。王制曰：豺祭獸，然後中春，羅春鳥，獻鳩以養國老，行羽物。春鳥，蟄而始出者。若今南郡黃雀之屬，是時鷹化為鳩，鳩與春鳥變舊為

新，宜以養老，助生氣行，謂賦賜。

掌畜。掌養鳥而阜蕃教擾之。

阜猶盛也。蕃蕃息也。鳥之可養使盛大蕃息者謂鷩鷩之屬。

祭祀共卵鳥。

其卵可鷩之鳥。

歲時貢鳥物。

鷩鷹之屬以四時來。

共膳獻之。

鳥。雉及鷩鷩之屬。

周禮卷第八

夏官司馬下

司士掌羣臣之版以治其政令歲登下其損益之數辨其年歲與其貴賤周知邦國都家縣鄙之數卿大

夫士庶子之數

損益謂用功過黜陟者縣鄙鄉遂之屬故書版爲班鄭司農云班書或爲版版名籍

以詔王治

告王所當進退

以德詔爵以功詔祿以能詔事以久奠

食

德謂賢者食稍食也賢者既爵乃祿之能者事成乃食之王制曰司馬辨論官材論進士之賢者以告於王而定其論論定然後官之任官然後爵之位定然後祿之

唯賜無常

賜多少由王不

正朝儀之位辨

其貴賤之等王南鄉三公北面東上孤東面北上卿大夫西面北上王族故士虎士在路門之右南面東

上大僕大右大僕從者在路門之左南面西上

此王日視朝事於路門外之位王族故士故爲士晚退留宿衛者未嘗仕雖同族不得在王宮大右司右也大僕從者小臣祭僕御僕隸僕

司

士擯

詔王出揖公卿大夫以下朝者

孤卿特揖大夫以其等旅揖士旁三揖王還揖門左揖門右

特揖一一揖之旅衆也大夫爵同者衆揖之公及孤卿大夫始入門

右皆北面東上王揖之乃就位羣士及故士大僕之屬發在其位羣士位東面王西南鄉而揖之三揖者士有上中下王揖之皆遂遞既復位鄭司農云卿大夫士皆君之所揖禮春秋傳所謂三揖在下

大僕前

前正王視朝之位

王入內朝

皆退。

王入路門也。王入路門內朝朝者皆退。反其官府治處也。王之外朝則朝士掌焉。玉藻曰朝服以日視朝於內朝朝辨色始入。君日出而視之退適路寢聽政使人視大夫大夫退然後適小寢謂諸侯也。王日視朝皮弁服其禮則同。

掌國中

之士治。凡其戒令。

國中城中。

掌摯士者。膳其摯。

摯士告見初爲士者於王也。鄭司農云膳其摯者王食其所執羔鴈之摯。玄謂膳者入於王之膳人。

凡祭祀。掌士之戒令。詔相

其灋事。及賜爵。呼昭穆而進之。

賜爵神惠及下也。此所賜王之子姓兄弟祭統曰凡賜爵昭爲一穆爲一。昭與昭齒穆與穆齒凡羣有司皆以齒此之謂長幼有序。

帥其屬而割牲。羞俎

豆。割牲制體也。羞進也。

凡會同。作士從賓客。亦如之。

作士從謂可使從於王者。

作士適四方使爲介。

士使謂自以王命使也。介大夫之介也。春秋傳曰天王使石尙來歸賑。

作士掌事。

事謂奠斂之屬。

作六軍之士執披。

作謂使之也。披概車也。所以披持楯者有紐以結之謂之戴。鄭司農云披者扶持楯險者也。天子旁十二諸侯旁八大夫六士四。玄謂結披必當棺束於束繫紐。天子諸侯載柩三束。大夫士二束。喪大記曰君纁披六。大夫披四。前纁後玄。士二披。用纁人君禮文欲其數多。閭數兩旁言六耳。其實旁三。

凡士之有守者。令哭。無去守。

守官不可空也。

國有故。則致士而殞其

守。故非喪則兵災。

凡邦國三歲則稽士任而進退其爵祿。

任其所掌治。

諸子。掌國子之倅。掌其戒令與其教治。辨其等。正其位。

故書倅爲卒。鄭司農云卒讀如物有副倅之倅。國子謂諸侯卿大夫士之子也。燕義曰古者周天子之官有庶子官與周官諸子職。

同文。玄謂四民之業而士者亦世焉。國子者是公卿大夫士之副貳戒令致於天子之事。教治脩德學道也。位朝制。

國有大事。則帥國子而致於天子。唯所用之。若有兵甲之事。

則授之車甲。合其卒伍。置其有司。以軍灋治之。司馬弗正。軍法。百人爲卒。五人爲伍。弗不也。國子屬大子。司馬雖有軍事。不賦之。凡國正弗及。大祭

祀。正六牲之體。正謂牝。載之。凡樂事。正舞位。授舞器。位。份處。大喪。正羣子之服位。會同。賓客。作羣子從。從於王。凡國之

政事。國子存遊倅。使之脩德學道。春合諸學。秋合諸射。以攷其藝。而進退之。遊倅。倅之未仕者。學。大學也。射。射宮也。王制曰。春秋教以禮樂。冬夏教以

詩書。王大子。王子。羣后之。大子。卿大夫。元士之。適子。國之。俊選。皆造焉。

司右。掌羣右之政令。羣右。戎右。齊右。道右。凡軍旅。會同。合其車之卒伍。而比其乘。屬其右。合。比。屬。謂次第相安。習也。車亦有卒伍。凡國之勇

力之士。能用五兵者。屬焉。掌其政令。勇力之士。屬焉者。選右當於中。司馬法曰。弓矢。圖。戈矛守。戈戟助。凡五兵。長以衛。短以救長。

虎賁氏。掌先後王而趨以卒伍。王出將。虎賁士居前。後雖羣行。亦有局分。軍旅。會同。亦如之。舍。則守王閑。舍。王出所止。宿處。閑。柵。柱。王在國。則守王

宮。爲周衛。國有大故。則守王門。大喪。亦如之。非常之難。要在門。及葬。從遣車而哭。遣車。王之魂。魄所馮依。適四方使。則從士大夫。虎士從使。

若道路不通。有徵事。則奉書以使於四方。不通。逢兵寇。若泥水。奉書。徵師役也。春秋隱七年。冬。戎伐凡伯于楚丘。以歸。

旅賁氏掌執戈盾夾王車而趨左八人右八人車止則持輪夾王車者其下士也下士十有六人中士爲之帥焉凡祭祀會同賓客則服

而趨服而趨夾王車趨也會同賓客王亦齊服服衰冕則此士之齊服服玄端喪紀則衰葛執戈盾葛葛經武士尙輕軍旅則介而趨介被甲

節服氏掌祭祀朝覲袞冕六人維王之大常服袞冕者從王服也維維之以縷王旌十二流兩兩以纒纒連旁三人持之禮天子旌曳地鄭司農云維持之諸侯則四人其

服亦如之郊祀裘冕二人執戈送逆尸從車裘冕者亦從尸服也裘大裘也凡尸服卒者之上服從車從尸車送逆之往來春秋傳曰晉祀夏郊董伯爲尸

方相氏掌蒙熊皮黃金四目玄衣朱裳執戈揚盾帥百隸而時難以索室毆疫蒙冒也冒熊皮者以驚毆疫癘之鬼如今魃頭也時難四時作方相

氏以難卻凶惡也月令季冬命國難索度也大喪先匱葬使及墓入壙以戈擊四隅毆方良壙穿地中也方良罔兩也天子之梓柏黃腸爲裏而表以石焉國語曰木石之怪夔罔兩

大僕掌正王之服位出入王之大命服王舉動所當衣也位立處也出大命王之教也入大命羣臣所奏行掌諸侯之復逆鄭司農云復謂奏事也逆謂受下奏王砥朝

則前正位而退入亦如之前正位而退王王既立退居路門左待朝畢建路鼓于大寢之門外而掌其政大寢路寢也其門外則內朝之中如今宮殿端門下矣政鼓節與早

以待達窮者與遽令聞鼓聲則速逆御僕與御庶子鄭司農云窮謂窮寃失職則來擊此鼓以達於王若今時上變事擊鼓矣遽傳也若今時驛馬軍書當急聞者亦擊此鼓令聞此鼓

聲則速逆御僕與御庶子也。大僕主令此二官使速逆窮邊者。玄謂達窮者謂司寇之屬朝士。掌以肺石達窮民聽其辭以告於王。遽令郵驛上下程品御僕庶子直事鼓所者。大僕聞鼓聲則速逆此二官當受其事以聞。祭祀賓客喪紀正

王之服位。詔灋儀。贊王牲事。詔告也。牲事殺割七載之屬。王出入則自左馭而前驅。前驅如今道引也。道而居左自馭不參乘。辟王也。亦有車右焉。凡軍旅田役

贊王鼓。王通鼓。佐擊其餘面。救日月亦如之。日月食時春秋傳曰非日月之眚不鼓。大喪始崩戒鼓。傳達于四方。窆亦如之。戒鼓擊鼓以警衆也。故書戒為駭。鄭司農

云窆謂葬下棺也。春秋傳所謂日中而崩禮記謂之封皆葬下棺也。音相似窆讀如慶封汜祭之汜。縣喪首服之灋于宮門。首服之法謂免髮笄總廣狹長短之數。縣其書於宮門示四方。掌三公孤卿之弔

勞。王使往。王燕飲則相其灋。相左。王射則贊弓矢。贊謂授之受之。王眠燕朝則正位。掌擯相。燕朝朝於路寢之庭。王圖宗人之嘉事則燕朝。王不眠

朝則辭于三公及孤卿。辭謂以王不視朝之意告之。春秋傳曰公有疾不視朝。

小臣掌王之小命。詔相王之小灋儀。小命時事所勅問也。小法儀趨行拱揖之容。掌三公及孤卿之復逆。正王之燕服位。謂燕居時也。玉藻曰王卒

食玄端而居。王之燕出入則前驅。燕出入若今游於諸觀苑。大祭祀朝覲沃盥。小祭祀賓客饗食賓射。掌事如大僕之灋。賓射與諸

侯來朝者射。掌士大夫之弔勞。凡大事佐大僕。

祭僕。掌受命于王以貶祭祀。而警戒祭祀有司。糾百官之戒具。謂王有故不親祭也。祭祀有司有事於祭祀者。糾謂校錄所當共之牲物。既祭。帥羣有

司而反命。以王命勞之。誅其不敬者。大喪。復于小廟。小廟高祖以下也。始祖曰大廟。春秋僖八年秋七月禘于大廟。凡祭祀王之所不與。則賜

之禽。都家亦如之。鄭司農云。王之所不與。謂非郊廟尊祭祀。則王不與也。則賜之禽。公卿自祭其先祖。則賜之禽也。玄謂王所不與。同姓有先王之廟。凡祭祀致福者。展而受之。臣有祭車。必致祭肉於君。

所謂歸胙也。展。謂錄視其牲體數。體數者。大牢則以牛左肩。臂臠折。九個。少牢則以羊左肩。七個。特性則以豕左肩。五個。

御僕。掌羣吏之逆。及庶民之復。與其弔勞。羣吏。府史以下。大祭祀。相盥而登。相盥者。謂奉槃授巾與登。謂為王登牲體於俎。特性饋食禮。主人降盥出。舉入乃七載。大

喪。持翬。翬。棺飾也。持之者。夾靈車。掌王之燕令。燕居時之令。以序守路鼓。序更。

隸僕。掌五寢之埽。除糞洒之事。五寢。五廟之寢也。周天子七廟。唯祫無寢。詩云。寢廟繹繹。相連貌也。前曰廟。後曰寢。汜埽。曰埽。埽席前曰拊。洒灑也。鄭司農云。洒當為灑。玄謂論語曰。子夏之門人。當洒埽應對。祭祀。

脩寢。於廟祭。寢或有事焉。月令。凡新物。先薦寢廟。王行。洗乘石。鄭司農云。乘石。王所登上車之石也。詩云。有扁斯石。履之卑兮。謂上車所登之石。掌蹕宮中之事。宮中有事則蹕。鄭司農云。蹕。謂止行者。清道。若今時

大喪。復于小寢。大寢。小寢。高祖以下廟之寢也。始祖曰大寢。

蹕。謂止行者。清道。若今時

弁師。掌王之五冕。皆玄冕。朱裏。延紐。

冕服有六。而言五冕者。大裘之冕蓋無旒。不運數也。延。冕之覆在上。是以名焉。紐。小鼻在武上。笄所貫也。今時冠卷當簪者。廣裘以冠。繼其舊象與。

五采纁十

有二就。皆五采玉十有二。玉笄朱紘。

纁。雜文之名也。合五采絲爲之繩。垂於延之前後各十二。所謂遠延也。就。成也。繩之每一而貫五采玉十二。旒則十二玉也。每就間蓋一寸。朱紘。以朱組爲紘也。紘一條屬兩端。

於武。纁不言皆有不皆者。此爲衰衣之冕。十二旒。則用玉二百八十八。鷩衣之冕。纁九旒。用玉二百一十六。毳衣之冕。七旒。用玉百六十八。希衣之冕。五旒。用玉百二十。玄衣之冕。三旒。用玉七十二。

諸侯之纁旒九就。璫玉三采。

其餘如王之事。纁旒皆就。玉璫玉笄。

侯當爲公。字之誤也。三采。朱白蒼也。其餘。謂延紐皆玄覆朱裏。與王同也。出此則異。纁旒皆就。皆三采也。每纁九成。則九旒也。公之冕。用玉百六十二。玉璫。塞耳者。故書璫作璫。鄭

司農云。纁當爲藻。纁。古字也。藻。今字也。同物同音。璫。惡玉名。

王之皮弁。會五采玉璫。象邸玉笄。

故書會作輪。鄭司農云。讀如馬會之會。謂以五采束髮也。士喪禮曰。檜用組。乃笄。檜讀與輪同。書之異耳。說曰。以組束髮。

乃著笄。謂之檜。沛國人謂反紒爲輪。璫讀如綦車轂之綦。玄謂會讀如大會之會。會。縫中也。璫讀如薄借綦之綦。綦。結也。皮弁之縫中。每貫結五采玉十二。以爲飾。謂之綦。詩云。會弁如星。又曰。其弁伊綦。是也。邸。下柅也。以象骨爲之。

王之弁經。弁而

加環經。

弁經。王弔所服也。其弁如爵弁而素。所謂素冠也。而加環經。環經者。大如總之麻。經纁而不糾。司服職曰。凡弔事。弁經服。

諸侯及孤卿大夫之冕。韋弁。皮弁。弁經。各以其等

爲之。而掌其禁令。

各以其等。纁旒玉璫如其命數也。冕。則侯伯纁七就。用玉九十八。子男纁五就。用玉五十。纁玉皆三采。孤纁四就。用玉三十二。三命之卿纁三就。用玉十八。再命之大夫藻。再就。用玉八。藻玉皆朱綠。韋弁皮弁。則侯伯璫飾七子。

男璫飾五。玉亦三采。孤則璫飾四。三命之卿璫飾三。再命之大夫璫飾二。玉亦二采。弁經之弁。其辟積如冕纁之就然。庶人弔者。素委貌。一命之大夫冕而無旒。士變冕爲爵弁。其韋弁皮弁之會。無結飾。弁經之弁。不辟積。禁令者。不得相僭踰也。玉藻曰。君未有命。不敢即乘。

服。不言冠弁。冠弁兼於章弁皮弁矣。不言服弁。服弁自天子以下無飾無等。

司甲闕。

司兵掌五兵五盾。各辨其物與其等。以待軍事。

五盾。干櫓之屬。其名未盡聞也。等。謂功沽上下。鄭司農云。五兵者。戈。殳。戟。酋。矛。夷。矛。

及授兵。從司馬之灋。以

頒之。及其受兵輸。亦如之。及其用兵。亦如之。

從司馬之法。令師旅卒兩人數所用多少也。兵輸。謂師還有司還兵也。用兵。謂出給衛守。

祭祀。授舞者兵。授以朱干。玉戚之屬。

喪。獻五兵。

故書獻為淫。鄭司農云。淫。陳也。淫。讀為獻。玄。謂獻。與也。興作明器之役器五兵也。士喪禮下篇有甲冑十筭。

軍事。建車之五兵。會同。亦如之。

車之五兵。鄭司農所云者是也。步卒之五兵。則無喪。

矛而有弓矢。

司戈盾。掌戈盾之物而頒之。

分與受用。

祭祀。授旅賁。故士戈盾。授舞者兵。亦如之。

亦頒之也。故士。王族故士也。與旅賁當事。則衛王也。戈。如杖。長尋有

四。軍旅會同。授貳車戈盾。建乘車之戈盾。授旅賁及虎士戈盾。

乘車。王所乘車也。軍旅則革路。會同則金路。

及舍。設藩盾。行則斂之。

舍。止也。藩盾。盾可以藩衛者。如今之扶蘇與。

司弓矢。掌六弓四弩八矢之灋。辨其名物。而掌其守藏與其出入。法曲直長短之數。中春。獻弓弩。中秋。獻矢箠。弓弩成於

和矢箠成於聖箠。盛矢器也。以獸皮爲之。

及其頒之。王弓、弧弓。以授射甲革楛質者。夾弓、庾弓。以授射犴侯鳥獸者。唐弓、大弓。以

授學射者。使者、勞者。

王、弧、夾、庾、唐、大六者。弓異體之名也。往體寡來體多。曰王、弧。往體多來體寡。曰夾、庾。往體來體若一。曰唐、大。甲革、甲也。春秋傳曰。躡甲而射之。質正也。樹楛以爲射正。射甲與楛。試弓習武也。犴侯五十步。及射鳥獸。

皆近射也。近射用弱弓。則射大侯者用王、弧。射參侯者用唐、大矣。學射者弓用中。後習強弱則易也。使者勞者弓亦用中。遠近可也。勞者勤勞王事。若晉文侯。文公受王弓、矢之賜者。故書楛爲報。鄭司農云。楛字或爲報。非是也。圉師職曰。射則充楛質。又此司弓矢職曰。澤共

射楛質之弓。矢。言射楛質自有弓。謂王、弧弓也。以此觀之。言報質者非。

其矢箠皆從其弓。從弓數也。每弓者一箠百矢。

凡弩。夾、庾、利、攻、守。唐、大、利、車、戰、野、戰。攻城壘者與其自守者相

迫近。弱弩發矢也。車戰野戰。進退非強則不及。弩無王、弧。王、弧恆服弦。往體少者使矢不疾。

凡矢。枉矢、絜矢、利火射。用諸守城車戰。殺矢、鏃矢。用諸近射田獵。矰

矢、蒺矢。用諸弋射。恒矢、庠矢。用諸散射。

此八矢者。弓弩各有四焉。枉矢。殺矢。矰矢。恒矢。弓所用也。絜矢。鏃矢。蒺矢。庠矢。弩所用也。枉矢者。取名變星。飛行有光。今之飛矛是也。或謂之兵矢。絜矢。象焉。二者皆可

結火以射敵。守城車戰。前於重。後微輕。行疾也。殺矢。言中則死。鏃。象焉。鏃之言。候也。二者皆可以司候。射敵之近者及禽獸。前尤重。中深而不可遠也。結繳於矢。謂之矰。矰高也。蒺。象焉。蒺之言。刺也。二者皆可以弋飛鳥。剌羅之也。前於重。又微輕。行不低也。詩云。弋鳧與鷹。恒矢。安居之矢也。庠。象焉。二者皆可以散射也。謂禮射及習射也。前後訂。其行平也。凡矢之制。枉矢之屬。五分二在前。三在後。殺矢之屬。參分一在前。二在後。矰矢之屬。七分三在前。四在後。恒矢之屬。軒輶中。所謂志也。鄭司農云。庠。象焉。人罷短之罷。玄。謂庠。讀如瘳。

病之痺痺。天子之弓，合九而成規。諸侯合七而成規。大夫合五而成規。士合三而成規。句者謂之弊弓。體往來之言倫比。

衰也。往體寬，來體多，則合多。往體多，來體寬，則合少。而圍擊猶惡也。句者惡，則直者善矣。凡祭祀，共射牲之弓矢。射牲示親殺也。殺牲非尊者所親，唯射爲可。國語曰：禘郊之事，天子必自射其牲。澤，共射楛實。

之弓矢。鄭司農云：澤，澤宮也。所以習射，選士之處也。射義曰：天子將祭，必先習射於澤。澤者，所以擇士也。已射於澤，而后射於射宮。射中者得與於祭。大射，燕射。共弓矢如數，并夾。如數，如當射者之數也。每人一弓乘

矢，并夾。大喪，共明弓矢。弓矢，明器之用器也。士喪禮下篇曰：用器弓矢。凡師役，會同，頒弓弩，各以其物從。授兵甲之儀。物，弓弩矢箠之屬。田弋，充

範，箠也。共矰矢。籬，竹箠也。矰矢不在箠者，爲其相繞亂，將用乃共之。凡亡矢者，弗用，則更。更，償也。用而棄之，則不償。

繕人，掌王之用弓、矰矢、箠、矰、弋、抉、拾。鄭司農云：抉者，所以縱弦也。拾者，所以引弦也。詩云：抉拾既次。詩家說：或謂抉，謂引弦，彌也。拾，謂繕杆也。玄謂抉，挾矢時所以持弦飾也。著右手巨指，士喪禮曰：抉用正王棘若樺

棘，則天子用象骨與。繕，拊著左臂裏，以韋爲之。掌詔王射。告王當射之節。贊王弓矢之事。授之受之。凡乘車，充其籠箠，載其弓弩。充，籠箠者以矢。既射，則斂之。斂，藏

之也。詩云：彤弓，無會計，亡敗多。昭兮，受言藏之。少不計。

寡人，掌受財于職金，以齎其工。齎，其工者，給市財用之直。弓六物，爲三等。弩四物，亦如之。三等者，上中下。人各有所宜。弓人職曰：弓長六尺六寸，謂之上制。上士服之，弓

長六尺三寸。謂之中制。中士服之。弓長六尺。謂之下制。下士服之。弩及矢。箠長短之制未聞。

矢八物。皆三等。箠亦如之。春獻素。秋獻成。

矢箠春作秋成。

書其等以饗工。鄭司農云。

書工功拙高下之等。以制其饗食也。玄謂饗酒者勞之也。上工作上等。其饗厚。下工作下等。其饗薄。

乘其事。試其弓弩。以下上其食而誅賞。

鄭司農云。乘。計也。計其事之成功也。故書試為考。玄謂考之而善。則

上其食。尤善。又賞之。否者反此。

乃入功于司弓矢及繕人。功成。

凡齎財與其出入。皆在藁人。以待會而致之。亡者闕之。

皆在藁人者。所齎工

之財及弓弩矢箠出入。其簿書藁人藏之。闕猶除也。弓弩矢箠棄亡者。除之。計今見在者。

戎右。掌戎車之兵革使。

使。謂王使以兵有所誅斬也。春秋傳曰。戰於穀。晉梁弘御戎。萊駒為右。戰之明日。襄公縛秦囚。使萊駒以戈斬之。

詔贊王鼓。

既告王當鼓之節。又助擊之。

傳王命于陳

中。為王。大言之也。

會同。充革車。

會同。王雖乘金路。猶以革路從行也。充之者。謂居左也。曲禮曰。乘君之乘車。不敢曠左。

盟。則以玉敦辟盟。遂役之。

鄭司農云。敦。器名也。辟。法也。玄謂將飲血者。先執其器。為

衆陳其載辭。使心皆開辟也。役之者。傳敦血授當飲者。

贊牛耳。桃茢。

鄭司農云。贊牛耳。春秋傳所謂執牛耳者。故書茢為滅。杜子春云。滅當為厲。玄謂尸盟者。割牛耳取血。助為之。及血在敦中。以桃茢拂之。又助之也。耳者。盛以珠盤。尸盟者。執之。桃

鬼所畏也。茢。苦蒂。所以掃不祥。

齊右。掌祭祀。會同。賓客。前齊車。王乘則持馬。行則陪乘。

齊車。金路。王自整齊之車也。前之者。已駕王未乘之時。陪乘。參乘。謂車右也。齊右與齊僕同車。而有祭祀之事。則兼玉路之右。

然則戎右兼田右與凡有牲事則前馬王見牲則拱而式居馬前卻行備寫奔也曲禮曰國君下宗廟式齊牛

道右掌前道車王出入則持馬陪乘如齊車之儀道車象路也王行道德之車自車上諭命于從車自詔王之車儀顯式王

式則下前馬王下則以蓋從以蓋從表尊

大馭掌馭玉路以祀及犯軼王自左馭馭下祀登受轡犯軼遂驅之行山曰軼犯之者封土為山象以菩芻棘柏為神主既祭之以車轢之而去喻無險難也春秋及祭酌僕

傳曰跋涉山川自由也王由左馭禁制馬使不行也故書軼作罰杜子春云罰當為軼軼讀為別異之別謂祖道轢軼磔犬也詩云載謀載惟取蕭祭脂取抵以軼詩家說曰將出祖道犯軼之祭也聘禮曰乃舍軼飲酒于其側禮家說亦謂道祭

僕左執轡右祭兩軹祭軹乃飲故書軹為軹軹為範杜子春云文當如此左不當重重非是書亦或如子春言又云軹當作軹軹謂兩軹也其或言軼亦非是又云軹當為軹軹謂車軹前也或讀軹為簪筭之筭凡馭

路行以肆夏趨以采齊凡馭路謂五路也肆夏采齊樂章也行謂大寢至路門趨謂路門至應門凡馭路儀以鸞和為節舒疾之法也鸞在衡和在軾皆以金為鈴

戎僕掌馭戎車戎車革路也師出王乘以自將掌王倅車之政正其服倅副也服謂衆乘戎車者之衣服犯軼如玉路之儀凡巡守及兵車之會

亦如之如在掌凡戎車之儀凡戎車衆之兵車也書序曰武王戎車三百兩

齊僕掌馭金路以賓。

以待賓客

朝覲宗遇饗食皆乘金路其灋儀各以其等為車送逆之節。

節謂王乘車迎賓客及送相去遠近之數上公

九十步侯伯七十步子男五十步司儀職曰車逆拜辱又曰及出車送。

道僕掌馭象路以朝夕燕出入其灋儀如齊車。掌貳車之政令。

朝夕朝朝莫夕

貳副

田僕掌馭田路以田以鄙。

田路木路也田田獵也鄙循行縣鄙

掌佐車之政。設驅逆之車。

佐亦副

驅驅禽使前趨獲逆衙還之使不出圍

令獲者植旌。

以告獲也

植樹及獻。比禽。

田弊獲者各獻其禽比種物相從次數之

凡田王提馬而走諸侯晉大夫馳。

提猶舉也晉猶抑也使人扣而舉之抑之皆止奔也馳放不扣

馭夫掌馭貳車從車使車。

貳車象路之副也從車戎路田路之副也使車驅逆之車

分公馬而駕治之。

乘調六種之馬

校人掌王馬之政。

政謂差擇養乘之數也月令曰班馬政

辨六馬之屬種馬一物戎馬一物齊馬一物道馬一物田馬一物鷩

馬一物。

種謂上善似母者以次差之玉路駕種馬戎路駕戎馬金路駕齊馬象路駕道馬田路駕田馬鷩馬給宮中之役

凡頒良馬而養乘之乘馬一師四圉三乘為阜阜一

趣馬三阜為繫繫一馭夫六繫為廐廐一僕夫六廐成校校有左右鷩馬三良馬之數麗馬一圉八麗一

師八師一趣馬八趣馬一馭夫

良善也善馬五路之馬鄭司農云四匹為乘養馬為圉故春秋傳曰馬有圉牛有牧玄謂二耦為乘師趣馬馭夫僕夫帥之名也趣馬下士御夫中士則僕夫上士也自乘至廐其數二百一

十六匹易乾為馬此應乾之策也至校變為言成者明六馬各一廐而王馬小備也校有左右則良馬一種者四百三十二匹五種合二千一百六十四匹駕馬三之則為千二百九十六匹五良一駕凡三千四百五十六匹然後王馬大備詩云駉牝三千此謂王馬之大數與麗耦也駕馬自圉至馭夫凡馬千二十四匹與三良馬之數不相應八皆宜為六字之誤也師十二匹趣馬七十二匹則馭夫四百三十二匹矣然後而三之既三之無僕夫者不駕於五路卑之也天子十有二閑馬六種邦國

六閑馬四種家四閑馬二種

降殺之差每廐為一閑諸侯有齊馬道馬田馬大夫有田馬各一閑其駕馬則皆分為三焉

凡馬特居四之一

欲其乘之性相似也物同氣則心一鄭司農云四之

一者三牝一牡春祭馬祖執駒

馬祖天駒也孝經說曰房為龍馬鄭司農云執駒無令近母猶攻駒也二歲曰駒三歲曰駉玄謂執駒猶拘也春通淫之時駒弱血氣未定為其乘匹傷之

夏祭先牧頒馬攻特先牧

始養馬者其人未聞夏通淫之後攻其特為其蹄齧不可乘用鄭司農云攻特謂驟之

秋祭馬社臧僕

馬社始乘馬者世本作曰相土作乘馬鄭司農云臧僕謂簡練馭者令皆善也玄謂僕馭五路之僕

冬祭馬步獻馬

講馭夫馬步神為災害馬者獻馬見成馬於王也馭夫馭貳車從車使車者講猶簡習

凡大祭祀朝覲會同毛馬而頒之

毛馬齊其色也頒授當乘之

飾幣馬執扑而從

之鄭司農云校人主飾之也幣馬以馬遣人當幣處者也聘禮曰馬則北面奠幣于其前士喪禮下篇曰薦馬纓三就入門北面交轡圉人夾牽之馭者執策立于馬後

凡賓客受其幣馬賓客之幣馬來朝聘而享王者

大喪飾

遣車之馬及葬埋之言埋之則是馬塗車之芻靈

田獵則帥驅逆之車帥猶將也

凡將事于四海山川則飾黃駒四海猶四方也王巡守過大山川則

有殺駒以祈沈疴與玉人職凡國之使者共其幣馬使者所用私覲凡軍事物馬而頒之物馬齊其力等馭夫之祿馭夫於趨馬僕夫爲中舉中見

上宮中之稍食師圍府史以下也鄭司農云稍食曰稟

趣馬掌贊正良馬而齊其飲食簡其六節贊佐也佐正者謂校人城僕講馭夫之時簡差也節猶量也差擇王馬以爲六等掌駕說之頒用馬之第次辨四時之

居治以聽馭夫居謂牧廐所處治謂執駒攻特之屬

巫馬掌養疾馬而乘治之相醫而藥攻馬疾受財于校人乘謂驅步以發其疾知所疾處乃治之相助也馬死則使其賈粥之入其布

于校人布泉也鄭司農云賈謂其屬官小吏賈二人粥賣也

牧師掌牧地皆有厲禁而頒之頒馬授圍者所牧處孟春焚牧焚牧地以除陳生新草中春通淫中春陰陽交萬物生之時可以合馬之牝牡也月令季春乃合累牛騰馬遊牝于牧秦時

書也秦地寒涼萬物後動掌其政令凡田事贊焚菜焚菜者山澤之處

廋人掌十有二閑之政教以阜馬佚特教駢攻駒及祭馬祖祭閑之先牧及執駒散馬耳圉馬九者皆有政教焉阜盛壯

也。詩云：四牡孔阜。杜子春云：伏當為逸。鄭司農云：馬三歲曰騊，二歲曰駒。散讀為中散大夫之散。謂駟馬耳。毋令善驚也。玄謂逸者，用之
 不使甚勞，安其血氣也。教駟始乘習之也。攻駒，驟其蹄驚者，閑之先牧。先牧制閑者，散馬耳。以竹括押其耳，頭動搖，則括中物，後遂單習
 不復驚。正校人員選。校人謂師圍也。正員選者，選擇可備員者平之。馬八尺以上為龍，七尺以上為騊，六尺以上為馬。大小異名，爾雅曰：騊，牝
 騊。牡，玄駒。騊，騊。鄭司農

說以月令
 曰：駕蒼龍。

圉師掌教圉人養馬。春除蓐，夏廋，始牧。夏庠馬，冬獻馬。射則充楛質，茨牆則翦鬣。

騊，馬茲也。馬既出而除之，新
 豐焉，神之也。春秋傳曰：凡馬

日中而出，日中而入。故書房為訝。鄭司農云：當為庠。玄謂庠，廡也。廡所以庇馬涼也。充，猶居也。
 茨，蓋也。鬣，苦也。楛質，翦鬣。圉人所習也。杜子春讀楛為齊人言鈇楛之楛。楛質，所射者習射處。

圉人掌養馬芻牧之事，以役圉師。

役者圉師
 使令焉。

凡賓客喪紀，牽馬而入陳。

賓客之馬，王所以賜之者。詩云：雖無子
 之路車，乘馬喪紀之馬，啓後所薦馬。

厥馬。

亦如之。厥馬，遣車之馬。人
 捧之，亦牽而入陳。

職方氏掌天下之圖，以掌天下之地，辨其邦國都鄙四夷八蠻七閩九貉五戎六狄之人民，與其財用九

穀六畜之數要，周知其利害。

天下之圖，如今司空輿地圖也。鄭司農云：東方曰夷，南方曰蠻，西方曰狄，北方曰貉。狄，玄謂閩，蠻之
 別也。國語曰：閩，羊蠻矣。四八七九五六，周之所服國數也。財用，泉穀貨賄也。利，金錫竹箭之屬。害，神

森鐘鼎所象百物也。爾雅曰：九夷八蠻六戎五狄謂之四海。乃辨九州之國，使同貫利。貫，事也。東南曰揚州，其山鎮曰會稽，其澤藪曰具區，其川

三江，其浸五湖，其利金錫竹箭，其民二男五女，其畜宜鳥獸，其穀宜稻。鎮名山安地德者也。會稽在山陰，大澤曰藪，具區五湖在吳南，浸可以為陂，灌漑者錫鐵

也。箭，篠也。鳥獸，孔雀鸞鷓鴣犀象之屬。故書箭為晉，杜子春曰：晉當為箭，書亦或為箭。正南曰荊州，其山鎮曰衡山，其澤藪曰雲薈，其川江漢，其浸潁漢，其利

丹銀齒革，其民一男二女，其畜宜鳥獸，其穀宜稻。衡山在湘南，雲薈在華容，潁出陽城，宜屬豫州，在此非也。潁未聞，齒象齒也。革，犀兕革也。杜子春云：潁讀當為人名潁之潁，潁或為淮。河

南曰豫州，其山鎮曰華山，其澤藪曰圃田，其川滎雒，其浸波澆，其利林漆絲枲，其民二男三女，其畜宜六

擾，其穀宜五種。華山在華陰，圃田在中牟，滎，兗水也。出東垣，入于河，洪為滎。滎在滎陽，波讀為播，禹貢曰：滎播既都。春秋傳曰：楚子除道梁澆，營軍臨隨，則澆宜屬荊州，在此非也。林，竹木也。六擾，馬牛羊豕犬雞五種。黍稷，穀麥稻。正東

曰青州，其山鎮曰沂山，其澤藪曰望諸，其川淮泗，其浸沂沭，其利蒲魚，其民二男二女，其畜宜雞狗，其穀

宜稻麥。沂山，沂水所出也。在蓋，望諸，明都也。在睢陽，沭出東莞，二男二女數等似誤也。蓋當與兗州同。二男三女，鄭司農云：淮或為睢，沭或為涑。河東曰兗州，其山鎮曰岱山，其澤藪曰大野，

其川河洧，其浸盧維，其利蒲魚，其民二男三女，其畜宜六擾，其穀宜四種。岱山在博，大野在鉅野，盧維當為雷雍，字之誤也。禹貢曰：雷夏既澤，淮沮會同。

雷夏在城陽四種黍稷稻麥

正西曰雍州其山鎮曰嶽山其澤藪曰弦蒲其川涇汭其浸渭洛其利玉石其民三男二女

其畜宜牛馬其穀宜黍稷嶽嶽也及弦蒲在汧涇出涇陽汭在關地詩大雅公劉曰汭坻之卽洛出懷德鄭司農云弦或爲汧蒲或爲浦

東北曰幽州其山鎮曰醫無閭其

澤藪曰獫狁其川河洑其浸菑時其利魚鹽其民一男三女其畜宜四擾其穀宜三種

醫無閭在遼東獫狁在長廣菑出萊蕪時出般

陽四擾馬牛羊豕三種黍稷稻杜子春讀獫爲奚

河內曰冀州其山鎮曰霍山其澤藪曰楊紆其川漳其浸汾潞其利松柏其民五男

三女其畜宜牛羊其穀宜黍稷

霍山在瑯楊紆所在未聞漳出長子汾出汾陽路出歸德

正北曰并州其山鎮曰恒山其澤藪曰昭餘祁其

川庠池嘔夷其浸涑易其利布帛其民二男三女其畜宜五擾其穀宜五種

恆山在上曲陽昭餘祁在鄆庠池在鹵城嘔夷祁夷與出平舒涑出廣昌

易出故安五擾馬牛羊犬豕五種黍稷藪麥稻也凡九州及山鎮澤藪言曰者以其非一曰其大者耳此州界楊荆豫兗雍冀與禹貢略同青州則徐州地也幽并則青冀之北也無徐梁

乃辨九服之邦國方千里曰王

畿其外方五百里曰侯服又其外方五百里曰甸服又其外方五百里曰男服又其外方五百里曰采服

又其外方五百里曰衛服又其外方五百里曰蠻服又其外方五百里曰夷服又其外方五百里曰鎮服

又其外方五百里曰藩服。服，服事天子也。詩云：侯服于周。凡邦國千里，封公以方五百里，則四公；方四百里，則六侯；方三百

里，則七伯；方二百里，則二十五子；方百里，則百男，以周知天下。以此率徧知四海九州邦國多少之數也。方千里者為方百里者百，以方三百里之積以九約之，得十一

有奇。云七伯者，字之誤也。周九州之界方七千里，七七四十九，方千里者四十九，其一為畿內，餘四十八，九州各有方千里者六，周公鑿殷湯之制，雖小國地皆方百里，是每事言則者設法也。設法者，以待有功而大其封。一州之中，以其千里封公，則可四，又以其千里封侯，則可六，又以其千里封伯，則可十一，又以其千里封子，則可二十五，又以其千里封男，則可百。公侯伯子男，亦不是過也。州二百一十國，以男備其數焉。其餘以為附庸、四海之封、黜陟之功，亦如之。雖有大國，爵稱子而已。鄭司農云：此制亦見大司徒職曰：諸公之地，方五百里，諸侯之地，方四百里，諸伯之地，方三百里，諸子之地，方二百里，諸男之地，方百里。凡邦國小大相維，大國比小國，小國事大國，各有屬，相維連也。王設其牧，選諸侯之賢者為牧，使牧理之。制其職，各以

其所能，牧，監參伍之屬。用能所任秩次。制其貢，各以其所有，國之地物所有。王將巡守，則戒于四方曰：各脩平乃守，攷乃職事，無敢不

敬戒。國有大刑，乃猶女也。守，謂國竟之內職事所當共具。及王之所行，先道，帥其屬而巡戒令，先道，先由王所從道居。前行其前日所戒之令。王殷國，亦如之。殷，猶

衆也。十二歲王若不巡守，則六服盡朝。謂之殷國。其戒四方諸侯與巡守同。

土方氏，掌土圭之法，以致日景，致日景者，夏至景尺有五寸，冬至景丈三尺，其間則日有長短。以土地相宅而建邦國都鄙，土地，猶度地。知東西南北之深而相其可居者，宅居

也。以辨土宜土化之濃而授任地者。土宜謂九穀種穰所宜也。土化地之輕重。糞種所宜用也。任地者。載師之屬。王巡守則樹王舍。藩羅。

懷方氏。掌來遠方之民。致方貢。致遠物而送逆之。達之以節。遠方之民。四夷之民也。諭德延譽以來之。遠物。九州之外無貢法而至者。達民以旌節。達貢物以饗節。治

其委積。館舍飲食。續食其往來。

合方氏。掌達天下之道路。津梁相湊。不得陷絕。通其財利。茂遷其有無。同其數器。權衡不得有輕重。壹其度量。尺丈金鍾不得有大小。除其怨惡。怨惡。邦國

相侵。慮。同其好善。所好所善。謂風俗所高尚。

訓方氏。掌道四方之政事。與其上下之志。道。猶言也。為王說之。四方。諸侯也。上下。君臣也。誦四方之傳道。傳道。世世所傳說往古之事也。為王誦之。若今論聖德堯舜之道矣。故書

傳為傳。杜子春云。傳。當作傳書。亦或為傳。正歲則布而訓四方。布告以教天下。使知世所善惡。而觀新物。四時於新物出。則觀之。以知民志所好惡。志淫行辟。則當以政教化正之。

形方氏。掌制邦國之地域。而正其封疆。無有華離之地。杜子春云。離當為雜。書亦或為雜。玄謂華讀為瓜。疇之瓜。正之使不瓜。邪離絕。使小國事大國。大

國比小國。比。猶親也。易比象曰。先王以建萬國。親諸侯。

山師掌山林之名辨其物與其利害而頒之于邦國使致其珍異之物

山林之名與物若岱賦絲枲嶧陽孤桐矣利其中人用者害毒物及螻蟻之蟲獸

川師掌川澤之名辨其物與其利害而頒之于邦國使致其珍異之物

川澤之名與物若泗濱浮磬淮夷蠙珠暨魚澤之萑蒲

邊師掌四方之地名辨其丘陵墳衍遼隰之名

地名謂東原大陸之屬

物之可以封邑者

物之謂相其土地可以居民立邑

匡人掌達灋則匡邦國而觀其慝使無敢反側以聽王命

法則八法八則也邦國之官府都鄙亦用焉慝姦偽之惡也反側猶背灋度也書曰無反側王道正直

擇人掌誦王志道國之政事以巡天下之邦國而語之

道猶言也以王之志與政事諭說諸侯使不迷惑

使萬民和說而正王面

面猶鄉也使民

之心曉而

正鄉王

都司馬掌都之士庶子及其衆庶車馬兵甲之戒令

庶子卿大夫士之子車馬兵甲備軍發卒

以國灋掌其政學

政謂賦稅也學脩德學道

司馬聽者受行其所徵爲也國

司馬大司馬之屬皆是

家司馬亦如之

大夫家臣爲司馬者春秋傳曰叔孫氏之司馬鬷戾

周禮卷第九

秋官司寇第五

惟王建國辨方正位體國經野設官分職以爲民極乃立秋官司寇使帥其屬而掌邦禁以佐王刑邦國

禁所以防姦者也刑正人之法孝經說曰刑者側也過出罪施

刑官之屬大司寇卿一人小司寇中大夫二人士師下大夫四人鄉士上十八

人中士十有六人旅下士三十有二人

士察也主察獄訟之事者鄭司農說以論語曰柳下惠爲士師鄉士主六鄉之獄

府六人史十有二人胥十有二

人徒百有二十人

遂士中士十有二人府六人史十有二人胥十有二人徒百有二十人

遂士主六遂之獄者

縣士中士三十有二人府八人史十有六人胥十有六人徒百有六十人

距王城三百里至四百里曰縣縣士主縣之獄者

方士中士十有六人府八人史十有六人胥十有六人徒百有六十人

方士主四方部家之獄者

訝士中士八人。府四人。史八人。胥八人。徒八十人。訝迎也。士官之迎四方賓客。

朝士中士六人。府三人。史六人。胥六人。徒六十人。朝士主外朝之法。

司民中士六人。府三人。史六人。胥三人。徒三十人。司民主民數。

司刑中士二人。府一人。史二人。胥二人。徒二十人。

司刺下士二人。府一人。史二人。徒四人。刺殺也。三訊罪定則殺之。

司約下士二人。府一人。史二人。徒四人。約言語之約束。

司盟下士二人。府一人。史二人。徒四人。盟以約辭告神。殺牲歃血。明著其信也。曲禮曰。涖牲曰盟。

職金上士二人。下士四人。府二人。史四人。胥八人。徒八十人。職主也。

司厲下士二人。史一人。徒十有二人。犯政爲惡曰厲。厲士主盜賊之兵器及其奴者。

犬人。下士二人。府一人。史二人。賈四人。徒十有六人。

司圜。中士六人。下士十有二人。府三人。史六人。胥十有六人。徒百有六十人。

鄭司農云。圜。謂圜土也。圜土。謂獄城也。今獄城。圜司圜職。中言凡圜土之

刑人也。以此知圜。謂圜土也。又大司寇職曰。以圜土聚教罷民。故司圜職曰。掌收教罷民。

掌囚。下士十有二人。府六人。史十有二人。徒百有二十人。囚。拘也。主拘繫當刑殺之者。

掌戮。下士二人。史一人。徒十有二人。戮。猶辱也。既斬殺。又辱之。

司隸。中士二人。下士十有二人。府五人。史十人。胥二十人。徒二百人。隸。給勞辱之役者。漢始置司隸。亦使將徒治道溝渠之役。後稍尊之。使主官府及近郡。

罪隸。百有二十人。盜賊之家為奴者。

蠻隸。百有二十人。征南夷所獲。

閩隸。百有二十人。閩南蠻之別。

夷隸百有二十人。征東夷所獲。

貉隸百有二十人。征東北夷所獲。凡隸衆矣。此其選以爲役員。其餘謂之隸民。

布憲中士二人。下士四人。府二人。史四人。胥四人。徒四十人。憲表也。主表刑禁者。

禁殺戮。下士二人。史一人。徒十有二人。禁殺戮者。禁民不得相殺戮。

禁暴氏。下士六人。史三人。胥六人。徒六十人。

野廬氏。下士六人。胥十有二人。徒百有二十人。廬賓客行道所舍。

蜡氏。下士四人。徒四十人。蜡。骨肉腐臭。繩蟲所蜡也。月令曰。掩骼埋骹。此官之職也。蜡讀如狙司之狙。

雍氏。下士二人。徒八人。雍。謂隄防止水者也。

萍氏。下士二人。徒八人。鄭司農云。萍讀爲蚘。或爲萍。號起雨之萍。玄謂今天問萍。號作萍。爾雅曰。萍。萍。其大者蘋。讀如小子言平之平。萍氏主水禁。萍之草無根而浮。取名於其不沈溺。

司寤氏。下士二人。徒八人。寤覺也。主夜覺者。

司烜氏。下士六人。徒十有二人。烜火也。讀如衛侯燬之燬。故書燬爲烜。鄭司農云。當爲烜。

條狼氏。下士六人。胥六人。徒六十人。杜子春云。條當爲滌器之滌。玄謂滌除也。狼。狼扈道上。

脩闔氏。下士二人。史一人。徒十有二人。闔謂里門。

冥氏。下士二人。徒八人。鄭司農云。冥讀爲冥氏。春秋之冥。玄謂冥方之冥。以繩縻取禽獸之名。

庶氏。下士一人。徒四人。庶讀如藥蕒之蕒。驅除毒蠱之言。書不作蕒者。字從聲。

冗氏。下士一人。徒四人。冗。搏蟄獸所藏者。

臯氏。下士二人。徒八人。臯。鳥翮也。鄭司農云。臯讀爲翅翼之翅。

柞氏。下士八人。徒二十人。柞。除木之名。除木者必先披剝之。鄭司農云。柞讀爲音聲暗暗之暗。屋竿之筓。

薙氏下十二人徒二十人

書薙或作夷。鄭司農云：掌殺草。故春秋傳曰：如農夫之務去草。芟夷蕪崇之。又今俗間謂麥下為夷。下言芟夷其麥，以其下種禾豆也。玄謂薙讀如鬚小兒頭之鬚。書或作夷。此皆翦草也。字從類耳。月令曰：

燒雉行水，非謂燒所芟草乃水之。

捫薙氏下十一人徒二人

鄭司農云：誓讀為搗。蕪讀為爵。蕪之蕪，謂巢也。玄謂誓古字從石折聲。

翦氏下十一人徒二人

翦，斷滅之言也。主除蟲。蠹者，詩云：實始翦商。

赤友氏下十一人徒二人

赤友，猶言捋拔也。主除蟲豸白埋者。

蠹氏下十一人徒二人

鄭司農云：蠹讀為蟻。蟻，蝦蟇也。月令曰：蟻蟻鳴。故曰：掌去蠹。蠹，謂蠹也。字從虫。國聲也。蟻乃短狐與。屬書或為掌去蝦蟇。玄謂蠹，今御所食蛙也。字從虫。國聲也。蟻乃短狐與。

壺涿氏下十一人徒二人

壺，謂瓦鼓涿擊之也。故書涿為獨。鄭司農云：獨讀為濁。其源之濁，音與涿相近。書亦或為濁。

庭氏下十一人徒二人

庭氏，主射妖鳥。令國中絜清如庭者也。

銜枚氏下十二人徒八人

銜枚，止言語譎譎也。枚狀如箸，橫銜之為之。纏結於項。

伊耆氏下士一人徒二人

伊耆古王者號始為蟠以息老物此主王者之齒杖後王識伊耆氏之舊德而以名官與今姓有伊耆氏

大行人中大夫二人

小行人下大夫四人

司儀上士八人中士十有六人

行夫下士三十有二人府四人史八人胥八人徒八十人

行夫主國使之禮

環人中士四人史四人胥四人徒四十人

環猶圍也主圍賓客任器為之守衛

象胥每翟上士一人中士二人下士八人徒二十人

通夷狄之言者曰象胥其有才知者也此類之本名東方曰寄南方曰象西方曰狄觀北方曰譯今總名曰象者周之德先致南方也

掌客上士二人下士四人府一人史二人胥二人徒二十人

掌訝中士八人府二人史四人胥四人徒四十人

訝迎也賓客來主迎之鄭司農云訝讀為跛者訝跛者之訝

掌交。中士八人。府二人。史四人。徒三十有二人。

上交通結諸侯之好。

掌察。四方中士八人。史四人。徒十有六人。

掌貨賄。下士十有六人。史四人。徒三十有二人。

朝大夫。每國上士二人。下士四人。府一人。史二人。庶子八人。徒二十人。

此王之士也。使主都家之國治而命之朝大夫云。

都則。中士一人。下士二人。府一人。史二人。庶子四人。徒八十人。

都則主都家之八則者也。當言每都如朝大夫及都司馬云。

都士。中士二人。下士四人。府二人。史四人。胥四人。徒四十人。

家士亦如之。

都家之士。主治都家吏民之獄。訟以告方士者也。亦當言每都。

大司寇之職。掌建邦之三典。以佐王刑邦國。詰四方。

典法也。詰謹也。書曰。王著荒度作詳刑。以詰四方。

一曰。刑新國用輕典。

新國者。新辟地立君之國。

用輕法者。為其民未習於教。

二曰。刑平國用中典。

平國。承平守成之國也。用中典者。常行之法。

三曰。刑亂國用重典。

亂國。篡弑叛逆之國。用重典者。以其化惡伐滅之。

以五刑糾

萬民。刑亦法也。糾猶察異之。一曰野刑。上功糾力。功農功。力勤力。二曰軍刑。上命糾守。命將命也。守不失部伍。三曰鄉刑。上德糾孝。德六德也。善父母爲孝。

四曰官刑。上能糾職。能其事也。職職事修理。五曰國刑。上愿糾暴。愿懲愼也。暴當爲恭字之誤也。以圜土聚教罷民。圜土獄城也。聚罷民其中困苦以教之爲善也。民不愆作

勞。有似凡害人者。莫之圜土而施職事焉。以明刑恥之。害人謂爲邪惡已有過失麗於法者。以其不故犯法。實之圜土。繫教之庶其困悔而能改也。實置也。施職事以所能役使之。明刑書

其罪惡於大方版著其背。其能改者。反于中國。不齒三年。反于中國謂舍之還於故鄉里也。司圜職曰。上罪三年而舍中罪二年而舍。下罪一年而舍。不齒者不得以年次列於平民。其不能改而

出圜土者。殺。出謂逃亡。以兩造禁民。訟入束矢於朝。然後聽之。訟謂以財貨相告者。造至也。使訟者兩至。既兩至。使入束矢。乃治之。也不至不入束矢。則是自服不直者也。必入矢者取其直

也。詩曰。其直如矢。古者一以兩劑禁民獄。入鈞金三日。乃致于朝。然後聽之。獄謂相告以罪名者。劑今券書也。使獄者各齎券書。既兩券書。使入鈞金。又三日乃治之。

重刑也。不券書不入金。則是亦自服不直者也。必入金者取其堅也。三十斤曰鈞。以嘉石平罷民。嘉石文石也。樹之外朝門左平成也。成之使善。凡萬民之有罪過而未麗于灋而害

於州里者。桎梏而坐諸嘉石。役諸司空。重罪旬有三日坐。其役其次。九日坐。九月役。其次。七日坐。七月役。

其次。五日坐。五月役。其下罪。三日坐。三月役。使州里任之。則宥而舍之。有罪過謂邪惡之人所罪過者也。麗附也。未附於法未著於法也。木在足曰桎。在手曰梏。

復諸司空坐日訖使給百工之役也役月以肺石達窮民肺石赤石也窮民天民之窮而無告者凡遠近惇獨老幼之欲有復於上而其

長弗達者立於肺石三日士聽其辭以告於上而罪其長無兄弟曰惇無子孫曰獨復猶報也上謂王與六卿也正

月之吉始和布刑于邦國都鄙乃縣刑象之灋于象魏使萬民觀刑象挾日而斂之正月朔日布刑於天下正歲又縣其書重之凡

邦之大盟約澼其盟書而登之于天府澼臨也天府祖廟之藏大史內史司會及六官皆受其貳而藏之六官六卿之官也貳副也凡

諸侯之獄訟以邦典定之邦典六典也以六典待邦國之治凡卿大夫之獄訟以邦灋斷之邦灋八法也以八法待官府之治凡庶民之獄訟以

邦成弊之邦成八成也以官成待萬民之治故書弊為愆鄭司農云愆當為弊大祭祀奉犬牲奉猶進也若禋祀五帝則戒之

日澼誓百官戒于百族戒之日卜之日也百族謂府史以下也郊特牲曰卜之日王立于澤親聽誓命受教諫之義也獻命庫門之內戒百官也大廟之內戒百姓也及納亨前王祭之日亦如

之納亨致牲奉其明水火明水火所取於日月者凡朝覲會同前王大喪亦如之大喪所前或嗣王大軍旅澼戮于社社謂社主在軍者也鄭司農說以書曰用

命賞于祖不用命戮于社凡邦之大事使其屬蹕屬士師以下也故書蹕作避杜子春云避當為辟謂辟除姦人也玄謂蹕止行也

小司寇之職。掌外朝之政。以致萬民而詢焉。一曰詢國危。二曰詢國遷。三曰詢立君。

外朝。朝在雉門之外者也。國危。謂有兵寇之難。國遷。

謂徙都改邑也。立君。謂無家適選於庶也。鄭司農云。致萬民。聚萬民也。詢。謀也。詩曰。詢于芻蕘。書曰。謀及庶人。

其位。王南鄉。三公及州長。百姓北面。羣臣西面。羣吏東面。

羣臣。卿大夫。羣吏。大夫。在公後。

夫士也。羣吏。府史也。其孤不見者。孤從羣臣。卿大夫在公後。

小司寇擯以叙進而問焉。以衆輔志而弊謀。

擯。謂揖之使前也。敘。更也。輔志者。尊士賢明也。

以五刑聽萬民

之獄訟。附于刑。用情訊之。至于旬。乃弊之。讀書。則用灋。

附。猶著也。故書附作付。訊。言也。用情理言之。冀有可以出之者。十日乃斷之。王制曰。刑者。側也。側者。成也。一成而不可變。故君

子盡心焉。鄭司農云。讀書。則用法。如今時讀鞫已乃論之。

凡命夫命婦不躬坐獄訟。

為治獄吏。養尊者也。躬。身也。不身坐者。必使其屬若子弟也。喪服傳曰。命夫者。其男子之為大夫者。命婦者。其婦人之為大夫之妻者。春秋傳曰。衛

侯與元咺訟。甯武子為輔。鍼戢子為坐。士榮為大理。

凡王之同族有罪不即市。

鄭司農云。刑諸甸師氏。禮記曰。刑于隱者。不與國人處兄弟。

以五聲聽獄訟。求民情。一曰辭聽。

觀其出言。不直則煩。

二曰色聽。

觀其顏色。不直則赧然。

三曰氣聽。

觀其氣息。不直則喘。

四曰耳聽。

觀其聽聆。不直則惑。

五曰目聽。

觀其眸子。不直則眊然。

以八辟麗邦灋。附

刑罰。辟。法也。杜子春讀麗為羅。玄謂麗。附也。易曰。日月麗于天。故書附作付。附。猶著也。

一曰議親之辟。二曰議親之辟。三曰議賢之辟。四曰議能之辟。

鄭司農云。若今時宗室有罪。先請是也。玄謂賢。有德行者。

能。謂有道藝者。春秋傳曰。夫謀而鮮過。惠訓不倦者。叔向有焉。社稷之固也。猶將十世宥之。以勸能者。今豈不免其身。以棄社稷不

亦惑。五曰議功之辟。謂有大勳力立功者。六曰議貴之辟。鄭司農云。若今時吏墨殺有罪先請是也。七曰議勤之辟。謂憔悴以事國。八曰議賓之辟。謂所不臣者三

格二代之後與。以三刺斷庶民獄訟之中。中謂罪正所定。一曰訊羣臣。二曰訊羣吏。三曰訊萬民。刺殺也。三訊罪定則殺之。訊言也。聽民之所刺

宥。以施上服下服之刑。宥寬也。民言殺殺之言寬寬之上服劓墨也。下服宮刑也。及大比。登民數。自生齒以上。登于天府。大比。三年大數民之衆寡也。人生齒而體備男

八月而生齒。女七月而生齒。內史司會冢宰貳之。以制國用。人數定而九賦可知。國用乃可制耳。小祭祀。奉犬牲。奉猶進也。凡禋祀五帝。實鑊水。納亨

亦如之。納亨。致牲也。其實鑊水當以洗解牲體肉。大賓客。前王而辟。鄭司農云。小司寇爲王道辟除姦人。也。若今時執金吾下至令尉奉引矣。后世子之喪。亦如之。小師。涖戮。小師。王不自出之師。

凡國之大事。使其屬蹕。屬。士師以下。孟冬。祀司民。獻民數於王。王拜受之。以圖國用而進退之。司民。星名。謂軒轅角也。小

司寇於祀司民而獻民數於王。重民也。進退。猶損益也。國用民衆則益。民寡則損。歲終。則令羣士計獄弊訟。登中于天府。上所斷獄訟之數。正歲。帥其屬而觀刑象。

令以木鐸曰。不用灋者。國有常刑。令羣士。羣士。遂士以下。乃宣布于四方。憲刑禁。宣。徧也。憲。表也。謂縣之也。刑禁。士師之五禁。乃命其屬入

會。乃致事。得其屬之計。乃令致之於王。

士師之職。掌國之五禁之灋。以左右刑罰。一曰宮禁。二曰官禁。三曰國禁。四曰野禁。五曰軍禁。皆以木鐸

徇之于朝。書而懸于門閭。

左右助也。助刑罰者。助其禁民為非也。宮。王宮也。官。官府也。國城中也。古之禁書亡矣。今宮門有符籍。官府有無故擅入城門有雖載下帷野有田律。軍有誦讜夜行之禁。其例可言者。

以五戒

先後刑罰。毋使罪麗于民。一曰誓。用之于軍旅。二曰誥。用之于會同。三曰禁。用諸田役。四曰糾。用諸國中。

五曰憲。用諸都鄙。

先後猶左右也。誓。詔於書則甘誓湯誓大誥康誥之屬。禁。則軍禮曰無干車無自後射此其類也。糾。憲未有聞焉。

掌鄉合州黨族閭比之聯。與其民人之什

伍。使之相安相受。以比追胥之事。以施刑罰慶賞。

鄉合。鄉所合也。追。追寇也。胥。讀如宿僭之僭。僭。謂司搏盜賊也。

掌官中之政令。

訟之辭。以詔司寇斷獄弊訟。致邦令。

詔。司寇。若今白聽正法解也。致。邦令者。以法報之。

掌士之八成。

鄭司農云。八成者。行事有八篇。若今時決事比。

一曰邦鈞。

鄭司農云。鈞。讀

如酌酒羣中之酌。國約者。斟酌盜取國家密事。若今時刺探尙書事。

二曰邦賊。

為逆亂者。

三曰邦諜。

為異國反間。

四曰犯邦令。

干冒王教令者。

五曰擣邦令。

稱詐以有為者。

六曰為

邦盜。竊取國之寶藏者。

七曰為邦朋。

朋黨相阿。使政不平者。故書朋作儻。鄭司農云。儻。讀為朋友之朋。

八曰為邦誣。

誣。罔君臣。使事失實。

若邦凶荒。則以荒辯之灋治之。

鄭司農云。辯。讀為風別之別。救荒之政。十有二。而士師別受其數條。是為荒別之法。玄謂辯當為既。聲之誤也。遭飢荒。則刑罰國事有所貶損。作權時法也。朝士職曰。若邦凶荒。札喪寇戎之故。則令邦國都家縣鄙慮刑。貶

令移民通財。糾守緩

刑。移民就賤救困也。通財補不足也。
糾守備盜賊也。緩刑紓民心也。

凡以財獄訟者。正之以傅別約劑。

傅別。中別手書也。約劑。各所持券也。故書別為辯。鄭司農云。傅或為符。辯讀為風別之別。若今時市買為券書。

以別之。各得其一。訟則案券以正之。

若祭勝國之社稷。則為之尸。
以刑官為尸。略之也。周謂亡殷之社為亳社。

王燕出入。則前驅而辟。

道王且。祀五帝。則沃辟行人。

尸及王盥。洎鑊水。
洎。謂增其沃汁。

凡刳珙。則奉犬牲。

珙。讀為蚺。刳。蚺。蠻禮之事。用牲毛者曰刳。羽者曰蚺。

諸侯為賓。則帥其屬而蹕于王宮。

謂諸侯來朝。若燕饗。

時。大喪亦如之。大師帥其屬而禁逆軍旅者。與犯師禁者而戮之。

逆軍旅。反將命也。犯師禁。干行陳也。

歲終。則令正。要會。

定計。正。

歲。帥其屬而憲禁令于國及郊野。
去國百里為郊。郊外謂之野。

鄉士掌國中。

鄭司農云。謂國中至百里郊也。玄謂其地則距王城百里內也。言掌國中。此主國中獄也。六鄉之獄在國中。

各掌其鄉之民數而糾戒之。

鄉士八人。言各者。四人而分主三鄉。

聽其

獄訟。察其辭。

察。審也。

辨其獄訟。異其死刑之罪而要之。旬而職聽于朝。

辨。異。謂殊其文書也。要之。為其罪法之要辭。如今劾矣。十日乃以職事治之。於外。朝容其自反覆。

司寇聽之。斷其獄。弊其訟于朝。羣士司刑皆在。各麗其灋。以議獄訟。

麗。附也。各附致其法以成議也。

獄訟成。士師受中。協日

刑殺。肆之三日。

受中。謂受獄訟之成也。鄭司農云。士師受中。若今二千石受其獄也。中者。刑罰之中也。故論語曰。刑罰不中。則民無所措手足。協日刑殺。協。合也。和也。和合支幹善日。若今時望後利日也。肆之三日。故春秋傳曰。三日棄疾。請若論語。

曰肆諸市朝。玄謂士師既受獄訟之成，鄉士則擇免猶赦也。期謂鄉士職聽于朝，司寇聽之日。王欲赦之，則用此時親往議之。若欲免之，則王會其期。大祭祀，大喪

紀。大軍旅，大賓客，則各掌其鄉之禁令，帥其屬夾道而蹕。屬，中士以下。三公若有邦事，則爲之前驅而辟其喪。

亦如之。鄭司農云：鄉士爲三公道也。若今時三公出城，郡督郵盜賊道也。凡國有大事，則戮其犯命者。

遂士掌四郊。鄭司農云：謂百里外至三百里也。玄謂其地則距王城百里以外至二百里。言掌四郊者，此主四郊獄也。六遂之獄在四郊。各掌其遂之民數而糾其戒令。遂士十二人，言各者二人而分

主一遂。聽其獄訟，察其辭，辨其獄訟，異其死刑之罪而要之。二旬而職聽于朝，司寇聽之，斷其獄，弊其訟于

朝。羣士司刑皆在，各麗其灋，以議獄訟。獄訟成，士師受中，協日就郊而刑殺，各於其遂肆之三日。就郊而刑殺者

遂士也。遂士擇刑殺日，至其時往灋之，如鄉士爲之矣。言各於其遂者，四郊六遂遂處不同。若欲免之，則王令三公會其期。令猶命也。王欲赦之，則用遂士職聽之時，命三公往議之。若邦有大事

聚衆庶，則各掌其遂之禁令，帥其屬而蹕。大事，王所親也。六卿若有邦事，則爲之前驅而辟其喪，亦如之。凡郊有

大事，則戮其犯命者。

縣士掌野。

鄭司農云。掌三百里至四百里。大夫所食。晉韓須為公族。大夫食縣。玄謂地距王城二百里以外至三百里曰野。三百里以外至四百里曰縣。四百里以外至五百里曰都。都縣野之地。其邑非王子弟公卿大夫之采地。則皆公邑也。謂之縣。縣士掌

其獄焉。言掌野者。郊外曰野。大總言之也。獄居近野之縣。獄在二百里上。縣之縣獄在三百里上。都之縣獄在四百里上。

各掌其縣之民數。糾其戒令而聽其獄訟。察其辭。辨其獄

訟。異其死刑之罪而要之。三旬而職聽于朝。司寇聽之。斷其獄。弊其訟于朝。羣士司刑皆在。各麗其灋。以

議獄訟。獄訟成。士師受中。協日刑殺。各就其縣肆之三日。

刑殺各就其縣者。亦謂縣士也。

若欲免之。則王命六卿會其期。亦

謂縣士職聽之時。

若邦有大役聚眾庶。則各掌其縣之禁令。若大夫有邦事。則為之前驅而辟其喪。亦如之。凡野

有大事。則戮其犯命者。

野距王城二百里以外及縣都。

方士掌都家。

鄭司農云。掌四百里至五百里。公所食。魯季氏食於都。玄謂都。王子弟及公卿之采地。大夫之采地。大都在疆地。小都在縣地。家邑在稍地。不言掌其民數。民不純屬王。

聽其獄訟之辭。辨其死

刑之罪而要之。三月而上獄訟于國。

三月乃上要者。又變朝言國以其自有君異之。

司寇聽其成于朝。羣士司刑皆在。各麗其灋。以議

獄訟。

成。平也。鄭司農說以春秋傳曰。晉邢侯與雍子爭鄙田。久而無成。

獄訟成。士師受中。書其刑殺之成。與其聽獄訟者。

都家之吏。自協日刑殺。但書其成。與治獄之吏姓名。備反

覆有失
實者

凡都家之大事聚衆庶則各掌其方之禁令

方士十六人言各掌其方者四人而主一方也其方以王之事動衆則爲班禁令焉

以時修其縣灋若歲

終則省之而誅賞焉

縣法縣師之職也其職掌邦國都鄙稍甸野之地域而辨其夫家人民田萊之數及其六畜車輦之稽方士以四時修此法歲終又省之則與掌民數亦相近

凡都家之士所上治

則主之

都家之士都士家士也所上治者謂獄訟之小事不附罪者也上之告於司寇聽平之

訝士掌四方之獄訟

鄭司農云四方諸侯之獄訟

論罪刑于邦國

告曉以廢罪及制刑之本意

凡四方之有治於士者造焉

謂讞疑辨事先來詣乃通之於士也

士主謂士師也如今郡國亦時遣主者吏詣廷尉議者

四方有亂獄則往而成之

亂獄謂若君臣宣淫上下相虐者也往而成之猶呂步舒使治淮南獄

邦有賓客則與行人送逆

之人於國則爲之前驅而辟野亦如之居館則帥其屬而爲之蹕誅戮暴客者客出入則道之有治則贊

之

送逆謂始來及去也出入謂朝覲於王時也春秋傳曰晉侯受策以出出入三覲入國入野自以時事

凡邦之大事聚衆庶則讀其誓禁

朝士掌建邦外朝之灋左九棘孤卿大夫位焉羣士在其後右九棘公侯伯子男位焉羣吏在其後面三

槐三公位焉州長衆庶在其後左嘉石平罷民焉右肺石達窮民焉

樹棘以爲位者取其赤心而外刺象以赤心三刺也槐之言懷也懷來人於此欲與之謀羣吏

謂府史也。州長鄉遂之官。鄭司農云。王有五門。外曰臯門。二曰雉門。三曰庫門。四曰應門。五曰路門。路門一曰舉門。外朝在路門外。內朝在路門內。左九棘。右九棘。故易曰。係用徽纆。實于叢棘。玄謂明堂位說魯公宮曰。庫門。天子臯門。雉門。天子應門。言魯用天子之禮。所名曰庫門者。如天子臯門。所名曰雉門者。如天子應門。此名制二兼四。則魯無臯門應門矣。檀弓曰。魯莊公之喪。既葬而經。不入庫門。言其除喪而反。由外來。是庫門在雉門外必矣。如是。王五門。雉門為中門。雉門設兩觀。與今之宮門同。關人幾出入者。窮民蓋不得入也。郊特牲。譏繹於庫門內。言遠當於廟門。廟在庫門之內。見於此矣。小宗伯職曰。建國之神位。右社稷。左宗廟。然則外朝在庫門之外。臯門之內。與今司徒府有天子以下大會殿。亦古之外朝哉。周天子諸侯皆有三朝。外朝一。內朝二。內朝之在路門內者。或謂之燕朝。

其屬而以鞭呼趨。且辟。趨朝辟行人。執鞭以威之。

禁慢朝。錯立族談者。慢朝謂臨朝不肅敬也。錯立族談違其位僂語也。

凡得獲貨賄。人民六畜者。委

于朝。告于士。旬而舉之。大者公之。小者庶民私之。

俘而取之曰獲。委於朝十日待來識之者。人民謂刑人奴隸逃亡者。司隸職曰。帥其民而搏盜賊。鄭司農云。若今時得遺物及放失六畜。持詣

鄉亭縣廷。大者公之。大物沒入公家也。小者私之。小物自畀也。玄謂人民之小者。未卽七歲以下。

凡士之治。有期日。國中一旬。郊二旬。野三旬。都三月。邦國。朞內

之治聽。期外不聽。

鄭司農云。謂在期內者聽。期外者不聽。若今時徒論決。滿三月不得乞鞫。

凡有責者。有判書以治。則聽。判。半分而合者。故書判為辨。鄭司農云。謂若今時辭訟有券書者。為治之

辨。讀為別。謂別券也。玄謂古者出責之息。亦如國服與。

凡民同貨財者。令以國灋行之。犯令者。刑罰之。

鄭司農云。同貨財者。謂合錢共買者也。以國法行之。司市為節以遺之。玄謂同貨財者。富

人畜積者多。時收斂之。乏時。以國服之法出之。雖有騰躍。其贏不得過此。以利出者與取者。過此則罰之。若今時加責取息坐臧。

凡屬責者。以其地傳而聽其辭。

鄭司農云。謂訟地畔界者。田地町畔相比屬。故謂之屬責。

以地傳而聽其辭以其比畔爲證也。玄謂屬責轉責使人歸之而本主死亡。凡盜賊軍鄉邑及家人殺之無罪。鄭司農云謂盜賊輩輩若軍共

攻盜鄉邑及家人者殺之無罪。若今時無故入人室宅。凡報仇讎者書於士殺之無罪。謂同國不相辟者將報之必先言之於士若邦凶荒札

喪寇戎之故則令邦國都家縣鄙慮刑貶。故書慮爲憲貶爲窆杜子春云窆當爲禁憲謂幡書以明之玄謂慮謀也。貶猶減也謂當圖謀緩刑且減國用爲民困也所貶視時爲多少之法。

司民掌登萬民之數。自生齒以上皆書於版。辨其國中與其都鄙及其郊野。異其男女。歲登下其死生。登

也男八月女七月而生齒版今戶籍也下猶去也每歲更著生去死及三年大比以萬民之數詔司寇。司寇及孟冬祀司民之日獻其數于王。王拜

受之。登于天府。內史司會冢宰貳之以贊王治。鄭司農云文昌宮三能屬軒轅角相與爲體近文昌爲司命次司中次司祿次司民玄謂司民軒轅角也天府主祖廟之藏者贊佐也三官以貳佐

王治者當以民多。少黜陟主民之吏。

司刑掌五刑之灋以麗萬民之罪。墨罪五百。劓罪五百。宮罪五百。剕罪五百。殺罪五百。墨罪也先刻其面以墨

西夷或以墨劓爲俗。古刑人亡逃者之世類與。宮者丈夫則割其勢。女子閉於宮中。若今宦男女也。剕斷足也。周改贖作剕。殺死刑也。書傳曰決關梁踰城郭而略盜者其刑贖。男女不以義交者其刑宮。觸易君命革輿服制度。姦軌盜攘傷人者其刑劓。非事而事之出入不

以道義而誦不詳之辭者其刑墨降畔寇賊劫略奪攘擄虜者其刑死此二千五百罪之目略也其刑書則亡夏刑大辟二百贖辟三百宮辟五百劓墨各千周則變焉所謂刑罰世輕世重者也鄭司農云漢孝文帝十三年除肉刑

若司寇斷獄弊

訟則以五刑之灋詔刑罰而以辨罪之輕重詔刑罰者處其所應不如今律家所署法矣

司刺掌三刺三宥三赦之灋以贊司寇聽獄訟

刺殺也訊而有罪則殺之宥寬也赦舍也

壹刺曰訊羣臣再刺曰訊羣吏三刺曰

訊萬民

訊言

壹宥曰不識再宥曰過失三宥曰遺忘

鄭司農云不識謂愚民無所識則宥之過失若今律過失殺人坐死玄謂識審也不審若今仇讎當報甲見乙誠以為甲而殺之者過失若

舉刃欲斫伐而軼中人者遺忘若問帷薄忘有在焉而以兵矢投射之

壹赦曰幼弱再赦曰老旄三赦曰憊愚

憊愚生而癡騃童昏者鄭司農云幼弱老旄若今律令年未滿八歲八十以上非手殺人他皆

不坐以此三灋者求民情斷民中而施上服下服之罪然後刑殺

上服殺與墨劓下服宮刑也司約職曰其不信者服墨刑凡行刑必先規識所刑之處乃後行之

司約掌邦國及萬民之約劑治神之約為上治民之約次之治地之約次之治功之約次之治器之約次

之治摯之約次之

此六約者諸侯以下至於民皆有焉劑謂券書也治者理其相抵冒上下之差也神約謂命祀郊社羣望及所祖宗也夔子不祀祝融楚人伐之民約謂征稅遷移仇讎既和若懷宗九姓在管股民六族七族在魯衛皆是也地

約謂經界所至田萊之比也功約謂王功國功之屬賞爵所及也器約謂禮樂吉凶車服所得用也摯約謂玉帛禽鳥相與往來也

凡大約劑書於宗彝小約劑書於丹圖

大約劑邦國約也書於宗廟之六彝

欲神監焉。小約劑。萬民約也。丹圖未開。或有影器。簠簋之屬。有圖象者。與。若有訟者。則珥而辟藏。其不信者服墨刑。鄭司農云。謂有

春秋傳曰。斐豹。隸也。著於丹書。今俗語有鐵券丹書。豈此舊典之遺言。若大亂。則六官辟藏。其不信者殺。大亂。謂僭

爭訟罪。刑書謬誤不正者。為之開藏。取本刑書以正之。當開時。先祭之。玄謂訟。訟約。若宋仲幾。薛宰者也。辟藏。開府視約書。不信。不如約也。珥讀曰。衄。謂殺雞取血。登其戶。約。若吳楚之君。晉文公請隧以葬者。六官辟藏。明罪大也。六官初受盟約之貳。

司盟。掌盟載之灋。載。盟辭也。盟者書其辭於策。殺牲取血。坎其牲。加書於上而埋之。謂之灋。春秋傳曰。宋寺人惠牆。伊戾。坎用牲。加書為世子。瘞與楚客盟。凡邦國有疑會同。則掌其盟約

之載。及其禮儀。北面詔明神。既盟。則貳之。有疑不協也。明神之明察者。謂日月山川也。覲禮。加方明于壇上。所以依之也。詔之者。讀其載書以告之也。貳之者。寫副當以授六官。盟萬民之

犯命者。詛其不信者。亦如之。盟詛者。欲相與共惡之也。犯命。犯君教令也。不信。違約者也。春秋傳曰。臧紇。犯門斬關以出。乃盟臧氏。又曰。鄭伯使卒出緘。行出犬雞。以詛射穎考叔者。凡民之有約劑

者。其貳在司盟。貳之者。檢其自相違約。有獄訟者。則使之盟詛。不信則不效聽此。盟詛。所以省獄訟。凡盟詛。各以其地域之衆庶。共其牲而

致焉。既盟。則為司盟共祈酒脯。使其邑闈出牲而來。盟已。又使出酒。脯。司盟為之祈明神。使不信者必凶。

職金。掌凡金玉錫石丹青之戒令。青。空也。青也。受其入征者。辨其物之嫩惡。與其數量。楬而璲之。入其金錫于為

兵器之府入其玉石丹青于守藏之府

為兵器者攻金之工六也守藏者玉府內府也鄭司農云受其入征者謂主受采金玉錫石丹青者之租稅也榻而璽之者榻書其數量以著其物也璽者印也既榻書

榻其數量又以印封之今時之書有所表識謂之榻槩

入其要

要凡數也入之於大府

掌受士之金罰貨罰入于司兵

給治兵及工直也貨泉貝也罰罰贖也書曰金作贖刑

旅于上帝

則共其金版饗諸侯亦如之

餅金謂之版此版所施未聞

凡國有大故而用金石則掌其令

主其取之令也用金石者作槍雷椎擗之屬

司厲掌盜賊之任器貨賄辨其物皆有數量賈而榻之入于司兵

鄭司農云任器貨賄謂盜賊所用傷人兵器及所盜財物也入于司兵若今時傷殺人所用兵器盜

賊賊加責沒入縣官

其奴男子入于罪隸女子入于春稟

鄭司農云謂坐為盜賊而為奴者輸於罪隸春人稟人之官也由是觀之今之為奴婢古之罪人也故書曰予則奴戮女論語曰箕子為之奴罪隸之奴也故

春秋傳曰斐豹隸也著於丹書請焚丹書我殺督戎耻為奴欲焚其籍也玄謂奴從坐而沒入縣官者男女同名

凡有爵者與七十者與未亂者皆不為奴

有爵謂命士以上也亂毀齒也男八歲女七歲

而毀齒

犬人掌犬牲凡祭祀共犬牲用怪物伏瘞亦如之

鄭司農云怪純也物色也伏謂伏犬以王車轅之瘞謂埋祭也爾雅曰祭地曰瘞埋

凡幾珥沈辜用騶可

也故書騶作龍鄭司農云幾讀為廢爾雅曰祭山曰廢縣祭川曰浮沈大宗伯職曰以埋沈祭山川林澤以罷辜祭四方百物龍讀為騶謂不純色也玄謂幾讀為珥珥當為珥珥者登禮之事

凡相犬牽犬者屬焉掌其

政治。相謂視擇。知其善惡。

司圜掌收教罷民。凡害人者，弗使冠飾，而加明刑焉。任之以事，而收教之。能改者，上罪三年而舍，中罪二年而舍，下罪一年而舍。其不能改，而出圜土者，殺。雖出，三年不齒。

弗使冠飾者，著黑幘。若古之象刑與。舍，釋之也。鄭司農云：罷民，謂惡人不從化爲百姓所患苦而未

入五刑者也。故曰：凡害人者不使冠飾。任之以事，若今時罰作矣。凡圜土之刑人也，不虧體，其罰人也，不虧財。

言其刑人但加以明刑，罰人但任之以事耳。鄭司農云：以此知其爲民所苦而未入刑者

也。故大司寇職曰：凡萬民之有罪過而未麗於法而害於州里者，桎梏而坐諸嘉石，役諸司空。又曰：以嘉石平罷民。國語曰：罷士無伍，罷女無家，言爲惡無所容入也。玄謂圜土所收教者，過失害人，已麗於法者。

掌囚，掌守盜賊。凡囚者，上罪桎梏而桎，中罪桎梏，下罪桎。王之同族，羣有爵者，桎，以待弊罪。

凡囚者，謂非盜賊，自以他罪拘

者也。鄭司農云：羣者，兩手共一木也。桎，梏者，兩手各一木也。玄謂在手曰桎，在足曰桎。中罪不桎，手足各一木耳。下罪又去桎。王同族及命士以上，雖有上罪，或桎或桎而已，弊猶斷也。

及刑殺，告刑于王，奉而適朝士，加

明梏以適士，而刑殺之。

告刑于王，告王以今日當行刑及所刑姓名也。其死罪，則曰某之罪在大辟。其刑罪，則曰某之罪在小辟。奉而適朝者，重刑爲王欲有所赦，且當以付士。士，鄉士者。鄉士加明梏者，謂書其姓名及其罪於梏而著

之也。囚時雖有無梏者，至於刑殺，皆設之。以適市就衆也。庶姓無爵者，皆刑殺於市。

凡有爵者，與王之同族，奉而適甸師氏，以待刑殺。

適甸師氏，亦由朝乃往也。待刑殺者，掌戮將自市來也。文

王世子曰雖親不以犯有司正術也所以體異姓也刑于隱者不與國人處兄弟也

掌戮掌斬殺賊諜而搏之斬以鈇鉞若今要斬也殺以刀刃若今棄市也諜謂姦寇反間者賊與諜罪大者斬之小者殺之搏當為膊諸城上之膊字之誤也膊謂去衣磔之凡殺其親者焚之殺

王之親者辜之親總服以內也焚燒也易曰焚如死如棄如辜之言枯也謂磔之凡殺人者陪諸市肆之三日刑盜于市陪儻尸也肆猶中也陳也凡言刑盜罪惡莫大焉

罪之麗於濃者亦如之唯王之同族與有爵者殺之于甸師氏罪二千五百條上附下附刑五而已於刑同科者其刑殺之一也凡軍旅田役斬

殺刑戮亦如之戮謂膊焚辜肆墨者使守門黥者無妨於禁御劓者使守關截鼻亦無妨以貌醜遠之宮者使守內以其人道絕也今世或然劓者使守圉

斷足驅衛禽獸無怠行髡者使守積鄭司農云髡當作完謂但居作三年不虧體者也玄謂此出五刑之中而髡者必王之同族不宮者宮之為翦其類髡頭而已守積積在隱者宜也

司隸掌五隸之濃辨其物而掌其政令五隸謂罪隸四翟之隸也物衣服兵器之屬帥其民而搏盜賊役國中之辱事為百官積任

器凡囚執人之事民五隸之民也鄭司農云百官所當任持之器物此官主為積聚之也玄謂任猶用也邦有祭祀賓客喪紀之事則役其煩辱之事煩猶劓也土喪

禮下篇曰隸人涅廁掌帥四翟之隸使之皆服其邦之服執其邦之兵守王宮與野舍之厲禁野舍王行所止舍也厲遮例也

罪隸。掌役百官府。與凡有守者。掌使令之小事。役給其小役。凡封國若家。牛助爲牽傍。鄭司農云。凡封國若家。謂建諸侯。立大夫家也。牛助爲牽傍。此

官主爲送致之也。玄謂牛助。國以牛助轉徙也。罪隸牽傍之。在前曰牽。在旁曰傍。其守王宮。與其厲禁者。如蠻隸之事。

蠻隸。掌役校人養馬。其在王宮者。執其國之兵以守王宮。在野外。則守厲禁。

閩隸。掌役畜養鳥而阜蕃。教授之。掌子則取隸焉。杜子春云。子當爲祀。玄謂掌子者。王立世子。置臣使掌其家事。而以閩隸役之。

夷隸。掌役牧人養牛馬。與鳥言。鄭司農云。夷狄之人。或曉鳥獸之言。故春秋傳曰。介葛盧聞牛鳴曰。是生三犧。皆用矣。是以貉隸職掌與獸言。其守王宮者。與其守厲禁者。如

蠻隸之事。

貉隸。掌役服不氏而養獸。而教授之。掌與獸言。不言阜蕃者。猛獸不可服。又不生乳於陶檻也。其守王宮者。與其守厲禁者。如蠻隸之

事。

周禮卷第十

秋官司寇下

布憲掌憲邦之刑禁。正月之吉，執旌節以宣布于四方。而憲邦之刑禁，以詰四方邦國。及其都鄙，達于四

海。憲表也。謂縣之也。刑禁者，國之五禁。所以左右刑罰者。司寇正月布刑于天下。正歲又縣其書于象魏。布憲于司寇布刑，則以旌節出。宣令之於司寇縣書，則亦縣之于門閭及都鄙邦國。刑者王政所重，故屢丁寧焉。詰謹也。使四方謹行之。爾雅曰：九夷八蠻，六戎五狄。

謂之四海。凡邦之大事，合衆庶，則以刑禁號令。

禁殺戮，掌司斬殺戮者。凡傷人見血而不以告者，攘獄者，過訟者，以告而誅之。司猶察也。察此四者，告於司寇罪之也。斬殺戮，謂吏民相斬相殺相

戮者，傷人見血，見血乃爲傷人耳。鄭司農云：攘獄者，距當獄者也。過訟者，過止欲訟者也。玄謂攘猶卻也。卻獄者，言不受也。

禁暴氏，掌禁庶民之亂暴力正者，播誣犯禁者，作言語而不信者，以告而誅之。民之好爲侵陵，稱詐謾誣，此三者亦刑所禁也。力正，以力強得正也。

凡國聚衆庶，則戮其犯禁者以徇。凡奚隸聚而出入者，則司牧之，戮其犯禁者。奚隸，女奴男奴也。其聚出入有所使。

野廬氏掌達國道路至于四畿

達謂巡行通之使不陷絕也去王城五百里曰畿

比國郊及野之道路宿息井樹

比猶校也宿息廬之屬賓客所宿及晝止者也井共

飲食樹為蕃蔽

若有賓客則令守涂地之人聚櫟之有相翔者誅之

守涂地之人道所出廬宿旁民也相翔猶昌翔觀伺者也鄭司農云聚櫟之聚擊櫟以宿衛之也有姦人相翔於賓客之

側則誅之不得令寇盜賓客

凡道路之舟車鑿互者叙而行之

舟車鑿互謂於迫隘處也車有輹轆抵闕舟有砥柱之屬其過之者使以次敘之

凡有節者及有爵者至則

為之辟辟辟行人亦使守涂地者

禁野之橫行徑踰者

皆為防姦也橫行妄由田中徑踰射邪趨疾越陸渠也

凡國之大事比脩除道路者

比較治道者名若今次金敘大功

掌凡道禁禁謂若今絕蒙大巾持兵杖之屬

邦之大師則令埽道路且以幾禁行作不時者不物者

不時謂不夙則莫者也物謂衣服操持非比常人也幾禁之

者備姦人內賊及反罔

蜡氏掌除飢

曲禮四足死者曰漬故書饑作脊鄭司農云脊讀為漬謂死人骨也月令曰掩骼埋胔骨之尚有肉者也及禽獸之骨皆是

凡國之大祭祀令州里除不蠲禁刑者任

人及凶服者以及郊野大師大賓客亦如之

蠲讀如吉圭惟饋之圭圭絜也刑者黥劓之屬任人司圜所收教罷民也凶服服衰經也此所禁除者皆為不欲見人所藏惡也

若有死

於道路者則令埋而置楬焉書其日月焉縣其衣服任器于有地之官以待其人

有地之官主此地之吏也其人其家人也鄭司農云楬欲

令其識取之。今時楊隸是也。有地之官。有部界之吏。今時鄉亭是也。**掌凡國之醜禁。**禁謂孟春掩骼埋胔之屬。

雍氏。掌溝瀆澮池之禁。凡害於國稼者。春令為阱獲溝瀆之利於民者。秋令塞阱杜獲。溝。澮。澮。田間通水者也。池。謂陂障之水道也。害

於國稼。謂水潦及禽獸也。阱。穿地為壑。所以禦禽獸。其或超踰則陷焉。世謂之陷阱。獲。柞鄂也。堅地阱淺。則設柞鄂於其中。秋而杜塞。阱獲。收刈之時。為其陷害人也。書。某誓曰。敵乃獲。敵乃阱。時秋也。伯禽以出師征徐戎。**禁山之為苑澤之沈**

者。為其就禽獸魚鱉自然之居而害之。鄭司農云。不得擅為苑囿於山也。澤之沈者。謂毒魚及水蟲之屬。

萍氏。掌國之水禁。水禁。謂水中害人之處。及入水捕魚鱉不時。**幾酒。**苛察沽買過多及非時者。**謹酒。**使民節用酒也。書酒誥曰。有政有事無夷酒。**禁川游者。**備波洋卒至沈溺也。

司寤氏。掌夜時。夜時。謂夜晚早。若今甲乙至戊。**以星分夜。以詔夜十夜禁。**夜士。主行夜微候者。如今都候之屬。**禦晨行者。禁宵行者。夜遊者。**備其遭寇害及謀非

公事。禦亦禁也。謂遏止之。無刑法也。晨。先明也。宵。定昏也。書曰。宵中星虛。春秋傳曰。夜中星隕如雨。

司烜氏。掌以夫遂取明火於日。以鑿取明水於月。以共祭祀之明。盥明燭。共明水。夫遂。陽遂也。鑿。鏡屬。取水者。世謂之方諸。取日之火。月之

水。欲得陰陽之絜氣也。明燭。以照饌。陳明水以為盥。鄭司農云。夫發聲。明燭。謂以明水澆。澆菜。盛黍稷。凡邦之大事。共墳燭庭燎。故書墳為贊。鄭司農云。贊。麻燭也。玄。謂墳。大也。樹於門外曰大燭。於門內曰庭燎。皆所以照眾為

明。中春以木鐸修火禁于國中。為季春將出火也。火禁。謂用火之處及備風燥。軍旅修火禁。邦若屋誅。則為明竊焉。鄭司農云。屋誅。謂夷三族無親屬收葬者。故為

明。葬之也。三夫為屋。一家田為一夫。以此知三家也。玄謂屋讀如其刑。劓之劓。劓誅。謂所殺不於市而以適甸師氏者也。明竊。若今棍頭明書其罪法也。司烺掌明竊。則罪人夜葬與。

條狼氏掌執鞭以趨辟。王出入則八人夾道。公則六人。侯伯則四人。子男則二人。趨辟。趨而辟行人。若今卒辟車之為也。孔子曰。富而可求。

雖執鞭之士。吾亦為之言士之賤也。凡誓。執鞭以趨於前。且命之。誓。僕右曰殺。誓。馭曰車轅。誓。大夫曰敢不關。鞭五百。誓。師曰

三百。誓。邦之大史曰殺。誓。小史曰墨。前謂所誓衆之行前也。有司讀誓辭。則大言其刑以警所誓也。誓者。謂出軍及將祭祀時也。出軍之誓。誓左右及馭。則書之甘誓備矣。郊特牲說祭祀之誓曰。卜之日。王立于澤。親

聽誓命。受教諫之義也。車轅。謂車裂也。師。樂師也。大史。小史。主禮事者。鄭司農云。誓。大夫曰敢不關。謂不關於君也。玄謂大夫自受命以出。則其餘事莫不復請。

脩閭氏掌比國中宿互。檠者與其國粥。而比其追宥者而賞罰之。國中。城中也。粥。養也。國所游養。謂養卒也。追。逐寇也。胥。讀為偕。故書互為巨。鄭司農云。宿。謂宿衛也。

巨當為互。謂行馬。所以障互。禁止人也。檠。謂行夜擊檠。禁淫踰者。與以兵革趨行者。與馳騁於國中者。皆為其感衆。邦有故。則令守其閭互。唯執

節者不幾。令者。令其閭內之閭。胥里宰之屬。

冥氏。掌設弧張。弧張，罽學之屬。所以肩絹禽獸。爲阱獲以攻猛獸。以靈鼓。敲之。靈鼓，六面鼓。敲之使驚趨阱獲。若得其獸，則獻其皮革齒須備。

鄭司農云：須，直謂顛下須備，謂擗也。

庶氏。掌除毒蠱。以攻說禴之嘉草。攻之。毒蠱，蟲物而病害人者。賊律曰：敢蠱人及教令者，棄市。攻說，祈名。祈其神求去之。也。嘉草，藥物。其狀未聞。攻之謂燻之。鄭司農云：禴除也。玄謂此禴讀如潰癰之潰。凡

毆蠱，則令之比之。使爲之。又校次之。

宄氏。掌攻蟄獸。各以其物。火之。蟄獸，熊羆之屬。冬藏者也。將攻之，必先燒其所食之物於宄外以誘出之，乃可得之。以時獻其珍異皮革。

翬氏。掌攻猛鳥。各以其物爲媒而掎之。猛鳥，鷹隼之屬。置其所食之物於絹中，鳥來下則掎其腳。以時獻其羽翮。

柞氏。掌攻草木及林麓。林人所養者。山足曰麓。夏日至，令刊陽木而火之。冬日至，令剝陰木而水之。刊，剝。互言耳。皆謂斫去。次地之皮。生山南爲陽。

若欲其化也，則春秋變其水火。化，猶生也。謂時以種穀也。變其水火者，乃所火則水之，所水則火之，則其土和美。凡攻木者，掌其政令。

除木有時。

薙氏掌殺草春始生而萌之夏日至而夷之秋繩而芟之冬日至而耜之

故書萌作蒸杜子春云蒸當為萌謂耕反其萌牙書亦或為萌玄謂萌之者以

茲其祈其生者夷之以鉤鎌追地芟之也若今取麥矣舍實曰繩芟其繩則實不成熟耜之以耜測凍土刻之

若欲其化也則以水火變之

謂以火燒其所芟萌之草已而水之則其土亦和美矣月令季夏燒雉行水利以殺草如

以熱湯是其一時著之 掌凡殺草之政令

翬族氏掌覆天鳥之巢

覆猶毀也天鳥惡鳴之鳥若鸚鵡

以方書十日之號十有二辰之號十有二月之號十有二歲之號

二十有八星之號縣其巢上則去之

方版也日謂從甲至癸辰謂從子至亥月謂從娵至荼歲謂從攝提格至赤奮若星謂從角至軫天鳥見此五者而去其詳未聞

翦氏掌除蠹物以攻禁攻之以莽草熏之

蠹物穿食人器物者蟲魚亦是也攻禁祈名莽草藥物殺蟲者以熏之則死故書蠹為蠹杜子春云蠹當為蠹

凡庶蠱之事

庶除毒蠱者蠱

蠹之類或熏以莽草則去

赤艾氏掌除牆屋以蜃炭攻之以灰洒毒之

洒灑也除牆屋者除蟲豸藏逃其中者蜃大蛤也搗其炭以粉之則走淳之以灑之則死故書蜃為蜃鄭司農云蜃當為蜃書亦或為蜃 凡隙屋

除其狸蟲

狸蟲廔肌蚘之屬

蠧氏掌去鼃黽。焚牡薊，以灰洒之，則死。牡薊，薊不華者。齊魯之間，謂鼃爲蠧。鼃，耿也。蠧與耿，鼃尤怒鳴，爲聒人耳去之。以其煙被之，則凡水蟲無聲。杜子春云。

假令風從東方來，則於水東面爲煙，令煙西行，被之水上。

壺涿氏掌除水蟲，以炮土之鼓毆之，以焚石投之。水蟲，狐蟻之屬。故書炮作泡。杜子春讀炮爲苞，苞有苦葉之苞。玄謂播之炮之炮，炮土之鼓，瓦鼓也。焚石投之，使驚去。若欲殺其

神，則以牡樺午貫象齒而沈之，則其神死。淵爲陵。神謂水神龍罔象。故書樺爲梓。午爲五。杜子春云：梓當爲樺。樺讀爲枯。榆木名，書或爲樺。又云：五貫當爲午貫。

庭氏掌躬國中之天鳥，若不見其鳥獸，則以救日之弓與救月之矢夜射之。不見鳥獸，謂夜來鳴呼爲怪者。獸，狐狼之屬。鄭司農云：救日之弓，救月之

矢，謂日月食所作弓矢。玄謂日月之食，陰陽相勝之變也。於日食則射大陰，月食則射大陽。與若神也，則以大陰之弓與枉矢射之。神謂非鳥獸之聲，若或叫于宋大廟，諸

矢與不言救月之弓與救日之矢者，互言之。救日用枉矢，則救月以恆矢，可知也。

銜枚氏掌司照。察聽謹者爲其聒。國之大祭祀，令禁無嘯。令，令主祭祀者。軍旅田役，令銜枚。爲其言語以相誤。禁蹏呼歎鳴于國

中者，行歌哭于國中之道者。爲其感衆相感動，鳴吟也。

伊耆氏掌國之大祭祀。共其杖咸。

咸讀爲函。老臣雖杖於朝。事鬼神尙敬。去之。有司以此函藏之。既事乃授之。

軍旅。授有爵者杖。

別吏卒。且以扶。尊者將軍杖鉞。

共王之

齒杖。

王之所以賜老者之杖。鄭司農云。謂年七十當以王命授杖者。今時亦命之。爲王杖。玄謂王制曰。五十杖於家。六十杖於鄉。七十杖於國。八十杖於朝。

大行人。掌大賓之禮。及大客之儀。以親諸侯。

大賓。要服以內諸侯。大客。謂其孤卿。

春朝諸侯。而圖天下之事。秋覲。以比邦國之

功。夏宗。以陳天下之謨。冬遇。以協諸侯之慮。時會。以發四方之禁。殷同。以施天下之政。

此六事者。以王見諸侯。爲文。圖比。陳協。皆考績。

之言。王者春見諸侯。則圖其事之可否。秋見諸侯。則比其功之高下。夏見諸侯。則陳其謀之是非。冬見諸侯。則合其慮之異同。六服以其朝歲。四時分來。更迭如此。而偏時會。即時見也。無常期。諸侯有不順服者。王將有征討之事。則既朝。王命爲壇於國外。合諸侯而發禁。命事焉。禁。謂九伐之法。殷同。即殷見也。王十二歲一巡守。若不巡守。則殷同。殷同者。六服盡朝。既朝。王亦命爲壇於國外。合諸侯而命其政。謂邦國之九法。殷同。四方四時分來。歲終則徧矣。九伐九法。皆在司馬職。司馬法曰。春以禮朝諸侯。圖同事。夏以禮宗諸侯。陳同謀。秋以禮覲諸侯。比同功。冬以禮遇諸侯。圖同慮。時以禮會諸侯。施同政。殷以禮宗諸侯。發同禁。

時聘。以結諸侯之好。殷覲。以除邦國之慝。

此二事者。亦以王見諸侯之臣使。來者爲文也。時聘者。亦無常期。天

子有事。諸侯使大夫來聘。親以禮見之。禮而遣之。所以結其恩好也。天子無事。則已。殷覲。謂一服朝之歲也。應猶惡也。一服朝之歲。五服諸侯皆使卿。以聘禮來覲。天子以禮見之。命以政禁之事。所以除其惡行。

閒問。以諭諸侯之志。

歸。賑以交諸侯之福。賀慶。以贊諸侯之喜。致禮。以補諸侯之戕。

此四者。王使臣於諸侯之禮也。問問者。問歲一問諸侯。謂存省之屬。諭諸侯之志者。諭言語。諭書名。其類也。交。

或來或往者也。贊助也。致神凶禮之弔禮禮也。補諸侯裁者。若春秋澶淵之會。謀歸宋財。

以九儀辨諸侯之命。等諸臣之爵。以同邦國之禮。而待其賓客。九儀謂命

者。五公侯伯子男也。爵者。四孤卿大夫士也。

上公之禮。執桓圭九寸。纁藉九寸。冕服九章。建常九旒。樊纓九就。貳車九乘。介九人。禮

九牢。其朝位。賓主之間九十步。立當車軹。擯者五人。廟中將幣三享。王禮再裸而酢。饗禮九獻。食禮九舉。

出入五積。三問三勞。諸侯之禮。執信圭七寸。纁藉七寸。冕服七章。建常七旒。樊纓七就。貳車七乘。介七人。

禮七牢。朝位。賓主之間七十步。立當前疾。擯者四人。廟中將幣三享。王禮壹裸而酢。饗禮七獻。食禮七舉。

出入四積。再問再勞。諸伯執躬圭。其他皆如諸侯之禮。諸子執穀璧五寸。纁藉五寸。冕服五章。建常五旒。

樊纓五就。貳車五乘。介五人。禮五牢。朝位。賓主之間五十步。立當車衡。擯者三人。廟中將幣三享。王禮壹

裸不酢。饗禮五獻。食禮五舉。出入三積。壹問壹勞。諸男執蒲璧。其他皆如諸子之禮。纁藉以五采章衣板。若奠玉則以藉之。冕服著於所

服之衣也。九章者。自山龍以下七章者。自華蟲以下五章者。自宗彝以下也。常。旌旗也。旒。其屬垂者也。樊纓。馬飾也。以鬪飾之。每一處五采備爲一就。就成也。貳。副也。介。輔已行禮者也。禮。大禮饗餼也。三牲備爲一牢。朝位。謂大門外賓下車及上車出迎所立處也。王始立

大門內。交擯三辭。乃乘車而迎之。齊僕爲之節。上公立當軹。侯伯立當疾。子男立當衡。王立當軫。與廟受命祖之廟也。饗設盛禮以飲賓也。問問不恙也。勞謂苦倦之也。皆有禮以幣致之。故書裸作果。鄭司農云。車軹軹也。三享三獻也。裸讀爲灌。再灌再飲公也。而酢報飲王也。舉樂也。出入五積。謂饋之芻米也。前疾。謂駟馬車轅前。胡下垂柱地者。玄謂三享皆束帛加璧。庭實惟國所有。朝士儀曰。奉國地所出重物而獻之。明臣職也。朝先享。不言朝者。朝正禮不嫌有等也。王禮王以鬱鬯禮賓也。鬱人職曰。凡祭祀賓客之裸事。和鬱鬯以實彝而陳之。禮者。使宗伯攝酌圭瓚而裸。王既拜送爵。又攝酌璋瓚而裸。后又拜送爵。是謂再裸。再裸。賓乃酢王也。禮侯伯一裸而酢者。裸賓資酢王而已。后不裸也。禮子男一裸不酢者。裸賓而已。不酢王也。不酢之禮。聘禮禮賓是與。九舉舉牲體九飯也。出入謂從來訖去也。每積有牢禮米禾芻薪。凡數不同者。皆降殺。

凡大國之孤。執皮帛以繼小國之君。出入三積。不問壹勞。朝位當車前。不交擯。廟中無

相。以酒禮之。其他皆胝小國之君。

此以君命來聘者也。孤尊。既聘享。更自以其贄見。執束帛而已。豹皮表之爲飾。繼小國之君。言次之也。朝聘之禮。每一國舉。乃前不交擯者。不使介傳辭交于王之擯。親自對擯者也。廟

中無相。介皆入門。西上而立。不前相禮者。聘之介是與。以酒禮之。酒謂齊酒也。和之不用鬱鬯耳。其他謂貳車及介牢禮。賓主之間。擯者將幣。裸酢饗食之數。

凡諸侯之卿。其禮各下其君二等。以下及其

大夫士。皆如之。

此亦以君命來聘者也。所下其君者。介與朝位賓主之間也。其餘則自以其爵。聘義曰。上公七介。侯伯五介。子男三介。是謂使卿之聘之數也。朝位則上公七十步。侯伯五十步。子男三十步。與。

邦畿方千里。

其外方五百里。謂之侯服。歲壹見。其貢祀物。又其外方五百里。謂之甸服。二歲壹見。其貢嬪物。又其外方五百里。謂之男服。三歲壹見。其貢器物。又其外方五百里。謂之采服。四歲壹見。其貢服物。又其外方五百

里。謂之衛服。五歲壹見。其貢材物。又其外方五百里。謂之要服。六歲壹見。其貢貨物。要服。蠻服也。此六服去王城三千五百里。相距方七

千里。公侯伯子男封焉。其朝貢之歲。四方各四分。趨四時而來。或朝春。或宗夏。或覲秋。或遇冬。祀貢者。犧牲之屬。故書嬪作類。鄭司農云。嬪物。婦人所爲物也。爾雅曰。嬪婦也。玄謂嬪物。絲枲也。器物。尊彝之屬。服物。玄纁。絺繡也。材物。八材也。貨物。龜貝也。九州之

外。謂之蕃國。世壹見。各以其所貴寶爲摯。九州之外。夷服。鎮服。蕃服也。曲禮曰。其在東夷北狄西戎南蠻。雖大曰子。春秋傳曰。杞伯也。以夷禮。故曰子。然則九州之外。其君皆子男也。無朝貢之歲。父死子立。

及嗣王即位。乃一來耳。各以其所貴寶爲贄。則蕃國之君無執玉瑞者。是以謂其君爲小賓。臣爲小客。所貴寶見傳者。若犬戎獻白狼白鹿是也。其餘則周書王會備焉。王之所以撫邦國諸侯者。歲徧存。三歲徧覲。五歲徧省。七歲。屬象胥。諭言語。協辭命。九歲。屬瞽史。諭書名。聽聲音。十有一歲。達瑞節。同度量。成牢

禮。同數器。修濩則。十有二歲。王巡守。殷國。撫。猶安也。存。規省者。王使臣於諸侯之禮。所謂問問也。歲者。巡守之明歲。以爲始也。屬。猶聚也。自五歲之後。遂間歲徧省也。七歲省而召其象胥。九歲省而召其瞽

史。皆聚於天子之宮。教習之也。故書協辭命。作叶詞命。鄭司農云。象胥。譯官也。叶當爲汁。詞當爲辭。書或爲叶辭命。玄謂膏讀爲謂。王制曰。五方之民。言語不通。著欲不同。達其志。通其怨。東方曰寄。南方曰象。西方曰狄。鞮。北方曰譯。此官正爲象者。周始有越重譯而來。獻是

因通言語之官。爲象胥云。謂。謂象之有才知者也。辭命。六辭之命也。贊。樂師也。史。大史小史也。書名。書之字也。古曰名。聘禮曰。百名以上。至十一歲。又徧省焉。度。丈尺也。量。豆區釜也。數器。銓衡也。法。八法也。則。八則也。達。同成。修。皆謂齋其法式。行至則齊等之也。成。平也。平其

僭踰者也。王巡守。諸侯會者。各以其時之方。書曰。遂。覲東后是也。其股國。則四方四時分來。如平時。

凡諸侯之王事。辨其位。正其等。協其禮。賓而見之。王事。以王之事來也。詩云。莫敢不來王孟。

子曰諸侯若有王。若有大喪，則詔相諸侯之禮。詔相，左右教告之也。若有四方之大事，則受其幣，聽其辭。四方之大事，謂國有兵寇，諸侯來告急者，禮動不虛，皆有幣。

以崇敬也。受之，以其事入告王也。聘禮曰：若有言，則以束帛如享禮。凡諸侯之邦交，歲相問也，殷相聘也，世相朝也。小聘曰問，殷中也。久無事，又於殷朝者，及而相聘也。父死子立曰世。凡君即位，

大國朝焉，小國聘焉。此皆所以習禮考義，正刑一德，以尊天子也。必擇有道之國而就修之。鄭司農說：股聘以春秋傳曰：孟僖子如齊股聘禮也。

小行人掌邦國賓客之禮籍，以待四方之使者。禮籍，名位尊卑之書。使者，諸侯之臣使來者也。令諸侯春入貢，秋獻功，王親受之，各以

其國之籍禮之。貢，六服所貢也。功，考績之功也。秋獻之。若今計文書斷於九月其舊法。凡諸侯入王，則逆勞于畿。鄭司農云：入王，朝於王也。故春秋傳曰：宋公不王，又曰：諸侯有王，王有巡守。及

郊勞，既館，將幣，為承而擯。視館，致館也。承，猶丞也。王使勞賓於郊，致館於賓，至將幣使宗伯為上擯，皆為之丞而擯之。凡四方之使者，大客則擯，小客則受其幣

而聽其辭。擯者，擯而見之王，使得親言也。受其幣者，受之以入告其所為來之事。使適四方，協九儀賓客之禮，朝、覲、宗、遇、會、同，君之禮也。存、覲、省、聘、

問，臣之禮也。適之也。協，合也。達天下之六節，山國用虎節，土國用人節，澤國用龍節，皆以金為之。道路用旌節，門

關用符節，都鄙用管節，皆以竹為之。此謂邦國之節也。達之者，使之四方，亦皆齎法式以齊等之也。諸侯使臣行聘，則以金節授之，以為行道之信也。虎、人、龍者，自其國象也。道路謂鄉塗大夫也。都鄙者，公之子弟

及卿大夫之采地之吏也。凡邦國之民遠出至他邦。他邦之民若來入。由國門者。門人爲之節。由闕者。闕人爲之節。其以徵令及家徒。鄉遂大夫及采地吏爲之節。皆使人執節將之以達之。亦有期以反節。管節如今之竹使符也。其有商者。通之以符節。如門闕。門闕者。與市連事。節可同也。亦所以異於畿內也。凡節有天子法式存於國。成六瑞。王用璜圭。公用桓圭。侯用信圭。伯用躬圭。子用穀璧。男用蒲璧。成平也。瑞信也。皆朝見所

執以爲信。合六幣。圭以馬。璋以皮。璧以帛。琮以錦。琥以繡。璜以黼。此六物者。以和諸侯之好故。合同也。六幣所以享也。五等諸侯享天子

用璧。享后用琮。其大各如其瑞。皆有庭實。以馬若皮。皮。虎豹皮也。用圭璋者。二王之後也。二王後尊。故享用圭璋而特之。禮器曰。圭璋特義亦通於此。其於諸侯亦用璧琮耳。子男於諸侯則享用琥璜。下其瑞也。凡二王後諸侯相享之玉。大小各降其瑞一等。及使卿大夫親聘亦如之。若國札喪。則令賻補之。若國凶荒。則令賜委之。若國師役。則令槁贈之。若國有福事。則令慶賀之。若

國有禍裁。則令哀弔之。凡此五物者。治其事故。故書賻作傅。槁爲藥。鄭司農云。賻補之。謂賻喪家補助其不足也。若今時一室二戶。則官與之棺也。藥當爲槁。謂槁師也。玄謂師役者。國有兵寇。以

匱病者也。使鄰國會財貨以與之。春秋定五年夏。歸粟於蔡是也。宗伯職曰。以禘禮哀園敗禍。裁水火。及其萬民之利害爲一書。其禮俗政事教治刑禁之逆順爲一

書。其悖逆暴亂作慝。猶犯令者爲一書。其札喪凶荒厄貧爲一書。其康樂和親安平爲一書。凡此五物者。

每國辨異之。以反命于王。以周知天下之故。慝惡也。猶圖也。

司儀掌九儀之賓客擯相之禮。以詔儀容辭令揖讓之節。出接賓曰擯。入贊禮曰相。以詔者以禮告王。將合諸侯。則令爲壇三成。宮

旁一門。

合諸侯。謂有事而會也。爲壇于國外。以命事宮。謂壇土以爲牆處。所謂爲壇壇宮也。天子春帥諸侯拜日於東郊。則爲壇於國東。夏禮日於南郊。則爲壇於國南。秋禮山川丘陵於西郊。則爲壇於國西。冬禮月四瀆於北郊。則爲壇於國北。既拜禮而還。加

方明於壇上而祀焉。所以教尊尊也。覲禮曰。諸侯覲於天子。爲宮方三百步。四門。壇十有二尋。深四尺。是也。王巡守。殷國而同。則其爲宮亦如此。與。鄭司農云。三成三重也。爾雅曰。丘一成爲敦丘。再成爲陶丘。三成爲昆侖丘。謂三重。

諸侯。土揖庶姓。時揖異姓。天揖同姓。

謂王既祀方明。諸侯上介皆奉其君之旂置于宮。乃詔王升壇。諸侯皆就其旂而立。諸公中階之前。北面東上。諸侯東階之東。西面北上。諸伯西階之西。東面北上。諸子門東。北面

東上。諸男門西。北面東上。王揖之者。定其位也。庶姓無親者也。土揖。推手小下之也。異姓昏姻也。時揖。平推手也。衛將軍文子曰。獨居思仁。公言言義。其聞詩也。一日三復。白圭之玷。是南宮縚之行也。夫子信其仁。以爲異姓。謂妻之也。天揖。推手小舉之。及其擯

之。各以其禮。公于上等。侯伯于中等。子男子下等。

謂執玉而前見於王也。擯之各以其禮者。謂擯公者五人。侯伯四人。子男三人也。上等中等下等者。謂所奠玉處也。壇三成。深四尺。則一尋一

尺也。壇十有二尋。方九十六尺。則堂上二丈四尺。每等丈二尺。與其將幣亦如之。其禮亦如之。將幣。享也。禮。謂以鬱鬯。裸之也。皆於其等之上。王燕。則

諸侯毛。

謂以須髮坐也。朝事尊尊。上爵燕則親親。上齒。鄭司農云。謂老者在上也。老者二毛。故曰毛。

凡諸公相爲賓。謂相朝也。主國五積三問。皆三辭。拜受。皆旅擯。再

勞。三辭。三揖。登拜受。拜送。

賓所停止則積。問闕則問。行道則勞。其禮皆使卿大夫致之。從來至去。數如此也。三辭。辭其以禮來於外也。積問不言登受之於庭也。鄭司農云。旅讀爲旅於大山之旅。謂九人傳辭相授於上下。竟問。賓從

末上行介還受。上傳之。玄謂旅讀爲鴻臚之臚。臚陳之也。賓之介九人。使者七人。皆陳擯位。不傳辭也。賓之上介出請使者。則前對位。皆當其末擯焉。三揖謂庭中時也。拜送使者。

主君郊勞。交擯三辭。車逆。拜辱。三

揖。三辭。拜受。車送。三還。再拜。

主君郊勞。備三勞而親之也。鄭司農云。交擯三辭。謂賓主之擯者俱三辭也。車逆。主人以車迎賓於館也。拜辱。賓拜謝辱也。玄謂交擯者。各陳九介使傳辭也。車逆。拜辱者。賓以主君親來。乘車出舍門

而迎之。若欲遠就之。然見之則下拜。迎謝其自屈辱來也。至去又出車。若欲遠送。然主君三還辭之。乃再拜送之也。車送迎之節。各以其等。則諸公九十步。立當車軹也。三辭重者。先辭辭其以禮來於外。後辭辭升堂。

致館亦如之。

館舍也使大夫授之

君又以禮親致焉。

致飧。如致積之禮。

俱使大夫禮同也。飧。食也。小禮曰飧。大禮曰饗。餼。

及將幣。交擯三辭。車逆。拜辱。賓車進。答拜。三揖。三讓。每門

止一相。及廟。唯上相入。賓三揖。三讓。登。再拜。授幣。賓拜送幣。每事如初。賓亦如之。及出。車送。三請。三進。再

拜。賓三還。三辭。告辟。

鄭司農云。交擯。擯者交也。賓車進。答拜。賓上車進。主人乃答其拜也。及出。車送。三請。主人三請留賓也。三進。進

每。賓車乃前下答拜也。三揖者。相去九十步。揖之使前也。至而三讓。讓入門也。相。謂主君擯者及賓之介也。謂之相者。於外傳辭耳。入門當以禮詔佑也。介紹而傳命者。君子於其所尊不敢質敬之至也。每門止一相。彌相親也。君入門。介拂闈。大夫中楨與闈之間。士介拂楨。此爲介。應行相隨也。止之者。絕行在後耳。賓三揖。三讓。讓升也。登。再拜授幣。授當爲受。主人拜至。且受玉也。每事如初。謂享及有言也。賓當爲僎。謂以鬱鬯禮賓也。上於下曰禮。敵者爲僎。禮器曰諸侯。相朝。灌用鬱鬯。無蘧豆之薦。謂此朝禮。畢僎賓也。三請。三進。請賓就車也。主君每一請。車一進。欲遠送之也。三還。三辭。主君一請者。賓亦一還一辭。致饗餼。還圭。饗食。致贈。郊送。皆如將幣之儀。

此六禮者。惟饗食速賓耳。其餘主君親往。親往者。賓爲主人。主人爲賓。君如有故不

親饗食則使大夫以酬幣侑幣致之鄭司農云還圭歸其玉也故公子重耳受煇反璧玄謂聘以圭璋禮也享以璧琮財也已聘而還圭璋輕財而重禮贈送以財既贈又送至于郊賓之拜禮拜饗餼拜饗食鄭司農云賓之拜禮

者因言賓所當拜者之禮也所當拜者拜饗餼拜饗食玄謂賓將去就朝賓繼主君皆如主國之禮鄭司農云賓繼主君復主人之禮費也故曰皆如主國之禮

拜謝此三禮三禮禮之重者也賓既拜主君乃至館贈之去又送之于郊禮玄謂繼主君者償主君也償之者主君郊勞致館饗餼還圭贈郊送之時也如其禮者謂玉帛皮馬也有饌陳之積者不如也若饗食主君及燕亦速焉諸侯諸伯諸子諸男之相為賓也各以其禮相待也如諸公之儀

賓主相待之儀與諸公同也諸公之臣相為國客謂相聘也則三積皆三辭拜受受者受之於庭也侯伯之臣不致積

及大夫郊勞旅擯三辭拜辱三讓登聽命下拜登受賓使者如初之儀及退拜送登聽命賓登堂也賓當為償勞用束帛償用束錦侯伯之

臣受勞於庭致館如初之儀如郊勞也不償耳侯伯之臣致館于庭不言致煇者君於聘大夫不致煇也聘禮曰煇不致賓不拜及將幣旅擯三辭拜逆客辟三揖每門止一

相及廟唯君相入三讓客登拜客三辟授幣下出每事如初之儀客辟逡巡不答拜也唯君相入客臣也相不入矣拜主君拜客至也客三辟三退負序也每事享及

有及禮私面私獻皆再拜稽首君答拜禮以體禮客私面私覲也既覲則或有私獻者鄭司農說私面以春秋傳曰楚公子弃疾見鄭伯以其良馬私面出及中門之外問君

客再拜對君拜客辟而對君問大夫客對君勞客客再拜稽首君答拜客趨辟中門之外即大門之內也問君曰君不恙乎對曰使臣之來算君命

臣于庭。問大夫曰：二三子不恙乎？對曰：寡君命使臣于庭，二三子皆在。勞客，致饗餼，如勞之禮。饗食，還圭，如將幣之儀。饗食，亦謂

曰：道路悠遠，客甚勞勞，介則曰：二三子甚勞，問君客再拜對者，為敬慎也。君不親而使大，君館客，客辟，介受命，遂送，客從，拜辱于朝。君館客者，客將去，就省之，盡殷勤也。遂送，君拜以送客。明日，客拜禮賜，遂行，如入之

積。禮賜，謂乘禽，君之加惠也。如入之積，則三積從來至去。凡侯伯子男之臣，以其國之爵相為客而相禮，其儀亦如之。爵，卿也。大夫也。士也。凡四方之

賓客，禮儀辭命餼牢賜獻以二等，從其爵而上下之。上下，猶豐殺也。凡賓客，送逆同禮。謂郊勞郊送之屬。凡諸侯之交，各稱

其邦而為之幣，以其幣為之禮。幣，享幣也。於大國則豐，於小國則殺。主國禮之，如其豐殺，謂賄用束紉，禮用玉帛，乘皮及贈之屬。凡行人之儀，不朝不夕，不正其主

面，亦不背客。謂擯相傳辭時也。不正，東鄉，不正西鄉。常視賓主之前卻，得兩鄉之而已。

行夫，掌邦國傳遽之小事，媿惡而無禮者，凡其使也，必以旌節，雖道有難，而不時必達。傳遽，若今時乘傳騎驛而使者也。媿，福慶也。惡，謂

喪荒也。此事之小者無禮，行夫主使之道有難，謂遭疾病他故，不以時至也。必達，王命不可廢也。其大者有禮，大小行人使之有故，則介傳命，不嫌不達。居於其國，則掌行人之勞辱事焉，使則介之。謂

大小行人也。故書曰：夷使，鄭司農云：夷使，使於四夷，則行夫主為之。介，玄謂夷發聲。

環人掌送逆邦國之通賓客以路節達諸四方。通賓客以常事往來者也。路節旌節也。四方圻上。舍則授館令聚櫨有任器則令環之。

令野廬氏也。鄭司農云四方人

有任器者則環人主令殉環守之。凡門闕無幾送逆及驅。鄭司農云門闕不得苛留環人也。玄。謂環人送逆之則賓客出入不見幾。

象胥掌蠻夷閩貉戎狄之國使掌傳王之言而諭說焉以和親之。謂蕃國之臣來觀聘者。若以時入賓則協其禮與其

辭言傳之。

以時入賓謂其君以世一見來朝為賓者。

凡其出入送逆之禮節幣帛辭令而賓相之。

從來至去皆為摺而詔佑其禮儀。

凡國之大喪詔相

國客之禮儀而正其位。

客謂諸侯使臣來弔者。

凡軍旅會同受國客幣而賓禮之。

謂諸侯以王有軍旅之事使臣奉幣來問。

凡作事王之大事諸

侯次事卿次事大夫次事上士下事庶子。

作使也。鄭司農云王之大事諸侯使諸侯執大事也。次事卿使卿執其次事也。次事使大夫次事使上士下事使庶子。

掌客掌四方賓客之牢禮餼飲食之等數與其政治。

政治邦新殺禮之屬。

王合諸侯而饗禮則具十有二牢庶具

百物備諸侯長十有再獻。

饗諸侯而用王禮之數者以公侯伯子男盡在是兼饗之。莫敵用也。諸侯長九命作伯者也。獻公侯以下如其命數。

王巡守般國則國君膳以牲犢令

百官百姓皆具從者三公眡上公之禮卿眡侯伯之禮大夫眡子男之禮士眡諸侯之卿禮庶子壹眡其

大夫之禮。國君者王所過之國君也。饋，繭栗之饋也。以膳天子，貴誠也。牲，孕天子不食也。祭帝不用也。凡賓客則皆角尺，令者，掌客令主國也。百牲皆具，言無有不具備。凡諸侯之禮，上公五積，皆眡飧，牽

三問，皆脩。羣介行人宰史皆有牢，飧五牢，食四十，簠十，豆四十，鉶四十，有二，壺四十，鼎簋十，有二，牲三十，有六，皆陳。饗餼九牢，其死牢如飧之陳，牽四牢，米百有二十，簠醴醢百有二十，饗車皆陳，車米眡生牢，牢十車，車乘有五，籩，車禾，眡死牢，牢十車，車三秬，芻薪倍禾，皆陳，乘禽日九十，雙，般膳大牢，以及歸，三饗，三食，三燕，若弗酌，則以幣致之。凡介行人宰史皆有飧饗餼，以其爵等爲之牢禮之陳數。唯上介有禽獻，夫人致禮，八壺，八豆，八籩，膳大牢，致饗大牢，食大牢，卿皆見，以羔，膳大牢，侯伯四積，皆眡飧，牽，再問，皆脩，飧四牢，食三十，有二，簠八，豆三十，有二，鉶二十，有八，壺三十，有二，鼎簋十，有二，腥二十，有七，皆陳，饗餼七牢，其死牢如飧之陳，牽三牢，米百，簠醴醢百，皆陳，米三十車，禾四十車，芻薪倍禾，皆陳，乘禽日七十，雙，般膳大牢，三饗，再食，再燕，凡介行人宰史皆有飧饗餼，以其爵等爲之禮，唯上介有禽獻，夫人致禮，八壺，八

豆八簋。膳大牢。致饗大牢。卿皆見以羔。膳特牛。子男三積。皆眡。飧牽壹。問以脩。飧三牢。食二十有四。簋六。豆二十有四。鉶十有八。壺二十有四。鼎簋十有二。牲十有八。皆陳。饗餼五牢。其死牢如飧之陳。牽二牢。米八十筥。醯醢八十饗。皆陳。米二十車。禾三十車。芻薪倍禾。皆陳。乘禽日五十雙。壹饗。壹食。壹燕。凡介行人宰史皆有飧饗餼。以其爵等爲之禮。唯上介有禽獻。夫人致禮。六壺。六豆。六簋。膳眡。致饗。親見卿。皆膳特

牛。積皆視飧牽。謂所共如飧。而牽牲以往。不殺也。不殺則無錮鼎簋。蓋之實。其米實于筥。豆實實于饗。其設。簋陳于楹內。饗陳于楹外。宰陳于門西。車米禾芻薪陳于門外。壺之有無未聞。三問皆脩。脩。脯也。上。公三問皆脩。下。句云羣介行人宰史皆有牢。君用脩而臣有牢。非禮也。蓋著脫字失處。且誤耳。飧。客始至致小禮也。公侯伯子男。飧皆餼一牢。其餘牢則腥。食者其庶羞美可食者也。其設蓋陳于楹外。東西不過四列。簋。稻梁器也。公十簋。堂上六。西夾東夾各二也。侯伯八簋。堂上四。西夾東夾各二。子男六簋。堂上二。西夾東夾各二。豆。菹醢器也。公四十豆。堂上十六。西夾東夾各十二。侯伯三十二豆。堂上十二。西夾東夾各十。子男二十四豆。堂上十二。西夾東夾各六。禮器曰天子之豆二十有六。諸公十有六。諸侯十有二。上大夫八。下大夫六。以聘禮差之。則堂上之數與此同。錮。斂器也。公錮四十二。侯伯二十八。子男十八。非衰差也。二十八。書或爲二十四。亦非也。其於衰。公又當三十。於言又爲無施。禮之大數。錮少於豆。推其衰。公錮四十二。宜爲三十八。蓋近之矣。則公錮堂上十八。西夾東夾各十。侯伯堂上十二。西夾東夾各八。子男堂上十。西夾東夾各四。壺。酒器也。其設於堂夾。如豆之數。鼎。牲器也。簋。黍稷器也。鼎十有二。正鼎九。與陪鼎三。皆設于西階前。簋十二者。堂上八。西夾東夾各二。合言鼎簋者。牲與黍稷俱食之主也。牲當爲腥。聲之誤也。腥。謂腥鼎也。於侯伯云腥二十有七。其故腥字也。諸侯禮盛。腥鼎有鮮魚鮮腊。每牢皆

九爲列。設于阼階前。公腥鼎三十六。腥四牢也。侯伯腥鼎二十七。腥三牢也。子男腥鼎十八。腥二牢也。皆陳。陳列也。殮門內之實。備于是矣。亦有車米芻薪。公殮五牢。米二十車。禾三十車。侯伯四牢。米禾皆二十車。子男三牢。米十車。禾二十車。芻薪皆倍其米。饗饋既相見。致大禮也。大者既兼。殮積。有生有腥。有執餘又多也。死牢如殮之陳。亦餼一牢。在西。餘腥在東也。牽生牢也。陳于門西如積也。米橫陳于中庭。十爲列。每宮半斛。侯伯子男。黍稷稻皆二行。公穧六行。侯伯穧四行。子男二行。醴醢夾碑。從陳亦十爲列。醴在碑東。醢在碑西。皆陳于門內者。於公門內之陳也。言車者。衍字耳。車米。載米之車也。聘禮曰。十斗曰斛。十六斗曰籩。十籩曰乘。每車乘有五籩。則二十四斛也。禾。蓋實并刈者也。聘禮曰。四秉曰筥。十筥曰稊。十稊曰秬。每車三秬。則三十稊也。稊。猶束也。米禾之乘。筥字同數異。禾之乘。手把耳。筥讀爲棟。稻之稊。謂一積也。皆陳。橫陳門外者也。米在門東。禾在門西。芻薪雖取數于禾。薪從米。芻從禾也。乘禽。乘行羣處之禽。謂雉鴝之屬。於禮以雙爲數。殷中也。中又致膳。示念賓也。若弗酌。謂君有故不親饗。食燕也不饗。則以酬幣致之。不食。則以侑幣致之。凡介。行人宰史。衆臣從賓者也。行人主禮。宰主具。史主書。皆有殮饗饋。尊其君以及其臣也。以其爵等爲之牢禮之數。陳爵卿也。則殮二牢。饗饋五牢。大夫也。則殮大牢。饗饋三牢。士也。則殮少牢。饗饋大牢也。此降小禮。豐大禮也。以命數則參差難等。略於臣。用爵而已。夫人致禮。助君養賓也。饗有壺酒。卿皆見者。見于賓也。既見之。又膳之。亦所以助君養賓也。卿見又膳。此聘禮卿大夫勞賓。饋賓之類。與於子男云。親見卿皆膳。特牛見。讀如卿皆見之見。言卿於小國之君。有不故造館見者。故造館見者。乃致膳。鄭司農說。牽云。牲可牽行者也。故春秋傳曰。饋牽竭矣。秬讀爲秬。秬麻答之秬。

凡諸侯之卿大夫士爲國客。則如其介

之禮以待之。

言其特來聘問待之禮如其爲介時也。然則聘禮凡所以禮賓是亦禮介。

凡禮賓客。國新殺禮。凶荒殺禮。札喪殺禮。禍菽殺禮。在野在外

殺禮。

皆爲國者用愛費也。國新。新建國也。凶荒。無年也。禍菽。新有兵寇水火也。

凡賓客死。致禮以喪用。

死則主人爲之具而殯。喪用者饋奠之物。

賓客有喪。唯芻稍之受。

不受饗食。

加也。喪謂父母死也。客則又有居焉。芻給牛馬。稍人粟也。其正禮。餼饗。主人致之。則受。遭主國之喪。不受饗食。受牲禮。牲亦當為腥。聲之誤也。有喪不忍煎。享正禮。餼饗。餼當孰者。腥致之也。

掌訝。掌邦國之等籍。以待賓客。等九儀之差數。若將有國賓客至。則戒官修委積。與士逆賓于疆。為前驅而入。官。謂牛人。

羊人。舍人。委人之屬。士。訝士也。既戒。乃出迎賓。令。令野。及委。則致積。以王命致于賓。至于國。賓入館。次于舍門外。待事于客。次。如今官。府門。

外更衣處。待事于客。通其所求案。及將幣。為前驅。道之以如朝。至于朝。詔其位。入復。及退。亦如之。鄭司農云。詔其位。告客以其位處也。入復。客入。則掌訝出復其故位也。客退。復入迎為之。

前驅。至于館也。玄謂。入復者。入告王。以客至也。退亦如之。如其為前驅。凡賓客之治。令訝訝治之。賓客之治。謂欲正其貢賦。理國事也。以告訝。訝為如朝而理之。凡從者出。則使人道之。從者。

凡介以下也。人。其屬胥徒也。及歸。送亦如之。如之者。送至於竟。如其前驅。聚饗待事之屬。凡賓客。諸侯有卿訝。卿有大夫訝。大夫有士訝。

士皆有訝。此謂朝覲聘問之日。王所使迎賓客于館之訝。凡訝者。賓客至而往。詔相其事。而掌其治令。

掌交。掌以節與幣。巡邦國之諸侯。及其萬民之所聚者。道王之德意志慮。使咸知王之好惡。辟行之。節。以爲行。

信幣。以見諸侯也。咸。皆也。辟。讀如辟忌之辟。使皆知王之所好者而行之。知王所惡者。辟而不為。使和諸侯之好。有欲相與修好者。則為和合之。達萬民之說。說。所喜也。達者。達之于王。若其國君。掌邦國之

節。以爲行。

達萬民之說。

掌邦國之

節。以爲行。

達萬民之說。

掌邦國之

節。以爲行。

通事而結其交好。通事謂朝覲聘問也。以諭九稅之利。九禮之親。九牧之維。九禁之難。九戎之威。諭告曉也。九稅所稅民九職也。九禮九儀之禮。九牧

九州之牧。九禁九法之禁。九戎九伐之戎。

掌察。闕。

掌貨賄。闕。

朝大夫。掌都家之國治。都家。王子弟公卿及大夫之采地也。主其國治者。平理其來文書於朝者。日朝以聽國事故。以告其君長。國事故。天子之事當施於都家者也。告其君長使知而行

之也。君謂其國君。長其卿大夫也。國有政令。則令其朝大夫。使以告其都家之吏。凡都家之治於國者。必因其朝大夫然後聽之。唯大事

弗因。謂以小事文書來者。朝大夫先平理之。乃以告有司也。大事者非朝大夫所能平理。凡都家之治有不及者。則誅其朝大夫。不及謂有稽殿之。在軍旅。則誅其有

司。有司。都司馬家司馬。

都則。闕。

家士。闕。
都士。闕。

周
禮
卷十

二七六

周禮卷第十一

冬官考工記第六

國有六職。百工與居一焉。

百工。司空事官之屬。於天地四時之職。亦處其一也。司空。掌管城郭。建都邑。立社稷宗廟。造宮室車服器械。監百工者。唐虞已上曰共工。

或坐而論道。或作而行之。

或審曲面勢。以飭五材。以辨民器。或通四方之珍異以資之。或飭力以長地財。或治絲麻以成之。

言人德能事業

之不同者也。論道。謂謀慮治國之政令也。作。起也。辨。猶具也。資。取也。操也。鄭司農云。審曲面勢。審察五材曲直方面形勢之宜以治之。及陰陽之面背是也。春秋傳曰。天生五材。民並用之。謂金木水火土也。故書資作齊。杜子春云。齊當爲資。讀如冬資絺之資。玄謂此五材。金木皮玉土。

坐而論道。謂之王公。

天子諸侯

作而行之。謂之士大夫。

親受其職居其官也

審曲面勢。以飭五材。以辨民器。謂之百工。

五材各有工言百業言之也。

通四方之珍異以資之。謂之商旅。

商旅。販賣之客也。易曰。至日商旅不行。

飭力以長地財。謂之農夫。

三農受夫田也。

治絲麻

以成之。謂之婦功。

布帛婦官之事。

粵無鎛。燕無函。秦無廬。胡無弓車。

此四國者不置是工也。鎛。田器。詩云。借乃錢鎛。又曰。其鎛斯掘。鄭司農云。函。讀如國君舍垢之舍。函。錯也。孟子曰。矢

人豈不仁於函人哉。矢人唯恐不傷人。函人唯恐傷人。廬。讀爲楯。謂矛戟柄竹橫秘。或曰。摩劍之器。胡。今匈奴。

粵之無鎛也。非無鎛也。夫人而能爲鎛也。燕之無函也。非無

函也。夫人而能為函也。秦之無廬也。非無廬也。夫人而能為廬也。胡之無弓車也。非無弓車也。夫人而能

為弓車也。

言其丈夫人人皆能作是器。不須國工。粵地塗泥多草藪。而山出金錫。鑄冶之業。田器尤多。燕近強胡。習作申冑。秦多細木。善作杙秘。匈奴無屋宅。田獵畜牧。逐水草而居。皆知為弓車。

知者創物。謂始闢端造器。物若世本作者。

是也。巧者述之守之。世謂之工。

父子世以相教。

百工之事。皆聖人之作也。

事無非聖人所為也。

燔金以為刃。凝土以為器。作車以

行陸。作舟以行水。此皆聖人之所作也。

凝。堅也。故書舟作周。鄭司農云。周當為舟。

天有時。地有氣。材有美。工有巧。合此四者。然後

可以為良。

時。寒溫也。氣。剛柔也。良。善也。

材美工巧。然而不良。則不時。不得地氣也。

不時。不得天時。

橘踰淮而北為枳。鸚鵡不踰濟。

貉踰汶則死。此地氣然也。

鸚鵡。鳥也。春秋昭二十五年。有鸚鵡來巢。傳曰。書所無也。鄭司農云。不踰濟。無妨於中國。有之。貉或為獾。謂善綠木之獲也。汶水在魯北。

鄭之刀。宋之斤。魯之削。

吳粵之劍。遷乎其地而弗能為良。地氣然也。

去此地而作之。則不能使良也。

燕之角。荆之幹。妣胡之筴。吳粵之金錫。此材之

美者也。

荆。荊州也。幹。柘也。可以為弓弩之幹。妣。胡。胡之國。在楚旁。筴。矢幹也。禹貢。荊州貢櫛。幹。栝。柏及箇。籛。檟。故書筴為筴。杜子春云。妣。讀為焚。成丘之焚。書或為郊。妣。胡。地名也。筴。當為筴。箭。讀為稿。謂箭稿。

天有時以生。有時

以殺。草木有時以生。有時以死。石有時以泐。水有時以凝。有時以澤。此天時也。

言百工之事。當審其時也。鄭司農云。泐。讀如再。切。而後卦之切。

勸謂石解散也。夏時盛暑大熱則然。凡攻木之工七。攻金之工六。攻皮之工五。設色之工五。刮摩之工五。搏埴之工二。攻猶治也。搏之言拍。

也。埴黏土也。故書七為十。刮作提。鄭司農云。十當為七。提摩之工。謂玉工也。提讀為刮。其事亦是也。攻木之工。輪、輿、弓、廬、匠、車、梓、攻金之工。築、冶、梟、處、段、桃。攻皮之工。

函、鮑、鞞、韋、裘、設色之工。畫、績、鍾、筐、筐、幌、刮摩之工。玉、柳、雕、矢、磬、搏埴之工。陶、瓶。事官之屬六十。此識其五材三十工。略記其事耳。其曰某人者。以其事名。

官也。其曰某氏者。官有世功。若族有世業。以氏名官者也。廬。矛戟矜秘也。國語曰。侏儒扶廬。梓。榎屬也。故書雕或為舟。鄭司農云。輪與弓廬。匠車梓。此七者攻木之工。官別名也。孟子曰。梓匠輪輿。鮑讀為鮑魚之鮑。書或為鞞。蒼頡篇有鞞。鞞讀為歷運之運。幌讀為芒。芒禹

迹之芒。御讀如巾櫛之櫛。旒讀為甫始之甫。埴。書或為植。杜子春云。雕或為舟者非也。玄謂旒讀如放於此乎之放。有虞氏上陶。夏后氏上匠。殷人上梓。周人上輿。官各有所尊。王者相變也。舜至

尊。貴陶器。鮑大瓦棺是也。禹治洪水。民降丘宅土。卑宮室。盡力乎溝洫。而尊匠。湯放桀。疾禮樂之壞。而尊梓。武王誅紂。疾上下失其服飾。而尊輿。故一器而工聚焉者。車為多。周所上也。車有六等之

數。車有天地之象。人在其中焉。六等之數。法易之三材六畫。車軫四尺。謂之一等。戈楛六尺有六寸。既建而弛。崇於軫四尺。謂之二等。人長

八尺。崇於戈四尺。謂之三等。戈長尋有四尺。崇於人四尺。謂之四等。車戟常。崇於戈四尺。謂之五等。曾矛

常有四尺。崇於戟四尺。謂之六等。此所謂兵車也。軾與後橫木崇高也。八尺曰尋。倍尋曰常。戈長丈二。戈。戈戟矛皆插車軾。鄭司農云。弛讀為倚。移從風之移。謂著戈於車。邪倚也。曾發聲直謂矛。車謂之

六等之數。申言數也。凡察車之道，必自載於地者始也。是故察車自輪始。先視輪也。自從也。凡察車之道，欲其樸屬而

微至，不樸屬，無以為完久也。不微至，無以為戚速也。樸屬，猶附著，堅固貌也。齊人有名疾為戚者。春秋傳曰：蓋以操之為已戚矣。速疾也。書或作數。鄭司農云：樸讀如子南僕之僕。微至，謂輪

至地者少，言其圓甚。著地者微耳。著地者微則易轉，故不微至無以為戚數。輪已崇，則人不能登也。輪已庫，則於馬終古登陴也。已，大也。甚也。崇，高也。齊人之言終古猶言常也。陴，阪也。輪

庫則難引。故兵車之輪六尺有六寸，田車之輪六尺有三寸，乘車之輪六尺有六寸。此以馬大小為節也。兵車，革路也。田車，木路也。乘車，玉路金路象路

也。兵車，乘車駕國馬。田車，駕田馬。六尺有六寸之輪，軹崇三尺有三寸也。加軹與轆焉，四尺也。人長八尺，登下以為節。此車之高者也。

軹，輿也。鄭司農云：軹，事也。轆，讀為旃僕之僕，謂伏兔也。玄謂軹，轂末也。此軹與軹并七寸。田車又宜減焉。乘車之軌廣取數於此，軌廣八尺，旁出輿亦七寸也。

輪人為輪，斬三材必以其時。三材所以為轂，輻牙也。斬之以時，材在陽則中冬斬之，在陰則中夏斬之。今世轂用雜榆，輻以檀牙以櫟也。三材既具，巧者和之。調其鑿內而合之。轂

也者，以為利轉也。輻也者，以為直指也。牙也者，以為固抱也。利轉者，轂以無有為用也。鄭司農云：牙讀如跛者。訝跛者之訝，謂輪轅也。世間或謂之罔，書或作鞣。輪敵

三材不失職，謂之完。徹盡而轂，輻牙不動。望而砥其輪，欲其慎爾而下池也。進而砥之，欲其微至也。無所取之，取諸

圖也。輪謂牙也。頓均致貌也。進猶行也。微至。至地者少也。非有他也。圖使之然也。鄭司農云。微至。書或作危。至。故書圖或作員。當爲圖。望其輻。欲其掣爾而織也。進而眡之。欲其肉稱

也。無所取之。取諸易直也。掣。織殺小貌也。肉稱。弘殺好也。鄭司農云。望讀爲紛。容掣參之望。玄謂如桑蠶蟄之蟄。望其穀。欲其眼也。進而眡之。欲其幬之廉

也。無所取之。取諸急也。眼。出大貌也。幬。幔穀之革也。革急則裏木廉。隅見鄭司農云。眼讀如限切之限。眡其綆。欲其蚤之正也。蚤。當爲爪。謂輻入牙中者也。鄭司農云。綆讀爲關。東言餅之餅。謂輪

筓也。玄謂輪雖筓爪牙必正也。察其菑蚤不齟。則輪雖敝不匡。菑。謂輻入穀中者也。菑與爪不相侷。乃後輪敝盡不匡刺也。鄭司農云。菑讀如雜廁之廁。謂建輻也。泰山平原所樹立物爲菑。聲如截。博立。梟基亦爲菑。匡。枉

也。凡斬穀之道。必矩其陰陽。矩。謂刻識之也。故書矩爲距。鄭司農云。當作矩。謂規矩也。陽也者。稹理而堅。陰也者。疏理而柔。是故以火養其

陰。而齊諸其陽。則穀雖敝不斂。斂。致也。火養其陰。矣。堅之也。鄭司農云。稹讀爲奠。祭之奠。斂當作秣。玄謂斂。斂暴。陰柔後必槁。滅。轉革暴起。穀小而長則柞。大而短則摯。

鄭司農云。柞讀爲迫。暗之暗。謂輻間柞狹也。摯讀爲藥。謂輻危藥也。玄謂小而長則菑中弱。大而短則末不堅。是故六分其輪崇。以其一爲之牙圍。六尺六寸之輪。牙圍尺一寸。參分其牙圍

而漆其二。不漆其踐地者也。漆者七寸三分寸之一。不漆者三寸三分寸之二。令牙厚一寸三分寸之二。則內外而不漆者各一寸也。棹其漆內而中誑之。以爲之穀長。以其長爲

之圍。六尺六寸之輪。漆內六尺四寸。是爲穀長三尺二寸。圍徑一尺三分寸之二也。鄭司農云。棹者。度兩漆之內相距之尺寸也。以其圍之防捐其藪。捐。除也。防。三分之一也。鄭司農云。捐讀爲桑蠶蟄之蟄。藪讀爲蜂藪之藪。

謂穀空壺中也。玄謂此穀徑三寸九分寸之五。壺中當幅苗者也。蜂蟻者猶言趨也。穀者衆輻之所趨也。

五分其穀之長。去一以爲賢。去三以爲軹。鄭司農云。賢大穿也。軹小穿也。玄謂此大穿徑八寸十五

分寸之八。小穿徑四寸十五分寸之四。大穿甚大。似誤矣。大穿實五分穀長去二也。去二則得六寸五分寸之二。凡大小穿皆謂金也。今大小穿金厚一寸則大穿穿內徑四寸五分寸之二。小穿穿內徑二寸十五分寸之四。如是乃與穀相稱也。

容穀必直。

陳篆必正。施膠必厚。施筋必數。轉必負幹。

鄭司農云。讀容上屬。曰。軹容。玄謂容者治穀爲之形容也。篆穀約也。轉負幹者革穀相應無贏不足。

既摩。革色青白。謂之穀

之善。謂丸漆之乾而以石摩平之。革色青白善之徵也。

參分其穀長。二在外。一在內。以置其輻。

穀長三尺二寸者。令輻廣三寸半。則輻內九寸半。輻外一尺九寸。

凡輻量其

鑿深以爲輻廣。廣深相應則固足相任也。

輻廣而鑿淺。則是以大抗。雖有良工。莫之能固。

抗搖動貌。

鑿深而輻小。則是固有餘

而強不足也。言輻弱不勝穀之所任也。

故竝其輻廣以爲之弱。則雖有重任。穀不折。

言力相稱也。弱苗也。今人謂蒲本在水中者爲弱是其類也。鄭司農云。竝讀如紘。紘之紘。謂度

之。參分其輻之長而殺其一。則雖有深泥。亦弗之濼也。

殺衰小之也。鄭司農云。濼讀爲黏。謂泥不黏著輻也。

參分其股圍。去一以爲散圍。

謂殺輻之數也。鄭司農云。股謂近殺者也。散謂近牙者也。方言。股以喻其豐。故言散以喻其細。人脛近足者細於股。謂之散。羊脛細者亦爲散。

揉輻必齊。平沈必均。

揉謂以火槁之。衆輻之直齊如一也。平沈。平漸也。鄭司農云。平沈謂浮之

水上無輕重。

直以指牙。牙得則無藥而固。

得謂偃句。鑿內相應也。鄭司農云。藥。掖也。蜀人言。椽曰藥。玄謂藥讀如涅。從木熱省聲。

不得則有藥必足見也。

必足見言藥大也。然則雖

得猶有染

但小耳

六尺有六寸之輪綆參分寸之二謂之輪之固

輪單則車行不掉也參分寸之二者出於輻股鑿之數也

凡為輪行澤者欲杼行山

者欲作

杼謂倒薄其踐地者侷上下等

杼以行澤則是刀以割塗也是故塗不附

附著

侷以行山則是搏以行石也是故輪

雖敵不類於鑿

搏圓厚也鄭司農云不類於鑿謂不動於鑿中也玄謂類亦敵也以輪之厚石雖齧之不能敵其鑿勞使之動

凡揉牙外不廉而內不挫旁不腫謂之用火

之善廉絕也挫折也腫癭也

是故規之以眡其圓也

輪中規則圓矣

萬之以眡其匡也

等為萬莖以運輸上輪中萬莖則不匡刺也故書萬作禹鄭司農云讀為萬書或作矩

縣之

以眡其輻之直也

輪輻三十上下相直從旁以繩縣之中繩則鑿正輻直矣

水之以眡其平沈之均也

平漸其輪無輕重則斲材均矣

量其藪以黍以眡其同

也黍滑而齊以量兩壺無贏不足則同

權之以眡其輕重之侷也

侷等也稱兩輪鈞石同則等矣輪有輕重則引之有難易

故可規可萬可水可縣可量可權也

謂之國工

國之名工

輪人為蓋達常圍三寸

圍三寸徑一寸也鄭司農云達常蓋斗柄下入杠中也

桿圍倍之六寸

圍六寸徑二寸足以含達常鄭司農云桿蓋杠也讀如丹桓宮楹之楹

信其桿圍以

為部廣部廣六寸

廣謂徑也鄭司農云部蓋斗也

部長二尺

謂斗柄達常也

桿長倍之四尺者二

杠長八尺謂達常以下也加達常二尺則蓋高一丈立乘也

十分寸之

一謂之枚。為下起數也。枚一分。故書十與上二合為二十。杜子春云當為四尺者二十分寸之一。部尊一枚。尊高也。蓋斗上隆高高一分也。弓鑿廣四枚。鑿上二枚。鑿下四枚。蓋

揅也。廣大也是。為部厚一寸。鑿深二寸有半。下直二枚。鑿端一枚。鑿深對為五寸。是以不傷達常也。下直二枚者。鑿空下正而上低二分也。其弓當則橈之平刻其下二分而內之。欲令蓋之尊終平不蒙橈也。

端內。弓長六尺謂之庇軹。五尺謂之庇輪。四尺謂之庇軫。庇軹也。故書庇作祕。杜子春云祕當為庇。謂覆鞞也。玄謂軹轂末也。與廣六尺六寸兩轂并六尺四寸旁減軌內七寸則

兩軹之廣凡丈一尺六寸也。六尺之弓倍之。加部。廣凡丈二尺六寸。有宇曲之減。可覆軹不及鞞。參分弓長而揉其一。參分之持長橈短。短者近部而平。長者為宇曲也。六尺之弓。近部二尺。四尺為宇曲。參分其股

圍。去一以爲蚤圍。蚤當為爪。以弓鑿之廣為股圍。則寸六分也。爪圍一寸十五分寸之一。參分弓長。以其一為之尊。尊高也。六尺之弓。上近部平者二尺。爪末下於部二尺。二尺為句。四尺為弦。求

其股。股十二。除之。面三尺。幾半也。上欲尊而宇欲卑。上近部平者。也。下曰宇。上尊而宇卑。則吐水。疾而雷遠。蓋者主為兩設也。乘車無蓋。禮所謂潦車。謂蓋車與。蓋已崇。

則難為門也。蓋已卑。是蔽目也。是故蓋崇十尺。十尺。其中正也。蓋十尺。宇二尺。而人長八尺。卑於此。蔽人目。良蓋弗冒弗紘。殷馭而馳。不隊。

謂之國工。隊。落也。善蓋者。以橫馳於壘。上無衣若無紘而弓不落也。

輿人為車。輪崇車廣。衡長參如一。謂之參稱。稱。猶等也。車輿也。衡亦長容兩服。參分車廣。去一以爲隧。兵車之隧。四尺四寸。鄭司農云。隧。謂車輿深也。讀如

鑽燧改火之燧玄
謂讀如遠字之遠

參分其隧，一在前，二在後，以揉其式。

兵車之式，深尺四寸三分寸之二。

以其廣之半為之式崇。

兵車之式，高三尺三寸。 以

其隧之半為之較崇。

較兩轆上出式者，兵車自較而下凡五尺五寸，故書較作摧，杜子春云當為較。

六分其廣，以一為之軫圍。

軫與後橫者也，兵車之軾圍尺一寸。

參分軾圍。

去一以為式圍。

兵車之式圍，七寸三分寸之一。

參分式圍，去一以為較圍。

兵車之較圍，四寸九分寸之八。

參分較圍，去一以為軾圍。

兵車之軾圍，三寸二十七

分寸之七，軾轆之植者，衡者也，與轂末同名。

參分軾圍，去一以為軾圍。

兵車之軾圍，二寸八十一分寸之十四，軾式之植者，衡者也，鄭司農云，軾謂如繫綴之綴，謂車輿輪立者也，立者為軾，橫者為軾，書軾或作軾，玄謂軾者

以其鄉人為名。

圍者中規，方者中矩，立者中縣，衡者中水，直者如生焉，繼者如附焉。

治材居材如此乃善也，如生如木，從地生如附如附枝之弘殺也。

凡

居材大與小無并，大倚小則摧，引之則絕。

并，偏邪相就也，用力之時，其大并於小者，小者強不堪，則摧也，其小并於大者，小者力不堪，則絕也。

棧車欲弁。

為其無革鞅，不堅易拆壞也，士

乘棧車。

飾車欲侈。

飾車，謂革鞅與也，大夫以上革鞅，與故書侈作移，杜子春云當為侈。

朝人為朝。

朝，車轅也，詩云五莖梁朝。

朝有三度，軸有三理。

目下事度，深淺之數。

國馬之朝，深四尺有七寸。

國馬，謂種馬戎馬，齊馬道馬，高八尺，兵車乘車，軾崇三尺有三寸，加

軾與軾七寸，又并此軾深，則衡高八尺七寸也，除馬之高，則餘七寸為衡頸之間也，鄭司農云，深四尺七寸，謂軾曲中。

田馬之軾，深四尺。

田車軾崇三尺一寸半，并此軾深而七尺一寸半，今田馬七尺，衡頸之間亦七寸，則軾與軾五寸半。

則衡高七尺七寸。駑馬之鞵深三尺有三寸。輪輻與軫轅大小之減率寸半也。則駑馬之車軾崇三尺。加軫與轅四寸。又并此軾深。則衡高六尺七寸也。今駑馬六尺。除馬之高。則衡頸之間亦七寸。軸有三理。

一者、以為嫩也。無節目也。二者、以為久也。堅刃也。三者、以為利也。滑密。軌前十尺而策半之。謂軌以前之長也。策御者之策也。十或作七。合七為弦。

四尺七寸為鈎。以求其股。股則短矣。七非也。鄭司農云。軌謂式前也。書或作軌。玄謂軌是軌法也。謂輿下三面之材。轆式之所對。持車正也。凡任木。目車持任之材。任正者。十分其鞵之長。以其一為

之圍。衡任者。五分其長。以其一為之圍。小於度。謂之無任。任正者。謂輿下三面材持車正者也。轆軌前十尺。與隧四尺四寸。凡丈四尺四寸。則任正之圍尺四寸五分之二。衡任

者。謂兩軛之間也。兵車乘車衡圍一尺三寸五分之二。一無任。言其不勝任。五分其軾間。以其一為之軸圍。軸圍亦一尺三寸五分之二。與衡任相應。十分其鞵之長。以其一

為之當兔之圍。軾當伏兔者也。亦圍尺四寸五分之二。與任正者相應。參分其兔圍。去一以為頸圍。頸前持衡者。圍九寸十五分之九。五分其頸圍。去一以

為踵圍。踵。後承軻者也。圍七寸七十五分之五十一。凡揉鞵。欲其孫而無弧深。孫。順理也。杜子春云。弧讀為盡而不汗。玄謂弧。木弓也。凡弓引之中。參深之極也。揉軻之偃句。如二可也。如三。則深傷其

力。今夫大車之轅。擊其登又難。既克其登。其覆車也必易。此無故。唯轅直且無橈也。大車。牛車也。擊。輻也。登。上阪也。克。能也。是

故大車。平地既節軒擊之任。及其登陲。不伏其轅。必綏其牛。此無故。唯轅直且無橈也。陲。阪也。故書伏作偃。杜子春云。偃當作伏。

故登陲者，倍任者也。猶能以登及其下陲也。不援其邸，必續其牛後。此無故。唯轅直且無橈也。

倍任用，力倍也。故書

鱗作鯁。鄭司農云：鯁讀爲鱗。關東謂紉爲鱗。鯁魚字。

是故輶欲順典。

順典，堅刀貌。鄭司農云：順讀爲懇。典讀爲珍。駟車之轅，牽尺所一縛，懇典似謂此也。

輶深則折，淺則負。

揉之大深，傷其力。馬倚之則折也。揉之淺，

則馬善負之。

輶注則利準，利準則久，和則安。

故書準作水。鄭司農云：注則利水，謂轅脊上兩注，令水去利也。玄謂利水重讀似非也。注則利，謂輶之揉者形如注星，則利也。準則久，謂輶之在輿下者平如準，則能久也。和

則安。注與準者，和人乘之則安。

輶欲弧而無折，經而無絕。

揉輶大深則折也。經亦謂順理也。

進則與馬謀，退則與人謀。

言進退之易，與人馬之意相應。馬行主於進，人則有當退時。

終日馳騁，左不捷。

杜子春云：捷讀爲蹇。左面不便，馬苦蹇。輶調善，則馬不蹇也。書捷或作券。玄謂券，今倦字也。輶和則久馳騁，載在左者不罷倦，尊者在左。

行數千里，馬不契需。

鄭司農云：契讀爲爰。契我龜之

契，需讀爲畏需之需。謂不傷蹄，不需道里。

終歲御衣衽不敝。

衽，謂裳也。

此唯輶之和也。

和則安，是以然也。謂進則與馬謀而下。

勸登馬力。

登上也。輶和勸馬用力。

馬力既

竭，輶猶能一取焉。

馬止輶尚能一前取道，喻易進。

良輶環漚，自伏兔不至軌七寸。軌中有漚，謂之國輶。

伏兔至軌，蓋如式深。兵車乘車式深尺四寸三分寸

之二漚，不至軌七寸，則是半有漚也。輶有筋膠之被，用力均者則漚遠。鄭司農云：漚讀爲漚酒之漚。環漚，謂漆沂鄂如環。

軫之方也。以象地也。蓋之圓也。以象天也。輪幅二十，以象

日月也。蓋弓二十有八，以象星也。

輪象日月者，以其運行也。日月三十日而合宿。

龍旂九旂，以象大火也。

交龍爲旂，諸侯之所建也。大火，蒼龍宿之心，其屬有尾星九星。

旗七旂。以象鶉火也。鳥隼為旗。州里之所建。鶉火。朱鳥宿之柳。其屬有七星。熊旗六旂。以象伐也。熊虺為旗。師部之所建。伐。屬白虎宿。與參連體而六星。龜蛇四旂。以

象營室也。龜蛇為旂。縣鄙之所建。營室。玄武宿。與東壁連體而四星。弧旌枉矢。以象弧也。觀禮曰。侯氏載龍旂。弧。則旌旗之屬。皆有弧也。弧以張縵之幅。有衣謂之縵。又為設矢。象弧星有矢也。妖星有枉矢者。蛇行有毛。

目。此云枉矢。蓋畫之。攻金之工。築氏執下齊。冶氏執上齊。鼂氏為聲。栗氏為量。段氏為鑄器。桃氏為刃。多錫為下齊。大刃。削殺矢。鑿燧也。少。

錫為上齊。鍾鼎。斧斤。戈戟也。聲。錘。錘子之屬。量。豆。區。鬴也。鑄器。田器。錢。鑄之屬。刃。大刀。刀劍之屬。金有六齊。日和金之品數。六分其金而錫居一。謂之鍾鼎之齊。五分其金

而錫居一。謂之斧斤之齊。四分其金而錫居一。謂之戈戟之齊。參分其金而錫居一。謂之大刀之齊。五分

其金而錫居二。謂之削殺矢之齊。金錫半。謂之鑿燧之齊。鑿燧。取水火於日月之器也。鑿。亦鏡也。凡金多錫則刃白且明也。

築氏為削。長尺博寸。合六而成規。今之書刀。欲新而無窮。謂其利也。鄭司農云。常如新無窮已。敵盡而無惡。鄭司農云。謂鋒鏑俱盡。不偏索也。玄謂刃也。脊也。其金如一。雖

至敵盡無瑕惡也。

冶氏為殺矢。刃長寸圍寸。鋌十之。重三垆。殺矢與戈戟異齊而同其工。似補脫誤在此也。殺矢。用諸田獵之矢也。鋌。讀如麥秀。鋌之鋌。鄭司農云。鋌。箭足入壘中者也。垆。量名。讀為丸。戈廣二

寸內倍之。胡三之。援四之。戈今句子戟也。或謂之雞鳴。或謂之擁頸。內謂胡以內接柄者也。長四寸。胡六寸。援八寸。鄭司農云。援直刃也。胡其子。已倨則不入。已句則不決。長內

則折前。短內則不疾。戈句兵也。主於胡也。已倨謂胡微直而邪多也。以啄人則不入。已句謂胡曲多也。以啄人則削不決。胡之曲直鋒本必橫而取闔於警折前。謂援也。內長則援短。援短則曲於警折。曲於警折則引之與胡並鉤。內短則

援長。援長則倨於警折。是故倨句外博。博廣也。倨之外胡之裏也。句之外胡之表也。廣其本以除四病而使用也。俗謂之曼胡似此。重三銜。鄭司農云。銜量名也。讀爲刷。玄謂許叔重說文解字云。銜緩也。

今東萊稱或以大半兩爲鈞。十鈞爲環。環重六兩。大半兩。緩銜似同矣。則三銜爲一斤四兩。戟廣寸有半寸。內三之。胡四之。援五之。倨句中矩。與刺重三銜。戟今三鋒

戟也。內長四寸半。胡長六寸。援長七寸半。三鋒者胡直中矩。言正方也。鄭司農云。刺謂援也。玄謂刺者著柶直前如鏃者也。戟胡橫貫之。胡中矩則援之外句警折與。

桃氏爲劍。臘廣二寸有半寸。臘謂兩刃。兩從半之。鄭司農云。謂劍脊兩面殺趨鏐。以其臘廣爲之莖圍。長倍之。鄭司農云。莖謂劍夾。人所握鐔以上也。玄謂莖

在夾中者。莖長五寸。中其莖。設其後。鄭司農云。謂穿之也。玄謂從中以卻稍大之也。後大則於把易制。參分其臘廣。去一以爲首廣。而圍之。首圍其徑一寸。三分寸之二。身

長五其莖長。重九銜。謂之上制。上士服之。身長四其莖長。重七銜。謂之中制。中士服之。身長三其莖長。重

五銜。謂之下制。下士服之。上制長三尺。重三斤十二兩。中制長二尺五寸。重二斤十四兩。三分兩之二。下制長二尺。重二斤一兩。三分兩之一。此今之七首也。人各以其形貌大小帶之。此士謂國勇力之士能用五兵者也。樂記曰。武

王克商禕冕撻笏而虎賁之士說劍

鳧氏爲鍾兩欒謂之鈇

故書樂作樂杜子春云當爲欒書亦或爲欒鈇鍾口兩角

鈇間謂之于于上謂之鼓鼓上謂之鈺鈺上謂之舞

此四名者鍾體

也鄭司農云于鍾唇之上祛也鼓所擊處

舞上謂之甬甬上謂之衡

此二名者鍾柄

鍾縣謂之旋旋蟲謂之幹

旋屬鍾柄所以縣之也鄭司農云旋蟲者旋以蟲爲飾也玄謂今時旋有

蹲熊盤龍辟邪

鍾帶謂之篆篆間謂之枚枚謂之景

帶所以介其名也介在于鼓鈺舞甬衡之間凡四鄭司農云枚鍾乳也玄謂今時鍾乳俠鼓與舞每處有九面三十六

于上之攄謂

之隧攄所擊之處攄幣也隧在鼓中室而生光有似夫隧

十分其鈇去二以爲鈺以其鈺爲之鈇間去二分以爲之鼓間以其鼓間爲之

舞脩去二分以爲舞廣

此言鈺之徑居鈇徑之八而鈇間與鈺之徑相應鼓間又居鈇徑之六與舞脩相應舞脩舞徑也舞上下促以橫爲脩從爲廣舞廣四分今亦去徑之二分以爲之間則舞間之方恆居鈇之四也舞間方四則鼓

間六亦其方也鼓六鈺六舞四此鍾口十者其長十六也鍾之大數以律爲度廣長與間徑假設之耳其鈇之則各隨鍾之制爲長短大小也凡言間者亦爲從篆以介之鈺間亦當六今時鍾或無鈺間

以其鈺之長爲之甬長

也以其甬長爲之圍參分其圍去一以爲衡圍

衡居甬上又小

參分其甬長二在上一在下以設其旋

令衡居一分則參分旋亦

二在上一下以旋當甬之中央是其正

薄厚之所震動清濁之所由出侈弁之所由興有說

說猶意也故書侈作侈鄭司農云當爲侈

鍾已厚則石

大厚則聲不發

已薄則播。大薄則聲散。侈則杵。杵讀爲咋。咋然之咋。聲大外也。弇則鬱。聲不舒揚。長甬則震。鍾掉則聲不正。是故大鍾十分其鼓間，以其一爲之。

厚，小鍾十分其鉦間，以其一爲之厚。言若此則不石不播也。鼓鉦之間同方六，而今宜異，又十分之一，猶大厚，皆非也。若言鼓外鉦外，則近之。鼓外二鉦外一。鍾大而短，則其聲疾

而短聞。淺則躁，躁易竭也。鍾小而長，則其聲舒而遠聞。深則安，安難息。爲遂，六分其厚，以其一爲之深，而圓之。厚，鍾厚，深，謂室之也。其室圓，故

書圓或作園。杜子春云當爲園。

粟氏爲量，改煎金錫則不耗。消凍之精不復減也。與古文或作歷。玄謂量當與鍾鼎同齊，工異者大器。不耗然後權之。權，謂稱分之也。雖異法，用金必齊。權之然後準之。

準，故書或作水。杜子春云當爲水。金器有孔者，水入孔中，則當重也。玄謂準，擊平正之。又當齊大小。準之然後量之。鑄之於法中也。量讀如量人之量。量之以爲黼，深尺，內方尺而圓其

外，其實一黼。以其容爲之名也。四升曰豆，四豆曰區，四區曰黼，黼六斗四升也。黼十則鍾，方尺積千寸。於今粟米法少二升八十一分升之二十二，其數必容黼。此言大方耳。闕其外者爲之聲。其髻一寸，其實一豆。

故書髻作唇。杜子春云當爲髻。謂覆之其底深一寸也。其耳三寸，其實一升。耳在旁，可舉也。重一鈞。重三十斤。其聲中黃鍾之宮。應律之首。槩而不稅。鄭司農云，令百姓得

以量而。其銘曰：時文思安安，允臻其極。銘刻之也。時是也。允，信也。臻，至也。極，中也。言是文德之君，思求可以爲民立法者，而作此量，信至於道之中。嘉量既成，以觀四國。以觀示四方使

放象之。

永啓厥後。茲器維則。永長也。厥其也。茲此也。又長啓道其子孫。使法則此器長用之。

凡鑄金之狀。故書狀作壯。杜子春云。當爲狀。謂鑄金之形狀。

金與錫。黑濁之氣竭。

黃白次之。黃白之氣竭。青白次之。青白之氣竭。青氣次之。然後可鑄也。消涑金錫精麤之候。

段氏闕。

函人爲甲。犀甲七屬。兕甲六屬。合甲五屬。

屬讀如灌注之注。謂上旅下旅札續之數也。革堅者札長。鄭司農云。合甲削革裏肉。但取其表。合以爲甲。

犀甲壽百年。兕甲壽

二百年。合甲壽三百年。革堅者又文久。

凡爲甲。必先爲容。服者之形容也。鄭司農云。容謂象式。

然後制革。裁制札之廣袤。

權其上旅與其下旅。而

重若一。鄭司農云。上旅。謂要以上。下旅。謂要以下。

以其長爲之圍。圍。謂札要廣厚。

凡甲。鍛不摯。則不堅。已敝。則橈。鄭司農云。鍛。鍛革也。摯。謂質也。鍛革大孰。則革敝無強曲橈也。

玄謂摯之言致。

凡察革之道。眡其鑽空。欲其窳也。

鄭司農云。窳。小孔貌。窳讀爲窳。彼北林之窳。

眡其裏。欲其易也。無收。茂也。

眡其朕。欲其直也。鄭司

朕。謂

囊之。欲其約也。鄭司農云。謂卷置囊中也。

春秋傳曰。囊甲而見子南。

舉而眡之。欲其豐也。豐大。

衣之。欲其無齟也。鄭司農云。齟。謂如齟齬。

眡其鑽空

而窳。則革堅也。眡其裏而易。則材更也。眡其朕而直。則制善也。囊之而約。則周也。舉之而豐。則明也。衣之

無斲則變也。周密致也。明有光燿。鄭司農云。更善也。變隨人身便利。

鮑人之事。鮑。故書或作鞫。鄭司農云。蒼頡篇有鞫。望而眡之。欲其茶白也。
章革遠視之當如茅莠之色。進而握之。欲其柔而滑也。謂視手煩擗之。卷而搏

之。欲其無迪也。鄭司農云。卷讀為可卷而懷之之卷。搏讀為縛一如環之縛。謂卷縛章革也。迪讀為既建而迪之之迪。無迪。謂革不驛。眡其著。欲其淺也。鄭司農云。謂郭章革之札入章革淺緣其邊也。玄謂章革

調善者。鋪著之。雖厚如薄然。察其線。欲其藏也。故書線或作綜。杜子春云。綜當為糸旁。泉讀為緇。謂縫革之縷。革欲其茶白而疾。滑之則堅。鄭司農云。章革不欲久居水中。欲其柔

滑而脛。脂之則需。故書需作副。鄭司農云。脛讀如沾濕之濕。謂讀為柔需之需。謂厚脂之。章革柔需。引而信之。欲其直也。信之而直。則取材正也。信之而

枉。則是一方緩一方急也。若苟一方緩一方急。則及其用之也。必自其急者先裂。若苟自急者先裂。則是

以博為棧也。鄭司農云。棧讀為窮。謂以廣為狹也。玄謂窮者如僕淺之僕。或者讀為羊豬淺之淺。卷而搏之而不迪。則厚薄序也。序。舒也。謂其革均也。眡其著而淺。則革

信也。信。無縮緩。察其線而藏。則雖敝不類。類。故書或作鄰。鄭司農云。鄰讀為磨而不磷之磷。謂章革縫縷沒藏於章革中。則雖敝縷不傷也。

鞫人為皐陶。鄭司農云。皐。書或為鞫。皐陶。鼓木也。玄謂鞫者。以皐陶名官也。鞫則陶字從革。長六尺有六寸。左右端廣六寸。中尺。厚三寸。版中廣頭後為穹隆也。鄭司農云。謂鼓木

一判者其兩端廣六寸而其中央廣尺也如此乃得有腹。穹者三之一。鄭司農云穹讀為志無空邪之空謂鼓木腹穹隆者居鼓三之一也。玄謂穹讀如穹蒼之

六寸三分寸之二。加鼓四尺穹之徑六尺六寸三分寸之二也。此鼓合二十版。上三正。鄭司農云謂兩頭一平中央一平也。玄謂三讀當為參。正直也。參直者穹上一直兩端

也。以管鼓。鼓長八尺。鼓四尺。中圍加三之一。謂之鼗鼓。中圍加三之一者加於面之圍以三分之一也。面四尺其圍十二尺。加以三分一四尺則中圍十六尺。徑五尺三寸三分寸之一也。

今亦合二十版。則版穹六寸三分寸之二耳。大鼓謂之鼗。為皐鼓。長尋有四尺。鼓四尺。倨句磬折。以皐鼓鼓役事。磬折中曲之不參正也。中圍與鼗鼓

同以磬折為異。凡冒鼓必以啓蟄之日。啓蟄孟春之中也。蟄蟲始聞雷聲而動。鼓所取象也。冒蒙鼓以革。良鼓瑕如積環。革調愈也。鼓大而短則其聲疾而短

聞。鼓小而長則其聲舒而遠聞。

韋氏闕。

裘氏闕。

畫續之事雜五色。東方謂之青。南方謂之赤。西方謂之白。北方謂之黑。天謂之玄。地謂之黃。青與白相次

也。亦與黑相次也。玄與黃相次也。此言畫績六色所象及布采之第次績以爲衣。青與赤謂之文。赤與白謂之章。白與黑謂之黼。黑

與青謂之黻。五采備謂之繡。此言刺繡采所用繡以爲裳。士以黃。其象方天時變。古人之象無天地也。爲此記者見時有之耳。子家駒曰：天子儆天意亦是也。鄭司農云：天時變謂畫

天隨四時色。火以圓。鄭司農云：爲圓形似火也。山以章。章讀爲獐。獐山物也。在衣。齊人謂麀爲獐。水以龍。龍水物。在衣。鳥獸蛇。所謂華蟲也。在衣。蟲之毛鱗有文采者。雜四

時五色之位以章之。謂之巧。章明也。績繡皆用五采鮮明之是爲巧。凡畫績之事後素功。素白采也。後布之爲其易清汗也。不言繡。繡以絲也。鄭司農說以論語曰：績事後素。

鍾氏染羽。以朱湛丹秫。三月而煖之。鄭司農云：湛漬也。丹秫赤粟。玄謂湛讀如漸車。帷裳之漸熾炊也。羽所以飾旌旗及王后之車。淳而漬之。淳沃也。以炊下湯沃其熾。烝之以漬羽。漬猶染也。

三入爲纁。五入爲緇。七入爲緇。染纁者三入而成。又再染以黑則爲緇。緇今禮俗文作爵。言如爵頭色也。又復再染以黑乃成緇矣。鄭司農說以論語曰：君子不以紺緇飾。又曰：緇衣羔裘。爾雅曰：一染謂之緇。再染謂之纁。

三染謂之纁。詩云：緇衣之宜兮。玄謂此同色耳。染布帛者染人掌之。凡玄色者在緇緇之間。其六入者與

筐人闕。

幄氏涑絲。以澼水漚其絲。七日。去地尺。暴之。故書澼作湄。鄭司農云：湄水溫水也。玄謂澼水以灰所澼水也。漚漸也。楚人曰漚。齊人曰澼。晝暴諸日。夜宿諸井。七

日七夜。是謂水涑。

宿諸井。縣井中。

涑帛。以欄為灰。渥淳其帛。實諸澤器。淫之以蜃。

渥讀如緡人渥菅之渥。以欄木之灰漸釋其帛也。杜子春云。淫當為涅。書亦或為湛。

鄭司農云。澤器謂滑澤之器。蜃謂炭也。土冠禮曰。素積白履。以魁樹之。說曰。魁蛤也。周官亦有白盛之蜃。蜃蛤也。玄謂淫。薄粉之。令帛白。蛤今海旁有焉。

清其灰而盪之。而揮之。

清澄也。於灰澄而出。盪晞之。晞而揮去其蜃。

而

沃之。而盪之。而塗之。而宿之。

更渥。淳之。

明日。沃而盪之。

朝更沃。至夕盪之。又更沃。至旦盪之。亦七日。如漚絲也。

晝暴諸日。夜宿諸井。七日七夜。

是謂水涑。

周禮卷第十二

冬官考工記下

玉人之事。鎮圭尺有二寸。天子守之。命圭九寸。謂之桓圭。公守之。命圭七寸。謂之信圭。侯守之。命圭七寸。

謂之躬圭。伯守之。

命圭者。王所命之圭也。朝覲執焉。居則守之。子守穀璧。男守蒲璧。不言之者。闕耳。故書或云命圭五寸。謂之躬圭。杜子春云。常爲七寸。玄謂五寸者。璧文之闕亂存焉。

天子執冒四寸。以朝

諸侯。

名玉曰冒者。言德能覆蓋天下也。四寸者。方以尊接卑。以小爲貴。

天子用全。上公用龍。侯用瓚。伯用將。

鄭司農云。全。純色也。龍。當爲彪。彪。謂雜色。玄謂全。純玉也。瓚。讀爲鑿。鑿。龍瓚將。皆雜名也。

卑者下尊。以輕重爲差。玉多則重。石多則輕。公侯四玉。一石。伯子男三玉。二石。

繼子男。執皮帛。

謂公之孤也。見禮次子男。贊用束帛。而以豹皮表之爲飾。天子之孤。表帛以虎皮。此說玉及皮帛者。遂言見天子之用贊。

天子圭中

必。

必。讀如鹿車繹之繹。謂以組約其中央。爲執之以備失隊。

四圭尺有二寸。以祀天。

郊天所以禮其神也。典瑞職曰。四圭有邸。以祀天。旅上帝。

大圭長三尺。杼上終葵首。天子

服之。

王所搢大圭也。或謂之瑳。終葵。椎也。爲椎於其杼上。明無所屈也。杼。杼也。相玉書曰。瑳玉六寸。明自炤。

土圭尺有五寸。以致日。以土地。

致日。度景至。不。夏日至之景尺有五寸。冬日至之景丈有三尺。上猶

度也。建邦國。以度其地而制其域。

裸圭尺有二寸。有瓚。以祀廟。

裸之言灌也。或作漦。或作果。裸。謂始獻酌奠也。瓚如盤。其柄用圭。有流前注。

琬圭九寸而縹。以象德。

琬。猶圓也。王使

之瑞節也。諸侯有德，王命賜之。琖圭九寸，判規以除慝，以易行。凡圭琖上寸半，琖圭琖半以上，又半為琖飾。諸侯有為不使者，執琖圭以致命焉。繼藉也。義使者征之，執以為瑞節也。除慝，誅惡逆也。易行，去煩苛。璧

羨度尺，好三寸，以為度。鄭司農云：羨，徑也。好，璧孔也。爾雅曰：肉倍好，謂之璧。好倍肉，謂之瑗。肉好若一，謂之環。玄謂羨猶延，其袤一尺而廣狹焉。圭璧五寸，以祀日月星辰。禮其神也。圭其邸為

豐取殺璧琮九寸，諸侯以享天子。享，獻也。聘禮，享君於上帝。以璧享夫人，以琮穀圭七寸，天子以聘女。納徵，加於束帛。大璋中璋九寸，邊璋七寸。

射四寸，厚寸，黃金勺，青金外，朱中，鼻寸，衡四寸，有纁。天子以巡守，宗祝以前馬。射，琖出者也。勺，故書或作約。杜子春云：當為勺，謂酒尊中勺也。

鄭司農云：鼻，謂勺龍頭鼻也。衡，謂勺柄龍頭也。玄謂鼻，勺流也。凡流皆為龍口也。衡，古文橫，假借字也。衡，謂勺徑也。三璋之勺，形如圭瓚。天子巡守，有事山川，則用灌焉。於大山川，則用大璋，加文飾也。於中山川，用中璋，殺文飾也。於小山川，用邊璋，半文飾也。其祈沈以馬，宗祝亦執勺以先之。禮，王過大山川，則大祝用大璋亦如之。諸侯以聘女。亦納徵加於束帛也。大璋者，以大璋之文飾之也。亦如之者，如邊璋七寸，射四寸。瑑圭璋八

寸，璧琮八寸，以覲聘。瑑，文飾也。覲，視也。聘，問也。衆來曰覲，特來曰聘。聘禮曰：凡四器者，唯其所寶，以聘可也。牙璋中璋七寸，射二寸，厚寸，以起軍旅，以治兵

守。二璋皆有鉏牙之飾於琖側。先言牙璋，有文飾也。駟琮五寸，宗后以為權。駟，讀為組，以組繫之，四名焉。鄭司農云：以為稱錘以起量。大琮十有二寸，射四寸，厚寸，是謂

內鎮，宗后守之。如王之鎮圭也。射其外鉏牙。駟琮七寸，鼻寸，有半寸，天子以為權。鄭司農云：以為權，故有鼻也。兩圭五寸有邸，以祀地，以

旅四望。

邱謂之祗。有邱儼共本也。

瑑琮八寸。諸侯以享夫人。

獻於所朝聘君之夫人也。

案十有二寸。棗栗十有二列。諸侯純九。大夫純

五。夫人以勞諸侯。

純猶皆也。鄭司農云。案。玉案也。夫人。天子夫人。玄謂案。玉飾案也。夫人。王后也。記時諸侯僭稱王。而夫人之號不別。是以同王后於夫人也。玉案十二以爲列。王后勞朝諸侯皆九列。聘大夫皆五列。則十有二列者。勞二王之後也。棗栗實於器。乃加於案。聘禮曰。夫人使下大夫勞以二竹簋。方。玄被纁裏。有蓋。其實棗。烝。虞。擇。無執之以進。璋。邱射素功。以祀山川。以致稍餼。邱射。刻而出也。致稍餼。造賓客。納粟。食也。鄭司農云。素功。無瑑飾也。餼。或

作氣。杜子春云。當爲餼。

璋。邱射素功。以祀山川。以致稍餼。

邱射。刻而出也。致稍餼。造賓客。納粟。食也。鄭司農云。素功。無瑑飾也。餼。或

云。當爲餼。

柳人。闕。

雕人。闕。

磬氏爲磬。倨句一矩有半。

必先度一矩爲句。一矩爲股。而求其弦。既而以一矩有半觸其弦。則磬之倨句也。磬之制有大小。此假矩以定倨句。非用其度耳。

其博爲一。

博。謂股博也。博。廣也。

股爲二。

鼓爲三。參分其股博。去一以爲鼓博。參分其鼓博。以其一爲之厚。

鄭司農云。股。磬之上大者。鼓。其下小者。所當擊者也。玄謂股外面。鼓內面也。假令磬股廣四寸半者。

股長九寸也。鼓廣三寸。長尺三寸半。厚一寸。

已上。則摩其旁。

鄭司農云。磬聲大上。則摩鑿其旁。玄謂大上。聲清也。薄而廣則濁。

已下。則摩其端。

大下。聲濁也。短而厚則清。

矢人爲矢。鏃矢，參分，莛矢，參分一在前，二在後。

參訂之而平者，前有鐵，重也。司弓矢職，弗當爲殺。鄭司農云：一在前謂箭囊中鐵莖居參分殺一以前。

兵矢，田矢，五分

二在前，三在後。鐵差短小也。兵矢，謂枉矢，矢也。此二矢亦可以田田矢，謂矰矢。

殺矢，七分三在前，四在後。鐵又差短小也。司弓矢職，殺當爲莛。

參分其長，而殺其一。

矢囊長三尺，殺其前一尺，令趣鏃也。

五分其長，而羽其一。羽者六寸。

以其筈厚爲之羽深。筈讀爲彙，謂矢幹，古文假借字，厚之數未聞。

水之，以辨其陰陽。

辨，猶正也。陰沈。

而陽浮。

夾其陰陽，以設其比，夾其比，以設其羽。

夾其陰陽者，弓矢比在彙兩旁，弩矢比在上下，設羽於四角。鄭司農云：比，謂括也。

參分其羽，以設其刃。

刃二則

雖有疾風，亦弗之能憚矣。

故書憚或作但。鄭司農云：讀當爲憚，之以威之憚，謂風不能驚憚箭也。

刃長寸圍寸，鋌十之，重三垆。

刃長寸，脫二字，鋌一尺。

前弱則俛。

後弱則翔，中弱則紆，中強則揚，羽豐則遲，羽殺則趨。

言幹羽之病，使矢行不正，俛，低也。翔，迴顧也。紆，曲也。揚，飛也。豐，大也。趨，旁掉也。

是故夾而搖之，以眠

其豐殺之節也。

今人以指夾矢，儻衛是也。

橈之，以眠其鴻殺之稱也。

橈，撓其幹。

凡相筈，欲生而搏，同搏，欲重，同重，節欲疏，同疏。

欲臬。

相，猶擇也。生，謂無瑕蠹也。搏，讀如搏黍之搏，謂圍也。鄭司農云：欲臬，欲其色如臬也。

陶人爲甗，實二鬴，厚半寸，脣寸，盆實二鬴，厚半寸，脣寸，甗實二鬴，厚半寸，脣寸，七穿。

量六斗四升曰甗。鄭司農云：甗無底甗。

鬲

實五穀。厚半寸。脣寸。庾實二穀。厚半寸。脣寸。

鄭司農云。穀讀爲斛。穀實三斗。聘禮記有斛。玄謂豆實三而成穀。則穀受斗二升。庾讀如請益與之庾之庾。

瓶人爲簋。實一穀。崇尺。厚半寸。脣寸。豆實三而成穀。崇尺。

崇高也。豆實四升。

凡陶旗之事。鬻擗。薛暴不入市。

爲其不任用也。

鄭司農云。鬻讀爲刮。薛讀爲樂黃槩之槩。樂讀爲剝。玄謂鬻讀爲閉。鬻頓傷也。薛破裂也。髮墳起不堅致也。

器中膊。豆中縣。

膊讀如車輕之輕。既拊泥而轉其均。對膊其側以健度。端其器也。縣。縣繩正豆之柄。

膊崇四尺。方

四寸。凡器高於此則埤不能相勝。厚於此則火氣不交。因取式焉。

梓人爲筍虬。

樂器所縣。橫曰筍。植曰虬。鄭司農云。筍讀爲竹筍之筍。

天下之大獸五。脂者。膏者。羸者。羽者。鱗者。

脂。牛羊屬。膏。豕屬。羸者。謂虎豹。龍蛇爲獸。淺毛者之屬。羽。鳥屬。鱗。龍

蛇之屬。

宗廟之事。脂者膏者以爲牲。

致美味也。

羸者羽者鱗者以爲筍虬。

貴野聲也。

外骨內骨。卻行仄行。連行紆行。以

脰鳴者。以注鳴者。以旁鳴者。以翼鳴者。以股鳴者。以胷鳴者。謂之小蟲之屬。以爲雕琢。

刻畫祭器。博庶物也。外骨。龜屬。內骨。蟹屬。

卻行。蟻術之屬。仄行。蟹屬。連行。魚屬。紆行。蛇屬。脰鳴。龜屬。注鳴。精列屬。旁鳴。蝸蛇屬。翼鳴。發皇屬。股鳴。蛇蟻動股屬。胸鳴。榮原屬。

厚脣弇口。出目短耳。大胷燿後。大體短脰。若是者謂

之羸屬。恆有力而不能走。其聲大而宏。有力而不能走。則於任重宜。大聲而宏。則於鍾宜。若是者以爲鍾

風。是故擊其所縣而由其虛鳴。

燿讀為啗。頃小也。鄭司農云。宏讀為紘。紘之紘。謂聲音大也。由若也。

銳喙決吻。數目顧脰。小體騫腹。若是者謂之

羽屬。恆無力而輕。其聲清陽而遠聞。無力而輕。則於任輕宜。其聲清陽而遠聞。於磬宜。若是者以為磬。虞

故擊其所縣而由其虛鳴。

吻。口脰也。顧。長脰貌。故書顧或作輓。鄭司農云。輓讀為顧。頭無髮之屬。

小首而長。搏身而鴻。若是者謂之鱗屬。以為筍。

搏。圖

也。鴻。備也。

凡攬網援箬之類。必深其爪。出其目。作其鱗之而。

謂筍虞之獸也。深。猶藏也。作。猶起也。之。而。頰頰也。

深其爪。出其目。作其鱗之而。

則於眡必撥爾而怒。苟撥爾而怒。則於任重宜。且其匪色必似鳴矣。

匪。采貌也。故書撥作廢。匪。作飛。鄭司農云。廢讀為撥。飛讀為匪。以似為發。

爪不深。

目不出。鱗之而不作。則必積爾如委矣。苟積爾如委。則加任焉。則必如將廢措。其匪色必似不鳴矣。

措。猶頓也。

故書措作厝。杜子春云。當為措。

梓人為飲器。勺一升。爵一升。觚三升。獻以爵而酬以觚。一獻而三酬。則一豆矣。

勺。尊升也。觚。豆字聲之。誤。觚當為觶。豆當為斗。

食一

豆肉。飲一豆酒。中人之食也。

一豆酒。又聲之。誤。當為斗。

凡試梓飲器。鄉衡而實不盡。梓師罪之。

鄭司農云。梓師罪也。衡。謂樂衡也。曲禮執君器齊衡。玄謂衡平。

也。平爵鄉口。酒不盡。則梓人之長罪於梓人焉。

梓人為侯。廣與崇方。參分其廣。而鵠居一焉。

崇。高也。方。猶等也。高廣等者。謂侯中也。天子射禮。以九為節。侯道九十弓。二寸。以為侯中。高廣等。則天子侯中丈八尺。諸侯於其國亦然。鵠所射也。以

皮為之。各如其侯也。居侯中參分之一。則此鵠方六尺。唯大射以皮飾侯。大射者。將祭之射也。其餘有賓射燕射。

上兩個。與其身三。下兩個。半之。

鄭司農云。兩個。謂布可以維持侯者也。上方兩枚。與身三。設身廣一丈。兩

个。各一丈。凡為三丈。下兩個半之。傅地。故短也。玄謂个。讀若齊人擲幹之幹。上。个。下。个。皆謂舌也。身。躬也。鄉射禮記曰。倍中以為躬。倍躬以為左右。舌。下。舌。半。上。舌。然則九節之侯。身三丈六尺。上。个。七丈二尺。下。个。五丈四尺。其制。身夾中。个。夾身。在上下各一幅。此侯。凡用布

三十六丈。書上。个。與其身三者。明身居一分。上。个。倍之。耳。亦為下。个。半。上。个。出也。个。或謂之舌者。取其出而左右也。侯制。上。廣。下。狹。蓋取象於人也。張臂八尺。張足六尺。是取象率焉。

上綱與下綱出舌尋。緝寸焉。

綱。所以繫

侯於植者也。上下皆出舌一尋者。亦人張手之節也。鄭司農云。綱。連侯繩也。緝。籠綱者。緝。讀為竹中皮之緝。舌。維持侯者。

張皮侯而棲鵠。則春以功。

皮侯。以皮所飾之侯。司裘職曰。王大射。則共虎侯。熊侯。豹侯。設其鵠。謂此侯也。

春。讀為蠶。蠶。作也。出也。天子將祭。必與諸侯羣臣射。以作其容體。出其合於禮樂者。與之事鬼神焉。

張五采之侯。則遠國屬。

五采之侯。謂以五采畫正之侯也。射人職曰。以射法治射儀。主以六耦射三侯。三獲。三容。樂以驪虞九節。五正。

下曰。若王大射。則以狸步張三侯。明此五正之侯。非大射之侯。明矣。其職又曰。諸侯在朝。則皆北面。遠國屬者。若諸侯朝會。王張此侯。與之射。所謂賓射也。正之。方。外。如。鵠。內。二。尺。五。采。者。內。朱。白。次之。蒼。次之。黃。次之。黑。次之。其侯之飾。又以五采畫雲氣焉。

張獸

侯。則王以息燕。獸。獸。畫獸之侯也。鄉射記曰。凡侯。天子熊侯。白質。諸侯麋侯。赤質。大夫布侯。畫以虎豹。士布侯。畫以鹿豕。凡畫者。丹質。是獸侯之差也。息者。休農息老物也。燕。謂勞使臣若與羣臣飲酒而射。祭侯之禮。以酒

肺醢。謂司馬實爵而獻獲者于侯。薦肺醢折俎獲者執以祭侯。其辭曰。惟若寧侯。若猶女也。寧安也。謂先有功德其鬼有神。毋或若女不寧侯。不屬于王所。故抗而射

女。或有也。若如也。屬猶朝會也。抗舉也。張也。強欲強食。詒女曾孫諸侯百福。詒遺也。曾孫諸侯謂女後世為諸侯者。

廬人為廬器。戈楛六尺有六寸。戈長尋有四尺。車戟常酋矛常有四尺。夷矛三尋。楛猶柄也。八尺曰尋。倍尋曰常。酋夷長短名。酋之言道也。

曾近夷長矣。凡兵無過三其身。過三其身弗能用也。而無已。又以害人。人長八尺。與尋齊。進退之度三尋。用兵力之極也。而無已。不徒止耳。故攻國之兵

欲短。守國之兵欲長。攻國之人衆。行地遠。食飲飢。且涉山林之阻。是故兵欲短。守國之人寡。食飲飽。行地

不遠。且不涉山林之阻。是故兵欲長。言罷廬宜短兵。壯健宜長兵。凡兵。句兵欲無彈。刺兵欲無蝟。是故句兵。稗。刺兵。搏。句兵。

戈戟屬。刺兵。矛屬。故書彈。或作但。蝟。鄭司農云。但讀為彈。丸之彈。彈謂掉也。籍讀為情。色之悄悄。謂機也。稗讀為鼓。擊之擊。玄謂蝟亦掉也。謂若井中蟲蝟之蝟。齊人謂柯斧柄為稗。則稗。陪圍也。搏。圍也。穀兵同強。舉圍欲細。細

則校。刺兵同強。舉圍欲重。重欲傳人。傳人則密。是故侵之。改句言設容。及無刃同強。上下同也。舉謂手所操。鄭司農云。校讀為絞。而婉之。絞。重欲傳人。謂矛柄之大者在人手中者。

侵之。能敵也。玄謂校。疾也。傳。近也。密。審也。正也。人手操細以敵。則疾。操重以刺。則正。然則為矜。句兵。擊者在後。刺兵。擊者在前。凡為戈。五分其長。以其一為之被。而圍之。叁分其圍。去

一以爲晉園五分其晉園去一以爲首園凡爲晉牙參分其長二在前一在後而圍之五分其圍去一以

爲晉園參分其晉園去一以爲刺園

被把中也園之圍之也大小未聞凡矜八觚鄭司農云晉謂矛戟下銅鑄也刺謂矛刃胸也玄謂晉讀如王摯大圭之摯矜所捷也首爰上鑄也爲戈戟之矜所圍如爰夷矛

如晉凡試廬事置而搖之以眡其娟也灸諸牆以眡其橈之均也橫而搖之以眡其勁也

置猶對也灸猶註也以柱兩牆之間輒而

內之本末勝負可也也正於牆牆疊六建既備車不反覆謂之國工

六建五兵與人也反覆猶軒輞

匠人建國

立王國若邦國者

水地以縣

於四角立植而縣以水望其高下高下既定乃爲位而平地

置槩以縣眡以景

故書槩或作弋杜子春云槩當爲弋讀爲杙玄謂槩古文臬假借字於所平之

地中央樹八尺之臬以縣正之眡之以其景將以正四方也爾雅曰在牆者謂之杙在地者謂之臬

爲規識日出之景與日入之景

日出日入之景其端則東西正也又爲規以識之者爲其難審也自日出而畫其景端以

至日入既則爲規測景兩端之內規之規之交乃審也度兩交之間中屈之以指臬則南北正

晝參諸日中之景夜考之極星以正朝夕

日中之景最短者也極星謂北辰

匠人營國方九里旁三門

營謂丈尺其大小天子十二門通十二子

國中九經九緯經涂九軌

國中城內也經緯謂涂也經緯之涂皆容方九軌軌謂轍廣乘車六尺六寸旁加七寸凡

八尺是爲轍廣九軌積七十二尺則此涂十二步也旁加七寸者輻內二寸半輻廣三寸半纒三分寸之二金轄之間三分寸之一

左祖右社面朝後市

王宮所居也祖宗廟面猶鄉也王宮當中經之涂也

市朝一夫

方各百步。夏后氏世室。堂修二七。廣四修一。世室者宗廟也。魯廟有世室。牲有白牡。此用先王之禮。修。南北之深也。五室。三四

步。四三尺。堂上爲五室。象五行也。三四步。室方也。四三尺。以益廣也。木室於東北。火室於東南。金室於西南。水室於西。北其方皆三步。其廣益之以三尺。土室於中央。方四步。其廣益之以四尺。此五室居堂。南北六丈。東西七丈。九階。南面三

二。四旁兩夾窻。窻。助戶爲明。每室四戶。八窻。白盛。蜃灰也。盛之言成也。以蜃灰壅牆。所以飾成宮室。門堂三之二。門堂。門側之堂。取數於正堂。令堂如上制。則門堂南北九步二尺。東西十一步四尺。爾雅曰。門

側之堂。謂之塾。室三之一。兩室與門。各居一分。般人重屋。堂脩七尋。堂崇二尺。四阿重屋。重屋者。王宮正堂若大寢也。其修七尋。五丈六尺。放夏。周則其廣九尋。七丈二尺也。五室各二

尋。崇高也。四阿。若今四注屋。重屋。複簷也。周人明堂。度九尺之筵。東西九筵。南北七筵。堂崇一筵。五室。凡室二筵。明堂者。明政教之堂。周度以筵。亦王者相

改。周堂高九尺。殿三尺。則夏一尺矣。相參之數。禹卑宮室。謂此一尺之堂與。此三者。或舉宗廟。或舉王寢。或舉明堂。互言之。以明其同制。室中度以几。堂上度以筵。宮中度以尋。野度以步。

度以軌。周文者。各因物宜爲之。數室中。舉謂四壁之內。廟門容大。局七个。大。局。牛鼎之局。長三尺。每局爲一個。七个。二丈一尺。闈門容小。局參个。廟中之門曰闈。小局。踰鼎之局。長二尺。參个。六尺。

路門不容乘車之五个。路門者。大寢之門。乘車廣六尺六寸。五个。三丈三尺。言不容者。是兩門乃容之。兩門乃容之。則此門半之。丈六尺五寸。應門二徹。參个。正朝謂之應門。謂朝門也。二徹之內八尺。三个

二丈。內有九室。九嬪居之。外有九室。九卿朝焉。內。路寢之裏也。外。路門之表也。九室。如今朝堂。諸曹治事處。九嬪。掌婦學之法。以教九御。六卿。三孤。爲九卿。九分其國。以爲

四尺。

九分九卿治之。九分其國分國之職也。三孤佐三公論道六卿治六官之屬。王宮門阿之制五雉。宮隅之制七雉。城隅之制九雉。

阿棟也。宮隅城隅謂角浮

思也。雉長三丈高一丈。度高以高度廣以廣。

經涂九軌。環涂七軌。野涂五軌。

廣狹之差也。故書環或作輦。杜子春云當為環。環涂謂環城之道。

門阿之制以爲都城之制。

都四百里外距五百里。王子弟所封。其城隅高五丈。宮隅門阿皆三丈。

宮隅之制以爲諸侯之城制。

諸侯畿以外也。其城隅制高七丈。宮隅門阿皆五丈。禮器曰天子諸侯臺門。

環涂以爲諸侯

經涂野涂以爲都經涂。

經亦謂城中道。諸侯環涂五軌。其野涂及都環涂野涂皆三軌。

匠人爲溝洫。

主通利田間之水道。

耜廣五寸。二耜爲耦。一耦之伐。廣尺深尺。謂之畝。田首倍之。廣二尺。深二尺。謂之

遂。

古者耜一金。兩人併發之。其壟中曰畝。畝上曰伐。伐之言發也。畝畎也。今之耜岐頭兩金。象古之耦也。田一夫之所佃百畝。方百步地。遂者夫間小溝。遂上亦有徑。

九夫爲井。井間廣四尺。深四尺。謂之溝。

方十里爲成。成間廣八尺。深八尺。謂之洫。方百里爲同。同間廣二尋。深二仞。謂之澮。

此畿內采地之制。九夫爲井。井者方一里。九夫所治。

之田也。采地制井田。異於鄉遂及公邑。三夫爲屋。屋具也。一井之中。三屋九夫。三三相具。以出賦稅。共治溝也。方十里爲成。成中容一甸。甸方八里。出田稅。綠邊一里。治洫。方百里爲同。同中容四部。六十四成。方八十里。出田稅。綠邊十里。治澮。采地者在三百里。四百里。五里之中。載師職曰。園廛二十而一。近郊什一。遠郊二十而三。甸稍縣都皆無過十二。謂田稅也。皆就夫稅之輕近重遠耳。滕文公問爲國於孟子。孟子曰。夏后氏五十而貢。殷人七十而助。周人百畝而徹。其實皆什一。徹者。徹也。助者。藉也。龍子曰。治地莫善於助。莫不善於貢。

貫者。校數歲之中以爲常。文公又問井田。孟子曰。請野。九一而助。國中什一使自賦。鄉以下必有圭田。圭田五十畝。餘夫二十五畝。死徙無出鄉。鄉田同井。出入相友。守望相助。疾病相扶持。則百姓親睦。方里而井。九百畝。其中爲公田。八家皆私百畝。同養公田。公事畢。然後治私事。所以別野人也。又曰。詩云。雨我公田。遂及我私。惟助爲有公田。由此觀之。雖周亦助也。魯哀公問於有若曰。年饑。用不足。如之何。有若對曰。盍徹與。曰。吾猶不足。如之何其徹也。春秋宣十五年。秋。初稅畝。傳曰。非禮也。穀出不過藉。以豐財也。此數者。世人謂之錯。而疑焉。以載師職及司馬法論之。周制畿內用夏之貢法。稅夫無公田。以詩。春秋論語。孟子論之。周制邦國用殷之助法。制公田不稅。夫貢者。自治其所受田。貢其稅。穀助者。借民之力以治公田。又使收斂焉。畿內用貢法者。鄉遂及公邑之更。旦夕從民事。爲其促之。以公使不得恤其私。邦國用助法者。諸侯專一國之政。爲其貪暴。稅民無藝。周之畿內。稅有輕重。諸侯謂之徹者。通其率以什一爲正。孟子云。野九夫而稅一國。中什一。是邦國亦異外內之法耳。圭之言珪。繫也。周謂之士田。鄭司農說以春秋傳曰。有田一成。又曰。列國一同。專

達於川。各載其名。達。猶至也。謂漕直至於川。復無所注入。載以名者。識水所從出。

凡天下之地。執兩山之間。必有川焉。大川之上。必有涂焉。通其壅塞。

凡溝逆地防。謂之不行。水屬不理。孫謂之不行。溝。謂造溝。防。謂脈理。屬讀爲注。孫順也。不行。謂決盜也。禹鑿龍門。播九河。爲此逆防與不理孫也。

梢溝三十里。而廣

倍。謂不墾地之溝也。鄭司農云。梢讀爲桑螵蛸。之蝻。蝻謂水漱齧之溝。故三十里而廣倍。

凡行奠水。磬折以參伍。坎爲弓輪。水行欲紆曲也。鄭司農云。奠讀爲停。謂行停水溝。形當如磬。直行三折。行五以引水者。疾焉。

凡溝必因水。執防必因地。執善溝者。水漱之。善防者。水淫之。漱。猶齧也。鄭司農云。淫讀爲厭。謂水

爲淵。則旬於矩。大曲則流轉。流轉則其下成淵。

欲

淤泥土留著。助之爲厚。玄謂淫讀爲淫液之淫。

凡爲防。廣與崇方。其綱參分去一。崇。高也。方。猶等也。綱者。薄其上。

大防外綱。又薄其上。厚其下。

凡溝防。必一日先

凡溝防。必一日先

凡溝防。必一日先

凡溝防。必一日先

凡溝防。必一日先

凡溝防。必一日先

凡溝防。必一日先

深之以爲式。程人功也。溝防。爲溝爲防也。里爲式。然後可以傳衆力。里讀爲已。聲之誤也。凡任索約。大汲其版。謂之無任。故書汲作沒。鄭子春云當爲汲。

玄謂約。縮也。汲。引也。築防者。牆者。以繩縮其版。大引之。言版機也。版機。築之則鼓。土不堅矣。詩云。其繩則直。縮版以載。又曰。約之格格。櫨之橐橐。各分其修。以一爲峻。葺屋參分。瓦屋四分。其二爲峻。困窳倉城。逆牆

六分。逆猶卻也。築此四者。六分其高。卻一分以爲潤。圍圍倉穿地曰窳。堂涂十有二分。謂階前。若今令辟。祿也。分其督旁之修。以一分爲峻也。爾雅曰。堂涂謂之陳。竇其崇三尺。宮中水道。牆厚三

尺。崇三之。高厚以是爲率。足以相勝。

車人之事。半矩謂之宣。矩。法也。所法者人也。人長八尺。而大節三頭也。腹也。脛也。以三通率之。則矩二尺六寸三分寸之二。頭髮皓落曰宣。半矩尺三寸三分寸之一。人頭之長也。柯。櫨之木。頭取名焉。易巽爲宣髮。一宣有

半謂之櫨。櫨。斲斤柄。長二尺。爾雅曰。句櫨謂之定。一櫨有半謂之柯。伐木之柯。柄長三尺。詩云。伐柯伐柯。其則不遠。鄭司農云。蒼頡篇有柯櫨。一柯有半謂之磬折。人帶以下四尺五寸。

磬折立則上侷。玉藻曰。三分帶下。紳居二焉。紳長三尺。

車人爲耒。庇長尺有一寸。中直者三尺有三寸。上句者二尺有二寸。鄭司農云。耒謂耕耒。庇讀爲其類有疵之疵。謂耒下歧。玄謂庇讀爲棘刺之刺。耒下前曲接

紐。自其庇緣其外。以至於首。以弦其內。六尺有六寸。與步相中也。緣外六尺有六寸。內弦六尺。應一步之尺。數耕者以田器爲度。宜耜異材不在數中。墜地

欲直底。柔地欲句底。直底則利推。句底則利發。倨句磬折。謂之中地。中地之末。其底與直者如磬折。則調矣。調則弦六尺。

車人為車。柯長三尺。博三寸。厚一寸有半。五分其長。以其一為之首。首六寸。謂今剛關頭斧。柯其柄也。鄭司農云。柯長三尺。謂斧柯。因以為度。轂長半

柯。其圍一柯有半。大車轂徑尺五寸。輻長一柯有半。其博三寸。厚三之一。輻厚一寸也。故書博或作搏。杜子春云當為博。渠二柯者二。渠二丈七尺。謂閭也。

其徑九尺。鄭司農云。渠謂車轆。所謂牙。行澤者欲短轂。行山者欲長轂。短轂則利。長轂則安。澤泥苦其大。山險苦其大動。行澤者反輶。行山者仄

輶。反輶則易。仄輶則完。故書仄為側。鄭司農云。反輶。謂輪輶。反其木裏。需者在外。澤地多泥。柔也。側當為仄。山地剛多沙石。玄謂反輶為泥之黏。欲得心在外。滑仄輶為沙石破碎之欲得表裏相依堅刃。六分其輪

崇。以其一為之牙圍。輪高。輪徑也。牙圍尺五寸。柏車轂長一柯。其圍二柯。其輻一柯。其渠二柯者二。五分其輪崇。以其

一為之牙圍。柏車。山車。輪高六尺。牙圍尺二寸。大車崇二柯。綆寸。牝服二柯有參分柯之二。大車。平地載任之車。轂長半柯者也。綆。輪第。牝服長八尺。謂較也。鄭司農云。牝服謂

車箱。服讀為負。羊車二柯有參分柯之一。鄭司農云。羊車。謂車羊門也。玄謂羊善也。善車若今定張車。較長七尺。柏軍二柯。較六尺也。柏車輪崇六尺。其綆大牛寸。凡為輶。三其輪

崇。參分其長。二在前。一在後。以鑿其鉤。徹廣六尺。兩長六尺。鄭司農云。鉤。鉤心。謂轅端。厭牛領者。

弓人爲弓。取六材必以其時。取幹以冬。取角以秋。絲漆以夏。筋膠未聞。

六材既聚。巧者和之。

聚。猶具也。幹也者。以爲遠也。角也者。以爲

疾也。筋也者。以爲深也。膠也者。以爲和也。絲也者。以爲固也。漆也者。以爲受霜露也。

六材之力。相得而足。

凡取幹之

道七。柘爲上。櫪次之。檟桑次之。橘次之。木瓜次之。荆次之。竹爲下。

鄭司農云。櫪讀爲億萬之億。爾雅曰。柘。櫪。又曰。檟桑。山桑。國語曰。檟弧箕箛。

凡相幹。

欲赤黑而陽聲。赤黑則鄉心。陽聲則遠根。

陽猶清也。木之類近根者奴。

凡析幹射遠者用執。射深者用直。

鄭司農云。執。謂形。執假令木性自曲。

則當反其曲以爲弓。故曰審曲面執。玄謂曲執則宜薄。薄則力少。直則可厚。厚則力多。

居幹之道。菑稟不弛。則弓不發。

鄭司農云。菑讀爲不菑而菑之菑。稟讀爲榛栗之栗。謂以鋸副析幹。弛讀爲倚移從風之移。謂邪行。

絕理絕理者。弓發之所從起。玄謂栗讀爲裂繻之裂。

凡相角。秋綱者厚。春綱者薄。釋牛之角直而澤。老牛之角糝而昔。

鄭司農云。糝讀爲糝縛之糝。昔讀爲交錯之錯。

謂牛角物理錯也。玄謂昔讀履錯然之錯。

疾。疾險中。

牛有久病。則角裏傷。

瘠牛之角無澤。

少潤氣。

角欲青白而豐末。

豐大也。夫角之本。蹙於剗而休於

氣。是故柔柔。故欲其執也。白也者。執之徵也。

蹙近也。休讀爲煦。鄭司農云。欲其形之自曲。反以爲弓。玄謂色白則執。

夫角之中。恆當弓之畏。畏也者

必橈。橈。故欲其堅也。青也者。堅之徵也。

故書畏或作威。杜子春云。當爲威。威。謂弓淵角之中央。與淵相當。玄謂畏讀如秦師入隈之隈。

夫角之末。遠於剗而不休於

氣是故脰。脰故欲其柔也。豐末也者。柔之徵也。

末之大者。割氣及煦之。

角長二尺有五寸。三色不失理。謂之牛戴牛。

三色。本白。中青。末豐。鄭司農云。牛戴牛角直一牛。

凡相膠。欲朱色而昔。昔也者。深瑕而澤。紵而搏廉。

搏。闔也。廉。瑕。嚴利也。

鹿膠青白。馬膠赤白。牛膠

火赤。鼠膠黑。魚膠削。犀膠黃。

皆謂煮用其皮。或用角。餌色如餌。

凡昵之類不能方。

鄭司農云。謂膠善戾。故書昵。或作織。杜子春云。織讀為不義。不昵之昵。或為翹。翹。粘也。玄謂。權脂膏。腫敗之腫。

腫亦粘也。

凡相筋。欲小簡而長。大結而澤。小簡而長。大結而澤。則其為獸必剽。以為弓。則豈異於其獸。

剽。疾也。鄭司農云。簡

讀為攔。登。牌之攔。玄謂讀如簡。札之簡。謂筋條也。

筋欲敵之敵。

鄭司農云。嚼之當執。

漆欲測。

鄭司農云。測。讀為惻。隱之惻。玄謂測。讀如測度之測。測。猶清也。

絲欲沈。

如在水。中時色。

得此六材之全。

然後可以為良。

全無瑕病。良善也。

凡為弓。冬析幹而春液角。夏治筋。秋合三材。

三材。膠。絲。漆。鄭司農云。液。讀為辟。

寒奠體。

奠。讀為定。至冬膠。堅內之。繫中。

定。往來體。冰析瀾。

大寒中。下於繫中。復內之。冬析幹則易。

理。滑致。

春液角則合。

合。讀為治。

夏治筋則不煩。

煩。亂。

秋合三材則合。

合。堅密也。

體則張不流。

流。猶移也。

冰析瀾則審環。

審。猶定也。

春被弦則一年之事。

葦。歲乃可用。

析幹必倫。

順。其理也。

析角無邪。

亦正之。

斲目必

茶。鄭司農云。茶。讀為紆。舒徐也。目。幹節目。

斲目不茶。則及其大脩也。筋代之受病。

修。猶久也。

夫目也者。必強。強者在內而摩其筋。夫

筋之所由轡恆由此作。摩猶隱也。故書筋或作薊。鄭司農云。當為筋。轡讀為車轡之轡。玄謂轡絕起也。故角三液而幹再液。重釋治之。使相稱。厚其絮則木堅薄其

絮則需。需謂不充滿。鄭司農云。絮讀為需。有衣絮之絮。絮謂弓中裨。是故厚其液而節其絮。厚猶多也。節猶適也。約之不皆約。疏數必侷。不皆約。纏之織不相侷。大也。皆約則弓絮侷。

猶均也。斲摯必中膠之必均。斲之言致也。中猶均也。斲摯不中膠之不均則及其大脩也。角代之受病。夫懷膠於內而摩

其角。夫角之所由挫恆由此作。幹不均則角蹴折也。凡居角長者以次需。當弓之隈也。長短各稱其幹。短者居簫。恆角而短是謂逆橈。引之

則縱釋之則不校。鄭司農云。恆讀為繫。繩之繩。玄謂恆讀為拖。拖竟也。竟其角而短于淵。幹引之角縱不用力。若欲反橈然。校疾也。既不用力。放之又疾。恆角而達譬如終緹。非弓之利也。

達謂長於淵。幹若達於簫頭。緹弓。角過淵接則送矢不疾。若見繼於秘矣。弓有秘者為發。發時備頓傷。詩云竹秘緹。今夫菱解中有變焉。故校。鄭司農云。菱讀為激發之激。菱謂弓繫也。校讀為絞而婉之絞。玄謂菱讀如齊人名。

手足擊為發之發。菱解謂接中也。變謂簫臂用力異。校疾也。於挺臂中有柎焉。故剽。挺直也。柎側骨。剽亦疾也。鄭司農云。剽讀為湖澤絮之漂。恆角而達引如終緹。非弓之利。重明

達角之不利。變臂言引字之誤。搖幹欲孰於火而無羸。搖角欲孰於火而無燂。引筋欲盡而無傷其力。嚮膠欲孰而水火相

得。然則居旱亦不動。居濕亦不動。羸過執也。燂炙爛也。不動者謂弓也。故書燂或作朕。鄭司農云。字從燂。苟有賤工。必因角幹之濕以為之柔。善者

在外動者在內雖善於外必動於內雖善亦弗可以為良矣。苟偷也濕猶生也。凡為弓方其峻而高其柎長其畏

而薄其敵宛之無已應。宛謂引之也引之不休止常應弦言不罷需也峻謂籥也鄭司農云敵讀為蔽塞之蔽謂弓人所握持者。下柎之弓末應將興。末猶籥也興猶動也發也弓柎卑籥應弦則柎

將動為柎而發必動於綱。綱接中弓而羽綱末應將發。羽讀為屈屈緩也接中動則緩籥應弦則角幹將發弓有六材焉維幹強之張如流

水。無難易也維體防之引之中參。體謂內之於繫中定其體防深淺所止謂體定張之弦居一尺引之又二尺維角寔之欲宛而無負弦引之如環釋之無

失體如環。負弦辟戾也負弦則不如環如環亦謂無難易鄭司農云堂讀如掌距之掌車掌之掌材美工巧為之時謂之參均角不勝幹幹不勝筋謂之參

均量其力有三均均者三謂之九和。有三讀為又參量其力又參均者謂若幹勝一石加角而勝二石被筋而勝三石引之中三尺假令弓力勝三石引之中三尺弛其弦以繩緩擗之每加物一石則張一尺故

九和之弓角與幹權筋三侷膠三綬絲三邸漆三剡上工以有餘下工以不足。書勝或作稱鄭司農云當言稱謂之不參均玄謂不勝無負也

為天子之弓合九而成規為諸侯之弓合七而成規大夫之弓合五而成規士之弓合三而成規。材良則句少也

規士之弓合三而成規。材良則句少也弓長六尺有六寸謂之上制上士服之弓長六尺有三寸謂之中制中士

服之弓長六尺。謂之下制。下士服之。人各以其形貌大小服此弓。凡爲弓，各因其君之躬，志慮血氣。又隨其人之情性。豐肉而短。

寬緩以茶。若是者爲之危弓。危弓爲之安矢。骨直以立，忿執以奔。若是者爲之安弓。安弓爲之危矢。言損

不足。危，奔猶疾也。骨直，謂強毅。茶，古文舒。假借字。鄭司農云：茶讀爲舒。其人安，其弓安，其矢安，則莫能以速中，且不深。故書速或作數。鄭司農云：字從速。速疾也。三舒不能疾而中，言矢行短也。

中又不深。其人危，其弓危，其矢危，則莫能以愿中。愿，慤也。三疾不能慤而中。言矢行長也。長，謂過去。往體多，來體寡，謂之夾與之屬。利射

侯與弋。射遠者用執，夾與之弓，合五而成規。侯非必遠，願執弓者材必滿，薄則弱，弱則矢不深中。侯不落，大夫士射侯，矢落不獲，弋繳射也。故書與作其，杜子春云：當爲與。往體寡，來體多，謂之王弓之屬。利

射革與質。射深者用直，此又直焉。於射堅宜也。王弓合九而成規，弧弓亦然。革，謂干盾質。木，楛。天子射侯亦用此弓。大射曰：中離維綱，揚觸柎復，君則釋獲，其餘則否。往體來體若一，謂之唐弓之屬。

利射深。射深用直，唐弓合七而成規。大弓亦然。春秋傳曰：盜竊寶玉大弓。大和無濇，其次筋角皆有濇而深，其次有濇而疏，其次角無濇。大和，利者也。

深，謂濇在中央，兩邊無也。角無濇，謂隈裏。合濇若背手文。弓表裏濇合處，若人合手背文。相應。鄭司農云：如人手背文理。角環濇，牛筋蕢濇，麋筋斥蠖濇。蕢，泉質也。斥，蠖，屈蟲也。和弓

敲摩。和，猶調也。敲，拂也。將用弓，必先調之，拂之，摩之。大射禮曰：小射正授弓，大射正以袂順左右隈，上再下一。覆之而角至，謂之句弓。句於三體材敝惡，不用之弓也。覆，猶察也。謂用射而察之，至猶善也。但角善，則矢雖疾而

不能遠。覆之而幹至。謂之侯弓。

射侯之弓也。幹又善則矢疾而遠。

覆之而筋至。謂之深弓。

射深之弓也。筋又善則矢既疾而遠又深。

重雕嘉靖本按宋周禮札記序

鄭氏之學。惟三禮爲最精。三禮之注。惟鄭氏爲最善。向來三禮鄭注本合刻者。以十六行十七字本爲佳。相傳爲嘉靖本是也。若宋時三禮合刻之本。世鮮傳焉。禮記有撫州本。儀禮有嚴州本。皆覆雕行世。周禮獨缺如。余竊病焉。向聞萬卷堂余氏有單注本。在余友顧抱冲家。未及借按。近於同郡故藏書家見有紹興開集古堂董氏雕本。後爲壽松堂蔣氏收得。遂假歸按勘。多所取正。因思刻以傳世。奈字體細小。兼多破體。取爲家塾課本。有所未宜。舊藏嘉靖本。字大說目。頗宜老眼。末有經注字數。其出宋本無疑。仿此開雕。行款悉遵。而幅式稍狹。於經注訛舛之字。悉按宋刻正之。董本爲主。此外參以家藏之岳本。蜀大字本。又借諸家之小字本。互注本。按余氏本。集腋成裘。以期美備。至於嘉靖本之獨勝於各本者。其佳處不敢以他本易之。存其舊也。此刻係按宋本。非覆宋本。故改字特多。然必注明以何本改定。非妄作也。若字之

可疑者仍之。而於校語中標出。守闕疑之義也。刊成之日。附校語一卷。以俟讀是書者取證焉。嘉慶戊寅

孟冬。吳郡黃丕烈識。

天官上 董本 互注本

序官庖人注。裹肉曰苞。

裹誤在曲禮注云苞宜裹魚肉今據正董本裹

醢人注。豆不盡于醢也。

于於古今字。經用古字。當作于。注用今字。當作於。本書往往錯互。今但更定經文。而注中未及

悉行訂正。識其體例於此。

大宰注。六曰聽取予以書契。

契誤契董本契今訂正

注。周召毛聃。

聃誤聃釋文乃甘反字從耳董本聃今訂正

注。繫連綴也。

連本作聯聯古

字。連今字。注用今字。當作連。本書注中作聯甚多。今悉訂正。

注。樛幹栝柏。

幹誤幹冬官荆之幹注。荆州貢樛栝栝栝。此條與上一條誤例。

注。以時入于玉府。

玉誤王。此舉澤虞經文。今據正。

注。大神

祇。祇誤祇。本書神祇字多誤。作祇敬字。董本祇。今訂正。

小宰經。贊玉幣爵之事。

玉誤王。案大宰職經文。贊玉幣爵之事。彼注云。玉幣所以禮神。玉與幣各如其方之色。此注云。從大宰助王下不更解玉幣者。以有解在前也。

此當作玉爲是。岳珂沿革例謂當作王。是惑於注中助王之文而忘大宰經文矣。董本作玉。今訂正。

宰夫注。歲終目周季冬。

此句又見大司徒注。目皆誤自。案目者。指目之辭。按勸記引浦鐘說。非是。董本日。今據正。

宮

正注。官府之在宮中者。

官誤宮。今依經文訂正。

注。奇邪譎觚非常。

邪。本作衰。注用今字。多作邪。此錯出。今訂正。後誤不悉著。

膳夫注。水漿醴醕醬醢。

醫

醫案酒正注云從
殿從酉今訂正

庖人注。饋與臠物成而充。

辨誤樂今依經文
訂正互注本處

甸師注。然後燂蕭合馨香。

燂誤構互注
本燂今訂正

腊人

注。肺非豆實。

非誤芋董本非
互注同今訂正

注。主人亦一魚。

此下誤空三格董
本不空今訂正

天官下

董本 互注本

疾醫注。五藏所出氣也。

藏誤臧俗字下注不
誤董本藏今訂正

瘍醫注。癰而上生創者。

癰壞作癰
今訂正

獸醫注。灌以緩之。

緩誤緩形
近董本緩

今據

酒正注。又禮器曰。

又下空一格董本
不空互注本同

漿人注。若糗飯雜水也。

飯誤飲董本
飯今據正

籩人注。鮑者於糗室中糗乾

之。

鮑誤飽今依
經文訂正

注。未食未飲。

下未誤未
今訂正

醢人經。弗菹麇醢。

麇誤麇
今訂正

注。皆以拍為膊。

拍誤柏董本
拍今據正

注。少儀曰。麇鹿

為菹。又

麇為辟雞。麇誤誤易今據少儀經文訂
正少儀麇字作麇董本作麇

鹽人注。不凍治。

凍誤凍董本凍今訂正
下凍治者凍治之誤同

注。鬻水為鹽。

鬻誤鬻互注
本鬻今訂正

掌舍注。故書椳為柜。

柜誤拒互注本柜
今訂正下誤同

掌次注。祭天於圓丘。

丘誤兵
今訂正

注。朝日祀五帝。

祀誤祝今訂
正注不誤

注。樞上承塵。上

小案幕人注。帝坐上承塵。又帝
在樞上。今訂正董本上互注同

大府注。占賣國之斥幣。

幣誤幣案大宰九賦注幣
餘占賣國之斥幣今據正

玉府注。敦槃類。

槃誤盤下注仍作
槃董本槃今訂正

外府經凡祭祀

祀誤祝與掌次經文誤同今訂正

注其字以齊次為聲

齊誤齋董本齊今訂正

職幣注後言振財互文

文誤之本書注屢言互文今訂正

經以書楊之

楊誤揭本書多作楊董本楊今訂正注誤同

司裘注又方制之以為羣

羣誤羣互注本羣今訂正

內宰注吏祿稟也

稟誤廩祿稟字從稟倉廩字從廩今

訂正注贊后薦玉齋

齋誤齋今訂正

典絲注計會傳著之

傳誤傳本書注多言傳著今訂正

縫人注故書翠柳作接櫛

櫛誤擗董本櫛今據正下注誤

同追師注為之飾

飾誤飾今訂正

屨人注屨自明矣

自按勘記云當作日

夏采注夏后氏之綬

綬誤綬明堂位注云綬當作綬字之誤是經文夏后氏之綬作

綬明矣

注故書亦多作綬者

綬誤綬今訂正

地官上

董本岳本互注本

序官牧人注何養何笠

養誤養岳本養今訂正

質人注主平定物賈

賈誤價俗字胥師注定物賈司市注物有定賈今據正岳本賈

稟女人稟注稟讀

為犒師之犒

稟皆誤稟案此枯稟字非禾稟字稟上聲司農讀犒去聲稟犒古今字說詳漢讀考岳本作稟今訂正

大司徒注育生也

育本作毓此亦當注用今字岳本育今訂正

經使之相

葬葬誤葬鄉師注謂葬下棺族師經以相葬埋誤同今訂正

注調當為糾

糾誤糾下經糾萬民脩法糾職誤同今訂正

注防姦私

姦誤姦俗字岳本姦今訂正後誤不悉著

注目周季冬

誤同天官說見前

小司徒經以辨其貴賤老幼癘疾。

此卷辨盡作辯。餘亦辨辯錯出。案辯通作偏。曲禮云辯殺是也。又癘疾字與廢與字有別。此癘字本作廢。岳本作辨作癘。今據正。

經。凡起徒役毋

過家一人。

毋誤母。今訂正。

鄉師注。艱阨饑乏也。

艱。本作難。此亦當注用今字。下遺人注。艱阨猶困乏。仍作艱。今據正。

州長注。二千五百家爲州。

百誤伯。本書千百字。

皆作百。不作伯。今訂正。

黨正注。以四孟之月朔日讀法者。

法誤滂。此亦當注用今字。岳本。今訂正。後誤不悉著。

經。以歲時涖校比。

漢讀考云。校字當從手旁。

族

師注。杜子春。

子誤于。今訂正。

鼓人注。形如小鍾。

鍾。誤鐘。上編鍾不誤。董本。鍾。今訂正。

注。鐸大鈴也。

大誤夫。董本。大。岳本同。今據正。

注。帙列五采。繪爲之。

帙。誤。

鞞。今依經文訂正。

舞師注。書或爲翌。

翌。誤翌。說文。從羽。王聲。今訂正。漢讀考云。此翌字當與上皇舞互易。

牧人注。謂副宰候禳。

宰。誤羣。今訂正。

牛人經。軍事共

其槁牛。

槁。誤稿。今訂正。說見序官。稟人。

地官下

董本。岳本。互注本。

載師注。亦以口受田如此。

按。勘記云。此當作比。釋文。方二反。賈疏云。如正夫之比。可證。下如此。則士工商仍當作此。

注。故書漆林爲柰林。

柰。誤黍。岳本。今訂正。

注。而置場

有瓜。

場。誤場。岳本。今訂正。

遺人注。故書艱阨作權阨。

按。勘記云。權當作權。互注本。據下注同。

司救注。園士。

上誤士。岳本。今訂正。

調人經。主友

之讎。既從父兄弟。主誤王董本。王岳本同。今訂正。司市注。百族。族誤族。今訂正。經。各于其地之敘。敘誤叙。今訂正。泉府注。物楬而書之。楬誤

同天官職。注。元謂抵實抵字。抵誤抵。今依經。文訂正。岳本抵。司門注。造猶至也。造誤告。岳本。造。今訂正。司關注。參相連。連誤聯。說見前。注。饑荒

也。饑誤飢。飢是飢餓字。非饑饉字。今訂正。注。謂無租稅猶苛察。猶誤循。今訂正。注。做關。做本作叩字。岳本。做董本同。今據正。掌節注。玉節之制如王爲之。王誤玉案。今訂正。

如王。亦如王用玉也。賈疏可證。此涉上而誤。今訂正。遂人注。無知貌也。貌本作兒。岳本。貌。今訂正。遂師注。禮記或作樽。樽誤樽。岳本。樽。案。樽。極車也。今訂正。注。抱磨。磨誤磨。今訂正。

下注。遂大夫注。政令戒禁。政誤致。岳本。政。注。皆脩封疆。疆誤疆。今訂正。鄙師經。而察其媿惡。媿誤微。今訂正。董本。媿。岳本同。鄰長經。徙于

他邑。徙誤徒。岳本。徙。今據正。稻人經。夏以水殄草而芟蕘之。蕘。注。作夷。經。文當誤加草。山虞注。而校其耳。校。字案亦當從手旁。迹人注。且害

心多也。心誤必。賈疏謂害心多釋毒。矢射。董本。心。岳本同。今據正。角人注。骨入漆垸者。垸。誤說。文。垸。以黍和灰丸而鬻也。從土。完聲。灰者。謂骨灰也。春官巾車注。讀爲黍垸之黍。今據正。掌染草

注。豕首。首。誤目。豕首見爾雅釋草。董本。首。岳本同。今據正。廩人注。讀爲一扱再祭之扱。一。誤壹。注亦當用今字。今訂正。藁人。藁。誤藁。說見序官。經。掌麥祭祀之

犬。岳本連上。此誤提行。注。不於饜人言者。者。誤其。岳本。者。今據正。

春官上 董本 岳本 互注本

序官司尊彝注言為尊之法正 董本正 岳本也 大師注無目眈謂之瞽 眈董本岳本俱作朕釋文朕又作眈或作朕玉篇朕與瞽同瞽瞽同字案朕字見公羊文七年傳朕晉大

夫使與公盟疏 二誤一董本二岳本同按 占人經史二人 勸記云作一誤今訂正 凡以神士者 士經作仕旄人職凡四方之以舞仕者亦不作士漢讀考云作士者從石經 大

宗伯注目吉禮於上 日誤自案此日字當與冬官斡人注日下事日車持任之材同今訂正 注親謂使之相親附 謂誤者上注謂親者服焉下注謂威其不協是其例也董本謂岳本同今據正 注

蓋以四鎮之山為瑑飾 瑑誤琢案禮器郊特性大圭不琢注琢當為篆篆瑑同字是鄭君以瑑易琢明不從琢矣董本瑑岳本同今據正下注誤同 注出接賓曰擯 本書擯價錯出 肆師注

果築鬻 鬻誤鬻今依經文訂正 鬻人注百二十貫為築 為字當衍築字下屬 鬻人注故書瓢作剽 瓢誤剽董本瓢岳本同今據正 注照臨弊邑 弊誤

幣董本弊 今訂正 注王至尊以介為執致之 執誤鬻董本執岳本同今據正岳本無以字案當衍 司尊彝注加用璧角 璧誤辟岳本璧今訂正 天府注奉猶

送也 奉誤秦注中此句屢見皆不誤岳本奉今訂正 典瑞注鎮圭尺有二寸 圭誤王案冬官玉人鎮圭尺有二寸今據正董本圭岳本同 注瑑有圻鄂瑑起 上瑑亦誤瑑董本瑑岳本

同今訂正圻誤沂岳本圻 注口徑二尺 二董本一岳本同 注以求地中 以誤所今依大司徒經文訂正岳本以董本誤同 注諭告之也 諭誤喻案道右諭命于從車懷方氏諭德

延譽。擇人注。論說諸侯。大行人。論諸侯之志。注。論言語。皆作論。不作喻。今訂正。

內宗注。及命婦哭位。位誤王。岳本。位今據正。

春官下。董本。岳本。互注本。

大司樂注。朔月月半。上月誤日。禮祭義。朔月月半。岳本月今訂正。

樂師注。盲者。盲誤育。今訂正。

小胥注。鄭司農說以春秋傳曰。說誤云。今訂正。謂祝

注。大師注。而辰在姬訾。姬誤陬。爾雅。姬訾之口。岳本。歟。今訂正。

注。無射長四寸六千五百。五誤王。岳本。五今訂正。注。嫌於媚諛。諛誤謔。岳本。諛今訂正。

小師注。今大予樂官。予誤子。今訂正。

典同注。讀為甄濯之甄。濯。岳本。本耀。注。叩之無聲。叩誤扣。董本。叩。岳本同。今訂正。

鍾師注。繁遏執

儻也。儻誤僿。今訂正。

典庸器注。設筥虞。筥誤荀。今依經文訂正。

篳氏注。故謂之樵。樵。董本。樵。岳本同。漢讀考云。作樵是。

眠侵注。象者如赤鳥

也。鳥誤烏。大卜注。引傳作鳥。大史注同。岳本。鳥。今訂正。

大祝注。無絕筋。筋。誤筋。岳本。筋。今訂正。注。謂犧牲皆有名號。謂誤為。岳本。謂。今訂正。

注。雞曰翰音。梁曰

香苾。雞誤鷄。梁誤。梁。今訂正。

小祝經。侯禳禱祠之祝號。祠。誤祀。本書禱祠。屢見。岳本。祠。今訂正。

注。賴末長終幅。賴。誤賴。岳本。植。今訂正。司常注。誤同。注。故以旗識

之。案。檀弓。以下有其字。董本。岳本。有此當脫。釋文重識字。無其字。

甸祝注。禱氣執之十百。執。誤執。岳本。執。今訂正。

巾車經。一曰玉路錫。錫。誤錫。岳本。錫。今訂正。下錫面誤同。注。

以鹿夏皮爲覆筥。筥誤筥上注作筥。岳本筥今訂正。注。鳴鈴以和之。鈴誤鈴今依經。文訂正岳本鈴。注。聲日驚衆。日誤且互注。本且今訂正。典足注。雞鳴而

鷓。雞誤鷓。今訂正。車僕注。闕車所用補闕之車也。上闕誤闕岳本闕今訂正。注。五者之制及萃數。萃誤萃岳本萃今訂正。此注有脫訛漢讀考詳之。

夏官上。黃本岳本小字本互注本。

序官掌固注。王公設險。設誤誤岳本設小字本同今訂正。稟人注。讀爲芻稟之稟。箭幹謂之稟。稟皆誤稟漢讀考云司農讀稟爲稟蓋經作稟從木同地官稟人而

司農易爲稟從禾也。今據正。校人注。校之爲言校也。主馬者必仍校視之。漢讀考云言校校視二校字皆當從手同地官黨正。檀人注。主擇序王意。

王誤主岳本王小字本同今訂正。大司馬注。書亦或爲憚。憚誤憚漢讀考云司農讀壇爲憚以書有作憚者也案本書注云書亦或爲者不易讀爲讀從之字前後注文可證今訂正。注。入曰振旅。旅

振岳本旅小字本同今訂正。注。治徒庶之政令。庶誤度今據地官經文訂正岳本庶小字本同。注。無干車。車誤軍秋官士師注無干車今據正岳本車小字本同。注。以簿書校錄。簿誤簿岳本簿

小字本同。注。皆上卿爲軍將者也。上卿誤止鄉董本上小字本同岳本卿今據正。注。鼓一闕。車一轉。徒一刺。一皆誤壹今訂正。注。枚如箸。箸誤著今訂正。

司權注。陶冶。冶誤治。今訂正。注。伏在戊上。戊誤戊岳本戊今訂正。服不氏注。舉皮以東。東誤東岳本東小字本同今訂正。

夏官下 董本 岳本 小字本 互注本

大僕注。窆讀如慶封汜祭之汜。窆誤送。今訂正。

弁師注。而貫五采玉。五誤玉。今依經文訂正。岳本五小字本同。

司弓矢注。守城車戰。戰誤

載。今依經文訂正。注。庫矢。庫誤痺。涉下而誤。今依經文訂正。

橐人注。皆在橐人。又橐人藏之。二橐字皆誤。漢讀考云。字從禾。從其所易之字。今據正。

大馭注。

軌爲範。軌誤執。岳本軌。小字本同。今訂正。

齊僕注。車逆拜辱。逆誤送。今依司儀訂正。岳本逆。小字本互注本同。

校人注。相土作乘馬。土誤土。岳本土。互注本同。今訂正。小字本

土案古土。土不別。圜師注。故字。漢讀考云。字當作書。

職方氏經。其川燹雒。燹誤燹。燹字從三火。岳本燹。小字本同。今訂正。注誤同。

秋官上 董本 蜀大字本

序官雍氏注。非謂燒所芟草。漢讀考云。非字當衍。

赤友氏。友誤友。今訂正。

銜枚氏注。爲之繯結於項。蜀本無之字。

大司寇注。

王耄荒。耄。蜀本耗。董本同。漢讀考云。當作旄。注。取其堅也。蜀本無也字。

注。大廟之內。大誤太。蜀本大。今訂正。

小司寇注。孤從羣臣卿大夫。按勘記云。卿當

作鄉。賈疏有釋語。

注。鄭司農云。讀書則用法。司誤可。今訂正。

注。大數民之衆寡。寡誤窳。今訂正。

注。奉猶進也。猶誤酒。今訂正。

注。其實鑊水。實誤時。此

覆舉經文。今訂正。按勘記有說。
士師注。其物可言者。物。擿作輻。注。比其類也。比當是此之誤。蜀本董本亦俱作比。注。謂增其沃汁。汁。擿作汁。遂士

注。二人而分主一遂。而誤其蜀本。而董本同。今訂正。鄉士注。四人而分主三鄉。方士注。四人而主一方。可證。縣士注。亦謂縣士也。蜀本無也字。朝士注。五曰路

門。曰誤門。蜀本。曰。今訂正。注。然則外朝在庫門之外。朝誤廟。蜀本。朝。今訂正。注。加責取息坐臧。責誤貴。案司厲注。盜賊臧。加責沒入縣官。今據正。司刑注。姦軌

盜攘。軌誤軌。今訂正。注。此二千五百罪之目略也。目字壞。今據蜀本補。職金注。作槍雷椎擗之屬。擗。蜀本擗。今訂正。司厲注。盜賊臧。臧。誤俗。

字。朝士注。取息坐臧。今據正。
掌戮經。髡者使守積。說文。髡。鬚髮也。從髡。俗字。漢書刑法志作完。今訂正。

秋官下。董本。蜀大字本。

禁殺戮注。攘猶卻也。卻誤卻。今訂正。下。卻獄同。蜡氏注。曲禮。禮下當有曰字。此脫。雍氏注。穿地為塹。塹。誤漸。蜀本。塹。今訂正。司寤注。若今

甲乙至戊。戊誤作戊。說詳漢讀考。條狼氏注。若今卒辟車之為也。蜀本今下有時字。董本無。冥氏經。以靈鼓殿之。殿。誤歐。蜀本。歐。今訂正。下。歐。誤同。

宍氏。宍誤宍。今訂正。翬氏注。則倚其腳。腳。誤脚。今訂正。柞氏經。令刊陽木而火之。而誤以。今訂正。赤友氏。誤同序官。蜀本友。今訂正。大行

人注。親以禮見之。蜀本親上有王字。注。又攝酌璋瓚而裸。璋誤主旁。今訂正。注。賓主之間。主誤王。今訂正。注。者欲不同。蜀本作嗜慾。注。是因

通言語之官為象筮。蜀本無是字。注。謂謂象之有才知者也。蜀本無知字。注。孟子曰諸侯有王。此左氏莊二十三年傳文。孟子誤。小行人注引不誤。

小行人注。視館致館也。視本作眡。注當用今字。今訂正。注。致館於賓。館誤館。今訂正。後誤不悉著。注。告其所為來之事。其誤之。蜀本其董闕鈔補同。今訂正。

稟當為犒。稟誤稟。今訂正。經。每國辨異之。辨誤辨。蜀本辨。今訂正。司儀注。冬禮月四瀆。蜀本月下。有與字。注。西面北上。面誤南。蜀本面。今訂正。注。推

手小下之也。蜀本無之字。注。是南宮縉之行也。是誤自。今據大戴禮文。訂正。蜀本是董鈔補同。注。推手小舉之。舉字漫滅。今據蜀本補。注。車逆拜辱者。逆誤

迎。今依經文訂正。注。立當車軹也。蜀本無也字。經。致殮。殮誤殮。今訂正。後誤不悉著。注。私面私覲也。蜀本無下私字。注。鄭司農說私面。說上本有云字。衍文。今訂刪。

注。賓主之前卻。卻誤却。今訂正。掌客經。再問皆脩。脩誤修。岳本脩。今訂正。後誤不悉著。注。稻梁器也。梁誤梁。蜀本梁。今訂正。下黍梁誤同。注。禾稟實并刈者

也。稟誤稟。今訂正。注。十宮曰稷。稷誤稷。今訂正。下誤同。掌訝經。賓入館。館誤館。今訂正。朝大夫注。主其國治。國治誤倒。此覆舉經文。今訂正。

冬官上。董本。宋單注本。余仁仲本。

粵無鍾注。其鍾斯搆。

搆誤搆。余本搆。釋文出斯搆字。今訂正。

注。故書筭為筭。又注。筭常為筭。

二筭字。石經作筭。漢讀考云。可正筭字之誤。

注。讀為臺。謂箭

臺。臺誤臺。此未覓字。引伸為矢幹字。今訂正。

經。陶瓶。

瓶誤瓶。說文。從瓦。方聲。各本皆誤。今訂正。

注。鄭司農云。輪輿弓廬匠車梓。

宋單注本。司農下有云字。岳本。董闕鈔補本同。此脫。今據補。

輪

人注。蓄與爪不相侷。

爪誤爪。今訂正。

經。而漆其二。注。漆者不漆者。

漆誤漆。今訂正。下經注誤同。

注。鄭司農云。讀容上屬。

云字當衍。

注。元

謂容者。

漢讀考云。容下當有穀字。

注。讀殺幅之數也。

之誤內。單注本之。董鈔補同。今訂正。

輪人為蓋經。參分弓長而揉其一。

揉誤揉。單注本。揉。此與揉幅。揉牙同。今訂正。

轉人注。伏兔至軌。

軌誤軌。今訂正。下濟不至軌誤同。

攻金之工。

石經提行。

築氏注。鄭司農云。

云誤大。單注本云。董鈔補同。今訂正。

冶氏注。箭足

入橐中。橐誤橐。今訂正。

桃氏注。人所握鐔以上也。

鐔誤鐔。今訂正。

梟氏注。今衡居一分。

按勘記云。今當作令。

韡人注。鞫則陶字

從革。按勘記云。賈疏述注。則作即儀禮大射疏同。

注。今亦合二十版。

二十下誤衍四字。宋單注本無。董鈔補同。今訂正。

幌氏經。是謂水凍。

凍誤凍。今訂正。

冬官下

董本。宋單注本。余仁仲本。

玉人注。肉好者一謂之環。

環誤闕。今據爾雅文訂。正。單注本。環。董本同。

注。而廣狹焉。

棟壞作俠。余本。俠。單注本同。今訂正。

注。元謂鼻勺流也。

鼻誤鼻。今訂正。

注。烝

擧。虞誤。壞字。今訂正。

矢人注。謂箭橐中鐵莖。

虞誤。莖。下同。今訂正。

注。令趣鏃也。

令誤。今單注。本。今訂正。

梓人經。苟積爾如委。

積。誤。賴。今依上文訂。

正。單注本。積。董本同。

匠人經。經涂九軌。

軌。誤。軌。今訂正。注。誤。同。下。經。誤。亦。同。

匠人爲溝洫注。洫上曰伐。

漢讀考云。上當作土。

注。其實皆什一。

什。誤。十。董本什。

今訂正。注。方里而井九百畝。

井字當重。董本有。

注。年饑。

饑。誤。飢。今訂正。

注。則鼓士不堅矣。

土。誤。上。今訂正。

車人之事注。擗斲斤柄。

斤。董本木。

車人爲車注。故書博或作搏。搏。誤。搏。釋文。徒丸反。今訂正。

弓人經。漆欲測。

漆。誤。漆。今訂正。

經。鬻膠欲孰。

鬻。誤。鬻。余本。鬻。今訂正。

經。漆三斛。

漆。誤。漆。今訂正。

